
	311319 -
	311320
I	St. Druki Mag

THEOLOGIA.

~~N. 1170 & 1171.~~





311319-311320

I St. Druki

XI. e. 23.

XXIV. 6. 30





D

I.

II.

III.

IV.

DE BAPTISMO AQVÆ
Disputatio

FAUSTI SOCINI SENENSIS.

Cui accesserunt Ejusdem Fausti Socini

- I. Responsiones ad priores & posteriores notas A. D. in Disputat. de Baptismo.
- II. Responsio ad M. C. Notas in Appendice libri ipsius de Pædobaptismo.
- III. Epistolæ duæ de baptismi negotio ad quosdam.



*Ex libris Jacobi Siemieniski a Siemo
Palatini Podolia*

RACOVIAE,
Typis Sebastiani Sternacii.

1613.

311319

I St. Dr

D
A

C
del
vic
nu
un
fra
ipf
dis
Ch
nan
Qu
cul
vit
ner
bis
ad
Sari
ver
in
run
nim

DE BAPTISMO AQUÆ.
An homini Christiano aquæ bap-
tismo carere liceat,
DISPUTATIO.

P R Æ F A T I O.

CV M præsentem Ecclesiæ statum multis
de causis omnes vehementer miserari
debemus, tum illud maximè deplorandum
videtur, quod tot tantaque propter opinio-
num diversitatem discidia in ipsa conspici-
untur, dum pauci sunt, qui pro Christianis
fratribus eos planè agnoscere velint, qui ab
ipsis in re vel minima, quæ controversa sit,
dissentiant, multò autem pauciores, qui ad
Christianum hominem constituendum, quæ-
nam omnino requirantur, probè teneant.
Quod consilium, atque ignoratio eò magis
culpanda est, quod non aliùde, quàm ex pra-
vitate mentis, & charitatis defectu origi-
nem ducit. Ac de tota quidem re aliàs à no-
bis, Deo volente, disputabitur, cùm ea, quæ
ad salutem æternam consequendam neces-
saria sunt, particulatim explicabimus. Nunc
verò, quoniam inter cætera, quæ maximam
in Ecclesia discordiarum occasionem dede-
runt, baptismus aquæ externus, si rectè a-
nimadvertatur, primum locum obtinere di-

Præfatio

ei potest, de eo nominatim separato hoc li-
 bello, antequam majus illud opus aggredi-
 ar, agendum existimavi, præsertim cum qui-
 busdam ex iis ipsis, qui mecum non senti-
 unt, optimis alioqui & eruditissimis viris
 me rem non ingratham facturum, sciam.
 Mirum est sanè, quãtas turbas ritus iste hac-
 tenus dederit, & posthac nisi Deus ipse mira
 aliqua ratione tanto malo occurrat, daturus
 sit, Evangelii que cursum remoraturus. Hic
 ait, infantes omnino baptisari debere, ille
 planè negat, & alter alterum tanquam non
 modo Christi institutum aliquod singulare,
 sed universam ejus religionem pervertentem,
 rejicit prorsus, atque abominatur. Hic
 censet eos, qui à ministris Christi IESU no-
 men profitentibus aquæ baptismo aliquo in
 nomine Patris & Filii & Spiritus sancti, sive
 in nomine Iesu Christi tincti fuerint, sat ri-
 tè baptizatos esse, ille verò nisi à veris Chri-
 sti ministris, omnibus superstitionibus &
 humanis additamentis rejectis, pura aqua
 fuerint abluti, seu quoquo modo resperfi,
 vel nullo pacto, vel perperam baptisatos esse
 affirmat. Quo fit, ut hic illum anabaptis-
 tam, id est ad verbum, rebaptisatorem, vel
 potius catabaptisam, hoc est submersorem,
 seu baptisami eversorem, contumeliosè ap-
 pellet, & diris quodammodo devoveat, ille
 verò vicissim hunc despiciat, & pro adulte-
 ringo

Fausti Socini.

3
rino aut certè non satis legitimo fratre ha-
beat. Ita miserè scinditur Ecclesia, seu, ut
verius dicam, foedissimè laceratur, dum non
modo alteri ab alteris penitus dividuntur:
sed paucissimi sunt, qui vel hisce altercatio-
nibus implicati, vel non exiguam pietatis
partem in ritibus istis, & eiusmodi aliis re-
bus, contineri statuentes, à vera pietate in-
terim non desciscant, & ab ipso Christo tan-
dem separentur. Mitto non verbis tantùm,
ut dictum est; sed factis quoque ad mortem
usque infectationes, mitto ipsas fratrum
suorum per pietatis speciem caedes, ac lani-
enas. Hæc enim non omnibus communia:
sed propria quorundam esse constat. Atqui
nihil horum esset, nisi persuasissimum om-
nibus hæctenus fuisset, baptismum aquæ ex-
ternum ita à Christo, ejusque Apostolis in-
stitutum & præceptum fuisse, ut nemo pror-
sus sit, qui eo vel neglecto, vel non ritè sus-
cepto, meritò Christianus appellari possit.
Quod certè non persuasum modò: sed pla-
nè compertum iis potissimum esse debebat,
qui hac ætate nostra ejusce ritus tantum-
causa à cæteris secessionem aut jam fecerūt,
aut facere sunt parati, ne aliter, quàm coacti
eò devenisse viderentur, unde animus Chri-
stianus, id est, concordia & pacis amantissi-
mus & studiosissimus, quantum in ipso est,
quàm longissimè semper abesse debet. Id

verò ut ita factum fuerit, sanè vereor. Nam omnia Evangelistarum & Apostolorum scripta diligentissimè perquirens, nusquam nec apertis verbis baptismum aquæ externum omnibus in perpetuum, qui Christiani esse velint, per æquè præceptum esse invenio, nec aliquid dictum ex quo eam sententiã elici omnino debere, aut posse, appareat. Quod ut Ecclesia ipsa dijudicare possit, statui eos omnes locos primum accuratè expendere, in quibus præcepti illius vel species quidem aliqua, aut vestigium extare videatur, deinde verò rationes exponere, quæcunq; præceptum illud datum fuisse cuipiam fortassis persuadere queant, easq; ita examinare, ut, si qua ex illis à nobis prætermissa fuerit, possit quilibet, ex iis, quæ dicentur, quid de ea statuendum sit, intelligere. Magnum quoddam opus, haud ignoro, moliri videbimur, qui hac ratione terrenæ aquæ baptismo Christianum hominem carere, eoq; abstinere posse, demonstrare aggrediamur, nosq; ipsos cõpluriũ conviciis, & maledictis obiciem. Sed non propterea veritas suppressenda est, quæ à nobis, ut spero, multò aptius & meliùs, quàm à quibusdam, qui eã ipsi nondũ planè sunt assecuti, fortassis antehac tentatum fuit, in lucẽ prolata, nihil prorsus mali, sive recepta fuerit, sive non, parere posse videtur: sed tantummodò multum boni, ubi

bi fuerit recepta, omninò paritura eſt, concordiam ſcilicet ſaltem & pacem, atq; adeò perfectam conjunctionem inter eos, qui alioqui ſe invicem pro Chriſti diſcipulis proque veris fratribus agnoſcunt. Vnde quantum ipſius Chriſti, & Dei gloriæ, quantum hominum ſaluti acceſſurum ſit, nemo facilè dixerit. Faxit idem Deus & Chriſtus, ut hic qualiscunq; labor noſter, quemadmodum hoc ipſo duntaxat divinæ gloriæ, & humanæ ſalutis amplificandæ ſtudio ſuſceptus eſt, ſic nobiliſſimum iſtum, quem ſibi propoſuit, ſcopum, aliquando tandem attingat.

CAPUT I.

PRIMUS locus, qui ab ipſo Mattheo, & deinceps Evangelistarum & Apoſtolorum ſcripta repetentibus ſeſe nobis excutendum offert, in quo baptiſmus aquæ externus omnibus in perpetuum, ſub nova Teſtamento, per aquæ præceptus eſſe videatur, eſt apud Mat. cap. 3. v. 15. ubi Ieſus Chriſtus Iohanni ipſum baptizare quodammodo derectanti, ſic ait, Sine modo, ſic enim decet nos implere omnem juſtitiam. Ex quibus Ieſu verbis ſatis conſtare videtur, baptiſmum aquæ externum ex Dei decreta omnibus per aquæ ſuſcipiendum fuiſſe, cum ipſemet Ieſus, ut eo ringeretur, nec eſſe haberet, nec deberet Iohannes ipſum ab il-

lo prohibere, si omnem justitiam implere volebant, id est ea facere, quæ ut fierent, à Deo mandatum erat.

Hunc locum nihil continere ejus, quod queritur, non uno modo ni fallor perspicuè ostendi potest. Primum enim ex eo, quod a Deo Iohanni, & ipsi Iesu mandatum fuerit, illi ut baptizaret, huic ut baptizaretur, non continuo sequitur omnibus per eundem mandatum fuisse, ut à Iohanne baptizarentur. Nequæ enim Iesus idcirco baptizari debuit à Iohanne, quod ipse quoque mandato aliquo Dei generali comprehenderetur. Siquidem Iohannis baptismus erat baptismus pœnitentiæ, Marco, Luca, Pauloque testibus. Nam & ipse Iohannes se baptizare in aqua in pœnitentiam affirmabat. Mat. 3. Iesus autem ut pote innocentissimus, nulla pœnitentia indigebat. Quocirca concludendum est, cum Christus baptizandus inquit, Sic decet nos implere omnem justitiam, sive pronomine illo, Nos, & numero plurali utens, non seipsum tantum, sed Iohannem quoque intelligeret, sive de se solo loqueretur (id quod factum est etiam alibi, ut videre est, Ioh. cap. 3. 11.) non ad mandatum aliquod Dei generale, quo ipse quoque comprehenderetur eum respexisse: sed vel ad singulare præceptum & decretum patris, quo ipse à Iohanne baptizari iuberetur, quodque ipse sub omni justitiae nomine complecteretur, vel ad id, quod aliqui tamen valde consentaneum esset, quemadmodum verbum decet, videtur ostendere, atque interim omni justitiae nomine ea omnia intelligeret, quæ populus

puus divinitus jussus erat facere. Certum est enim
 populam generatim, quippe qui generatim pœni-
 tentia, & remissione peccatorum egeret, ex Deo
 ipsius voluntate ab Iohanne, qui ad aqua baptizan-
 dum ab eo missus fuerat, aqua baptizari debuisse.
 Cur autem vel Deus ut Christus omnino baptizare-
 tur jufferit, vel certè id ipse Christus valde alioqui
 consentaneum esse existimaverit, cum hæc inquisi-
 tio nec inutilis, nec sanè admodum ardua videatur,
 infra commodiore loco differemus. Adde, quod non
 satis esset generale Dei mandatum extitisse (verbis
 gratia) ut omnes prorsus, qui in Israël's repub: cen-
 sebantur, quive sub lege nati erant, à Iohanne ba-
 ptizarentur, quo mandato & ipse Christus compre-
 hensus fuisset, nisi etiam constaret idem de gentibus
 quæ Dei populus fieri debebant, fuisse decretum, idq;
 ad omnem posteritatem in perpetuum pertinuisse.
 Quod certè ex Christi verbis illis nullo pacto consta-
 re posset. Sed nec ulla unquam ratione ostenderetur,
 cum nemo Iohanni in baptizandi munere successor
 datus à Deo fuerit, nedum hodie inveniantur, qui
 viri illius ea in re successores agnosci debeant, adeo
 ut præceptum de Iohanne datum intelligatur, & qui
 ab ipsis baptizatus fuerit, se à Iohanne, quemadmo-
 dum mandatum illud postulasset, baptizatum fuisse
 merito affirmare possit. Præterea, etiamsi concederetur,
 ex Christi verbis Iohanni respondentis, omni-
 nò colligi mandatum Dei extitisse, ut peræquè om-
 nes tam Gentes, quàm Iudea in perpetuum eo ba-
 ptismo, quo Iohannes baptizabat, tingerentur, ni-

CAP. II. De Bapt. aquæ

8

hil hoc tamen ad præsentem disputationem faceret, cum Iohannis baptismus non sit idem cum eo, quem Christum & Apostolos instituisse, & præcepisse volunt, & quo si quis semel tinctus fuerit, non opus est, ut iterum, sive eodem illo, sive alio quopiam tingatur, qui deniq; Christianorum proprius esse creditur, de quo nos agimus. Quod ita se habere, postea demonstrabitur. Quare iam satis arbitror, perspicuum est, locum istum, istave Christi verba, ne indicare quidem baptismum aquæ externum à Christo & Apostolis, ut creditur, institutum, à nemine qui Christianus iure nominari velit, negligi aut prætermitti debere.

CAPUT II.

SEQUITUR locus ille insignis apud eundem Mattheum ad finem postremi capitis. Vbi ita scriptum est: Et accedens IESUS locutus est eis, (undecim discipulis) dicens: Data est mihi omnis potestas in cælo, & in terra. Euntes ergo docete omnes gentes baptizantes eos in nomine (vel potius in nomen) Patris, & Filii, & Spiritus sancti, docentes eos servare omnia, quæ mandavi vobis. Et ecce ego vobiscum sum omnibus diebus usque ad consummationem seculi,

In his Iesu Christi verbis disertè jubentur Apostoli baptizare, & quidem omnes gentes postquam docta fuerint. Quis ergo negare poterit, mandatum fuisse

fuisse à Christo, ut quicumq; ipsius disciplinam amplectatur, simul etiam baptizetur? Certè cum uno verborum contextu, & doceri omnes gentes & baptizari jubeat, si baptismum omitti posse velimus, Evangelii quoq; prædicatio omitti poterit. Quod cum absurdissimum censeri debeat, illud etiam planè absurdum censendum est. Constat autem præceptum istud baptizandi Apostolis datum, ad alios, qui ipsis deinceps in Evangelio ministrando successerint, similiter pertinere, vel ex eo, quod ejusmodi Apostolorum successores tanquam ipsi Apostoli hoc eodem loco habentur. Neq; enim cum ipsismet Apostolis usq; ad seculi consummationem se futurum dicere voluit Christus, & tamen inquit eis, Ecce ego vobiscum sum, &c. nempe ipsorum nomine eorum quoq; successores manifestè intelligens. Ex quibus omnibus efficitur perpetuum esse mandatum istud baptizandi, & ob eam causam, neminem, qui se Christi discipulum, sive hodie, sive in posterum, dum præsens seculum durabit, profiteri velit, baptismi expertem sua sponte esse debere. Hac breviter sunt, quæ ex hoc loco ad baptismum aquæ ita asserendum, ut à nullo homine Christiano negligi possit, elicienda videntur. De quibus diligenter inspiciendum fuerit.

In duas autem partes disputatio hæc distribuenda est. In quarum priore concedemus, Dominum Iesum in illis verbis de baptismo aquæ præceptum dedisse, nec tamen omnes Christianos eo præcepto generi ostendemus. In altera, de aquæ baptismo e-

um locutum non fuisse, demonstrare conabimur.

Demus igitur, ut priorem disputationis partem exequi aggrediamur, Christum in verbis illis Apostolis suis mandasse, ut aqua baptizarent, hocq̃ mandatam non ipsis tantum Apostolis, sed omnibus eorum successoribus, in perpetuum datum fuisse, & pro Apostolorum successoribus (quanquam hic nimum concedimus) eos omnes agnoscamus, qui Evangelii verbo populum, quisq̃ sibi commissum fideliter pascant. Certè videndum est, cujusmodi fuerit mandatum istud, & quales esse debeant baptizandi in ipso comprehensi. De hoc enim potissimum querimus. Apparet autem istos non eos omnes esse, qui Christi discipuli nominentur: sed eos tantum, qui ab ipsis Apostolis, eorumve successoribus Christi Evangelium edocti fuerint. Inquit enim: Docete omnes gentes, baptizantes eos, &c. Coniungit hic Christus manifestè unà cum baptismo ipsum docere, adeo ut, quemadmodum neminem ab Apostolis doceri vult, quin simul etiam ab ipsis baptizetur, sic neminem ab ipsis baptizari hoc loco precipiat, quem ipsi non docuerint. Quod si dicas, imò eos quoq̃, qui ab ipsis docti non fuerant, ab Apostolis aliquando fuisse baptizatos, ut legitur Act. cap. 19, ubi Paulus eos baptizari curat, qui ab aliis edocti iam discipulorum nomine censebantur, quemadmodum ex ipso capitis initio liquet. Respondeo, rectè quidem fecisse Paulum: sed non quia id à Christo in loco quem præ manibus habemus ipsi tanquam Apostolo mandatum fuisset, verum quia alia ratione eã

de

de divina voluntate constaret, si modò concedere velimus, eos discipulos, quos Paulus baptizari in Iesu Christi nomen voluit, ab ipso prius viam Domini exactius edoctos non fuisse. Quod sanè mihi verisimile non sit, cum videam ipsum Apollo iam viam Domini edoctum, & loquentem ac docentem diligenter ea, quæ sunt Domini, quia tamen, non secus atq; discipuli illi, baptismum tantùm Iohannis sciebat, opus habuisse ab Aquila & Priscilla in Dei via diligentius, sive exquisitius institui, ut habes eodem libro capite antecedente, à versu 24. usq; ad ver. 27. Quid quod ex ipsis Pauli verbis à Luca expositis id fati aperte colligitur? Ait enim: Iohannes quidem baptizavit baptismum pœnitentiæ, populo dicens, in eum, qui venturus esset, post ipsum, ut crederent, hoc est, in Christum Iesum. Ex quibus intelligi potest, nondum scivisse discipulos istos in Christum Iesum credendum esse, & non solum aliquid ad Christi disciplinam spectans: sed ipsam fidem in Christum, sine qua in ejus nomen baptizati non essent, à Paulo edoctos fuisse. Quocirca nihil fecit Paulus, cum eos (ut quidem probabile est, nam hoc ibi non exprimitur) ipse baptizari curavit, quod in Christi mandato illo expressum non fuisset, etiamsi ea ratione, quam verba ipsa planè requirunt, & qua à nobis fit, illud omnino explicitetur, ut scilicet ibi eos demum baptizare iusti sint Apostoli, quos ipsi docuissent. Animadvertendum est autem, istos appellatos fuisse discipulos, non quia jam re vera essent: sed quia ipsi tales se esse &

prof.

profiterentur, & crederent, propterea nimirum, quod baptizati fuissent baptismate Iohannis, quem unicum divinæ veritatis magistrum esse putabant, ut ex Pauli verbis perspicuum est. Nec verò exemplum Anania, qui Paulum quamvis à se non edoctum monuit ut baptizaretur, huc pertinere potest, cum Ananias non tanquam Apostolus, nec propter mandatum illud Christi Apostolus datum: sed tanquam ab ipso Christo ad hoc nominatim delectus, ut Paulum moneret eorum quæ facere deberet, & propter ejusce rei singulare mandatum, sibi ab eo traditum id fecerit, ut ex historia ipsa, quæ & 9. & 22. cap. Actorum scripta est, non obscure colligitur. Veruntamen demus præterea in Christi verbis, quæ nobis examinanda proposuimus, satis expressum fuisse, ut Apostoli singuli & eorum successores non modo à se ipsis, sed ab aliis edoctos, sive etiam quacunq; alia via ad Christi cognitionem perductos aquæ baptismò tingerent, non idcirco tamen sequitur omnes prorsus, qui Christiani dici velint, ab ipsis baptizandos esse, sed eos tantummodo, qui similes illorum fuerint, quos tunc cum mandatum ipsis fuit, ut baptizarent, baptizandos fuisse constat. Nempe eos, qui aliam, quàm Christi religionem aliquando fuerint professi, nec ab ineunte ætate Christo nomen perpetuò dederint. tales enim ii omnino erant. Hæ autem qualitates in iis, de quorum baptismò hodie tam anxie laboratur minimè reperiuntur, quod magnam sanè inter hos, & illos dissimilitudinem constituit, vel potiùs in eo, de quo quaeritur omnium maximam,

nam, cum baptismus aquæ ab Apostolis & eorum
 successoribus usurpatus nihil aliud revera sit, quam
 Christi nominis publica, & solennis quedam profes-
 sio, quemadmodum ex iis, quæ infra dicenda sunt,
 clarius patebit. Sed fac postremò hos illorum prorsus
 similes esse, certè, cum præceptum nõ ipsis, ut omni-
 nõ baptizentur, sed Apostolis, atq; eorum successori-
 bus, ut baptizent, datum fuerit, nihil amplius ex
 Christi verbis colligi poterit, quam debere omnes,
 quos Apostoli, eorumve successores aqua baptizare
 velint, ab istis eum baptismum accipere. Ceterum
 nemo, ut aqua baptizetur ipsemet per se curare co-
 getur. Ita fieri poterit, ut multi aquæ baptismò spon-
 tè careant, nec tamen aliquid adversus hoc Christi
 mandatum committant. Atq; hæc pauca satis sint,
 ut, etiamsi concederemus in illis Christi verbis de a-
 quæ baptismò agi, non tamen propterea omnes Chri-
 stianos baptismum illum omnino suscipere debere,
 doceamus.

Sequitur altera pars disputationis, in qua de-
 monstrandum nobis est, in Christi præcepto illo de
 baptismò terrene aquæ verba non fieri. Id autem
 duplici ratione ostendi posse videtur. Prima est,
 quòd, si Christus eo in loco, per verbum baptizan-
 tes, aquæ terrene baptismum intellexisset; sine du-
 bio ut adversarii ipsi (liceat mihi eos à quibus dis-
 sentio, ut commodius universam disputationem per-
 sequi possim, hoc nomine deinceps appellare) inde
 colligunt, non minus baptismum istum externum,
 quam ipsam Evangelii prædicationem Apostolis cõ-
 mendasset,

Baptismus
 aquæ quid
 sit?

mendasset, nec minus ad baptizandum, quàm ad
 predicandum eos misisset. Atqui hoc falsum est. fal-
 sum igitur & illud. Hoc autem falsum esse demon-
 strant verba Pauli Apostoli, qui priore ad Corint.
 cap. 1. v. 17. apertissimè testatur, se à Christo non ad
 baptizandum missum fuisse: sed ad Evangelizandū.
 Unde constare videtur, non modò insignem differen-
 tiam extare inter præceptum de baptizando aqua
 & præceptum de Evangelizando à Christo Apostolis
 datum, (quæ tamen, ut dictum est, si in illis verbis de
 aque baptismo Christus egit, nulla esse potest) sed e-
 tiam baptismi illius ministerium ipsis Apostolis à
 Christo non fuisse injunctum. Quod etsi ego prorsus
 affirmare non ausim, nihil tamen adhuc video, quod
 aliter, quàm verba ipsa sonent, locum illum Pauli,
 nos interpretari cogat. Nam si dixeris errasse igitur
 ipsum Paulum, & ceteros Apostolos, qui aqua bap-
 tizerint. Respondeo, non omnia, quæ iussa non sunt,
 censeri prohibita, imò ut sensus ipse communis aper-
 tè docet, omnia quæ expressè non sunt prohibita,
 censeri permissa, sive ad ipsum divinum cultum per-
 tineant, sive minus, præsertim, sine quibus, quæ inter-
 dicta fuerunt, similia videantur, & iis, quæ fuerunt
 iussa, sint maximè consentanea. Nec enim testimo-
 nia illa, quæ in sacris literis antiqui fœderis extant,
 voluntatis divinæ, quæ ea sit, ut nihil addatur, nihil
 detrahatur iis, quæ mandata sunt, id quod omnino fiat,
 quod præceptum est, ita intelligi possunt, (ne in iis qui-
 dem, quæ ad ipsius Dei cultum pertinent) ut nihil
 penitus fieri debeat, nisi quod præceptum est. Alio-
 qui

Deut. 4. 2.
 12. 32.

qui errasset, exempli causa, Gedeon, qui, viso angelo Iehove facie ad faciem, ibi ipsi Iehova aram extruxit, cum tamen ejus extruende preceptum nullum habuisset, quemadmodum alterius extruende deinde habuit. Nam factum illud à Deo improbatum non fuisse ex eo constare potest, quod neq; eo nomine Gedeon ab ipso reprehensus unquam fuit, neq; ut ara illa dirueretur jussum aut curatum. Imò ara illa multis post annis, cum scilicet historia illa scripta fuit, adhuc extabat, atq; eodem nomine quo ipsam Gedeon nominaverat, appellabatur. David quoq; errasset, qui domum Iehove edificare cogitavit, licet id nec sibi, nec alii ante se mandatum fuisse sciret, imò ipsius Iehove voluntas, quam tamen ipse ignorabat, esset, ut non ipse David, sed Salomon ejus filius eam edificaret. Attamen tantum abest, ut erraverit, ut etiam ob id ipsum commendatus fuerit, & Iehovam sibi dicentem audiverit, Propterea quod fuerit cum corde tuo, ædificare domum nomini meo, bene fecisti, quòd [hoc] fuerit cum corde tuo. Ex quibus locis perspicuum est, posse, ut diximus, etiam in iis, que ad Dei cultum pertinent, nonnulla fieri, que mandata non fuerint, modò interdicta non sint, nec interdictis paria, aut similia, & ab iis, que precepta fuerunt, non abhorrentia. Iam verò nihil à Christi preceptis minus abhorrens, vel potius ipsis magis conveniens, licet à Christo expressè non mandatum, censerì debet, quàm eos, qui ad ipsum convertebantur, sive ex Iudeis, sive ex Gentibus in nomine ipsius, ab Aposto-

Iud. 6. 24.

2 Sam. 7.

1 Paral. 16.

& 22, & 28.

1 Reg. 2.

2 Par. 6.

li aqua baptizatos fuisse. Qui aqua baptizandi ritus, jam ab ipso Evangelii initio, & à Iohanne, & ab ipso Christo in recipiendis, ut ita loquar ad pœnitentiam peccatoribus, & discipulis suis quodammodo declarandis usurpatus fuerat. Quandoquidem non obscure præceperat Christus Apostolis, ut in ipsius nomine prædicarent pœnitentiam, & remissionem peccatorum, omnibus gentibus incipientes ab Hierosolymis, & docerent eos servare omnia, quæ ipsis mandaverat. Sed quid plura opus est, ut appareat, fieri posse, ut Apostoli aqua baptizandi, nullum Christi præceptum habuerint, quamvis certissimum sit eum ritum ab illis usurpatum fuisse? Nonne iidem Apostoli ritum manus in Christum credentibus imponendi, sive ut Spiritum sanctum acciperent, sive ut cuiquam muneri in Ecclesia præficerentur, & ipsi usurparunt, & suis successoribus usurpandum tradiderunt, nec tamen ut id facerent unquam à Christo iussi fuerunt? Nec verò est quod quis dicat, Paulum, in eo loco ad Cor. nihil aliud dicere voluisse, quàm se à Christo missum non fuisse, ut ipsemet baptizaret, nam id unus per alium facere poterat, quod & apud ipsos fecerat. Si enim hoc voluisset Paulus, non rectè dixisset, cum ait, se gratias agere Deo, quod pauculos quosdam tantummodo ex ipsis baptizasset, ne (si multos scilicet baptizasset) suspicaretur quispiam ipsum baptizasse in nomen suum. Quid enim refert, quod ad suspicionem istam attinet, ipsummet baptizasse, an alium loco ipsius? Certè Christus ipse non baptizabat, (inquit Iohannes

Evange-

Luc. 24. 47.

Mat. 28. 20.

Act. 8. 17.

6. 6.

I Tim. 4. 15.

5. 22.

Ioh. 3. 27.

4. 1.

Evangelista) sed discipuli ejus, & tamen ipse baptizare dicebatur. Quod & ipse Evangelista prius affirmaverat eodem cap. 3. v. 22. Ex quo id saltem intelligere possumus, Paulum si non semetipsum baptizasse, sed per alium id fecisse, dicere voluisset, non simpliciter dicturum, se non baptizasse, sed aliquid expressius additurum, unde id evidenter percipi posset. Hinc apparet, ne eos quidem audiendos esse, qui dicunt. Pauli mentem fuisse, affirmare se ad baptizandum non principaliter, ut ad Evangelizandum, sed secundario missum esse. Sive enim principaliter, sive secundario ipsi baptizandum fuisset, sine dubio vel per se, vel per alium omnes sue prædicationi fidem adjungentes, baptizasset. Quod si nec per se, nec per alium sibi baptizandum ex Iesu Christi præcepto fuisse, dicere voluit, jam satis constat, præceptum illud baptizandi Apostoli datum, ad eum baptismum referrî nõ debere, de quo ibi loquitur Paulus, id est, ad baptismum aque, sed ad alium quempiam. Nam cum Christus disertè præcepisset ipsis ut baptizarent, si aquæ baptismum intellexisset, non satis fuisset, tantum monere credentes ut aqua baptizarentur (id quod Corinthi Paulum fecisse facile concedi potest) sed opus fuisset omnino vel ipsosmet, vel alios pro ipsis, qui ipsorum personam ea in resuscitarent, aqua baptizare. Aliter ei præcepto nequaquam satisfecissent. Nec verò excipiat aliquis eo præcepto undecim Apostoli tradito sortasse Paulum comprehensum non esse, & aliud Paulo, aliud illis in baptismi negotio a Christo mandatum fuisse. Nã

nec fieri potest, ut in re administranda, quam tanti momenti esse volunt, ut ea neglecta nemo Christi discipulus dici mereatur, Christus ipse diversa mandata dederit, & ridiculum planè est, Paulum Apostolum, præcepto aliis Apostolis dato, comprehensum nullo modo fuisse, interim tamen id præceptum, ad Ecclesiastas nostri temporis omnino pertinere. Iam igitur Pauli Apostoli exemplo patet, à Christo Apostoli præceptum aqua baptizandi datum non fuisse, & idcirco in loco isto apud Mattheum, ubi aperte ut baptizent, illis præcipit, de baptismo aquæ non agi. Et hæc sufficiant pro prioris nostræ rationis explanatione.

Altera ratio, qua omnino probari videtur, ibi de aquæ baptismo non esse sermonem, talis est. Præcipit ibi Christus Apostolis, ut baptizent in nomen Patris Filii & Spiritus sancti. Atqui cum Apostoli aqua postea baptizarunt, aut baptizari iusserunt, id in nomen, sive in nomine tantum Christi non semel, sed semper factum legimus, ubi nominis in quod sive in quo baptismus ille ministratus fuit, fit mentio. Igitur in eo Christi præcepto non de aquæ baptismo, sed de alio quoquam actum est, nisi velimus Apostolos aliter fecisse, atq; Christus eos facere iusserat. Loci in quibus baptismi aquæ ab Apostolis, sive Apostolorum jussu, ministrati unà cum nomine, in quod sive in quo id factum est, fit aperta mentio, hi mi fallor sunt, Act. 2. 28. & 10. 4. & 19. 5. quibus adde id quod scriptum est, eodem libro cap. 8. v. 16. & cap. 22. v. 16. in quorum priore loco, etsi id minimè expres-

expressum est, tamen ex Apostolorum instituto id Philippo Diacono monente, & curante factum fuisse omnino dicendum videtur. In altero vero Christo ipso, de cuius verborum interpretatione querimus, mandante, id Ananiam dixisse planè est verisimile. Adde insuper ea, quæ de hoc baptismo scribit Paulus 1. ad Cor. cap. 1. ex quibus perspicuum est, aque baptismum simpliciter in nomine Domini Iesu Christi ministratum & acceptum fuisse. At verò dicet aliquis, satis in nomine Patris etiam & Spiritus sancti id factum est, si in Iesu Christi nomine factum fuit. Ut enim cum Iesus Christus, sive Iesus simpliciter annunciatus fuisse dicitur, non intelligendum est ipsius Iesu Christi tantum, sed Patris quoque & Spiritus sancti, mentionem factam fuisse. Sic similiter cum aquæ baptismum ministratum fuisse legimus, in nomen sive in nomine Iesu Christi, sive Domini Iesu, sive Domini, non intelligendum est, Iesu Christi tantum mentionem fuisse factam, sed Patris quoque & Spiritus sancti. Respondeo, longè aliam esse rationem prædicationis, quàm baptismi. Nec enim Dominum Iesum, quis annunciare potest, quin Patris simul, & sancti Spiritus apertè meminerit. Siquidem Dominum Iesum annunciare non est simpliciter ipsum Iesum commemorare, sed muneri, præceptorum, promissionum, potestatis denique, ipsius meminisse, de quibus ipsis explicatè docere. Quod sine Patris, à quo hæc omnia profecta sunt, & ad quem omnia sunt referenda, nec sine sancti Spiritus, cuius vi eadem omnia & facta sunt, & fiunt,

aperta mentione fieri nequit. Sed nihil vetat, quominus in Iesu nomen aquæ baptismus ministratur, nulla nec Patris, nec Spiritus sancti expressa mentione facta. Quod si dixeris Iesu Christo commemorato satis commemorari patrem quoque & Spiritum sanctum, cum is sine ipsis considerari nequeat, præsertim cum Christi, hoc est uncti, nomine, (ut quidam ex antiquioribus Theologis de ipso etiam baptismo loquentes scriptum reliquerunt) non ejus tantum, qui unctus est, sed & ungentis, & ungenti commemoratio fiat: Animadvertendum est, primum, multos esse ex locis supra citatis, in quibus nomen Christi expressum non est, Imò id tantum uno in loco additum fuit (nempe Act. 2. 38.) secundum communem Græcorum codicum lectionem. Deinde respondendum est, si res ita se haberet, non præcepturum fuisse Christum disertè, ut in nomen quoque Patris, & Spiritus sancti baptizarentur omnes gentes, quemadmodum fecit sola Fili nominis expressa mentione non contentus. Præterea est dicendum, aliud esse mentionem fieri, & quidem apertissimam alicujus, cum quippiam administratur, & geritur, aliud in ejus nomen id administrari & geri. Quare non satis est, verisimile esse, cum quis in Christi nomen aqua baptizatur, planè commemorari Patrem quoque ipsum, & Spiritum sanctum: sed necesse est, ut in ipsorum simul nomen expressè præterea baptizetur, si modò præceptum illud, de aquæ baptismo loquitur. Quod cum, ut diximus, Apostolorum tempore factum fuisse nusquam legatur, quin etiam nunquam

quam fuisse factum merito affirmari possit, quid
 causæ est, cur dubitare possimus, Christum Apostolus
 suis non præcepisse, ut in nomen Patris & Filii &
 Spiritus sancti, aqua baptizarent, & propterea in lo-
 co de quo querimus, non fuisse de aqua baptismo ac-
 tum? Verùm audio quosdam dicentes, cum asseri-
 tur, Christum in præcepto illo aquæ baptismum in-
 tellexisse, hoc non ita accipiendum esse, quasi lotio-
 nem illam duntaxat externam intellexerit: sed to-
 tum baptismum, qui tamen sine externa illa lotionem
 non est. At ego istos rogo dicant mihi, quid tandem
 totius baptismi nomine intelligant, quidvé præter il-
 lam externam corporis lotionem eo in loco signifi-
 catum esse velint. Si interiorem animi lotionem di-
 cant, rursus rogo, an eam quæ Evangelii prædicatio-
 ne fit, an verò eam quæ Spiritus sancti ope peragi-
 tur intelligant, an postremo ejusmodi mentis ablu-
 tionem dicere velint, quæ prædicatione simul Evan-
 gelii & sancti Spiritus ope perficiatur. Si dixerint
 eam se intelligere, quam Spiritus sanctus sive solus,
 sive unà cum Evangelii prædicatione peragit, jam
 ipsos errare apparebit, cum neq; Apostolorum ullo
 modo esset Spiritum sanctum illum qui mentem ho-
 minis expurgat, impertire, nec is Spiritus sanctus
 in nomen Patris, Filii, & Spiritus sancti, vel dare-
 tur, vel dari posset. Sin verò eam, quæ Evangelii
 prædicatione fiat, se intelligere affirmant, quàm in
 Patris & Filii & Spiritus sancti nomen, ut postea
 explicabitur, fieri debuisse, nos quoq; non confite-
 mur modò, verùm etiam contendimus, jam fatebur-

cur ipsi id verum esse, quod supra à nobis dictum fuit, & aliaratione probatum videlicet, si modò in eo præcepto aque baptismus comprehenditur, non posse illum ab Evangelii prædicatione separari: sed necesse esse, ut qui aqua baptizare velit, iis quos baptizaturus sit Evangelium prædicaverit, aut prædicet. atq; ea ratione eos simul interius laver atq; expurger. Vbi igitur nulla Evangelii prædicatione opus fuerit, ibi nullus ei Christi præcepto locus esse poterit. Quocirca si eos qui prædicatione ulla non egent ab Apostolorum successoribus baptizandos esse velimus aliunde quam ex præcepto illo id colligi omninò oportet. Itaq; apparet, nullam Christi verbis interpretationem adhiberi posse, qua baptismum aque in ipsis comprehendere, nedum præcipue significari demonstraretur, nisi hoc saltem concedatur ex præcepto illo probari non posse illud, de quo potissimum disputatur, & nos verum esse negamus, omnes per aquæ qui Christi discipuli jure appellari velint, aquæ baptismo indigere.

Nec verò ut credamus in mandato illo de aquæ baptismo actum fuisse, quenquam moveat, quod **Act. 2. 38.** Petrus ab ipso initio jusserit, eos qui ad Christum convertebantur aqua baptizari, quasi omninò istud Petri factum executio fuerit illius mandati. Nam magna hic deceptio est, & manifestus Paralogismus. Quamvis enim verissimum sit, si ibi Christus præcepisset Apostolis, ut aqua baptizarent, Petri factum ea in parte præcepto isti consentaneum futurum, & debuisset Petrum aqua baptizare, non ta-

in continuo verum est, si Petrus aqua baptizari
 iussit, mandatum fuisse à Christo Apostolis, ut bap-
 tizarent aqua, nedum eo nominatim loco id manda-
 tum fuisse constet. Ut enim supra demonstratum fu-
 it, potuerunt Apostoli sine ulla reprehensione aqua
 in Iesu Christi nomine baptizare, etiamsi id eis ab
 ipso Christo expressè mandatum non fuisset. Quin-
 imò ex ipsius Petri verbis ipsoq; factò perspicuum
 est, sic aqua baptizare, ut Petrus fecit, seu fieri ius-
 sit, non esse executionem illius Domini Iesu manda-
 ti, etiamsi in eo mandato, de aquæ baptismo actum
 fuisset. Baptismus enim ille aquæ Petro iubente mi-
 nistratus, quamvis sine doctrina de ipso Christo mi-
 nistratus non fuerit, antecessit tamen doctrina ba-
 ptismum, neq; in ipso baptizandi actu ejus doctrinæ
 ullam mentionem fieri necesse fuit. Sed Petro ju-
 benti plenissimè fuit obtemperatum, et illi, quos ba-
 ptizari iusserat Christi nomine simpliciter invoca-
 to, aqua abluti, seu tincti fuerunt, atq; ea ratione
 ipsi Christo quodam modo consecrati, ejusq; familie
 adscripti. Hoc enim est in Iesu Christi nomine ba-
 ptizari, (id autem diserte nec præterea aliud Petri
 verba fieri jubeant) ut etiam ex loco illo Pauli 1. ad
 Cor. 1. intelligipotest. Cùm igitur ipsum Patris &
 Spiritus sancti nomen expressè commemorari mi-
 nimè sit opus, doctrinæ similiter de ipso Christo tunc
 mentionem factam fuisse necesse non sit, qua expli-
 canda Patris quoq; & Spiritus sancti mentio fuerit
 facta, quomodo obsecro in Iesu Christi nomine aqua
 baptizare, ut Petrus fecit, sive, ut fieret, mandavit,

illius præcepti executio esse potest, in quo discretè cautum est, ut in nomen quoq; Patris & Spiritus S. baptismus ministraretur, non modò ut in eo ministrando ipsorum quoq; expressa mentio fiat. Atq; hæc àz is esse volumus, ut demonstretur in Domini Iesu mandato aquæ baptismi rationem habitam non fuisse, præsertim si ad omnes, qui ejus discipuli esse velint, nullo discrimine habito illud pertinere statuamus.

Sed quæret fortasse aliquis, quid igitur sibi vult Christus, cùm præcipit Apostolis, ut baptizarent in nomen Patris, & Filii, & Spiritus sancti. Nihil omnino est, quod me ita querenti respondere cogat, & nodum istum expedire. Nam satis superq; id quod debui, præstiti, si, ut me fecisse arbitror, de aquæ baptismo eum locutum non fuisse docui. Verumtamen, ut omnibus, quoad possumus, satisfaciamus, tanquam si hæc pars quædam officii nostri in præsentè disputatione planè esset, totam rem aperire conabimur. Dico igitur primùm, (quod prorsus nemo dubitat) in sacris novi Fœderis literis, non unum esse usum verbi baptizandi, & nominis baptismi seu baptismatis. A propria enim & magis usitata ipsorum significatione, quæ immergendi, seu tingendi vel etiam abluendi est, sæpè ad alias significationes, aut metaphoricè, aut metonymicè sunt quodammodo detorta, adeò ut vix interdum sermonis figura rectè percipi queat, & quo sensu usurpata fuerint, planè intelligi, ut bis in ipsius Christi verbis factum esse deprehendimus, Mar. videlicet cap. 10. 38, 39. & Luc.

12. 50. Cùm enim (ut ferè receptum est) sibi multa mala subeunda esse, & mortem acerbissimam perferendam significare vellet, dixit se baptismo quodam baptizandum esse. Id autem quomodo ea locutione ab usitatis verborum figuris, non recedens, declarare potuerit, non est hic explicandi locus, cùm significatio illa ad propositum nostrum minimè faciat, satis est hisce exemplis planum fecisse, id verissimum esse, quod de verbis baptizo & baptismus, deq; eorum usu in novo Testamento omnes sentiunt. Invenimus autem nonnūquam baptismi nomen, baptizantis, id est lavantis, vel tingentis, disciplinam, seu magis dicere, doctrinam significare, nulla lotionis ipsius vel tinctionis ratione habita, ut cùm Act. 18. 25. scriptum legimus, Apollo baptismum duntaxat Iohannis scivisse. ut enim ex ipso loco satis constet, nihil penitus ibi ad rem faciebat, quòd Apollos sciret, aqua baptismum illum, quo utebatur Iohannes, cùm manifestè de sola doctrina Domini ageretur, quam dicitur Apollos non probè adhuc tenuisse, cùm Iohannis baptisma tantummodo sciret. Quod perinde est, ac si disertè dictum fuisset, de doctrina Domini nihil amplius eum novisse, quàm id quod Iohannes docuerat. Baptismum autem ipsum aqua à Iohanne ministratum, partem nullam fuisse ejus doctrine Domini, de qua ibi verba fiunt, ex infra dicendis clarius patebit. Eadem omnino ejusdem verbi significatio esse videtur, sequenti capite r. 3. ubi discipuli illi à Paulo Ephesi reperti, & ab ipso interrogati, in quid baptizati essent, respondent, se

baptizatos esse in baptisma Iohannis. Nam quomodo potuerant queso illi, baptizari in ipsum aquæ baptismum? an parum constat nihil aliud eos sibi voluisse, nec velle potuisse, præsertim si ad Pauli interrogationem, rectè respondisse videri volebant, quàm se fuisse baptizatos in doctrinam Iohannis, hoc est eo proposito ut se Iohannis discipline penitus addicerent, eumq; pro duce & magistro in via Dei agnoscerent? Mitto alios locos complures, in quibus baptismi voce doctrinam significari certum est, atq; ut ego quidem credo citra ablutionem aliquam externam. Duo enim hi, quos attulimus, cuicumq; vel moroso satisfacere posse videntur. Hæc autem verbi baptismi notio, vel per metonymiam inducta est, quia nimirum Iohannes simul & baptizabat, & docebat, & ita ejus, quod ab ipso fiebat pars una pro altera sumpta est, vel per metaphoram (hæc autem in ipsa quoq; Christi doctrina locum invenire potuit) cum non secus atq; per baptismum Iohannis corpus ablueretur, similiter per doctrinam illius animus expurgaretur. Sumitur etiam aliquando baptizandi verbum, ut arbitror, pro eo, quod initiare alio modo dicere possumus. ut, cum Paulus priore ad Cor. cap. 10. 2. ait, Hebreorum patres baptizatos fuisse in Mosen, in nube, & in mari. Quod nihil aliud esse videtur, quàm eos, cum ductore Mose, mare mirabili ratione transissent, nubisq; beneficio ipsis præeunte affecti fuissent, initiatos & quasi consecratos fuisse ipsi Mose, hoc est Deo per Mosen, quem ille ipsis præfecerat, & cui tanquam sibi ipsi eos obtemperare

vole-

volebat. Sed, & cum idem Paulus discipulos illos, Act. 19. 5. quos Ephesi invenerat, interrogat, In quid ergo baptizati estis? baptizandi verbum, initiandi significatione omnino usurpasse videtur, quamvis enim non sine aquae baptismo discipuli initiari solerent, quia tamen istos aqua baptizatos, non plane esse constabat, ut iam pro discipulis haberi manifestum erat, quod certe sine initiis, seu majori initiatione aliqua fieri non potuerat, non de aquae baptismo, sed de initiatione ipsa Paulum interrogasse credendum est. Non secus ac si explicitè ad hunc modum dixisset: Si, cum credidistis, Spiritum sanctum non accepistis, imò Spiritum sanctum dari, ne audivistis quidem, quae igitur est fides vestra? cui doctrinae vos ipsos consecrastis? cujus denique discipuli declarati estis? Atque hanc eandem notionem eidem baptizandi verbo, seu nomini baptismo, alibi in Evangelistarum, & Apostolorum scriptis, subesse crediderim. Quod sane decentissima metonymica translatione factum est, cum per baptismum id potissimum intelligatur, & fiat, ut, scilicet qui baptizatur, ea ratione initietur, & quodammodo consecretur. Haec duae docendae & initiandi significationes verbo baptizandi perusitatissimos sermonis tropos attributae, ad locum nostrum mirum in modum quadrant. Siquidem Apostolorum munus erat (quod eis tunc mandasse Christum, verisimillimum est (ut doctrinam de Christo exactè hominibus exponerent, & ejus agnitioni illos initiarent, ad illum Patrem & Filium & Spiritum sanctum eos adducendo, ipsisque consecrando, si-

ne quibus nec doctrina ipsa explicari, nec ex ea fructus ullus percipi potest. Atq; hoc loco non pigebit ea referre, quæ virum nostræ memoria sacrarum literarum cognitione præstâtissimum in ea Christi verba, aliud tamen quàm nos agentem, & de aliare disputantem, scripta reliquisse comperimus, quod loco interpretationis nostræ, quam latiùs exponere statueramus, esse poterit. Inquit igitur: Sed ego quorum illic mentio fiat, dubium, aut obscurum esse nego, quia non simpliciter, & indefinitè verba prolata sunt, verùm cum relatione manifesta addito singulis articulo, cujus tanta vis est, ut certos quosdam designet, & quorum antea meminisset. In fonte enim legitur: *ἐἰς τὸ ὄνομα τοῦ πατρὸς, καὶ τοῦ υἱοῦ, καὶ τοῦ ἁγίου πνεύματος*, ad quam articuli vim exprimendam adjungendum esset, in versione Latina singulis, pronomen, hoc pacto: Baptizantes eos in (vel ad) nomen illius Patris, & illius Filii, & illius Spiritus sancti, de quibus scilicet antea sum vobis locutus, & vos probè tenetis. Illius inquam Patris vestri cælestis, qui vos tantopere diligit, à quo me profectum esse verè cognovistis, cujus nomen vobis declaravi, & sermonem tradidi, qui me ducem & præcursorem vestrum excitavit à mortuis, ad quem jam jam ascendam, ut cum eo vivam in gloria sempiterna. Et illius inquam Dei Filii unigeniti,

de

de quo cælestem illam vocem audistis, Hic est meus charissimus Filius, quem vos Christum Dei viventis Filium confessi estis, quæ Deus misit, ut seruetur per eum mundus, cui dedit omne iudicium, ut omnes Filium honorent, quemadmodum Patrem honorant, qui ex divino præcepto amicorum suorum causa animam posuit, ac tertio die suscitatus, nunc abit in cælum sessurus ad dexteram maiestatis, donec veniat cum multa potentia, & gloria, & iudicet mundum, & quoscunq; ei dedit Pater, iis vitam det æternam. Et illius (inquam) Spiritus sancti in meo nomine à Patre mittendi, quo intellexistis vos abluendos esse, qui præibit vobis ad omnem veritatem, qui apud vos manet, & in vobis futurus est, quem mundus consequi non potest, quem Deus & Pater cælestis dabit à se petentibus, mihiq; obedientibus sic impertiet, ut flumina ex ipsorum intimis fluant aquæ vivæ, fiatq; in ipsis fons scaturiens ad vitam æternam. *Haftenus ille. Sic igitur ut tantus vir fecit, ego quoq; Christi verba explano, & idcirco verbum baptizantes, merito non ad aque baptismum refero, in quo ministrando hæc neq; dicebantur, nec intelligebantur: sed vel antequam ministraretur, omnia prorsus, vel post etiam ex parte explicabantur. Verùm ad doctrinam & ad initiationem illam, quæ docendo fit, referendum affirmo. Qua interpretatione admissa, locus totus planissimus*

vissimus est, nec ulla superest difficultas. Nam, si quis
 objiciat, non opus fuisse, neq̄, verisimile videri, ut
 Christus, qui jam dixerat, Docete omnes gen-
 tes, subjunxerit statim præceptum de docendo: Di-
 co primum, istud nihil esse, cum manifestum sit, i-
 psam postea de doctrina iterum præcepisse dicentem,
 Docentes eos servare omnia quæ præcepi
 vobis. Nam profecto hoc omnino in verbis illis com-
 prehenditur ab initio dictis, Docete omnes gen-
 tes. Atqui quod prius implicitè Christus dixerat,
 explicat deinde apertius. cumq̄ doctrina illa & my-
 sterium salutis nostræ, & vite præcepta completa-
 tur, de priorè parte agit in verbis illis, baptizan-
 tes eos, &c. de posteriore verò in illis, docentes
 eos servare, &c. Itaq̄, tantùm abest, ut interpre-
 tatio nostra coacta videri possit, ut nisi ea recipiatur,
 mutilus omnino aut imperfectus, & parùm ipso di-
 gnus videatur sermo Christi, qui doctrine salutari-
 quam publicari volebat, ex duabus alteram tantum-
 modo partem explicet. Præterea dico, animadver-
 tendum esse, nullaratione, quæ absurdissima non sit,
 posse verba illa, baptizantes, &c. explanari, nisi
 concedatur illi quoq̄, aliqua saltem ex parte doctri-
 ne publicande factam fuisse mentionem, & de ea
 præceptum datum, alioquin ut supra disseruimus,
 nunquam quomodo Apostoli in nomen Patris, & Fi-
 lii, & Spiritus sancti baptizarint, & Christo parue-
 rint, explicari poterit. Ut sive nostræ, qui eo in loco
 baptismi aquæ præceptum datum fuisse negamus, si-
 ve adversariorum, qui affirmant, sententia admit-
 tatur,

ratur fieri non possit, ut istud quod dicitur de doctrina iterato precepto semper verum non sit. Postremò dico, verbum Græcum μαδντ'ευσασε, quod interpretes verterunt, docete, propriè, non docere, sed discipulum facere, significare, ut ex nomine μαδντ'ης unde derivatur, quod discipulum significat, apertissimum est, & abundè confirmatur per id, quod legitur, Act. 14. 21. Cumq; evangelizassent, urbi illi, ἡ μαδντ'ευσαστες ἰκωνς, id est, & multos discipulos fecissent. (quod ibi viderunt Erasmus quoq; ac Tigurini, & Sebastianus Castellio, quorum hic in sua translatione habet, Et compluribus factis discipulis, illi verò, Discipulos quoque asciivissent multos.) non autem ut verus interpret, quem alii quidam imitari voluerunt, interpretatus est, Et multos docuissent. Quæ interpretatio, cum jam dictum fuisset, eos Evangelizasse urbi illi, quod sanè nihil aliud est, quàm illos ibi publicè docuisse, nullo modo sustineri potest, nisi verbum docendi in eam sententiam accipiatur, in quam interdum apud bonos autores accipi solet, ut scilicet non ipsam modò doctrinæ traditionem, sed ejus etiam receptionem significet, quod tamen satis non esse, ad vim illius Græci verbi, suo præsertim loco exprimendam, videbit apertè quisquæ animum adverterit, & ipsum locum inspexerit. Proprietate igitur verbi considerata, apparet nihil aliud in verbis illis mandasse Christum Apostolis, nisi ut discipulos facerent, ex omnibus gentibus, post quod manda-

rum convenientissimè consequitur, ratio discipulo-
rum faciendi, quæ potissimum ut ipsum nomen indi-
cat, in disciplina consistit. Quare meritò statim ad-
jungit Christus, quid docere debeant eos, quos disci-
pulos facere aggredierentur. Discipulos autem in-
telligo non Apostolorum, sed ipsius Christi. Sic enim
nomen discipuli simpliciter positum, accipitur sepi-
simè in sacris literis novi Fœderis, imò semper ut ar-
bitror, idq̄ multò frequentius post ipsorum Apostolo-
rum prædicationem. tempus enim fuit, cum ii, qui
Christiani postea sunt dicti, simplici discipulorum
nomine appellarentur, ut docent verba Lucæ, Act.
21. 26. Itaq̄, ut concludamus rectissimè à nobis verba
illa, Baptizantes eos in nomen Patris, & Filii, &
Spiritus sancti, etiamsi ad aquæ baptismum referri
possent, quod tamen contrà se habere demonstravi-
mus, ad disciplinam præcipuè relata sunt. Atq̄ ex
his tandem cuilibet constare posse credimus, quàm
injuria, ex ipsis verbis illis præceptum baptizandi
aqua (quod præsertim per aquæ omnes, qui Christia-
ni jure appellari velint, complectatur) colligi affir-
metur. In quibus explicandis (quanquam multò plu-
ra dicere potuissemus) si aliquantò longiores fui-
mus, eò breviores erimus in cæteris locis excutien-
dis, qui ad receptam istam de aquæ baptismo confir-
mandam sententiam videntur posse afferri. Multa
enim quæ in hoc examinando, quem adversarii in-
ter omnes maximi faciunt, dicenda fuerunt, ad re-
liquos explanandos jam nobis viam straverunt, neq̄
ea licet ad id maximè conducentia pluribus verbis
repe-

T
que
v. 19
pra
cre
Nar
dide
se p
zar
neq̄
de a
quo
à C
aqu
non
eti,
ubi
tum
se d
min

bus
fite
lon

repetere opus fuerit: sed indicare tantum atq; in
memoriam redigere satis erit.

CAPUT III.

TERTIUS locus, ex quo preceptum illud vide-
tur posse colligi, sunt verba illa Domini Iesu,
que undecim discipulis dixit, apud Marcum cap. 16.
v. 15. & 16. Euntes in mundum uniuersum,
predicete Evangelium omni creaturæ. qui
crediderit, & baptizatus fuerit, saluus erit.
Nam, cum Christus dicat, eos seruatim iri, qui cre-
diderint, & baptizati fuerint, satis manifestum es-
se potest precepisse illum ut omnes credentes bap-
tizarentur, alioqui solius fidei mentionem fecisset,
neq; verò duæ illæ rationes, quibus in superiore loco
de aquæ baptismo actum non fuisse disputatum est,
quod scilicet aliunde constet, Apostolis mandatum
à Christo non fuisse, ut aqua baptizarent, & quod
aquæ baptismus simpliciter in nomine Iesu Christi,
non autem in nomine Patris & Filii & Spiritus san-
cti, ab ipsis ministraretur, hîc locum habere possunt,
ubi nec ipsis Apostolis, ut baptizent, apertè manda-
tum est, sed tantum, qui seruandi sint, baptizatos es-
se debere, expressè dictum videtur, nec ulla baptismi
ministrandi ratio, siue formula prescripta fuit.

Verum quamvis ego neutram ex illis rationi-
bus hîc aliquid momenti habere mea sponte aut con-
fitear, aut certè concedam, putaverim tamen nibi-
lominus ostendi posse, ne in hoc quidem loco, de aquæ

C

bapti-

In baptismo Dominum Iesum locutum fuisse. Quid enim? Num dicemus ad salutem consequendam ita requiri aquæ baptismum, ut fides requiritur. Certè neminem audivi unquam, qui hoc ausus sit affirmare. Atqui si de baptismo aqua ibi locutus est Christus, satis constat in iis servandis, quibus Apostoli Evangelium prædicaturi erant, non minus aquæ baptismum, quàm fidem ab ipso requisitam fuisse. vel, si hoc fateri nolimus, dicentes Christum quidem affirmasse eum, qui credidisset, & aqua baptizatus esset, servatum iri, non idcirco tamen negasse, quenquam servari posse, qui non baptizaretur, quemadmodum de iis, qui non crederent, in sequentibus verbis affirmavit, inquiens, qui verò non crediderit, condemnabitur. Si inquam hac ratione permoti fateri nolimus baptismum à Christo fidei æquiparatum fuisse, quid rogo ex ipsius verbis ad præceptum de aquæ baptismo confirmandum elici poterit. Nihil enim disertè præcipit ibi Christus, cum de baptismo loquitur. Quocirca ejus verba vim præcepti habere nulla præterea ratione demonstrari potest, quàm si probetur, ex ipsis colligi, sine baptismo non secus ac sine fide, quenquam servari non posse, quod planè falsum esse, ne ipsos quidem adversarios negaturos confido. Finge enim alicui Christi Evangelium prædicatum fuisse, sive alia quapiam ratione innotuisse, nulla tamen baptismi aquæ, quem is suscipere deberet, mentione facta, vel cognitione habitâ. Nunquid iste, si Christi Evangelio ex animo fidem adjungat, & in vite novitate deinceps ambulet,

let, non servabitur, propterea quod aquæ baptismo
 tinctus non fuerit? Quid absurdius dici posset, cum
 passim in divinis literis fidei in Christum, & respi-
 scientiæ hominum salus tribuatur? Finge rursus e-
 um, qui Evangelii notitiam adeptus fuerit, & sibi
 præterea postquam crediderit, baptismo aquæ opus
 esse putaverit, illum accipere non potuisse, nunquid,
 si alioqui dum vixit, vitam Christiano homine di-
 gnam duxerit, ab æterna salute idcirco excludetur,
 quia aquæ baptismo caruit? Quòd si dicant, Christi
 verba ita interpretanda esse, ut eos tantummodo
 complectantur, qui & de baptismo aquæ accipiendò
 audiverint, & illum accipiendi facultatem habue-
 rint. Respondeo, istius interpretationis nullum ve-
 stigium in Christi verbis apparere, qui simpliciter
 & fidem & baptismum in homine, cui ab Apostolis
 predicatum foret Evangelium, servando requisivit.
 Nec enim, cum deinde subjunxit, qui verò non
 crediderit, condemnabitur. nulla baptismi mē-
 tione facta, idèò illud fecisse dicendus est, ut innue-
 ret non perinde necessarium esse ad salutem bap-
 tismum illum, de quo locutus fuerat, ut fides erat, ac-
 tum demum omnino requiri, cum quis de ipso mo-
 nitus, eum accipiendi facultatem haberet. Sed id-
 circo ita locutus est Christus, quia primùm omnium
 in homine servando id requiritur, ut Evangelio as-
 sentiatur. Quòd si non fecerit, nihil præterea que-
 rendum est, sed de ejus salute desperandum. Id ta-
 men per se ad salutem non sufficere, satis antea do-
 cuerat, cum, non qui credidisset modò, sed qui cre-
 didisset,

didisset, & baptizatus esset, servandum fore dixerat. Adducit autem me, præter jam explicatam rationem, ut credam de aquæ baptismo, in illis Christi verbis non agi, quod in Complutensi codice sic habetur, ὁ πιστεύσας ἰὺ ὁ βαπτισθεὶς σὺν ὕδατι. id est, qui crediderit, & qui baptizatus fuerit, servabitur. Quamvis enim fortasse locus aliquis in novo Testamento inveniri possit, ubi articulus participio, aut adjectivo (ut vocant) nomini aliud participium aut adjectivum nomen sequenti additus planè abundet, tamen multò plures reperientur, in quibus articulus non appositus subaudiendus est. Ex quo fit, ut multò verisimilius sit in vulgata editione articulum participio βαπτισθεὶς præpositum subaudiendi debere, quàm in Complutensi abundare. Atqui, articulo in vulgata editione subaudito, ea sententia ex Christi verbis apertè colligitur, ut & is, qui crediderit, & is quoq̄, qui baptizatus fuerit, servandus sit. Que sententia falsitate, eaq̄, evidente, non vacat, si baptismus aquæ eo participio intelligatur, cum palàm sit aqua baptismum citra baptizati salutem cōringere posse. Quare de alio baptismo, cui Evangelicæ prædicationis auditorum salus meritò ascribi possit, Christum locutum fuisse necesse est. Neq̄, verò est novum, ut baptismum cuiusdam salutis nostræ adscribatur. Id enim sit à Petro priore Epistola ad finem tertii capituli, ubi affirmat baptismum nos servare, & simul de quo baptismo loquatur apertè explicat, negans se de eo baptismo loqui, quo corporis

sordes

sordes abluuntur: sed de alio quodam, ut infra suo loco aperte demonstrabitur. At verò objiciet aliquis, quomodo fieri potest, ut sine fide Evangelio adhibita quisquam servetur? aut si baptismus ille, cui in Christi verbis salutem eorum, quibus Evangelium prædicatum fuerit, adscriptam fuisse dicitur, sine fide non est, cur illi seorsum à fide ea salus tribuitur. An non satis superq̄ fuerat, jam ipsam fidem commemorasse, cui eam salutem adscribendo, omnino & ipsi baptismi adscripta fuisset, id est affirmatum esset, eum, qui Evangelii prædicatione audita, eobaptismo tinctus fuisset, salvum futurum? Respondeo, fidem ipsam in hominis corde residere, & non nisi per externa opera deprehendi posse. Quare, cum vellet Christus Apostolos docere, quinam ipsorum prædicatione audita servandi essent, postquam credentes commemorasset, baptizatos quoq̄ nominavit, id est eos, qui à peccatorum sordibus per poenitentiam essent abluti, quibus non tanquam à credentibus diversis salutem attribuit: sed tanquam iis, quos verè credentes esse constaret. Nam simplicem copulam, non semper inter diversa poni, sed non rarò etiam inter ea, quorum posterius antecedentis explicatio est, vel, ut uno verbo dicam, Et, pro, Id est, usurpari, non minùs in sacris, quàm in profanis literis, ad eò omnibus notum est, ut nulla probatione indigeat. Quam tamen si quis requirat, in proximè sequentis loci examinatione inveniet. Hæc autem non id eò à me dicuntur, quòd Complutensem editionem vulgata anteponendam censeam, vel omnino

Pag. 49.

hoc loco in vulgata articulum illum subaudiri debere contendam: Sed ut, quæ loci non absurda sententia esse possit, ostendam, si Complutensis lectio retineatur, quæ sanè nec temere damnanda aut rejicienda est, & evidenter demonstrat, nos primos non esse, qui Christum hoc loco de aquæ baptismo locutum fuisse negemus, verùm id antiquitus quoq; præstantibus doctrina viris visum fuisse. Nam certè aliòquin in tam celebri, eaq; ex pervetustis codicibus, concinnata editione, ea lectio nunquam obtinisset. Satis à nobis, ut videtur, probatum est, hic de aquæ baptismo non agi, etiamsi vulgata lectio, nullo subaudito articulo, omnino sequenda sit, quod mihi, ut verum fatear, vehementer placet. Nec aliud faciendum restat, quàm Complutensi codice omisso, quid per baptismum hoc loco Christus intellexerit explicare.

Dico igitur, baptismi nomine in verbis illis, & baptizatus fuerit, comprehensi, vel veram pœnitentiam, vel Christi nominis, & ejus Evangelii publicam professionem, vel utrumq; simul rectè intelligi posse. Quid enim est, quòd per baptismum, convenientius significari possit, quàm pœnitentia vera, quæ anime & spiritus ablutio est? aut Evangelii & nominis Iesu Christi professio publica, cum baptismus ipse aquæ, ab Apostolo usurpatus, in eum finem potissimum respiceret, ut quis publicè Christo nomen daret? Paulus ad Ephes. cap. 5. 26. ait, Christum lavacro aquæ, mundasse Ecclesiam per verbum, ut eam exhiberet sibi gloriosam, non habentem maculam.

culam; neq̄ rugam. Quis negare potest eo in loco aque lavacrum, nihil aliud significare, quàm veram pœnitentiam, per quam peccator mundatur, & sine macula & ruga gloriosus efficitur, Christoq̄ exhibetur? que mundatio, (ut ita loquar) per verbum, id est per Evangelii prædicationem contingit, que fidem gignit, ex qua pœnitentia oritur. Atq̄ is Pauli locus (ut etiam in Annotationibus Bibliorum Vatabli animadversum est) huic nostro elegantissimè respondet, eumq̄ mirum in modum illustrat. Nam idem prorsus est, hic, Evangelii prædicatione audita credere, & baptizari, quod ibi per verbum, id est (quemadmodum in prædictis annotationibus explicatum fuit) per fidem in verbum Evangelicum mundari, & sine ruga, & macula Christo exhiberi, terrene autem aque baptismus profectò has vires non habet. Idem Paulus ad Titum scribens, cap. 3. v. 5. affirmat, Deum servasse nos per lavacrum regenerationis. Ex quo conjici potest, cum in sacris literis baptismo, seu lavacro cuiquam tribuitur, quod per ipsum aliqua ex parte servemur, ut certè in loco notaro sit, quodnam baptisma, seu lavacrum intelligi debeat, nempe regenerationis lavacrum, quod nihil aliud, quàm vera per Evangelii prædicationem pœnitentia est, per quam novi homines efficimur, & denudò nasci dici possumus. Qua de re in sequente cap. plenius differemus. Auctor item ad Hebræos cap. 10. v. 19. ita scribit: Habentes itaque fratres fiduciam in introitu, (vel potius ad introitum) sanctorum, in sanguine Christi,

quem initiavit nobis, viam novam & viventem per velamen, id est carnem suam, & sacerdotem magnum, super domum Dei, accedamus cum vero corde, & plenitudine fidei, asperfi corde à conscientia mala, & abluti corpus aqua munda, teneamus spei nostræ confessionem indeclinabilem, &c. Non modò aqua ablui: sed corpus ipsum aqua ablui, pro vera vite emendatione usurpavit auctor iste præclarissimus. Nam, cum de re, ad quam faciendam hortetur, ibi sine dubio agat, nec terrenæ aquæ baptismum (quod tamen neminem ferè existimasse arbitror) nec Spiritus sancti gratiam (quod multi existimant) in illis verbis eum intellexisse dicendum est. Quod enim ad baptismum externum attinet, ejusmodi hominibus eum scribere, qui eo non indigerent, plus savis ex ipsa epistola manifestum est. Quod verò ad Spiritus sancti gratiam, ea ipsos perfundi, non ipsorum, sed Dei proprium munus erat. Itaq; nihil aliud sibi vult scriptor ille, quàm ut non modò ipsum cor à conscientia mala expurgatum habeant, quòd priùs eos monuerat, verùm etiam, ut factis minus bonis inquinati non sint. Ex his igitur locis abundè constare credimus, eum verè baptizatum, seu locum dici posse, & debere, qui pœnitentiam egerit, hoc est respuerit, & à peccatorum sordibus sese abluerit, quod qui non fecerit, non est, quod servatum se iri, ullo modo speret. Quocirca meritò præter fidem, quæ Evangelio adhibeatur baptismus iste à Christo in servandis requisitus fuit. Siquidem credendi

dendi verbo, ut sæpè alibi factum est, non perfectam fidem illam, qua omnino justificamur, & salutem consequimur, quæq; sine vita emendatione esse nequit: sed primum illum Evangelii prædicationi adhibitum assensum, quem sæpè vita emendatio non consequitur, quicq; propterea non cum salute, sed majore cum condemnatione non raro contingit, Christus significare potuit, atq; ut ego quidem arbitrator, prorsus significavit. Loci, in quibus credendi verbum, in Evangelii negotio, pro assensione illa, quæ ab initio ejus prædicationi adhibetur, usurpari constat, inter ceteros complures hi sunt, Ioh. 7. 37. & 8. 30. & 12. 42. Act. 8. 13. quibus adde, quicquid scribit Iacobus Epistola sua cap. 2. v. 14. usq; ad finem capituli. Tametsi enim vix ipsum credendi verbum ibi expressum est, sed de fide perpetuè agitur, idem tamen prorsus censeretur debet. Quin etiam loci sunt, in quibus disertè fidei Evangelio adhibenda, seu fidei in Christum pœnitentia tanquam ad salutem necessaria adjungitur, ita ut explanatione hac nostra verborum Christi, nihil sacris literis magis consentaneum excogitari posse videatur. Inquit enim ipse Christus alibi, Pœnitentiam agite, & credite in Evangelio, Mar. 7. 15. Paulus autem Senioribus Ephesinæ Ecclesiæ in memoriam redigit, quomodo ipse & Iudeis & Gentibus pœnitentiam in Deum, & fidem in Dominum nostrum Iesum Christum prædicaverit, Act. 20. 21. Quod si verbis illis, & baptizatus fuerit, publicam Evangelii & nominis Christi professionem significatam fuisse velimus,

quid decentius excogitari potest, cum certum sit, si-
ne ea nemini salutem contingere posse, Domino ipso
Iesu apertissime testante, se coram suo Patre caelesti,
eos demum pro suis agnitorum, qui ipsum coram ho-
minibus confessi fuerint? Mat. 10. 32. Paulo verò
disertè oris confessionem, cum cordis fide conjun-
gente, & in eo requirente, qui salvus futurus sit,
Rom. 10. 9. Qui locus sanè hujus nostri explicatio, seu
potius paraphrasis quedam esse videtur. Nec verò
est, cur aliquis dicat, professionem istam publicam
nominis Christi non aliter fieri quàm per aquæ ba-
ptismum, sive baptismo aquæ interveniente. Nam
præterquàm quòd alia prorsus ac multò sanè præ-
stantiore ratione id fieri posse patàm est, ut si quis,
(exempli gratiâ) propter Christi nomen publicè
mortem ipsam oppetere non recuset, aliud etiam,
quod ante diximus, absurdum omnino sequeretur,
anultos inveniri posse, qui ea habeant, quibus passim
in sacris literis hominum salus ascribitur, & tamen
quia aquæ terrestris baptismo tincti non fuerint, ne-
quaquam servantur. Id quod sæpius præsertim ve-
rò memoria nostra contigisse, & adhuc contingere,
certissimum esse debet, si modò vel infantium, vel à
non veris Christi ministris datus baptismus, verus &
legitimus baptismus non est.

Hactenus in Domini Iesu verbis illis apud Mar-
cum, nec de aquæ baptismo agi, & de quo baptismo
agatur, explicatum & demonstratum est. Sed quid
si concedamus de aquæ baptismo agi? num propter-
ea verum erit, ita præceptum fuisse aquæ baptisimū,

ut in perpetuum nemo possit Christianus merito vocari, qui eo se ritè tingi non curaverit? Minimè verò. Primum enim Christi sermonem, quem tunc cum Apostolis habuit, ad omnes consequentes etates, nisi quatenus id fieri debere aliunde constet, pertrahendum non esse, docent, quæ postmodum sequuntur verba, Signa autem eos, qui crediderint, &c. vel dicendum est, neq; hodie extare, nec à multis jam seculis extitisse allos credentes, cum neq; hodie, neq; à multis jam seculis ea signa conspiciantur. Deinde non ad omnes homines, qui ejus ope servandi sint, Christi verba, de quibus controversamur, pertinere, satis constare potest ex iis, quæ in superioris loci examinatione dicta sunt, ad quæ lectorem rejicimus. Non enim minus hîc, quàm ibi, doctrina, seu prædicatio cum baptismo conjungitur, nec minus hîc, quàm ibi, de iis baptizandis sermo est, qui antea Christo nomen non dederant, & in religione, non re tantùm, sed nomine quoq; à Christi religione diversa ab ineunte etate alii & educati fuerant. Nam si dixeris, tunc nullos alios præterea fuisse, nec de aliis, quàm de ejusmodi hominibus baptizandis potuisse agi: Dico primum, Imò potuisse Christum de iis etiam omnibus, qui post futuri erant, apertè loqui. quod certè fecisset, si neminem unquam eorum, qui servandi essent, baptismo illo sponte carere posse, significare voluisset, cum maximum sit, in hoc baptismi aquæ negotio, inter eos qui tunc erant, & innumerabiles alios, qui postea consecuti sunt, discrimen. Deinde respondeo, ex-
 cepti-

ceptionem istam tum demum locum fortassis habi-
zuram, si ego is essem, qui ex verbis illis Christi pro-
bare vellem aquæ baptismum ad quosdam homines
hodie non pertinere. Sed quando adversarius est, qui
inde colligi omnino affirmat, aquæ baptismum per-
aquæ ad omnes homines omnibus seculis tanquam
ab ipso Christo præceptum pertinere, necesse est pro-
fectò, vel de omnibus in perpetuū disertè ibi à Chri-
sto verba facta fuisse, vel eos, de quibus eum locutum
fuisse constat, nulla in re quæ momentum aliquod in
aquæ baptismi negotio habeat, à reliquis differre, a-
lioqui non ex ipsis Christi verbis, sed ex nostris præ-
judicatis opinionibus, non ex Christi verborum sen-
tentia, sed ex nostro sensu ejus præcepta eliciemus.

CAPUT IV.

SEQUUNTUR ex ordine nobis proposito exa-
minanda verba illa Domini Iesu, apud Iohan-
Ioh. 3. 5. nem cum Nicodemo: Nisi quis natus fuerit ex
aqua & Spiritu, non potest intrare in regnum
Dei. ex quibus satis perspicuum esse videtur, præter
Spiritus baptismum à Christo baptismum quoq; ter-
restri aquæ requisitum fuisse, si quis salvus esse ve-
lit, & ob eam rem omnibus per aquæ in perpetuum
præceptum esse, ut aquæ baptismo tingantur, qui-
cunq; non injuria se Christianos esse, profiteri cupi-
ant. Iam verò, quamvis neminem ferè hodie esse
credamus, in divinis literis paulò exercitatiores,
qui locum istum ad externum aquæ baptismum per-
trahat,

trahat, idq; si fiat, non rectè fieri ex iis, quæ superiorè loco excutiendo diximus, planissimum esse possit, tamen quemadmodum, ut omnibus satisfaciamus, eum pro quarto adversariorum testimonio proferre non piguit, sic etiam separatim examinare non pigebit, præsertim cùm ejus explicatio ad ea, quæ antea dicta sunt, confirmanda plurimum conducere queat. Dico igitur, ex eo solo satis constare hic de aquæ terrenæ baptismo sermonem non esse, quod alioquin neminem in Dei regnum ingressurum esse sequeretur, nisi eo baptismo initiatus foret. Quod, ut supra dictum fuit, ne adversarii quidem ipsi affirmare audebunt. Est autem hic locus, illis ejusdem Christi verbis, apud eundem Iohannem similis, cùm ait Iudeis non habere eos vitam æternam in seipsis, nisi comedant carnem Filii hominis, & sanguinem bibant. Quæ verba diu ad cœnam Dominicam à multis detorta fuere, donec tandem animadversum est, id perperam fieri. Nam alioqui nemo vitam æternam habiturus esset, qui cœnam Domini non aliquando manducasset, contra verò quicumq; manducasset, vitam æternam adipisceretur, cùm ibidem illicò subjungat Christus, eum, qui comedat ipseus carnem, & ipseus sanguinem bibat, habere vitam æternam, quorum utrumq; longè absurdissimū esse, præsertim verò hoc posterius, nemo est qui non perspiciat. Vt igitur ista ratione factum est, ut iidem illi, qui in cœna Domini veram & naturalem ipsius carnem & sanguinem percipi contendunt, tamen de cœna Domini, ibi non agi jam agnoscere incipiant,

cipiant, sic quoq̄ nulli, quamvis acerrimo terrene
aquæ baptismi propugnatori dubium esse potest, de
eo baptismo ibi agi non posse, ubi apertè aqua tan-
quam prorsus ad salutem eternam necessaria requi-
ratur, ut certè sit. Verùm quid aqua nomine hoc lo-
co intelligi debeat, non perinde inter omnes constan-
re video. Mihi tamen ea maximè sententia proba-
tur, quæ à peccatorū sordibus ablutionem sive ipsam
pœnitentiam, per quam à peccatis abluimur, ea vo-
ce significatum esse vult. De altera enim quadam
hominis nativitate agens Christus, nihil opportuni-
us commemorare potuit, quàm peccatorum deposi-
tionem, nec ulla re alia convenientius ad ipsam ex-
primendam uti. Siquidem per eam depositionem, si-
ve per pœnitentiam, & vitæ emendationem denuo
quodammodo nascimur, & novæ creaturæ efficimur.
Itaq̄ in ipsis sacris literis, non modò in novitate vitæ
eos ambulare scriptum est, qui in peccatis amplius
non manent, Rom. 6. 4. verùm etiam ii, in quibus fi-
des per dilectionem operatur, seu qui Dei mandata
conservant, novæ creaturæ appellantur. Vt cuilibet
manifestum erit, qui v. 19. cap. 7. prioris ad Corint.
& v. 6. cap. 5. ad Gal. cum v. 15. cap. 6. ejusdem ad
Gal. Epistole conferre voluerit, cui planè consentit
versus 17. cap. 5. posterioris ad Corint. Hinc veterem
exuere novumq̄ hominem induere ii dicti sunt, qui
peccatis relictis, justitiæ opera sectantur, ut legitur
cap. 4. Epist. ad Ephes. & 3. ad Colos. at alia multa,
quæ huic pertinent omittam, omnibus qui vel semel
novi Fœderis scripta perlegerint, satè, ut arbitror,
cogni-

cognita, atq; comperta. Conjungit autem Christus cum aqua ista, hoc est peccatorum ablutione, Spiritum, ex utroq; hominem, qui in Dei regnum ingressurus sit, nasci oportere, affirmans, quia nisi Spiritus divini ope hominis sensus interiores purgantur, & ipse intellectus renovetur, etiamsi instauraretur voluntas, homo tamen ipse denuo natus, & plane renovatus dici non posset. Sed ne voluntas quidem ipsa ullo modo renovaretur, nedum actiones seu facta universa, ut quidem necesse est, si quis à peccatorum sordibus se ablutum esse, ipsaq; peccata deposuisse, citra mendacium affirmare velit. Proinde tantum abest, ut hic locus adversariorum sententiae faveat, ut etiam ei maximè advesetur. Ostendit enim aperte ipsam aquam vocabulum in salutis nostrae negotio, non terrenam aquam, & veram, sed spiritualem quandam, & metaphoricam interdum significare. Quare nihil est, etiamsi nulla præterea ratione niteremur, quod nos cogat in iis locis, in quibus, tanquam ad salutem nostram pertinens, baptismus commemoratur, baptismum aquæ externum intelligere: præsertim cum ipsius aquæ nulla aperta mentio fiat, hocq; de iis locis potissimum dicendum est, qui huic sunt valde similes, ita ut utrobique eandem prorsus sententiam contineri merito existimari possit, qualis est, quem proxime examinavimus. Nam quid obsecro similis his verbis, Nisi quis natus fuerit ex aqua & Spiritu, non potest intrare in regnum Dei, illis inveniri potest, **Qui crediderit & baptizatus fuerit, salvus erit.**

rit. si modò ea tantam vim habent, ut baptismum de quo ibi agitur, ad salutem requiri ostendant, quemadmodum & nos credimus, & adversarios asseverare necesse est, si velint ex ipsis aquæ terrene baptismum, à Christo præceptum fuisse, colligere. Quæ de re, supra satis disputatum est. Quod ibi est credere Evangelio, hic est ex Spiritu nasci, siquidem Evangelium seu novum Fœdus, quod nobiscum Deus per Christum pepigit, Spiritus ministratio est, & qui ejus ministri sunt, Spiritus ministri dicuntur, 2. Cor. 3. 6, 8. Porro quod ibi est baptizari, hic est ex aqua nasci, quod verò salvum esse, in Dei regnū intrare. Quamobrem, ut diximus, eandem utrobique sententiam esse, planè affirmare possumus, quod si ita est, nulli dubium esse potest, ibi de aquæ terrene baptismo non agi, nisi & hic quoque agatur. Hic autem non agitur, ut à nobis demonstratum est, & plerique omnes hodie videntur sentire, ergo ne ibi quidem. Sunt tamen, qui hoc loco, aquæ nomine, nihil aliud, quàm ipsum Spiritum sanctum intelligant, qui alibi quoque per aquam significatur, idque in ejusdem Christi verbis, apud eundem Evangelistam, veluti cum ait, futurum, ut qui in se crediderint, ex eorum ventre flumina aquæ vivæ profluant, & cum Samaritanæ mulieri dicit se habere aquam vivam, quam possit ei dare, quamque si quis biberit, in æternum sititurus non sit, quippe quod ea aqua in ipso evasura sit, in fontem aquæ salientis, in vitam æternam. Quam interpretationem, si sequamur, quid est, cur hic locus, ad universale & perpetuum aquæ

Ioh. 7. 38.

4. IO,

14.

aque terrena baptismi preceptum confirmandum
 afferi possit? Nec verò interpretationi ista adver-
 satur, quòd ipsius Spiritus nominatim mentio fiat,
 isq; cum aqua conjungatur. Nam, ut supra attigi-
 mus, conjunctivæ particule non semper inter diver-
 sa ponuntur: sed sæpè expositivarum vicem gerunt.
 Cujus rei accommodatissimum, ad locum nostrum,
 exemplum habemus in Iohannis Baptiste verbis il-
 lù, de Christo, Ipse baptizabit vos Spiritu san-
 cto & igne, Mat. 3. 11. Luc. 3. 16. In quibus, nemo
 non videt, pro eadem re accipi ignem & Spiritum
 sanctum, nisi quòd alter, ad alterius explicationem
 additur. Ac perinde est, atq; si dictum fuisset, ipse
 baptizabit vos igne sancto & Spirituali, quòd decen-
 tissimam antithesin, ut locus omnino postulat, conti-
 net ejus, quòd ante dictum fuerat, Ego baptizo
 vos aqua. Nam, quin corpoream & terrestrem a-
 quam Iohannes intellexerit, nemo est, qui dubitet,
 & res ipsa aperte docet. Quapropter hic quoq; cum
 Christus Spiritum cum aqua conjungit, nihil aliud,
 quàm spiritalem aquam intellexisse videtur, quam
 tacite corporeæ aquæ, à Iohanne ministratæ oppo-
 nat, monens Nicodemum, ad Dei regnum partici-
 pandum, parùm futurum, si quis baptismo illo aquæ
 externo abluatur, nisi interiore spiritus baptismo
 mundetur. Nam & alibi dixit, magnum quidem es-
 se Iohannem Baptistam, adeò ut inter natos ex mu-
 lieribus nemo major propheta, quàm ipse esset, eum
 tamen, qui minimus esset in regno celorum, ipso es-
 se majorem. Nimirum, quia non modò Iohannis dis-

Luc. 7. 28.

cipuli, quiq; ejus baptismo tincti fuerant, divini re-
 gni participes nondum erant, sed ne ipse quidem Io-
 hannes institutionis & disciplinæ suæ vi, in eoregno
 versari dici poterat. Id enim ipsi quoq; non aliter,
 quam per Christi gratiam spiritumq; contigerat.
 Quoniam igitur Christus aquam commemorans, ni-
 hil diversum ab ipso spiritu intellexerat, idcirco in-
 stitutum cum Nicodemo sermonem persequens, non
 amplius aquæ, sed spiritus tantum mentionem facit,
 ut videre est v. 6. & 8. ubi id, quod prius ex aqua &
 Spiritu nasci appellaverat, ex Spiritu nasci simplici-
 ter appellat, quemadmodum Iohannis quoq; Baptiste
 verba, in quibus apud Matthæum & Lucam, non
 Spiritus sancti solum, sed ignis etiam mentio fit, a-
 pud Marcum, & Iohannem Evangelistam, nullam
 prorsus ignis, sed sancti tantummodò Spiritus men-
 tionem continent. Atque hac quoq; horum verborum
 Christi explicatione, superiorum, quam nos attuli-
 mus, interpretatio confirmatur, dum dicebamus fie-
 ri posse, ut Christus post fidem baptismum comme-
 morans, baptismi nomine nihil diversum ab ipsa fi-
 de intellexerit, sed quid sit illa fides explicare vo-
 luerit. Nam ibi similiter, sermonem suum absolvens,
 non amplius baptismi, sed fidei tantum meminit,
 inquit, qui verò non crediderit, condemna-
 bitur. Itaq; videmus id verissimum esse, quod præ-
 diximus, horum Christi cum Nicodemo verborum
 examinatione multa ex iis, que supra dicta sunt, il-
 lustrari, ac confirmari. Quod multò magis perspicu-
 um fieret, si in ipsis excutiendis, diutius immorari
 velle-

si
 velle
 rudi
 men
 jus lo
 rios y
 ros fu
 Ingr
 quan
 ea ve
 inter
 gniti
 nomi
 se. I
 univ
 ram
 eam
 cessa
 miss
 scii
 verb
 tu,
 jam

P
 scrip
 jus p
 tum

vellemus: sed quæ dicta fuerunt, homini non planè rudi, aut veritatis inimico satis esse possunt. Id tamen silentio prætermittendum non est, nos in hujus loci examinatione, ut quicquid magis adversarios juvare potest, concederemus, perpetuò ita locutos fuisse, ac si certissimum esset in Christi sermone, Ingressi in regnum Dei, nihil aliud significare, quam Servari, seu vitam æternam adipisci. Nam si ea verba, ut à multis fit, & fieri debere videtur, ita interpretari velimus, ut ad divinarum rerum cognitionem referantur, quis obsecro non videt, aquæ nomine hic externum baptismum intelligi non posse. Manifestum est enim, nec terrenam aquam, nec universam ceremoniam illam aliquid cum divinarum rerum scientia commune habere, nedum ut ad eam scientiam consequendam eo baptismo tingi necessarium sit. Quod tamen ea interpretatione admissa, ex hoc loco omnino colligeretur, si ex aqua nasci idem esset, ac terrena aqua baptizari, vel in his verbis, Nisi quis natus fuerit ex aqua & Spiritu, is baptismus quoquo modo contineretur. Sed jam ulterius progrediamur.

CAPUT V.

PRO quinto igitur adversariorum testimonio, Petri Apostoli verba afferenda censuimus, quæ scripta sunt, Act. 2. 38. Quærentibus enim iis, qui ejus prædicatione audita, corde compuncti fuerant, tum ab ipso Petro, tum à reliquis Apostolis, Quid

faciemus Viri Fratres? *respondet Petrus*, Pœnitentiam agite, & baptizetur unusquisque vestrum in nomine Iesu Christi in remissionem peccatorum, & accipietis donum Spiritus sancti. *Hic autem non est, quod quispiam causetur, de aque externo baptismo non agi, cum & loci circumstantia, & id, quod paulò post scriptum est, Qui ergo libenter receperunt sermonem ejus, baptizati sunt, &c. apertissimè demonstrant, de eo baptismo Petrum locutum fuisse. Quod cum ita se habeat, satis constare videtur, aque terrene baptismum ab Apostolis mandatum fuisse, & si quis inter Christianos numerari velit, ejus partes esse, ut eo baptismo tingi se curet.*

Respondeo: Præceptum istud seu Petri sive Apostolorum, nec universale, nec perpetuum esse. Universale quidem non est, nam certis quibusdam hominibus datum fuit, ad quorum exemplum, si aliis quoq; datum fuisse velimus, necesse est omnino istos alios eorum, quibus verè fuit datum, in iis, quæ huc pertinere possunt, prorsus similes esse. Itaq; ubi dissimilitudo aliqua extiterit, quæ hac in re quidpiam momenti habere posse videatur, ibi præceptum istud nullas vires habere poterit. Sed & supra ostensum fuit, & paulò post apertius ostendetur, eos, de quibus potissimum, an baptizari debeant, nec ne, inter nos controversia est, valde dissimiles in baptismi negotio, eorum esse, quibus Apostoli mandarunt, ut baptizarentur. Ergo mandatum istud non omnibus expresse datum, nec universalibus indefinitis verbis

93
con
Perp
ri, c
pare
unt,
pus f
dicas
niter
um s
serva
ne d
niter
quoq;
saria
man
vide
ex C
incu
tern
cept
non
absti
tunt
is e
nem
istis
bapt
form
omn
At

conceptum ad ipsos pertinere ulla ratione potest. Perpetuum verò qui poterit præceptum istud cense-
 ri, cum ejus rei nullum vestigium in Petri verbis ap-
 pareat, quæ præsens tantummodò tempus respici-
 unt, nec quid in futurum, vel ad brevissimum tem-
 pus faciendum sit, ne indicant quidem. Quòd si
 dicas hac ratione effici, ut ne præceptum quidem pœ-
 nitentiæ, quod in Petri verbis continetur, perpetu-
 um sit. Itaq; hoc tempore, non necesse esse, ut, qui
 servari velint, pœnitentiã agant. Respondeo, si-
 ne dubio in Petri verbis, nullum perpetuum de pœ-
 nitentiã agenda præceptum extare, nec, si hodie
 quoq; pœnitentiã ad salutem consequendam neces-
 saria est, ut certè est, id ex Petri & Apostolorum
 mandato illo colligi, sed ex universis sacris literis e-
 videntissimè constare, in quibus nihil æquè, ac vitæ
 ex Christi præceptione emendatio præcipitur atq;
 inculcatur, si quis ad salutem, hoc est ad vitam æ-
 ternam aspirare velit. Si quicquid ab Apostolis præ-
 ceptum est, perpetuum censei debet, cur quæso (ut
 nonnullis placere audio) suffocato & sanguine non
 abstinemus, aut saltem iis, qui ad Christum conver-
 tuntur, ut abstineant, non præcipimus? Apostoli enim
 iis ex gentibus, qui ad Deum per Christi cognitio- Ab. 15. 29.
 nem convertebantur, expressè mandaverunt, ut ab
 istis abstinerent, quæ etiam, (non secus atq; Petrus
 baptismum aque cum pœnitentiã conjunxit) cum
 fornicatione conjunxerunt, quàm certissimum est
 omnibus Christianis in perpetuum interdictam esse.
 At dicet aliquis, idcirco præceptum illud abstinendi

à sanguine & suffocato, à nobis nec servari, nec aliis
 servandum tradi, quia Paulus Apostolus ejusmodi ci-
 Col. 2. 16. borum delectus, & mandata de illis tradita, ad nos
 minimè pertinere ait, & tanquam futuri corporis,
 quod jam advenerit, umbram fuisse affirmat, atq;
 I Cor. 2. 9, inter cætera satis apertè docet, posse Christianum ho-
 &c. minem, si citra offendiculum, cum bona conscientia
 & 10. 27. id fiat, iis, quæ idolis sacrificata fuerint, vesci: quo-
 rum tamen es non minus, quam sanguinis & suf-
 focati in eo. Apostolorum decreto fratres ex gentibus
 prohibiti fuerant: sed ex nullo divinarum literarum
 loco apparet, eos, qui Christiani esse velint, aquæ ba-
 ptismo abstinere posse. Ad hæc respondeo: primùm,
 satis esse, ut infirmitas adversariorum argumenti
 coarguatur, offendisse non omnia quæ ab Apostolis
 præcepta fuere, perpetua esse, & sanè ad id osten-
 dendum Pauli verba, quæ de ciborum usu agunt, plu-
 rimum conducunt, tantùm abest, ut ea ratiocinati-
 onem nostram convellere existimanda sint. Præter-
 ea dico, etiam si Paulus eorum ciborum usum, quem
 Apostoli interdixerant, suis verbis nunquam appro-
 basset, nec quisquam alius Dei Spiritu, ut ille prædi-
 catus, cibus illis nobis licere uti apertè dixisset, non ta-
 men nos Apostolorum præcepto illi servando, tan-
 quam in perpetuum dato obstrictos futuros. Pugnat
 enim præceptum illud cum libertate Christiana, in-
 quam nos Christus vindicavit, qui nihil ejusmodi
 unquam præcepit, cujusq; lex, quæ tota spiritualis
 est, totaq; interiorem hominem præcipuè respicit, ab
 istis carnalibus, & planè externis ritibus in univer-
 sum

sum non abest solum : sed penitus quodammodo abhorret. Nec verò Paulus, cum ciborum omnium usum approbavit, illud ideò fecit, quòd Deus sibi ea in re quippiam singulariter patefecisset, atq; ea ratione decretum Apostolorum illud abrogasset: sed ut ex eius verbis, ubicunq; ea de re agit, presertim verò ex iis, quæ in Epistola ad Rom. cap. 14. disputat, perspicuum est, quia viderat, cum Christi lege, & Evangelio, cumq; fidei nostræ analogia, ac demum cum ipsa recta natura ciborum quorumvis interdictum minimè consentire. Quare non simpliciter, quid Apostoli aliquando præceperint, inspiciendum est, si inde perpetuum Ecclesiæ præceptum datum colligere velimus: sed etiam, an cum universa Christi lege, ac fide benè congruat, considerandum, (alioquin ad tempus certis de causis, quæ interdum etiam nobis ignora esse possunt, id eos præcepisse omnino statuendum est. Quòd si hoc in præcepto illo, à sanguine & suffocato abstinendi locum habet, quod tot ante seculis ab ipso Deo Nohe, qui solus in toto terrarum orbe cum sua familia extabat, & ejus filii, ob eamq; rem universo orbi datum fuerat, quodq; Apostoli unanimi consensu, deliberatione diligente adhibita, repetierunt, atq; iis omnibus, qui illud antea vel ignorabant, vel non servabant, indefinitis verbis utentes dederunt, disertè testantes, id non sibi tantum, sed Spiritui quoq; sancto visum fuisse, multò magis, profectò, locum in baptismi aquæ præcepto habebit, quod à Petro (quanquam pro aliis etiam Apostolis) statim respondente, certis quibus-

Gen. 9. 4. 5.

dam hominibus traditum fuit, in quo tradendo nec Spiritus sancti, quo autore id fieret, expressa mentio facta est, nec divinum aliquod antecedens mandatum Petrum secutum fuisse apparet. Nunquam enim probabitur, Deum, sive Christum, illud ipsum præceptum antea dedisse. Nam quod Iohannes Baptista ait, se missum fuisse à Deo, ut aqua baptizaret, id nihil ad rem facit, cum propter alias causas, tum verò quia, ut supra dictum est, & infra demonstrabitur, Iohannis baptismus alius est, à baptismo, quem Petrus interrogantibus illis, quid sibi faciendum esset, præcepit, atq; præscripsit. Iam verò præceptum, aut præscriptio ista, quod ad ipsum baptismum attinet, omnino in re externa, & ad corpus spectante versatur, nec aliquid habet, quod cum Christi lege, fideiq; analogia consentiat, nisi professionem illam apertam nominis Iesu Christi, quam nihil prohibet pro temporum & locorum ratione modo hoc, modo illo, quodcunq; Ecclesia elegerit, externo signo declarari, imò nullo præterea nisi in, quæ rem ipsam naturaliter quodammodo ac necessario comitantur, consignari, quæ satis superq; ad hominem Christianum declarandum esse possunt. Si quid externi, quod ipsius rei natura non secum adferat (seu ut loquuntur) ceremoniale sit, in Ecclesia Christi perpetuò servandum est, id ab ipso Christo præceptum fuisse oportet, sive etiam ab ejus Apostolis, verum ita, ut cum Christi lege consentiat, & ipso Christo autore id factum fuisse constet, ut in cæna Domini contingere videmus, quam & ipse Christus instituit, &

Paulus

Paulus, qui eam Corinthiis commendaverat, ab eo se accepisse testatur, ipsa verba recitans, quibus instituta fuerat. Ex iis, quæ hactenus breviter de Apostolorum præceptis disputata sunt, satis constare arbitramur, præceptum illud Petri perpetuum non esse, sed ad tempus datum fuisse. Præceptum inquam ablutionis illius externæ, quam in illis Ecclesie initiis usurpatum merito fuisse, ex eo apparet, quod, ut primo capite diximus, ab ipso Evangelii exordio, seu potius quodam præludio, id est à Iohannis Baptiste prædicatione, & deinceps qui pœnitentiam agebant, & sive ipsius Iohannis, sive etiam Christi discipuli fiebant, aqua abluebantur. Consulendum enim fuit populorum ruditati in ipsis externis ritibus educatorum, & jam planè consenescentium. Cùm igitur eo tempore, aliquis externus ritus ad eos initiandos, qui ad Christum convertebantur, adhibendus esset, nullus decentior videri potuit, quàm is, qui non modò novitatem illam vite Christianorum propriam, ac peccatorum per Dei gratiam deletionem atq; absterisionem representaret, (ut sic dixerim) & panè ob oculos poneret, verùm etiam in Dei populo jam receptus, & frequente usu comprobatus fuisset. Quemadmodum, cùm Apostoli Iudeorum infirmitati, in placitis Mosaicæ legis adhuc servandis aliquid concedendum esse perspicerent, & gentibus quoque onus aliquod ex iis imponendum esset, quæ Moses populo ferenda dederat, nullum convenientius deligere potuerunt, quàm illud, quod etiam ante ipsam legem Mosaicam, & ante populi Israëlitiçi, à cate-

ris populis distinctionem hominibus ab ipso Deo impostum fuerat, ob eamq; rem, nec tunc à quorundam ex gentibus, & aliquando à nonnullorum populorum institutis abhorrebat.

Sed quid, si demus, præceptum istud externi baptismi à Petro, Apostoliq; datum perpetuum esse? An non satis est, id quod primo loco diximus, non esse universale, sed certis quibusdam hominibus fuisse datum, quorum ii, de quibus querimus, hac in re nequaquam sunt similes? Quod idcirco à plerisq; hactenus animadversum non fuit, quia ritui isti plus tribuerunt, quàm decebat, nec, in quem usum ab Apostolis institutus fuerit, benè cognitum habuerunt. Crediderunt enim per ablutionem, sive immersionem illam externam in Christi Iesu, sive in Patris, & Filii, & Spiritus sancti nomine factam, aliquid Deum etiamnum hominibus largiri, & tanquam instrumentum quoddam conferendorum bonorum spiritualium, ab ipso initio fuisse usurpam, Ecclesiæq; præscriptam. Atqui longè secus res se habet, cum nihil verè aliud sit, In nomine Domini Iesu Christi aqua baptizari, quàm, publicè Christo nomen dare, ejusq; fidem, que in corde lateat, palàm testari ac profiteri, ita ut non Christianum ulla ex parte baptismus efficiat, sed indicet, atq; declaret. Propterea scriptum est, postquam illi Petri jussu baptizati fuissent, addita esse eo die animarum circiter tria millia, id est, aspectabilem Christi Ecclesiam ter mille hominum plus minus numero auctam fuisse. Quod perinde est, ac si dictum foret, ad tria
millia

millia hominum eo die baptismum accepisse, nihil enim aliud sibi vult Lucas, quàm baptizatorum numerum exponere, neq; verò de ullius conscientia illi testandum fuit, nec (quod solius Dei est) quinàm vera & inaspectabilis Christi Ecclesie membra essent, pronuntiandum. Philippus Eunuchò aqua baptizari (in Iesu Christi nomine) cupienti, ait, si toto corde credis, licet. Toto igitur corde in Christum credere oportet eum, qui ritè in Iesu Christi nomine baptizari velit. Ergo nihil, quod ad salutem consequendam necessarium sit, confert baptismus iste, sed jam inque necessaria sunt, eum qui baptizatur, creditum esse testatur. Itaq; mentitur is, qui baptismum istum accipit, nec tamen adhuc Christo ex animo confidit, & ipsi quidem Spiritui sancto mentitur. Quare meritò nos docet Philippus, nefas esse eum, qui jam verè Christo fidem non adhibeat, isto baptismò tingi, tantùm abest, ut ipse baptismus eam fidem, ut quidam existimarunt, aut conferat, aut etiam (nisi id aliunde planè constet) ullo modo confirmet. Quòd si post acceptum baptismum Spiritus sanctus dabatur, neq; id perpetuum erat, nec propter ipsum baptismum, sive etiam per baptismum dabatur. Perpetuum quidem non fuisse, ex eo perspicuum est, quod legitur, Act. cap. 8. v. 16. & cap. 10. 44. In quorum priore loco scriptum est, in Samaria nonnullos fuisse, qui in nomine Domini Iesu baptizati essent, nec dum tamen Spiritum sanctum accepissent. In posteriore verò narratur, super omnes, qui Petrum Cornelio Centurioni, Dominum Iesum an-

AG. 8. 1

nunciantem audiebant, adhuc ipso Petro loquente, Spiritum sanctum cecidisse, quamvis nec ii, qui cum Cornelio erant, nec ipse Cornelius adhuc baptizatus esset, quod postea fieri iussit Petrus. Propter baptismum autem Spiritum sanctum datum non fuisse, sed potissimum propter fidem in Christum, cum posterius ex modò prolatis testimoniis non obscure indicat, tum verò satis aperte docet ipse Christus, cum ait, Signa autem eos, qui crediderint, hæc sequentur: In nomine meo dæmonia ejicient, &c. ut pleraq; alia testimonia omittam, quæ idem planè confirmant. Sed ne per baptismum quidem Spiritum sanctum dari consuevisse, sed per impositionem manuum Apostolorum, nemo est, qui ipsorum acta à Luca descripta legerit, qui ea de re dubitare possit. Id enim ex modò citata Samaritanorum historia clarè liquet, ibiq; mox additur, Cum vidisset autem Simon, quòd per impositionem manuum Apostolorum daretur Spiritus sanctus, &c. cui adde insuper historiam eorum discipulorum, quos Paulus Ephesi reperit, ubi verba illa habentur: Et cum imposuisset illis manus Paulus, venit Spiritus sanctus super eos, &c. Solebat quidem Spiritus sanctus, tum demum dari, cum quis baptizatus esset, quia idcirco sine dubio dabatur, ut de Christo prædicatio confirmaretur, populusq; ad fidem ipsi adjungendam adduceretur, videns quibus miris donis à Deo manifestè afficerentur ii, qui illi confidebant, quos ab aliis internoscere non ex publica & aperta nominis Iesu Christi

Mar. 16. 17.

Act. 3. 18.

Act. 19. 5.

Christi professione licebat, cuius professionis symbolum, & tessera quedam baptismus aquæ erat, in ipsius Domini Iesu nomine susceptus. Atq; ob eam causam plerunq; post baptismum Spiritus sanctus datur, non autem quia ejus dandi, quasi instrumentum quoddam baptismus esset. Quamobrem etiamsi hodie idem fieret, non tamen idcirco aliud baptismo terrene aque tribuendū esset, quàm quod per ipsum Iesu Christo palàm nomen daretur. Quantò igitur magis id dicendum est, cùm hoc tempore conspicua illa Spiritus sancti dona cessaverint, quæ ipsius Spiritus sancti nomine, in tota hac disputatione intelligere necesse est? Quandoquidem Spiritus sancti dona inconspicua, aut certè non omnium oculis, ut illa erant, exposita, quæq; etiamnum credentibus in Christum dari certissimum est, nihil unquam cum aquæ terrene baptismi commune habuerunt. Itaq; ut ad rem ipsam redeamus, tùm ii, quos Petrus baptizari iussit, nunquam antea publicè & apertè Christo Iesu nomen dedissent, quippe qui tum primum ipsum pro servatore ac principe suo agnoscere cepissent, cumq; is baptismus nihil aliud sit, quàm publica & aperta Iesu Christi nominis professio, si-ve ejus professionis symbolum, quid obsecro attinet, etiamsi præceptum illud Petri perpetuum esse concesserimus, ad eos id pertrahere, quos certum est multò antea palàm Iesu Christo nomen dedisse, & pro iis qui ejus religionem profiterentur, publicè ab omnibus agnitos semper fuisse? Dicam liberè, quod sentio, non conviciandi, aut irridendi animo, (Deus novit)

novit) sed admonendi, & à veterno quodam, si fieri potest, excitandi gratiâ. Non possum sanè hominum quorundam, sive hujus nostri seculi, seu quorumcunque præteritorum stupiditatem, & oscitantiam, ut ita dicam, satis mirari, qui ex Petri mandato illo, vel etiam ex iis omnibus, quæ Apostoli, in hoc baptismi aquæ negotio, aut præcepisse, aut fecisse leguntur, baptismum istum ad eos etiam pertinere intellexerunt, ipsisq; omnino ministrandum statuerunt, qui non modò simulatq; per etatem licuit, Iesum Christum pro Servatore se agnoscere publicè sunt professi, seq; quod ad religionem attinet, nunquam aliter quàm Christianos, vel ipsi nominarunt, vel ab aliis nominari sunt passi, verùm etiam ab ipsis incunabulis, Iesu Christi nomen tanquam Domini ac redemptoris sui in ore semper habuerunt, à quibus eos, quibus cum Apostolis res erat, ut pote vel in Mosai- ca lege, vel in prophanis gentium superstitionibus natos atq; educatos, & perpetuò à Christo non re- tantùm sed verbis quoq; prorsus alienos, tam longè quod ad præsentem inquisitionem pertinet, abesse constat, ut non multò magis terra ab ipso celo dista- re videatur. Verùm quia hac eadem de re, ante- quam disputationem hæc nostram absolvamus, non- nulla fortassis aliquantò explicatius dicenda erunt, ad reliqua in præsentia pergamus. Quoniam autem, quicquid Apostoli de aquæ baptismi, aut ipsi præce- perunt, aut jam præceptum fuisse confirmare viden- tur, superioribus locis examinandis, præsertim verò Petri verbis postremò excutiendis, satis & exami-
natum

63
 natu
 adve
 Qua
 eide
 veri
 tim.
 de i
 stum
 moa

P
 nen
 abs
 fec
 ti p
 cul
 cip
 bap
 cer
 pri
 les
 ve
 ex
 de
 pa
 tu
 si.

natum & excussum videtur, hęc testimoniorum, pro adversariorum sententia proferendorum finis erit. Quare deinceps, ut propositum fuit, rationes, quas eidem sententię suffragari quispiam fortasse putaverit, asseremus, quantiқ, estimandę sint, singulatum, idq; non indiligenter inquiremus. Ac primũ de iis agemus, quę ex ipsis sacrarum literarum testimoniiis ita petite sunt, ut ipsę testimonia quodammodo dici possint.

CAPUT VI.

PRIMA ratio, quam nobis ipsę divine literę subministrare videntur, unde probetur, neminem, qui Christi discipulus esse velit, aquę baptismo abstinere posse, hujusmodi est. Quidquid Christus fecit, quod muneris sibi singulariter à Deo mandati proprium non esset, & interim tamen ad divinum cultum quoquo modo pertineret, id ejus quoq; discipuli omnes facere debent. At Christus sponte aqua baptizatus fuit, ut patet Mat. cap. 3. v. 13. & 16. quod certè muneris singulariter ipsi à Deo mandati proprium non erat, cum alii præter ipsum innumerabiles aqua baptizarentur, idq; ad divinum cultum, si ve ad religionis negotium pertinebat. Ergo nullus ex Christi discipulis aquę baptismo sponte carere debet. Et si ad hanc ratiocinationem, si quis acutius paulò rem inspexerit, satis supra responsum videtur, tamen opere pretium nos facturos arbitramur, si, diligentius eam expendendę, iis, quę jam dicta sunt,

sunt, nonnulla addiderimus. Itaq; dico primùm, non verum esse id quod in ea assumitur, videlicet, quod Christus aqua baptizari voluerit, id muneris ipsi nominatim à Deo demandati proprium non fuisse. Tametsi enim alii quoq; infiniti aqua baptizabantur, non tamen eandem ob causam id à Christo, & ab illis fiebat, neq; Christus generali illo divino decreto, ut populus aqua baptizaretur, quod ex Iohannis Baptiste verbis intelligi poterat, ulla ratione tenebatur. Iohannes enim, ut apertissimum est, baptizabat ad pœnitentiam in remissionem peccatorum, que in Christo nullum locum invenire poterat. Atq; eatenus populus baptizari debebat, quatenus pœnitentia, & remissione peccatorum indigebat. Hoc dico ne quis putet, univèrsam prorsus Israëlitis populum, qui Iohannis prædicationem audiebat, quive in ea regione, ubi Iohannes prædicabat, degebat, ab ipso Iohanne baptizari debuisse, adeò ut ipse quoq; Christus, qui ex Israëlitis populo erat, ei baptismo suscipiendo obstrictus esset. Ego quidem nihil dubito, nonnullos fuisse præter ipsum Christum, qui eo decreto divino non tenerentur, quamvis ex Israëlítico populo essent, eos videlicet omnes, qui iusti erant, quiq; si aliquando peccatores fuerant, jam ante Baptiste prædicationem ex animo resipuerant, & vitam correxerant, jamq; illis omnia peccata divina benigne condonata fuerant, nec ad peccatorum remissionem consequendam, ulla amplius pœnitentia illis opus erat. Hujusmodi autem homines licet admodum paucos, aliquos tamen adhuc in eo populo fuisse,

esse, id docere potest, quod de Simeone, Anna Phari-
 saeae filia, Zacharia, & Elizabetha ipsius Iohannis
 parentibus, deq; Iosepho Mariae Christi matris viro, qui
 vel ea tempestate fuerunt, vel etiam Iohanne
 predicante adhuc fortasse vivebant, scriptum legi-
 tur. Nam omnes praeter Annam disertè iusti fuisse
 dicuntur, & aliqui ex ipsis non iusti modò, verum e-
 riam coram ipso Deo iusti & inculpati. Anne verò
 eiusmodi testimonium datur, ex quo eam iustam fu-
 isse apertè colligitur. Certè qui tales erant, ad eos
 baptismus ille Iohannis ad poenitentiam datus non
 pertinebat. Nam nec ipse Christus, iustos se, sed pec-
 catores ad poenitentiam vocatum venisse affirmat.
 Quare istiusmodi homines, ne accessisse quidem ad
 Iohannis baptismum, verisimile est. Unde constare
 potest, si Christus & accessit, & baptizatus est, vel,
 ut primo cap. diximus, id illi nominatim inunctum
 à Deo fuisse, vel alioqui tamen valde consentaneum
 ab ipso fuisse existimatum, licet se nullo praecepto re-
 neri sciret, & sic tanquam proprium ipsius Christi
 muneris censendum esse; ex quo praeceptum aliquod
 omnibus deinceps in perpetuum datum, nullo modo
 elici possit. Nec verò est, quod dicat quispiam, si Chri-
 stus, quem singulari Dei mandato excluso, certissi-
 mum est, ab aque baptismo abstinere potuisse, eo ta-
 men tingi voluit, multò magis eo tingi ceteros de-
 bere, de quibus idem perinde asseverare non licet.
 Nam ut alia multa omittam, in quibus argumen-
 tatio ista evidenter peccat, & ex quibus fallacie ple-
 nissima demonstrari potest, animadvertendum est,

Luc. 1. 62

2. 25.

37.

Mat. 1. 19.

Luc. 5. 32.

non posse Christi personam, ejusvé in aqua baptismo suscipiendo factum, ulla ratione in hac questione nostra, ab eo singulari Dei mandato separari, aut ab aliqua alia singulari causa, quæ ipsum ad baptismum accipiendum impulerit. Hæc autem diversitatem longè maximam, inter ipsum Christum, & alios constituunt, quos nec ullum ejusmodi præceptum habuisse constat, imò de quibus queritur, (atq; de eo tantùm nominatim hic agitur) utrum id quod Christus fecit, ipsi quoq; Christi exemplo omnino facere debeant, nec ob singularem aliquam aliam causam, ad baptismum accipiendum accedere debere ullo modo appareat. Quòd si quis neget, Christo singulariter à Deo præceptum fuisse, ut aqua à Iohanne baptizaretur, vel singularem aliquam aliam causam eum habuisse cur baptizari voluerit, aut saltem ea de re dubitet, præter ea, quæ paulò ante à nobis disputata sunt, legat quæ primo cap. hac de re scriptimus. Sed queret fortasse aliquis, cur fieri potuerit, ut singulare istud præceptum aquæ baptismi, quem Iohannes ministrabat, accipiendi Iesu Christo à Deo fuerit datum, aut quæ potuerit alia singularis esse causa, quæ Christum ad baptismum istum accipiendum impulerit. Responderi potest, quod ad præceptum attinet, (hincq; simul, citra ullū etiam mandatum, non unam tantùm, sed plures singulares causas Iohannis baptismum accipiendi Christum habuisse constabit) idcirco id fieri potuisse primùm, ut Christus ab ipso sui patefaciendi initio modestiæ, atq; humilitatis, cujus ipse perfectum quoddam exemplar,

67
 empla
 public
 docer
 num
 ipso a
 parar
 ter vu
 Nam
 empla
 & De
 vit, h
 ac pra
 illis (i
 ut qu
 id est,
 strare
 ne sig
 humi
 ptism
 de pop
 bapti
 cation
 pter r
 rat, p
 turus
 hann
 jicere
 evide
 innu
 ne ba

emplar, aliis ad imitandum propositum esse debebat, publica specimina daret, & jam tum suo exemplo doceret, neminem quantumvis justum, & ab hominum vulgo virtutum ornamentis disjunctum, de se ipso altè sentire debere, adeo ut à reliquo populo separari quodammodo lit, & pro eo haberi, qui inter vulgares hominum nequaquam sit numerandus. Nam idem Christus quoq;, ut alia ejusdem rei exempla præteream, cum, ut ipse ait, esset & magister & Dominus, discipulorum tamen suorum pedes lavit, hoc est id fecit, quod alioqui ab ipsius dignitate, ac præstantia, quàm longissimè aberat, quo nimirum illis (ut idem apertè testatur) exemplum præberet, ut quemadmodum ipse fecisset, sic & ipsi facerent; id est, alii aliis, ubi opus esset, ministrarent, ac ministrarent. Id enim sine dubio pedum lavatione significare voluit. Vi igitur nos & modestos, & humiles suo exemplo efficeret, debuit Christus baptismum Iohannis adire, & inter ea tanquam unus de populo censeretur, quamvis alioqui nihil sibi cum eo baptismo esse posset. Deinde ut mox futuram prædicationem suam ea ratione populo probaret, qui propter magnam quæ de Iohannis excellentia opinio erat, perfacile ac perlibenter ei aures, accommodaturus videbatur, quem certum esset non solum à Iohanne non dissentire, sed sese illi quodammodo subicere, non recusasse, & illius disciplinam factò suo evidentiè comprobasse. Præterea, ut, quoniam innumerabiles in populo futuri erant, qui à Iohanne baptizati essent, præsertim, qui ad Dei regnum idonei

Ioh. 13. 14

idonei forent, ipsorum similis efficeretur, ne scilicet quisquam eorum esset, qui propter dissimilitudinem aliquam inter se, & Christum in iis quæ ad Dei cultum quoquo modo spectant, & simul humanarum virium omnino sunt, de ea salute consequenda desperare, aut non planè considerare posset, quam ipse Christus adeptus fuisset. Atq; hac sine dubio potissimum respexit Christus, cum dixit, Sic enim decet nos omnem iustitiam implere, Si modò omnis iustitiæ nomine, nõ ea quæ sibi ipsi à Deo mandata: sed quæ populo generatim præcepta erant, intellexit. Adde postremò si placet, ideò debuisse Christum à Iohanne baptizari, ut nobis exemplo esset, ne hominibus divinis obedire cunctemur, sed quicquid illi iusserint, alacri animo semper exequi velimus. Atq; hæc satis sint, ut Christi factum illud baptismum Iohannis suscipiendi proprium muneris illi à Deo mandati fuisse constet, & propterea falsa esse argumenti adversariorum assumptio demonstratur. Verùm tamen concedamus, assumptionem illam veram esse, quid tum postea, cum propositionem falsam esse appareat? Neq; enim perpetuum est, Debere Christi discipulos ea omnia facere, quæ Christus fecit, si nec ad ejus munus singulare propriè spectent, & ad Dei cultum aliquo modo pertineant. Nam si istud perpetuum esset, nemo ex nobis est, qui circumcidi non deberet, quia Christus ipse circumcisus fuit, quod certè nec ad ipsius singulare munus propriè spectabat, cum id ex lege Mosis, & multò ante ex divini ioris certissima præceptione, omnibus Abrahami posteris

Gen. 17. 10.

Lev. 12. 3.

poster
ander
circu
ex eo
quipp
sum n
& im
cumc
pauca
dicens
serva
Chri
quid
tur, e
nisi c
mine
Chri
gnos
nibi
cat. c
stim
bapt
ptun
exte
conc
pian
abla
præ
stia
præ

posteris æquè servandum esset, & ad Dei cultum eandem ob causam omnino pertinebat. Et ne quis in circumcissione ineptè cavilletur, inquit, eam non ex eorum numero dici posse, quæ Christus fecerit, quippe qui non propria voluntate, cum voluntatis usum nondum haberet: sed aliis id curantibus infans & imprudens, ex majorum more, & instituto circumcissus fuerit, de ciborum delectu, deq; aliis, non paucis externis ritibus in Mosis lege præscriptis quid dicemus, quos necesse est confiteri Christum sponte servasse. Nunquid idem nos facere oportet, alioqui Christi discipuli non merebimur appellari? Nunquid ipsismet Iudeis, qui ad Christum convertuntur, eos ritus servandos esse dicemus? Minimè verò, nisi cum quibusdam, qui se falso Christianorum nomine venditant, & cæteris plus sapere videri volunt, Christianam libertatem vel aspernemur, vel non agnoscamus, & interim Pauli Apostoli auctoritatem nihili æstimemus. Quòd si quis sit, qui hîc quoq; dicat, de ritibus illis externis abrogatis apertissima testimonia in divinis literis extare: Quòd autem aque baptismo Christiani carere possint, nusquam scriptum esse. Respondeo, ut superiore cap. feci, eos ritus externos vi ipsius Christi discipline omnes penitus concidisse, non autem quia vel a Paulo, vel alii cuiquam ex Apostolis id singulariter patefactum fuerit, ablatos fuisse, & quamvis in Dei lege disertissime præscripti fuerint, quia tamen cum analogia Christianæ fidei non benè consentiunt, etiamsi nullum præterea ejusce rei divinum testimonium habere-

mus, nos tamen iis servandis obstrictos non futuros. Quanto igitur minus aquæ baptismo suscipiendo obstricti erimus, cum de eo rita servando nullum apertum præceptum extare videamus? Nam externa illa immersio, sive ablutio nihil per se ipsa, non magis quam decreta illa Mosaica, cum Christiana disciplina commune habet, & quidquid secum conjunctum habet, quod cum fidei nostræ analogia consentiat, id nullo incommodo ab ipsa separari potest, multoq; excellentiore ratione, quam per istum, aut alium quempiam certum externum ritum peragi, atq; præstari, quemadmodum ex iis, quæ supra disseruimus, intelligi posse arbitramur. Quocirca, ut de Apostolorum præceptis proximo capite statuimus, sic hoc loco de iis, quæ Christus fecit statuendum est, ea demum nobis omnino imitanda esse, quæ vel ab ipso aliquo modo omnibus mandata fuerint, vel cum reliqua ipsius disciplina ita sint conjuncta, eivæ consentanea, ut ab ea divelli nequeant, aut ab ipsa fluere dicenda sint. Sed fac præterea, baptismum aquæ externum, quo Christus tinctus fuit, ex istorum numero esse, certè si nobis in eo Christus imitandus est, non semper neq; à quocunq; Dei ministro baptizari possumus, sed tum demum, cum aliquis extiterit, qui à Deo ad aqua baptizandum missus fuerit, qualem constat fuisse Iohannem, à quo Christus baptizatus est. At verò quis hodie est, quem ad id munus se divinitus delectum esse, affirmare non pudeat, cum Paulus ipse, quem tamen baptizasse certum est, se à Christo ad baptizandum missum fuisse neget? Sed
quod

quod postremò totam adversariorum argumentationem nullius ponderis esse demonstrat, est, quod ejus vi necessario concluditur, Iohannis baptismo nos contentos esse posse, vel potiùs Iohannis baptismo nos omnino tingi debere, quorum prius, (si modò, ut adversarii disputant, baptismus, quem Apostoli post Christi resurrectionem ministrarunt, nobis suscipiendus est) verum esse non potest, alterum verò plane falsum esse constat. Neg, enim, ut supra monuimus, idem fuit Iohannis baptismus, qui Apostolorum à resurrectione Christi. Imò in re maximi momenti differebant. Quandoquidem Apostolorum baptismus in Christi Iesu nomen ministrabatur, Iohannis verò minime. Id quod præter alia multa eorum discipulorum historia, quos Paulus Ephesi invenit, evidentissimè demonstrat, in qua affirmatur, eos, qui Iohannis baptismum ante susceperant, postea in nomen Domini Iesu baptizatos fuisse. Quamvis enim, cum discipuli illi respondent se baptizatos esse in Iohannis baptisma, verbum baptizandi, quod à Paulo interrogante prolatum fuerat, & in ipsorum verbis subauditur non aquæ baptismum, sed initiationem, ut ante dictum fuit, significare videatur, tamen ridiculum est existimare, plus continuisse ipsum aquæ baptismum à Iohanne ministratum, quàm aliam qualemcunq; in ejus disciplinam initiationem. Deinde, ut appareat, discipulos illos aquæ baptismo à Iohanne ministrato tinctos fuisse, satis est, ipsos dixisse, se Iohannis discipline fuisse initiatos. Nam ea disciplina sine aquæ baptismo consistebat, quem pro-

A. 125

pterea, quicquid eruditi aliqui interpretes eo loco sentiant, post Iohannem ejus quoq; discipulos, qui ad ejus exemplum populum docerent, usurpasse, omnino statuendum est. Vnde etiam aperte colligitur, non satis esse eis, qui baptizandi sunt, baptismum Iohannis accepisse: præter id, ad quod probandum nominam historiam istam attulimus, baptismum videlicet Iohannis in Iesu Christi nomen ministratum non fuisse. At verò in nomen Domini Iesu baptizari, id potior pars baptismi est, ab Apostolis post Christi resurrectionem instituti, vel potius ipsius baptismi anima quedam atq; substantia, qua sublata funditus corruat ipse baptismus necesse est. Namq; ejus baptismi vis universa in eo esse videtur, ut quis per eum Christo initiatur, atq; ei publicè & aperte nomen dare incipiat. Hoc autem non aliunde proficisci potest, quam ex eo, quod in ipsius Christi nomen ministratur. Nec verò ii audiendi sunt, qui dicunt, discipulos illos vel non fuisse iterum externo baptismo unctos, vel, si fuerunt, non propterea id factum esse, quod Iohannis baptismus, quem antea susceperant, in Iesu nomine non ministraretur. sed quia nondum Spiritum sanctum acceperant. Vtrumq; enim apertissimis historie verbis repugnat, ubi scriptum est dicitur, eos, Pauli verbis auditis (cui prius ipsi dixerant, se baptizatos esse in Iohannis baptisma) in nomen Domini Iesu baptizatos fuisse: & ne quis hinc Spiritus sancti baptismum intelligeret, subiungitur postea, Paulum illis manus imposuisse, & Spiritum sanctum in ipsos descendisse. In qua porro narratione,

ne, quis negare potest, baptizari in Domini Iesu nomine, pro re diversa à Iohannis baptismate poni? Iam verò si discipuli illi in Domini Iesu nomen jam tum, cum baptismum Iohannis susceperant, baptizati fuissent, ut Spiritum sanctum quoq; acciperent, nil opus deinde fuisset, eos iterum in Domini Iesu nomen baptizari, nec ullo modo id curaturum fuisse Paulum, aut etiam permissurum, credibile est, id enim ad Domini Iesu nominis ludibrium, & contemptum omnino pertinuisset. Sed satis fuisset, Paulum pro ipsis orare, & illis, ut fecit, manus imponere: quemadmodum Petrum, & Iohannem fecisse legitimus, cum curare vellent, ut quidam, qui in Domini Iesu nomen jam baptizati fuerant, Spiritum sanctum consequerentur, quem nondum acceperant, Act. 8. 15. Monebat quidem Iohannes, ut in eum Act. 19. 4. crederetur, qui post se venturus erat, hoc est in Christum Iesum, non tamen in eius nomen baptizabat, quin etiam ne Apostolos quidem ipsos, ante Christi resurrectionem id fecisse, vel legitur, vel verisimile est, quemadmodum nec legitur, neq; est verisimile ante Christum à mortuis excitatum, & in calis ad Dei dexteram collocatum, pœnitentiam ac remissionem peccatorum in Iesu nomine predicatam fuisse. Quod satis intelligi potest, ex illis ipsius Domini Iesu verbis: Oportebat Christum pati, & re- Luc. 24. 46. surgere à mortuis tertia die, & prædicari in nomine eius pœnitentiam, & remissionem peccatorum in omnes gentes, incipiendo ab Hierosolyma. Et ex illis Petri, Deus Patrum Act. 5. 30.

nostrorum suscitavit Iesum, quem vos inter-
 emisistis, suspendentes in ligno. Hunc princi-
 pem & salvatorem Deus exaltavit dextra
 sua, ad dandam pœnitentiam Israël, & re-
 missionem peccatorum. Ex quibus locis pla-
 num fit, prædicationem pœnitentiæ & remissionis
 peccatorum in nomine Christi, sive Israël separa-
 tim, sive omnibus gentibus simul, non ante ipsius
 Christi à mortuis resurrectionem, & adeptam glo-
 riam cœpisse. Nec mirum, cum unà cum ipsius præ-
 mium esset, à Deo, Christi obedientiæ usq; ad mor-
 tem crucis propositum, & constitutum. Prædicabat
 quidem ipse Dominus Iesus, dum adhuc mortalis in
 terris degeret, pœnitentiam & remissionem pecca-
 torum, quod idem Apostoli quoq; ab eo missi facie-
 bant, sed non in nomine ipsius Iesu, qui nondum ho-
 mines vita æterna donandi, qua peccatorum remis-
 sio illa continebatur, potestatem, nisi destinatione
 adeptus fuerat, quamvis demonia ipsa in eius nomi-
 ne ejicerentur, quippe quorum ejiciendorum jam
 plenissima potestate donatus fuisset. Quare nec eti-
 am baptismus, qui in remissionem peccatorum mi-
 nistrabatur, in ipsius Iesu nomine dari tunc tempo-
 ris ab Apostolis potuit, quamvis pro ipso Iesu bapti-
 zarent, & ipsis baptizantibus, Iesus ipse baptizare
 & diceretur, & dicendus esset. Nam Iohannes quo-
 que baptizabat ipse, non pro alio quopiam, sed ex
 proprio munere, non tamen in suum nomen, sive in
 suo nomine baptizabat, quamvis qui ab ipso bapti-
 zabantur, non minus Iohannis discipuli, & essent.

1oh. 3. 22,
 26.

& dicerentur, quàm Iesu discipuli ii, qui ab Aposto-
 lis baptizati erant. Verùm, ut ad id revertamur,
 quod nobis propositum est, baptismum scilicet Iohan-
 nis non fuisse in Iesu Christi nomine ministratum,
 dico, id vel ex eo aperte constare, quòd Sacerdotes,
 & Levite ab Hierosolymitanis Iudeis missi, inter-
 rogant ipsum Iohannem, quis esset, & cùm respon-
 disse, se non esse Christum, querunt, cur igitur ba-
 ptizet, cùm ipse non sit Christus. Ex quibus ipsorum
 verbis perspicuum est, eos antea ignorasse, an Iohan-
 nes esset Christus, vel se esse profiteretur. Quod san-
 cte fieri non potuisset, si in Iesu Christi nomen bap-
 tizasset. Sic enim jam publicè testatus fuisset, se non
 esse Christum, cùm ipsum non quidem Iesum, sed
 Iohannem appellari omnibus notum esset. Mitto,
 quòd si Iohannes in Iesu Christi nomen baptizabat,
 ipse quoque Iesus in Iesu Christi nomen baptizatus
 fuit, aut certè alio baptismi genere, quàm ceteri om-
 nes fuit tinctus. Quorum prius planè ridiculum
 est: posterius verò, præterquam quod valde absurdum
 censei debet, universam etiam adversariorum ra-
 tionem convellit, ad quam rectè concludendam ne-
 cessarium est, ut Christus eundem baptismum acce-
 perit, quem aliis omnibus suscipiendum esse contem-
 dunt. Certissimum igitur tandem esto, non eundem
 fuisse Iohannis & Apostolorum baptismum, & pro-
 pterea si baptismus ab Apostolis, post Christi resur-
 rectionem institutus, nobis omnino suscipiendus est;
 non satis esse Iohannis baptismum suscepisse. Atque
 id satis esset, si Christus in eo, quòd à Iohanne bap-
 tizatus

Ioh. i. 19.

zatus fuit, nobis imitandus foret, & is à Christo susceptus baptismus, baptismi quem nos quoq; suscipere debeamus, argumentum & exemplum esset. Quin potius, ut dictum est, inde sequeretur, debere nos omnino Iohannis baptismi baptizari, & cum non idem sit Iohannis baptismus, & Apostolorum, vel Apostolorum baptismum prætermitteri posse, vel duos baptismos nobis omnino suscipiendos esse. Quorum utrumq; non dubito, quin adversariis longè absurdissimum videatur. Sed negabunt (opinor) alterutrum ex istis sequi, etiamsi Iohannis baptismus & diversus aliquantum sit, ab Apostolorum baptismi, & nullo modo à nobis omitti debeat. Dicent enim in Apostolorum baptismi illum contineri, cum Apostolorum baptismus quicquid in Iohannis baptismi est, planè complectatur, & præterea (quod ipsius est proprium, quodq; solum inter ipsum & Iohannis baptismum interest) in Iesu Christi nomine ministratur: quod ut fiat prorsus necesse est. Ita unico Apostolorum baptismi suscipiendo, & ipsorum simul instituto & præcepto, quod in Christi à Iohanne baptizati exemplo continetur, plenè satisfieri. Quibus breviter sic respondeo, Aut Christi exemplum nullam penitus baptizandi necessitatem nobis affert, aut si affert, semel nos eadem prorsus ratione baptizari debemus, qua Christus ipse baptizatus fuit, nulla re nec addita, nec detracta, nec immutata, que aliquod momentum habere posse videatur. Alioquin non ad exemplum illius, nec quia ipse baptizatus fuerit: sed alio modo, & aliam quampiam ob causam

*Sam baptizabimur. Et hec quidem prima huic ad-
versariorum rationi, ex Christi exemplo ducta so-
lidè refellende sufficient.*

CAPUT VII.

SECUNDO loco pro adversariis ex sanctarum
Scripturarum testimonio ad hunc modum argumen-
tahimur. Nemo potest jure Christianus ap-
pellari, cui peccata remissa non fuerint. At-
qui peccata per baptismum aquæ externum
remittuntur. Nemo igitur Christianus jure
appellari potest, qui eum baptismum iume-
te neglexerit. *Probatur argumenti assumptio, ex
illis Ananie ad Paulum verbis: Et nunc quid mo- A&22.16.
raris? exurge & baptizare, & ablue peccata
tua invocato nomine Domini. Vbi vides, quia
per aque baptismum remissio peccatorum contin-
git, non modo dictum Paulo fuisse, ne baptizari, id
est abluere cuuctaretur, & ita deleteret peccata sua,
sed eam deletionem abluendi verbo significatam
fuisse.*

*Pro responsione ad argumentationem istam
considerandum est primùm, me non negare (ut eri-
am ex iis, que supra disputata sunt, satis constare
credimus) quin in baptismo aque post Christi resur-
rectionem instituto aliquid sit, quod ad peccatorum
remissionem, seu ad peccata delenda aliquo modo
pertineat. Est enim in ipso, cum in Iesu Christi no-
mine ministretur publica & aperta Iesu Christi no-
minis*

mini professio, quæ nullo pacto omitti debet, alioquin à peccatorum reatu liberatio non continget. Verùm professio ista externæ illi ablutioni alligata non est, adeò ut etiam alio modo fieri non queat, quemcunq; vel Ecclesia pro temporum & locorum ratione elegerit, vel res ipsa per se necessariò tulerit. Itaq; si contingat, aliquem citra externam illam ablutionem publicè & apertè Christi Iesu nomen professum fuisse, & pro eo, qui ipsi nomen dederit, passim habitum esse, quacunq; tandem ratione id fieri contigerit, iste id omne habebit, quod in aquæ baptismi ab Apostolis & aliis post Christi resurrectionem usurpato continetur, ad peccatorum deletionem pertinens, nec ullo modo ut peccata sibi remittantur, aqua præterea ablui necesse habebit. Deinde animadvertendum est, ex Ananie verbis non apertè & omnino colligi, remissionem peccatorum per aquæ baptismum contingere. Inquit enim, & abluere peccata tua invocato nomine Domini. quæ verba eandem sententiam habere possunt, ac si dictum fuisset, Et per invocationem nominis Domini, abluere peccata tua: ita ut hæc sermonis pars posterior per se stet, neq; ad baptismum, de quo in priore dictum fuerat, referri debeat: sintq; omnino duo, de quibus Ananias Paulum admoneat, unum, ut baptizetur, alterum verò ut nomen Domini invocet, id est ejus benignitatem imploret, quòd per eam invocationem peccatorum remissionem consequi, & salvus esse possit. Nam ut alibi scriptum est, dies illi adveniant, à Ioele pronunciati, in quibus,

Joel, 2. 5.

Qui-

79
 Quic
 esset.
 habe
 datu
 lenda
 trans
 et si b
 ut a
 Corin
 quos
 jung
 sed t
 min
 Hic
 vera
 pare
 cati
 fua
 cis tr
 lud i
 va n
 mun
 tia c
 ribus
 dis s
 ista
 Exp
 in sa
 sant
 nosa

Quicumq; nomen Domini invocasset, salvus futurus A&. 2. 274
 esset. Et sanè hæc hujus loci explanatio nihil prorsus
 habet, quod & verissimum, & verbis ipsis accommo-
 datissimum non sit. Nam quòd Abluendi, pro De-
 lendi verbo usus fuerit Ananias, id per simplicem
 translationem nulla aquæ baptismi ratione habita,
 et si baptismi antea meminerat, ab ipso fieri potuit,
 ut ab aliis quoq; alibi factum est. Paulus enim ad
 Corinthios scribens postquam dixisset, peccatores
 quosdam non adepturos Dei regnum, statim sub-
 jungit, Et hæc quidam eratis, sed abluti estis, 1. Cor. 6. 114
 sed sanctificati estis, sed justificati estis in no-
 mine Domini Iesu, & in Spiritu Dei nostri.
 Hic nulla aquæ alicujus, sive alterius rei, per quam
 vera ablutio fieri possit, mentione facta, vel (quod ap-
 pareat) ratione habita, abluti dicuntur ii, qui à pec-
 catis expurgati erant, & quorum peccata deleta
 fuerant. Sed quodnam magis insigne hujusce simpli-
 cis translationis exemplum desideramus, quam il- Psal. 51. 22
 lud in celeberrimo Davidis Psalmo, Amplius la-
 va me ab iniquitate mea, & à peccato meo Hier. 4. 14
 munda me. Sed & Hieremias ait, Lava à mali-
 tia cor tuum Hierusalem, ut salva fias. Plu-
 ribus exemplis, tanquam in re indubitata proferen-
 dis supersedeo. Postremò autem sciendum est, verba
 ista, Abluendi, Lavandi, Purgandi, Mundandi,
 Expiandi, Remittendi, & si qua sunt similia, sepè
 in sacris literis, non rem ipsam, quam propriè deno-
 tant, sed ejus rei declarationem significare. Sic an-
 nosat Franc. Varablus pluribus in locis veteris Testa-
 menti,

menti, & Hebraismum esse ait. vide Lev. cap. 12. 7, 8. & 15. 15, 30. & 16. 30. & quid in unoquoq; istorum locorum ipse annotaverit. Quid plura? Si quis de hac Hebraica locutione dubitat, legat totum caput 13. & 14. ejusdem libri, in quibus de leproso mundo declarando agitur, & inveniet, eam ibi passim fuisse usurpatam, idq; sæpius ab eodem Vatablo ibidem animadversum fuisse. Et certè si ullo in loco eam locutionem fuisse usurpatam, credendum est, ibi potissimum id factum esse, verisimile videtur, vel potius est necessarium, ubi baptismo aquæ externo peccata abluendi vis sive ex toto, sive ex parte tributa fuerit. Etenim, cum certissimum sit, poenitentia & fide peccata deleri, & utramq; aquæ baptismo, si ritè suscipiatur antecedere oporteat, nihil aliud, aquæ baptismo peccata abluere significare dicendum est, quam per baptismum peccata jam deleta esse declarari, & publicè quodam modo obsignari. Quamobrem, etiamsi concederetur Ananiam, cum monuit Paulum, ut baptizaretur, & ablueret peccata sua, invocato nomine Domini, intellexisse, per baptismum, id est externam illam ablutionem, peccata abluere, non tamen verè per baptismum istum peccata ipsa deleri, eum dixisse continud sequeretur, sed tantummodo deleta esse palàm ostendi & quasi consignari. Atq; hac eadem ratione explicandus est locus ille,

AA. 2. 38. Poenitentiam agite, & baptizetur unusquisque vestrum in nomine IESU Christi, in remissionem peccatorum. Nam vel baptismo illi, hoc est solemniter peractæ ablutioni, peccatorum remissionem

missionem
nitent
vel si b
quater
nem co
si ipsi
habere
peccat
sed ven
quand
mento
ta, au
tum e
mnibus
non ips
Qualis
ignorati
quet: u
remittit
ne ibi v
idem sig
ac decla
ti para
sto, qui
bis illis
verbum
gantissi
entur, n
mulieru
us pecco

missionem nequaquam tribuit Petrus, sed totam pœ-
 nitentie, cujus prius meminerat, adscribere voluit:
 vel si baptismi quoq; ea in re rationem habuit, aut
 quatenus publicam Iesu Christi nominis professio-
 nem continet, eum tantummodo consideravit, aut
 si ipsius etiam externæ ablutionis omnino rationem
 habere voluit, quod ad ipsam attinet, remissionis
 peccatorum nomine, non ipsam remissionem verè,
 sed remissionis declarationem, & ob signationem
 quandam intellexit. Nec verò desunt in novo Testa-
 mento loci alii non pauci, in quibus remitti pec-
 cata, aut similis alia locutio, vel Hebræorum, ut di-
 ctum est, more, vel per simplicem Metonymiam, o-
 mnibus linguis peræquè communissimam figuram,
 non ipsam rem, sed rei declarationem significant.
 Qualis est locus ille, qui propter ejusce locutionis
 ignorantiam, etiamnum plerosq; non leviter tor-
 quet: ubi Dominus Iesus ait, multum peccatrici illi
 remitti, quia dilexisset multum. Nam si alia ratio- Luc. 7. 47.
 ne ibi verbum remittendi interpreteris, quam, ut
 idem significet, quod remissum esse, apertè ostendi
 ac declarari, nullus unquam sensus, qui anteceden-
 ti parabole benè respondeat, & ob eam rem Chri-
 sto, qui eam parabolam attulerat, dignus sit, ex ver-
 bis illis elici poterit. At si eo pacto, quo dictum est,
 verbum illud explicetur, omnia consentiunt, & ele-
 gantissima verèq; Christo digna sententia inde eli-
 citur, nempe, debuisse Phariseum illum, ex tanta
 mulieris illius dilectione perspicere, jam non ampli-
 us peccatis illam onustam esse, nec tanquam pec-
 catricem

catricem ab ullo amplius rejici aut vitari debere. Nam, ut idem Christus, institutum sermonem persequens, & ad expositam ante parabolam eum prorsus accommodans, ait: Cui parùm remittitur, parùm diligit. Nec dilucida huic explicationi ne tantillum quidem officiant verba illa, que mox sequuntur, remittuntur peccata tua. Neq̄, enim remissionem ipsam, sed remissionis contestationem, & confirmationem quandam aperte significat, (jam enim dixerat Christus, remittuntur ei peccata multa, quoniam dilexit multum.) unde ipsa explicatio nostra mirificè contestata, & confirmata dici potest. Hæc obiter quodammodo à nobis dicta sunt, non tamen inutilia futura ad eos omnes locos rectè intelligendos, ubi aquæ baptismo peccatorum remissio, vel tribuitur, vel tribui videtur. Quod unum nobis postremò propositum fuerat, ne singulos hic examinare necesse haberemus. Id autem quia nos abundè jam prestitisse confidimus, ad alia transire operæ pretium fuerit.

CAPUT IIX.

PRO TERTIA igitur adversariorum ratione, que aliquo divinarum literarum testimonio inniti videatur, hanc afferemus. Aquæ baptismus ea res est, per quam omnes Christiani in unum corpus conglutinantur, atque cohærent. Ergò nemo Christiani corporis pars esse potest, ideoque nec Christianus, qui aquæ

quæ ba
sumpta
scribit,
Spiritu
ti sumu
velibe
mnes,
Spiritu i
unum co
esse, atq̄
positio
& ejusa
reviden
capite a
terum b
rum, di
planatio
dam alic
quorum
ritum,

Ve

di inira
ipsis om
stellio, q
tus est, q
mnibus,
lentibus
reddiden
verterat
eo qui a

Quæ baptismo lotus non fuerit. *Probatur assumptam per ea, quæ Paulus priore ad Corinthios scribit, cap. 12. 13. Inquit enim: Etenim in uno Spiritu nos omnes in unum corpus baptizati sumus, sive Iudæi, sive Græci, sive serui, sive liberi. Quod perinde est, ac si dixisset, nos omnes, quicumq; Christiani sumus, unico tantum spiritu impellente, idcirco baptismum sumpsimus, ut unum corpus efficeremur. Nam in uno spiritu idem esse, atq; per unum spiritum, & frequentissimus prepositionis In, pro Per, in sacris literis usus, suadet, & ejusdem locutionis complura exempla satis docere videntur, quæ ne longius abeamus, in hoc eodem capite aliquot numero habemus. Bis enim v. 3. & iterum bis v. 9. In Spiritu, pro eo quod est, per Spiritum, dictum fuisse constat. Atq; hæc hujus loci explanatio, Erasmi, Tigurinorum, Bezae, & quorundam aliorum interpretum auctoritate confirmatur, quorum omnium interpretationes, Per unum Spiritum, habent.*

Verum, (ut hinc ad argumentum respondendi initium sumamus) signoscant mihi omnes isti, plus ipsis omnibus vidit hac in re unus Sebastianus Castellio, qui eadem verba, uno Spiritu, interpretatus est, quamvis in quatuor illis superioribus locis omnibus, per Spiritum, sive aliis verbis idem polentibus, id, quod in Græco est, in Spiritu, & ipse reddiderit. Nempe quia, ut arbitror, duo animadvertet, unum, hic de alio Spiritu non agi, quàm de eo qui aquæ baptismum ut plurimum, non antecedit,

dit, sed subsequitur, & per quem non baptismus suscipitur, sed rectè & jurè susceptum fuisse, vel etiam suscipi posse declaratur, id est de donis Spirituabilibus, ut unicuiq; totum caput accuratè legenti, constare poterit. Alterum, hoc loco non esse simpliciter eam locutionem, In Spiritu, sed, Baptizari in Spiritu. Quæ quid significet, ex aliis locis, ubi ea invenitur, intelligi debet. Sex autem ni fallor, in Græcis codicibus præter hunc sunt loci, in quibus ea invenitur, & nusquam per Spiritum, sive Spiritu impellente, sed Spiritu baptizari, ubiq; significant. Spiritus inquam baptismum declarat, qui aque baptismo opponi solet, tantùm abest, ut ubi ea locutio sit, aque baptismum intelligere, vel debeamus, vel etiam possimus. Porro hi sunt sex illi loci, Matth. 3. 11. Mar. 1. 8. Luc. 3. 16. Ioh. 1. 33. Act. 1. 5. & 11. 16. Quin etiam nunquam alio loquendi modo utitur scriptura, ubi Spiritus baptismum expressè nominat, (nusquam enim, ut arbitror, alibi, quàm in prædictis locis, discretè ac nominatim Spiritus apud sacros scriptores baptismus commemoratur) adeò ut, quamvis ibidem sæpè aqua baptizari antea dicatur, sine præpositione In, mox tamen manifesta licet antithesis sit, nunquam, ut dictum est, aliter, quàm In Spiritu sancto, baptizari subjungatur. Ex quibus omnibus, (opinor) perspicuum est, hoc loco non de aque baptismo locutum fuisse Paulum, qui per Spiritum, sive impellente Spiritu suscipiatur, sed de Spiritus baptismo omnino egisse. Et sanè, si quis rem ipsam secum animo reputare velit, atq; ab inveteratis opinionibus, cogitationem

rationem
tur, nõ p
Christiã
tùm res
quam po
pus (de
loqui ne
poris ocu
re: hic v
effecta a
Christi
potest.
membra
erit, qu
pellente
ablutum
que bap
ptum, Sp
is, qui a
aqua ba
mel Spi
baptizat
qua defi
baptism
eam ver
rit lotus
die fieri
usurpat
per aqu
num cor

rationem paulisper abducere, & videbit, & fatebitur, nō per aqua, sed per Spiritus sancti baptismum, Christianos in unum corpus coalescere. Ille enim cum res externa & omnibus conspicua sit, nequam posse dicendus est, verum Christianorum corpus (de quo nimirum adversariorum argumentum loqui necesse est) hoc est veram Ecclesiam, quae corporis oculis non cernitur, conglutinare, atq; conficere: hic verò, qui res est interior, & non nisi per sua effecta aspectabilis inaspectabilem similiter alioqui Christi Ecclesiam rectè conjugere, ac constituere potest. Quis autem nunc veri corporis Christiani membrum, seu partem eum esse affirmare ausus fuerit, qui aqua baptismum, quantumvis Spiritu impellente susceperit, nisi Spiritus quoq; baptismo eum ablutum etiamnum esse comperiat? Neq; enim aqua baptismum, Spiritus licet ipsius impulsu susceptum, Spiritus baptismus perpetuo comitatur, nec, si is, qui aqua baptismum semel ritè accepit, semper aqua baptizatus meritò dicetur, is similiter, qui semel Spiritus baptismo tinctus fuit, semper Spiritu baptizatus jurè dici poterit, nisi in fide permanserit: qua deficiente, deficiat quoq; & aboleatur Spiritus baptismus necesse est. At verò quis negare audebit, eum verè Christianum esse, qui Spiritu sancto fuerit lotus, etiamsi (quod & factum legimus, & quotidie fieri credendum est) aqua baptismum ab Apostolis usurpato ritè tinctus non fuerit. Viderunt autem, per aqua baptismum non fieri, ut Christiani in unum corpus coalescant, nonnulli ex iis ipsis, qui hoc

loco de aque baptismo Paulum locutum fuisse putaverunt, tanta est veritatis vis, & de huce Pauli verbis agentes dixerunt, non ita accipienda esse, quasi per baptismum transeamus in Christi corpus, nam prius transimus, deinde ad id testificandum baptismo consignamur. Ad hunc modum illi. Itaq; certissima esse debet, præsertim si Paulus de eo Christianorum corpore loquitur, quod adversarii sine dubio intelligunt, in his verbis non de aquæ baptismo, qui Spiritu impellente suscipiatur, sed de ipsius Spiritus baptismo agi. Nec verò aliter persuaderi debemus, quia mox sequatur, Et omnes in unum Spiritum potati sumus. Quasi necesse sit, cum hic manifestè de Spiritu alibus donis agatur, supra alia de re actum fuisse. Sciendum est enim, etiamsi utrobiquè de Spiritu sancti donis agitur, non tamen idem utrobiquè dici. Plus enim postea dicitur, quàm antea dictum fuerat, quantò plus est liquore aliquo potari, quàm eotingi, seu lavari. Siquidem multò plus illo, quàm hoc modo ejus liquoris particeps corpus fieri contingit. Quidquid sit, illud certum est, aliud esse re aliqua potari, quàm eadem tingi, aut lavari. Vfus est autem Apostolus elegantissimè, duplici hac translatione lavandi, & potandi, ut quemadmodum, si quis liquore aliquo & lavetur simul, & potetur, totum corpus & exterius & interius ejus liquoris sit particeps: sic Christianos eo tempore, & exterius & interius, id est totos & omnino unius divini Spiritus participes cunctos factos fuisse, evidenter significaret. Et certe posterior manifestissima translatio prioris unumquemq;

87
quemq;
mini,
probat
allusit
quidem
Neq;
ce cer
lunt,
Greco
nescia
vetust
autho
mus,
one p
junt,
illis r
adme
num
ant,
eodem
ci ex
expli
ritus
epta,
pus fi
mini
ritus
loco
anos
ut ea

quemq; admonere poterat, sive ad poculum cœnæ Domini, ut quibusdam placet, (quod tamen nobis non probatur) Paulus in ea alluserit, sive minus. Nam si alluserit, in priore quoq; ad aquæ baptismum alluserit quidem eum dicemus, non tamen de eo locutū fuisse. Neq; enim iis assentiendum est, qui de ipso Domini cœnæ poculo, Paulum verba fecisse omnino volunt, & propterea spreta omnium codicum, cum Græcorum tum Latinorum, qui extant fide, Græcos nescio quos scholiastas secuti, & Græci cujusdam vetusti, sed obscuri codicis, Clementisq; præterea autoritate freti, non, in unum Spiritum potati sumus, sed, unam potionem potavimus, sive una portione potati sumus, in unum Spiritum legunt, & adjunt, ea verba, In unum Spiritum, superioribus illis respondere, In unum corpus. Ut scilicet quæadmodum antea fuerit dictum, Christianos per unum Spiritum aqua baptizari, ut unum corpus fiant, sic postea dicatur, eosdem in cœnæ Domini eodem poculo bibere, ut unus Spiritus fiant. Quæ loci explanatio, quam absurda sit, non facile fuerit explicare. Primum enim relatio illa corporis & Spiritus, & inepta est, & eo in loco supervacanea. Inepta, quia nō magis per aquæ baptismum unum corpus sunt Christiani, quam per poculum cœnæ Domini nec magis per cœnæ Domini poculum unus Spiritus sunt, quam per aquæ baptismum. Eo autem in loco supervacanea, quia, unum corpus fieri Christianos Paulum dixisse, satis erat ad ipsius institutum, ut ex iis, quæ statim inferi, usq; ad finem capituli, val-

de perspicuum est. Deinde superiora verba illa, in uno Spiritu, sive, ut ipsi interpretantur, per unum spiritum, nulla habent sibi respondentia, si inferiora illa, in unum spiritum, non ipsis, sed illis, in unum corpus, respondere velimus. Imò habent quidem, sed pessimè respondentia. Nam quæ relatio, huic præsertim loco consentanea, esse potest ejusdem potitionis qua Christiani in cœna Domini potentur, ad eundem spiritum, per quem baptizentur aqua? Aqua ipsa cum potione, non autem spiritus impulsio conferenda erat, nequè enim minus spiritu impellente Christianus in cœna Domini potat, quàm in baptismo aqua abluatur. Præterea cur queso Paulus cœnam Dominicam cum baptismo collaturus potitionis tantùm mentionem fecisset, non etiam comestionis sive cibi, quæ præcipua ex duabus quodammodo cœnæ illius partibus censenda est, & cujus solius nomine alicubi tota cœna intelligitur, ut 1. Cor. 11. 33. non secus atq; corporis tantùm Christi nomine, quod panis in cœna Domini representat, ipse quoq; sanguis, quem representat vinum, significatur, ut eodem cap. v. 30. Ad cuius rei confirmationem vide etiam, quæ scripta sunt eadem epistola cap. 10. v. 16, 17. & Ioh. 6. 56, 57. Et sanè frequentissimè in sacris literis solius cibi, aut etiam panis mentione facta, ipse quoq; potus intelligitur. Id quod (saltem in cœna Domini) nunquam potitionis solius nomine fieri contingit, ut scilicet ea tantùm commemorata cibus quoq; intelligatur. Postremò, si Paulus cœnam Dominicam intellexisset, non verbo præteriti temporis, Potavimus, sed

Potamus, presentis usus fuisset: cum ea cœna, non à quolibet Christiano homine planè & omnino jam manducata fuerit aliquando, sed identidem in posterum ubi facultas detur, manducari debeat. Sic enim alibi, per verba presentis temporis, de cœna Domini locutus est Paulus, inquit, Calix benedictionis, cui benedicimus, nonné communicatio sanguinis Christi est? Panis quem frangimus, nonné communicatio corporis Christi est. Quamobrem à vulgata lectione, & ut arbitrator, explanatione, non est recedendum: sed legendum simpliciter, in unum spiritum potati sumus: & in unum spiritum, pro uno spiritu dictum, agnoscendum, ut ipse vetus interpres, videtur agnovisse, qui non in unum Spiritum, sed in uno spiritu transtulit, (quin etiam, quidam codices habent, unum Spiritum potavimus,) & præter ipsum veterem interpretem, agnoverunt etiam non pauci recentiores, Erasmus imprimis qui & ipse, unum spiritum potavimus, transtulit, quo pacto alii item explicarunt: alii verò vel explicarunt, vel interpretati sunt, unum spiritum hausimus, inter quos est Sebastianus Castellio. Adde, quòd hæc sive explicatio, sive interpretatio, ut scilicet in unum Spiritum hoc loco idem sit, atq; uno Spiritu, confirmatur ab ipso illo codice vetusto, licet obscuro, cujus ante mentionem fecimus, qui ita habet, εἰς ἓν ποτήριον ἐπιπίομεν εἰς ἓν πνεῦμα, id est, in unam portionem potati fuimus, in unum Spiritum. Vbi nemo non videt, In unam portionem idem prorsus esse, quod una portione. Et hæc ad explanationem

1 Cor. 10.

17.

illam huius loci refutandam, & nostram asserendam
 satis esse volumus. Quod si quis tamen verba illa, in
 unum Spiritum, superioribus illis, in unum corpus,
 omnino respondere velit, non acriter pugnabo, & to-
 tum hunc locum illi similem esse posse concedam, V-
 num corpus & unus Spiritus, &c. Ephes. 4. 4.
 modo ne hic de cœna Domini, supra verò de aquæ
 baptismo agi dicamus, nisi fortasse ad utrunq; allu-
 dere voluerit Paulus. Nam aliter, ut diximus, rela-
 tio illa prorsus inepta esset. At verò, si de spirituali
 baptismo, de quæ spirituali potione Apostolum loqui
 concedamus, satis apta erit relatio illa, cum enim
 spiritus quiddam interius sit, corpus verò exterius,
 rectè & de coalescendo in unum corpus verba faci-
 ens baptismi seu lotionis, quæ ad exteriora pertinet,
 translatione usus esset, & coalitione in unum spiri-
 tum potionis, quæ ad interiora pervadit, translatio-
 nem adjunxisset. Cæterum explanatione hac ver-
 borum, In unum spiritum, admissa, repetenda sunt
 ante ipsa ἅπλῳ καὶ ἑνὶ illa superiora, In uno spiritu,
 ut integraloci sententia sit. Vno Spiritu baptizatos
 sive ablutos fuisse omnes, ut unum corpus fierent, &
 uno spiritu pariter potatos, ut unus spiritus omnes
 evaderent. Atq; ne longiores, quàm par est, alicui vi-
 deri possimus, iis quæ dicta sunt, pro responsione ad
 argumentum ex hoc divino testimonio ductum con-
 tenti erimus, ea omittentes, quæ dici potuissent, eri-
 am si hic de aquæ, non autem de Spiritus baptismo
 sermo esset, cum præsertim unusquisq; per se infir-
 missimam, & prorsus ἁπλῳ καὶ ἑνὶ esse hanc rati-
 onem

endam
illa, in
corpus,
o, & to-
am, V-
es: 4. 4.
de aqua
g, allu-
s, rela-
rituali
m loqui
n enim
cterius,
a faci-
ertinet,
m spiri-
nlatio-
ac ver-
da sunt
piritu,
tizatos
ent, &
omnes
icui vi-
ione ad
m con-
nt, eri-
ptismo
infr-
c rati-
onem

onē animadvertere possit. Hoc per illud fieri cō-
tingit. Ergò aliter fieri uequit. (quod vitium in
superiore quoq; argumētatione est, ex Anania verbis
ducta) & simul videre, si hīc de aqua baptismo aga-
tur, unius corporis nomine non ipsam veram, & in-
aspectabilem Ecclesiam, sed aspectabilem & appa-
rentem significari, quam nihil prohibet (nisi aliter
expresse præceptum fuerit, quod factum esse nun-
quam probabitur) pro locorum & temporum ratio-
ne, modo hoc, modo illo externo signo notari, vel eti-
am sine ulla exteriori & constituta nota coalesce-
re, atq; unum corpus fieri.

CAPUT IX.

QUARTUM adversariorum argumentum ex
aliquo sacrarum literarum loco petitum tale
erit. Baptismus res est communis omnibus
Christianis, & ipsos perpetuò comitatur. Er-
gò nemo potest Christianus esse, qui bap-
tismum suscipere neglexerit. Probarur id quod
assumptum fuit, satis evidenter ex iis, que à Paulo
scripta sunt ad Ephes. cap. 4. Vnum corpus, & u-
nus spiritus, sicut vocati estis in una spe vo-
cationis vestræ, unus Dominus, una fides, u-
num baptisma, unus Deus & Pater omnium,
qui est super omnia, & per omnia, & in o-
mnibus vobis. Hic manifestè Paulus, ut unita-
tem Christianis commendet, inter cetera ab eo, quod
baptismus unus sit argumentatur. Quod certè face-
re non posset, nisi baptismus ad omnes Christianos

per-

pertineret, eorumq; perpetuus comes esset. Idq; inde etiam aperte constat, quod ipsum inter illa numerat, quæ omnino hujusmodi sunt, Dominum, scilicet fidem, & Deum Patrem. Quis igitur negare audebit, quemadmodum Christianus sine Domino aut fide, aut Deo Patre esse nequit, eundem sine baptismo item esse non posse?

Totum argumentū facile concedi potest. Nam & nos idem fatemur, sine baptismo nullum Christianum esse posse. Sed videndum est, de quo baptismo & nos loquamur, & Paulus sine dubio locutus fuerit. Cumq; disertè pluribus in locis scriptum sit, Christum Spiritu sancto baptizare, idq; ita dicatur, ut baptismus iste, aquæ baptismi opponatur, & perinde sit, ac si dictum fuisset, Christum non aqua, sed Spiritu sancto baptizare, certè ubicunq; de iis agitur, quæ Christianorum sunt propria, vel etiam ad Christianos pertinent, simplici baptismi nomine, nisi aliud loci circumstantiæ suadeant, non aqua, sed spiritus baptismus intelligendus est. Nemo autem inficiari poterit, baptismum hoc loco recenseri, non modò ut rem ad Christianos pertinentem, verùm etiam, ut aliquid Christianorum proprium, id est, quod ipsis unis perpetuò conveniat: quemadmodum ipsis unis perpetuò convenit, & Dominus, & fides, & Deus Pater. Siquidem qui Christianus non est, is nec Dominum, id est Christum, nec fidem illam, quàm Paulus intelligit, nec Deum Patrem habet. Qui autem vel unum ex istis habet, is Christianus sit necesse est. Quare statuendum omnino videtur, eum quoq; quæ
ba-

baptisum habeat, de quo hic agitur, prorsus Christi-
 anum esse. Atqui innumerabiles vel sunt, vel esse
 possunt, qui aqua ritè baptizati fuerint, & propter
 ea aqua baptismum habere meritò dicantur, & ta-
 men revera Christiani non sint. Sed nemo Spiritus
 sancti baptismum jurè dici potest, quin idem verè
 sit Christianus, quemadmodum superiore capite dis-
 putatum est. Patet igitur non aque, sed Spiritus san-
 cti baptismum in his Pauli verbis, simplici baptisma-
 tis nomine intelligi debere. Adde, quòd plus quàm
 verisimile est, Paulum hoc loco Spiritus sancti dis-
 tinctè mentionem facere non prætermisisse, cum
 mox ex iis, quæ dixisset, sermonem de ipsius Spiritus
 sancti donis illaturus esset. Subjungit enim, unicu-
 iquè autem nostrum data est gratia secundùm
 mensuram donationis Christi. Nam superiore
 quoque loco, id est, 1. ad Cor. 12. de spiritualibus donis
 in Ecclesia variè distributis acturus, inquit prius, e-
 undem esse Spiritum, eundem Dominum, eundem
 Deum, qui ea omnia largiantur atque distribuunt.
 Quin ne fidei quidem, ut potè, quàm spiritualibus
 donis conjunctam esse oporteat, si quis rectè animad-
 vertat mentionem prætermittit, ea enim in illis ver-
 bis includitur, quæ sunt v. 3. Nemo in Spiritu
 Dei loquens, dicit anathema Iesum: & nemo
 potest dicere Dominum Iesum, nisi in Spiri-
 tu sancto. Non enim de simplici oris confessione ibi
 loquitur Paulus, quæ etiam sine Spiritu sancto fieri
 potest, sed de ea, quæ ex vera fide provenit, imò de i-
 psa cordis confessione, quæ per verba, & alia exter-

na declaratur, quæq; nihil aliud, quam vera fides est. Quocirca nihil ferè isto loco huic nostro similis inveniri potest. ob eamq; rem, cum hic alioqui Spiritus sancti separatim Paulus non meminerit, ejus facti apertam mentionem, voce baptismatis contineri dicendum est. Ita fiet, ut & alter locus alteri exactè respondeat, & hic nihil planè desiderari possit. Nam & ibi quoq; ut vidimus, postmodum, cum eandem, quam hic esse contendimus, sententiam exprimere vellet, baptismi translationem usurpavit. Nec sanè quicquam verisimilius dici potest, quam idem hoc loco esse, unum baptisma, quod ibi est, uno Spiritu nos omnes in unum corpus baptizati sumus. Tenenda est autem regula illa, quam supra posuimus, de baptismi nomine simpliciter prolato, cum tanquam res ad Christianos spectans, præsertim verò, cum tanquam ipsorum propria commemoratur. Quandoquidem ea & divinarum literarum authoritati, & rationi, ut demonstratum fuit, est maximè consentanea. Verùm tamen, si quis nec authoritate, nec ratione adduci queat, ut regulam illam admittat, & præterea iis omnibus spreto, quæ hæctenus à nobis dicta sunt, de aqua baptismo hoc loco agi omnino velit, non idcirco tamen aliquid sententia nostræ contrarium efficietur. Quamvis enim Paulus de re ad Christianos pertinente loquatur, quæ omnibus ipsis sit communis, non tamen de omnibus prorsus Christianis loquitur: sed de iis omnibus ad quos scribit, sive etiam de iis, si ita videatur, qui ipsis vel tunc essent, vel postea in perpe-

tuum futuri essent similes. De iis omnibus, inquam,
 qui aque baptismum vel jam accepissent, vel in po-
 sterum accepturi essent. Atq; hos monet, ut, quando
 omnibus unus & idem aque baptismus communis
 est, quo religioni, quam profitentur, omnes pariter
 initiati sunt, velint quoq; cum præterea eandem fi-
 dem, eundem Dominum, eundem Deum Patrem
 habeant, unum corpus, & unus spiritus omnes esse.
 Sed non propterea aut dicit, aut innuit Paulus nul-
 lum esse, aut futurum, Christianum, qui aque bap-
 tismo ablutus non fuerit, neq; cum omnibus Christia-
 nis in perpetuum eandem prorsus qua ipse hoc loco
 cum Ephesis usus est, argumentandi rationem vali-
 turam docere voluit, sed ejus eam duntaxat partem,
 quam ad omnes perpetuo spectaturam certissimum
 esse poterat: que non minus efficacitatis, quam ipsa
 integra argumentatio habere deprehenditur. Neq;
 enim minus unitatem servandam esse persuadere po-
 test, quod unus Dominus, una fides, unus Deus Pater
 omnibus sit, etiamsi nulla ratio unius aque bap-
 tismatis haberi possit, quam (ubi id possit fieri) quod
 propterea omnes uno eodemq; aque baptismum fue-
 rint tincti. Sed profectò ad has quamvis aptissimas,
 & que pertinacissimo cuiq; satisfacere possint re-
 sponiones, & mentis ac verborum Pauli explica-
 tiones confugere nihil est opus, cum, ut paulò ante o-
 stendimus, satis manifestum est, de aque baptismum
 hic sermonem esse non posse. Quod præter jam dicta,
 id demonstrare potest, quod si Paulus in monendis
 Ephesis, ut unitatem spiritus inter se conservare
 vellent,

vellent, istorum externorum rituum rationem habere voluisset, nullo modo Dominicam cœnam commemorare prætermisisset: qua vel maximè unitas illa Christianorum declaratur, & quodammodo ob-signatur: ac sine dubio multò magis atq; evidentiùs, quàm per aquæ baptismum, qui semel tantùm, & singulis aliquando, nec unquam simul omnibus ministratur, cum cœna Domini iteratò, ac sæpius atq; ab omnibus simul manducetur: quam etiam idem Paulus alibi, ut supra visum est, dixit esse communicationem corporis & sanguinis Christi, ac deinde statim adjunxit, Quoniam unus panis, unum corpus multi sumus, omnes enim ex uno pane participamus. Cùm igitur maximè insignis, & præcipui Christianæ unitatis Symboli, nullam prorsus hoc loco mentionem Apostolus fecerit, nemini dubium esse potest, quin de hujusmodi rebus, idè oq; nec de aquæ baptismò, cùm hæc scriberet, ne cogitaret quidem.

CAPUT X.

QUINTA adversariorum ratio, quam locus aliquis divinarum literarum, exhibere videtur, hæc esse potest. Nemo Christianus est, qui Christum non induerit. Christus autem per baptismum induitur, ut probant evidenter, verba illa ad Gal. cap. 3. 27. Quicumque enim in Christum baptizati estis, Christum induistis. Ergò nemo Christianus erit, qui baptismum non acceperit.

Hujus argumenti assumptio duo vitia habet. Vnum, quod falsa est, alterum, quod etiam si vera esset, non tamen rectè ejus vi argumentum conclusum fuisset, quod idem vitium in secunda quoq; ac tertie argumentationis assumptionibus animadversum fuit. Primum igitur falsum est, per aquæ baptismum (nam de eo baptismo argumentum loqui necesse est,) Christum indui, & locus ille Pauli ad Galatas nihil ad rem facit. Aut enim non de aquæ, sed de spiritus baptismo ibi verba fiunt, aut, si de aquæ baptismo (ut quidem nobis quoq; videtur) sermo est, alia prorsus est eorum verborum sententia, quam ea, quæ ex argumentatione ista colligitur, ut mox ostendemus. Porro de aquæ baptismo locum istum non loqui, id docere fortasse potest, quod proximè hæc verba antecedunt, Omnes enim filii Dei estis per fidem [quæ est] in Christo Iesu. Hic expressè de fide agitur, quæ Dei filii efficimur, quæ non per aquæ, sed per Spiritus baptismum comparatur, & sine qua baptismus aquæ esse potest, Spiritus autè non potest. Quare cùm deinde subjungitur, quicumque enim, &c. quæ verba ex vi particule enim, superiorum rationem reddunt, certè non de aquæ baptismo, sed de baptismo aliquo spirituali sermonem esse dicendum videtur. Dicit aliqui: Paulus non de quolibet aquæ baptismo in Christum suscepto loquitur, sed de eo, qui omnino ritè susceptus fuerit, nempe quem fides antecesserit. Hæc mentis Pauli explicatio nihili faciendæ est, cùm ejus rei in ipsius verbis nullum vestigium appareat, quæ simpli-

titer de baptismo in Christum loquantur, & pro-
 pterea nisi aliud dicatur, multò tutius videtur ad
 Spiritus baptismum ea referre. Sic enim nihil sub-
 audiendam fuerit, nec de Pauli mente divinandum.
 Præterea, cum Paulus, etsi verbis præteriti temporis
 utitur, tamen de re loqui videatur, quæ adhuc du-
 ret, & ob eam rem affirmare Galatas propterea
 quòd in Christum baptizati essent, Christo etiam
 esse indutos, profectò, non de aquæ baptismo,
 qui quantumvis ritè susceptus fuerit, licet ipse du-
 ret, tamen fieri potest, ut Christi indutio illa, ut ita
 dicam, cessaverit: sed de baptismo Spiritus, quo du-
 rante, eam quoq; indutionem durare necesse est, e-
 um verba facere statuendum planè videtur. Nec ve-
 rò hæc eo à me dicuntur, quòd velim omnino non de
 aquæ, sed de Spiritus baptismo Paulum ibi locutum
 fuisse: quin imò, ut præmonui, in contrariam sen-
 tentiam multò sum propensior: sed ut quanta sit ar-
 gumentationis adversariorum infirmitas melius co-
 gnosci possit. Quomodo autem si de aquæ baptismo
 ibi agi velimus, ad ea, quæ modò diximus, respon-
 dendum sit, mox subjiciemus. Itaq; fateor locum
 istum ad aquæ baptismum referendum esse, sed ali-
 am esse prorsus loci sententiam, atq; adversarii exi-
 stiment, planè affirmo. Neq; enim de eo, quod revera
 esset, sed quod Galatæ professi fuerant, & ipsorum
 vocationis proprium erat, loquutus est Paulus, cum
 ait, eos Christum induisse. Patet hoc vel ex eo, quod
 in eadem Epistola miratur eos tam citò transferri
 ab eo, qui ipsos vocaverat in Christi gratia, ad aliud

Gal. II. 6.

Evan-

Et pro-
etur ad
hil sub-
ndum.
mporis
uc du-
pterea
etiam-
otismo,
se du-
ut ita
quo du-
est, e-
Nec ve-
non de
ocutum
am sen-
a sit ar-
lius co-
aptismo
respon-
r locum
sed ali-
rii exi-
revera
ipforum
is, cum
eo, quod
ansferri
ad aliud
Eran-

Evangelium, quod eos dementes & fascinosos ap-
pellat, adeo ut veritati non obedirent, & cum Spiri-
tu incœpissent, carne finirent, quod veretur, ne fru-
strâ in ipsis laboraverit, quod deniq; eos se iterum
parturire dicit, donec formetur in ipsis Christus. Ut
interim nihil dicam, quod solius Dei est, posse affir-
mare, quempiam revera Christum induisse. Quam-
obrem concludendum est, nihil aliud Paulum dice-
re voluisse, quàm Galatas, cum in Christum baptiza-
rentur, necessariò professos fuisse, se Christum &
induisse, & induere velle, quandoquidem hæc pro-
fessio ejus baptismi scopus est & finis, seu potius ejus
natura atq; essentia. Nec verò alia exempla istius fi-
guratæ locutionis desunt, cum scilicet aliquid esse
affirmatur, non quia revera sit, sed quia esse debeat,
& sic præferant ii, in quibus id esse dicitur. Imò ea
exempla in ipsis Pauli Epistolis penè innumerabilia
sunt, ubicunq; enim, verbi causa, eos ad quos scribit,
sanctos, Deo dilectos, fideles in Christo Iesu, & e-
jusmodi aliis nominibus, quod persæpe facit, appel-
lare non dubitat, ibi ea sermonis figura utitur. Et
ne longius abeamus, proximè præcedentia verba,
quæ ante protulimus, eam figuram omnino conti-
nent. Neq; enim, vel verum erat, vel Paulus scire po-
terat, omnes illos Galatas per fidem filios Dei esse.
Non igitur eos verè esse, sed sic ipsos profiteri, &
hunc eorum vocationis esse scopum, dicere voluit A-
postolus. Quid quod alibi similiter de ipso baptismo
loquens, eandem hanc figuram usurpat? Cum enim
Romanos ad quos scribebat, monere vellet, non id eò

Gal. 1. 139
& 4. 11, 19.

esse in peccato manendum, ut gratia abundaret, ait.
 Rom. 6. 3. Quicumq; in Christum Iesum baptizati essent, eos
 consepultos esse cum ipso per baptismum. Atqui si
 hoc jam revera esse dicere voluisset, nihil opus fuis-
 set monitione illa. Sed idcirco ita locutus est Paulus,
 ut ostenderet, quid professi essent illi, qui in Christum
 Iesum baptizati fuissent, & ea ratione indignum
 esse demonstraret, eiusmodi homines in peccatis am-
 pliùs manere. Eodem argumento tacitè utitur, scri-
 bens ad Colossenses, dum eos monet, ut Christo, o-
 mnibus humanis documentis, & superstitionibus re-
 jectis, penitus adhereant, inquit enim, Consepul-
 ti (estis) ipsi (Christo) in baptismo, in quo si-
 mul quoq; resurrexistis per fidem, &c. Quòd
 non factum jam revera esse, sed ita in baptismo Co-
 lossenses professos fuisse intelligendum est. Hac ver-
 borum Pauli explicatione, quæ, ut arbitror, minimè
 repudianda est, recepta, cessant ea, quæ supra ad pro-
 bandum, in eis de aquæ baptismo non agi, allata
 sunt. Ea enim omnia pro concesso sumunt, vel Apo-
 stolum dixisse, Galatas, qui baptizati in Christum
 essent, verè Christum induisse, vel proximè antea
 restatum fuisse, eos omnes, ad quos scribebat, ea fi-
 de, quæ filios Dei efficit revera præditos esse. Quo-
 rum utrumq; per explicationem nostram penitus
 convellitur. Nec porro ullo modo hæc duo simul vera
 esse possunt, videlicet ibi de aquæ baptismo agi, &
 verba illa, Christum induistis, non figuratè, sed
 propriè, atq; ut sonant, accipienda esse. Alterurro
 autem istorum falso reddito, tota adversariorum ar-
 gumen-

et, ait.
 eos
 qui si
 suis suis-
 paulus,
 ristum
 ignum
 is am-
 r, scri-
 isto, o-
 bus re-
 sepul-
 quo si-
 Quod
 no Co-
 ac ver-
 minimè
 ad pro-
 allata
 el Apo-
 ristum
 è antea
 e, ea si-
 Quo-
 penitus
 ul vera
 gi, &
 atè, sed
 ter utro
 rum ar-
 gumen-

gumentatio redditur falsa, quæ ut utrumq; verum sit, omnino requirit. Sed demus deinde, ut alterum vitium adversariorum assumptionis explicemus, utrumq; verum esse, & sic (quanquam ne id quidem planè consequitur) verum esse id, quod in argumentatione assumptum fuerat, concedamus: nempe, per aque baptismum Christum à nobis verè indui. Num propterea sequetur, non alia ratione, quàm per aque baptismum, Christum à nobis verè indui posse, ut quidem necesse est, si argumentum rectè conclusum esse velimus? Certè si istud consequitur, fateor me argumentandi scientia penitus destitutum esse, & jam me pudet Dialecticas præceptiones ne primoribus quidem, quod ajunt, labris ex ipsis fontibus degustasse: sed sola fermè (quod ad hanc partem attinet) natura ac ratione duce, de non minimis rebus disputare aliquando ausum fuisse. Verùm qui ita cæcus esse potest, ut non videat, consequentiam istam nullam esse? Quod si assumptio illa ita intelligenda est, ac si dictum fuisset, per aque baptismum, & non alio modo Christus induitur, dico eam nullo pacto concedi posse: nisi velimus, baptismum aque prorsus necessarium ad salutem esse, id quod nemo hæcenus fortasse ausus est dicere. Nam profectò Christum induere ad salutem est prorsus necessarium. Nec tamen rursus concedendum est, aque baptismum esse ordinariam quandam viam Christum induendi, cum nihil per eum baptismum, verè vel à Deo hominibus conferatur, vel quavis ratione ipsis accedat: nisi quod per ipsum Christo publicè nomen dant, &

CAP. XI. De Bapt. aquæ 102
ejus familiae quodammodo adscribuntur. *Qua de re*
vide quæ cap. 5. à nobis disputata sunt.

CAPUT XI.

SEXTUM hujus generis adversus sententiam
Nostram argumentum tale erit. Baptismus in-
ter Christianæ disciplinæ rudimenta nume-
ratur. Ergò nemo Christianus ejus expers es-
se debet. Rudimentum autem Christianæ discipli-
næ baptismum esse, demonstrant verba illa Epistolæ
ad Hebr. in initio capitis 6. Quapropter inter-
mittentes inchoationis Christi sermonem,
ad perfectionem feramur, non rursus jaci-
entes fundamentum pœnitentiæ, ab operi-
bus mortuis, & fidei in Deum, baptismatum
doctrinæ, impositionis quoque manuum,
ac resurrectionis mortuorum, & judicii æ-
terni. Ex quibus verbis baptismum, non modo Chri-
stianæ disciplinæ rudimentum esse constat: sed tale
rudimentum, ut sine eo nequeat ea disciplina consi-
stere. Nam & pars fundamenti esse dicitur, & inter
ea recensetur, sine quibus Christi cognitio non da-
tur. Ad hunc modum scilicet ex hoc loco argumen-
tari adversarios arbitramur.

At nos dicimus, tantùm abesse, ut hinc aliquid
colligi possit, quod ipsorum sententiam juvet, ut po-
tius hic locus eam planè convellat, aut certè nihil
prorsus ad rem faciat. Neq; enim hic de aquæ ba-
ptismo ipso agitur, sive vox baptismatum, cum se-
quente

quente voce doctrinae coniungi debeat, & ab ea regi, ut ferè receptum est, & vulgata cum in Graecis, tum in Latinis codicibus interpunctio docet: sive ab ea disjungi, ut nonnulli sentire videntur, & in quibusdam Graecis codicibus interpunctum invenimus. Nam priore modo non de baptismo ipso, sed de doctrina baptismatum verba fieri palàm est, posteriore verò, cum baptismorum, non autem baptismi fiat mentio, certum est, utrumq; baptismum, Iohannis scilicet & Apostolorum intelligi debere. Aqua enim & Spiritus intelligi non posse id declarat, quod deinde sequitur, impositionis quoque manuum. Etenim neq; ante manuum impositionem; sed per ipsam manuum impositionem Spiritus sanctus dari solebat, ut supra ostensum fuit. Absurdissimum autem est, ut bis, idq; praeposterè baptismus Spiritus hic commemoretur, ubi & distinctio, & mirus ordo in enarrando manifestè apparet. Quodsi Iohannis & Apostolorum baptismus, ea voce baptismatum significantur, perspicuum est ipsum aquae baptismum intelligi non posse. Alioqui duobus aquae baptismis nobis opus esset. Itaq; baptismatum nomine, si vocem hanc à sequente doctrinae, sejungere velimus, id, quod per utrumq; baptismum adumbratur, intelligi debet, nempe remissio peccatorum, quae sanè per Apostolorum baptismum etiam contigisse aliqua ratione dici potest, ut supra cap. 7. disputatum fuit. Et idcirco quemadmodum manuum impositionis nomine, non ipsam manuum impositionem, sed id, quod per ipsam adumbrari, & simul dari solebat sine du-

bio intellexerit Apostolus: sic baptismatum nomine, non ipsa baptismata, sed (quod præsertim attinet ad Apostolorum baptismum) id, quod per ipsa adumbrari, ac dari quoq; consuevisse dici potest, omnino intellexit. Et certè, nisi remissio peccatorum sub baptismatum nomine intelligatur, unum ex præcipuis Christianæ disciplinæ rudimentis, vel potius Christianæ pietatis solidissimum fundamentum, in hac enarratione prætermisissimum fuerit. Sed quid (inquier) doctrinæ nomine intelligemus? Nimirum exactam Christi præceptorum traditionem, sine qua ejus disciplina, cujus hic rudimenta exponuntur, nullo profusus pacto fundari potest. Verùm vulgatam receptamque interpunctionem sequi præstat, & baptismatum doctrinam intelligere. Vnde apertius idem sensus elicitur. Quandoquidem utriusq; aquæ baptismatis doctrina simul juncta nihil aliud erat, quam peccatorum remissio, & Christi legis præscriptio. Quamquam enim Apostolorum baptismus per se utriusque complectebatur, peccatorum tamen remissio, proprium quiddam Iohannis baptismi videri poterat: eamq; ab ipso Apostolorum baptismus quodammodo mutuatus fuerat. Apparet igitur, locum hunc cum in ipso de aquæ baptismo revera non agatur, nihil ad rem facere, nisi quatenus nos docet baptismum istum Christianæ disciplinæ rudimentum non esse, alioquin inter ipsa hic numeratus fuisset, & propterea per hunc ipsum locum, si non ipsam de qua controversamur adversariorum sententiam, at certè argumentum ipsum, quod ex eo ducunt, funditus everti constat.

CAPUT XII.

SEPTIMO loco ad hunc modum ex divinis literis adversarii argumentari posse videtur. Quicquid nos servat, eo nemo prorsus nostrum carere debet. Atqui baptismus nos servat: Nemo igitur prorsus ex nobis baptismo carere debet. *Baptismum autem nos servare ad verbum scriptum est, 1. Pet. 3. 21. quod & nos nunc similis formæ salvos facit baptismus, &c.*

Hæc argumentatio, si ea quæ statim consequuntur verba paulò attentius legantur, planè futillis apparebit. Pergit enim Apostolus, & ait, Non carnis depositio sordium, sed conscientiæ bonæ interrogatio in Deum per resurrectionem Iesu Christi. Ex quibus verbis perspicuum est, Petrum baptismatis nomine, non aque baptismum intellexisse, de quo nos loquimur, sed aliud omnino baptismi genus. Nam quod quidam ea verba ita interpretantur, quasi dictum fuerit, baptismum quidem aque, sive in quo aqua ministratur, nos servare, non tamen quatenus corpus abluit: sed quatenus eo fit, ut bona conscientia interroget &c, sive, non quatenus in eo sordes corporis deponuntur, sed quatenus in eo bona conscientia interrogat, &c.

Hæc inquam interpretatio ipsis verbis nullo prorsus pacto consentanea est, in quibus nec dictio, Quatenus, nec alia, quæ idem polleat, legitur: sed ejusmodi sunt, ut, nominis baptismatis explicationem in

ipsis contineri necesse sit. Nam quid obsecro aliud est, vel esse potest, nos salvos facit baptisma, non carnis depositio sordium, sed bonæ conscientie interrogatio) sic enim ad verbum, ut vetus interpretes vertit, legitur in Græcis codicibus) Quam, Nos salvos facit baptisma, Baptismatis autem nomine intelligo, non carnis sordium depositionem, sed bonæ conscientie interrogationem, &c? Sive baptisma, inquam, non quod carnis sordium depositio est, sed quod est bonæ conscientie interrogatio. Certè in hunc sensum & planissimum & elegantissimum accepit ea verba autor ille, quisquis est, verè aureorum illorum quæ in Vatabli Bibliis extant, in complures Testamenti novi locos scholiorum. Sic enim ibi annotat: Quasi dicat, baptisma, quod nos servamur, non est ablutio, qua eluuntur sordes corporis: sed declaratio recti & fidelis animi erga Deum, qua sordes animæ eluuntur, ut aqua sordes corporis. Non poterat rectius nequè concinnius, & Apostoli mens explicari, & ratio simul, quare ita locutus fuisset, paucissimis verbis exponi. Atquè hac hujus loci explanatione retenta, ex ipso loco apparet, falsum esse id, quod in adversariorum argumento assumptum fuisse oportet, baptismum aquæ nos servare; tantum abest, ut ea assumptio hoc Petri testimonio confirmetur. Præterea interpretatio illa, sive explicatio, que adversariis favet, idcirco penitus est rejicienda, quod falsam sententiam continet. Nequè enim verum est, baptismum aquæ nos servare, quatenus in eo sit bonæ conscientie

Et interrogatio illa. Potest enim fieri, ut in aqua bap-
tismo suscipiendo fiat interrogatio illa, nec tamen
is baptismus suscipientem seruet, quippe quia in ea
interrogatione, ex qua salus proficiscitur, non per-
seueraverit. Non igitur baptismus, in quo aqua mi-
nistratur, seruat nos, quatenus eam interrogationem
continet: sed ipsa interrogatio nos seruat. Durat e-
nim baptismus ille, etiamsi cesset interrogatio. Nam
semel ritè susceptus aquæ baptismus, ut ipsi aduersa-
rii volunt, nunquam aboletur, sed si interrogatio ces-
sauerit, quomodo, quæso, interrogatio ipsa durabit?
Nec verò quia Apostolus supra cum de eo cui respon-
det baptismus, qui nos seruat, loqueretur, aquæ men-
tionem fecerit, per quam octo ille anima que in ar-
ca erant, diluuii tempore seruatae sint, idcirco dicen-
dum est, aquæ baptismi in comparatione hac ratio-
nem habitam fuisse. Primum enim, verba illa, per
aquam, idem valere possunt, quod, In aqua, quem-
admodum & Castellio, & Beza locum citat, ad hanc
interpretationem confirmandam aptissimum, in E-
pistola ad Rom. cap. 4. 11. Vbi scriptum est, Ut esset
(Abraham) pater omnium credentium, per
præputium. Ibi enim manifestè, credentium
per præputium, idem est, atq; credentium in præ-
putio, id est existentium in præputio & credentium;
seu credentium præputiatorum. Cui loco omnino
similis est ille, quanquam à Beza non animaduersus,
eadem Epistola cap. 2. v. 27. Et iudicabit id, quod
ex natura est præputium, legem consum-
mans, te, qui per literam, & circumcisionem

prævaricator legis es. Idem est enim, Per literam & circumcissionem, quod, In litera & circumcissione, sive, In litera & circumcissione existens, id est, literam & circumcissionem habens, ut verit Castellio, & ante ipsum annotator ille in Variabli Bibliis explicuerat. Sed & alia nonnulla ejusdem locutionis in novo Testamento exempla extant. Quæ locutio sanè hoc loco omnino agnoscenda videtur, cum ut ait Beza, Noe cum suis non per aquam (sires penitus introspectatur) sed ex aqua servatus sit, sive (ut ipsa locutio fert) in ipsa aqua servatus. Nec præpositionis Per, propria vis hîc rectineri posse videtur, nisi idem sit per aquam, ac si dictum foret, per medias aquas, ut rectè idem Beza animadvertit. Quæ cum ita sint, nihil ad comparationem ipsam explicandam, & persequendam aqua baptismi pertinere potest: cum neq; ex ea, nec in ea servamur ullo pacto, aut certè non eo salutis genere, de quo hîc agitur. Quod Bezam non vidisse, & existimasse Apostolum ad emersionem illam ex aqua baptismi respicere potuisse, vehementer miror. Nam, quod ait, baptismum hoc loco, & tanquam rem adumbratam, in liberatione Ecclesiæ è diluvio, & tanquam rem, quæ veram Christi Ecclesiæ liberationem adumbret, considerari, id nequaquam est concedendum, cum apertissimum sit, baptismum hîc non tanquam veram salutem nostram adumbrantem, sed tanquam ipsius instrumentalem causam commemorari. Inquit enim Apostolus, ut vidimus, quòd & nos nunc similis formæ salvos facit baptismus.

Ima. Non enim ipsius liberationis, sed liberationis
 modi, seu potius instrumentalis causae comparatio
 fit. Ex quo etiam apparet, baptismum non tanquam
 aliquid in ipsa liberatione è diluvio adumbratum,
 sed tanquam id, quod illius liberationis instrumen-
 tali causae, in liberatione nostra respondeat, conside-
 rari. Itaq; comparatur baptismus, ut manifestum est,
 cum arca. Vt enim tunc temporis arca illa octo illis
 animas ceteris omnibus pereuntibus, in medio a-
 quarum, quas Deus ad scelestos homines puniendos
 terris immiserat, conservavit, sic hodie baptismus,
 baptismus inquam, non quo corporis sordes eluun-
 tur, sed conscientia ab operibus mortuis expurga-
 tur, nos in medio omnium malorum, quae Deus ad
 impiorum hominum scelera vindicanda orbi terra-
 rum immittit, & immissurus est, perpetuo & conser-
 vat, & conservabit. Ita aquis diluvii in hac compa-
 ratione, non baptismi aquae, sed mala quibus celi-
 tus demissis homines obruuntur omnino respondent.
 Quod verissimum censei poterit, etiam si nobis non
 concedatur, nec ea verba, per aquam, tanquam, si,
 In aqua dictum fuisset, explicari posse, nec in alium
 sensum accipienda esse, quam, ut dicatur, aquae ipsi-
 us ope octo illas animas, in arca conservatas fuisse:
 aqua scilicet arcam sustollente, ut in Vatabli Bibliis
 annotatum est. Possunt enim mala & calamitates
 etiam in hac parte aquis illis optimè respondere. Si-
 quidem calamitates impios quidem obruunt, ac de-
 primunt, pios verò servant, atq; extollunt, dum per
 eas & à mundi illecebris retrahuntur, probatiq; ut
 Paulus

Rom 8. 23.

Paulus ait, divine gloriæ spe aluntur, ac confirmantur, & quanta sint virtute præditi, quamq̃ ceteris omnibus præsent, manifestum faciunt. Nec tamen (si hæc dictionis Per, significatio retineatur) prorsus negaverim, Petrum in hac similitudine asserenda, & explicanda aque ipsius, quæ in baptismo ministratur, aliquam rationem habuisse, non quod in ipsa aqua hujus similitudinis partem ullam revera constituerit, sed quod ad ipsam duntaxat alluserit, ut aqua nimirum cum aqua conferretur. Nam, quemadmodum baptismum, non proprium, sed metaphoricum revera intelligit, sic necessario aque nomine, cuius mentio tacitè hic fiat, non veram, sed metaphoricam aquam, eum intelligere statuendum est: per aquam, non secus atq̃ Noe cum suis per diluviū aquas in altum sublatas, & ob eam rem servatus fuit, nos quoq̃ in altum feramur, id est terrena incommoda omnia superemus, atq̃ hac ratione servemur. Iam verò nihil dico, quod si baptismum aque nos servare, ita intelligendum est, ut alia tamen ratione sine ipso servari possimus, infirmissima nota argumentatio redditur: sin verò ita, ut sine ipso nulla ratione salus nobis contingere possit, id planè falsum est, & propterea indignissimum, quod à Petro dictum fuisse affirmetur. Nam supra non semel rationem hanc nostram, accuratius explicavimus, & ejus vi argumenta adversariorum convellimus. Quare jam satis superq̃ hæc quoq̃ ipsorū argumentatio convicta videbitur. Quam earum postremam faciemus, quas testimonium aliquod sanctarum li-

terarum

terarum suppeditare credatur. Nam locus ille 1. Ioh. 5. 6. Hic est qui venit per aquam & sanguinem, &c. ex quo si ibi de baptismo verba fierent, aliquid pro adversariis argumentum elici posse videretur, adeò obscurus est, ut in eo explicando nimium diu nobis immorandum esset. Quocirca, quod paucissimi hodie sunt, qui aquæ nomine baptismum ibi significatum minimè fuisse non animadvertent, id in presentia pro responsione ad quamcunq; rationem inde ductam satis esse putabimus, deq; illis adversariorum rationibus deinceps videbimus, quæ etsi sacris literis consentaneæ esse creduntur, longius tamen sunt petite, nec quæ in ipsis sumpta assumptæ sunt, aperto aliquo divino testimonio uti videntur.

CAPUT XIII.

HUJUS igitur generis primæ ratio hæc erit. Circumcisio & aquæ baptismus pares sunt. Vtraque enim nota est quædam externa ac peculiaris populi Dei, illa antiqui sive Hebræi: hæc novi sive Christiani. Ut quemadmodum Christianus populus in Hebræi populi locum successit, sic quoq; baptismus in circumcisionis locum successisse videatur. Quocirca sicut circumcisio nemini prorsus, qui Hebræus meritò dicendus esset, negligenda, aut prætermittenda erat, ita baptismus nemini prorsus, qui Christianus

me-

meritò dicendus sit, negligendus aut prætermittendus est.

Hæc ratio infirmissima censerî debet, cùm pluri-
 nè à veritate abhorreat, baptismum circumcisioni
 parem esse, & in ejus locum successisse. Quod ita se
 habere fateantur necesse est in saltem ex adversa-
 riis nostris, qui non modò infantes baptizari debere
 non concedunt, verùm etiam si id fiat ipsum bap-
 tismum omnino perverti, & non levi injuria Chri-
 stum affici apertè contendunt. Certissimum est enim
 in populo Hebræo, non solùm circumcisionem infan-
 ribus fuisse ministratam, sed severissimè ab ipso Deo
 præceptum, ut mares omnes, octavo, postquam nati
 essent die omnino circumciderentur. Quod si dicant
 satis esse, si in eo baptismus circumcisioni par sit, ut
 non secus atq; ipsa Dei populi nota quadam peculia-
 ris censerî debeat, cæterum animadvertendum esse,
 neminem nasci Christianum, sed per fidem in Chri-
 stum fieri, Hebræos verò nasci: quare mirum videri
 non possit, si circumcidendi erant filii Hebræorum
 recens nati, Christianorum verò filii tum demum
 baptizandi sunt, cùm in Christum crediderint. Re-
 spondeo, ne id quidem verum esse, ut scilicet perinde
 Christianorum peculiaris nota baptismus aquæ sit,
 atq; circumcisio Hebræorum erat. Hicq; dico pro con-
 cesso ab adversariis sumi id de quo potissimum inter
 nos disputatur. Cùm enim baptismus aquæ non alia
 ratione peculiaris nota Christianorum esse possit, nisi
 quia divinitus mandatum fuerit, ut omnes Christi-
 ani aqua baptizentur, idem est profectò baptismum
 istum

Gen. 17. 12.

Lev. 12. 3.

istum peculiarem notam Christianorum esse affirmare, atq; illum divinitus omnibus Christianis præscriptam fuisse, asserere, id quod ego pernego. Et sane si par ea in re baptismus circumcissioni futurus fuisset, quemadmodum apertissimis & comminativis si quis non obtemperasset, plenissimis verbis Hebræo populo universo imperatum fuit, ut omnes mares in perpetuum circumciderentur, sic & disertè & severè Christianis universis imperatum fuisset, ut omnes in perpetuum baptismò aque tingerentur, quod cum nusquam factum esse legatur, confidendum est, baptismum in eo, quod peculiaris notæ Dei populi sit, circumcissioni neutiquam parem esse, sed longè diversam utriusq; rationem, ea etiam in re statui debere. Id autem vel ex eo intelligi potest, quod circumcisio nota est certa atq; evidens ipsiq; corpori perpetuò inusta: adeò ut semper eos, qui ipsa insigniti fuerint, nullo errore à cæteris distinguere possit. Baptismus verò aque, præterquam quòd nullam certam formam in ministrando habere dici potest, ut tot diversi ejus ministrandi modi in Ecclesia usurpati satis demonstrant, postquam ministratus fuerit, nec apparet, nec corpus caractere aliquo signat, quo ullo prorsus modo, qui aqua baptizati fuerint, ab iis, qui minimè fuerint, internoosci queant. Unde perspicitur, si modò in aque baptismò aliquod symbolum Christianismi est, id non ipsam tinctionem sive immersionem esse, sed nominis Iesu Christi apertam & publicam professionem, quæ Christianorum certissima atq; evidentissima simul ac per-

petua nota est, quæ cum, ut ante non semel dictum fuit, ritui illi aqua tingendi alligata non sit, sed alio & alio modo, eoq; multò etiam excellentiore in homine imprimi possit, eaq; non semel tantùm impressa sufficiat, ut pote quæ nisi subinde renovetur, & quodammodo continuetur, prorsus deleatur, ineptum sanè est eam à ritu illo externo petere, qui semel duntaxat obitur, & nullum sui ipsius post se vestigium relinquit. Multa prudens prætereo, quæ ad æquiparationem istam baptismi cum circumcissione refellendam & porrò adversariorum rationis fundamentum labefactandum afferri possent, idq; inter cætera, quod circumcissio ad mares tantùm pertinebat, baptismus verò seminis quoque est communis. Nam si nihil præterea docuissem, nisi in ea principium (ut loquuntur) manifestè peti, funditus tamen tota argumentatio eversa fuisset. Quare de aliis, quæ super sunt, accuratè videamus.

CAPUT XIV.

ITA QUÆ secundùm hujus generis rationum locum hæc argumentatio occupabit. Baptismus & cæna Domini, quod ad utriusque necessitatem attinet, pares sunt. At nemo, qui Christianus jure haberi velit, à cæna Domini sponte abstinere potest, igitur ne à baptismo quidem. Baptismi autem & cæna Domini in usus necessitate æquiparationem id primùm probare videtur, quod baptismus non minus quam cæna Domini

Domini Ecclesie sacramentum est. Deinde id, quod scriptum est à Paulo in initio cap. 10. prioris ad Corinth. ubi patres antiqui populi quadam ratione, & baptizatos fuisse, & ex eodem spirituali cibo ac potu comedisse, ac bibisse affirmat: nec tamen is, qui peccaverunt, Deum pepercisse demonstrat. Quod illis in figura contigisse ait, id est adumbrationem quandam fuisse ejus, quod cum novo populo Deus facturus esset. Quare monet Corinthios, vel potius omnes Christianos, ut sibi caveant, neq; si peccaverint se evasuros esse sperent, quasi dicat, exemplo illorum doceri possumus, nihil nobis profuturum, quod & baptizati fuerimus, & mensæ Domini participes facti simus, nisi à sceleribus abstinemus. Ex quo perspicuum esse videtur, baptismi non secus ac cœnæ Domini usum Christianorum proprium esse. Adde, quod cœnæ Domini, ejusq; usus, in sacris literis rara fit mentio, baptismi admodum frequens. Quod sanè indicare potest, si cœnæ Domini usus necessarius est, multò magis necessarium esse usum baptismi, vel, si cœnam Domini nemo nostrum negligere debet, multò minus ab ullo ex nobis baptismum negligendum esse.

Ut ad universam istam ratiocinationem per partes ordine respondeam, dico primùm, si quis negaret, baptismum pariter & cœnam Domini Ecclesie sacramenta esse, haud faciliè sanè futurum id ex sacris literis probare. Verùm quia hac de re privatim paulò post agemus, concedatur interea ita esse. Num idcirco in usus necessitate omnino statuatur

utriusq; equiparatio illa, quam adversarii intelligunt? Non putarim. Hinc enim colligunt ipsi, omnibus Christianis accipiendum esse baptismum, ut omnibus cœna Domini manducanda est. Ego verò nihil præterea colligendum esse dico, quàm sicut cœna Domini ab iis, quibus ejus usus commendatus fuit, nequaquam negligi, aut prætermitti debet, baptismum similiter ab iis, quibus ejus usus commendatus est, seu pro quibus institutus fuit nequaquam negligi, aut prætermitti debere. Neq; enim video, cur Ecclesiæ sacramentum, sive sacer ritus, sub quo mysterium aliquod lateat, seu magis cum quo mysterium aliquod sit conjunctum, id etiam esse non possit, quod non omnibus, qui in Ecclesia sunt, per eque sit commune. Finge enim sic rem se habere, ut nos affirmamus, aquæ videlicet baptismum pro iis tantum fuisse, qui ab alia quapiam sive etiam nulla religione, ad Iesum Christi religionem converterentur, idq; etiam num observari debere, prorsus constitue: nunquid baptismus aquæ Ecclesiæ certa omnino ac præstituta ceremonia haud mysterio vacans non erit? Pote est igitur fieri, ut baptismus Ecclesiæ sacramentum jurè diciqueat, nec tamen ejus usus omnibus Christianis per eque sit communis. Iam verò deinde, quod attinet ad Pauli Apostoli testimonium de baptismi & cœnæ Domini in usus necessitate equiparatione, dico, non leviter eos falli, quicumq; tandem illi sint, qui eo loco de aquæ baptismò Christianorum, deq; cœna Domini tacite verba fieri opinantur. Quandoquidem manifestum est, ibi agi de donis à Deo Ecclesiæ concessis,

su, quibus se illam in gratiam recepisse aperte testa-
 tur, que nihil profutura esse affirmatur, vel certe
 Dei punitionem non aversura, aut cohibitura, nisi
 quis Divinis monitis convenienter vivat. Quid que-
 so huc aque terrene baptismus, & cœne Domini
 manducatio pertinere potest, que, licet ab ipso Deo
 utrumq; institutum dici possit, non tamen Dei, sunt
 dona Ecclesie concessa, sed ipsius Ecclesie voluntarii
 actus sive operationes? Quamvis enim concedere-
 mus per baptismum, & cœnam Domini multa bona
 nobis Deum largiri, eaq; in ipsis omnino contineri,
 & quodammodo inclusa esse, ea tamen, que in ex-
 pressa comparationis, seu collationis priorè parte
 commemorantur, manifestum faciunt, in altera que
 reticetur, non res ejusmodi, que in nostra potestate
 aliqua ex parte sint posita, sed que planè divinitus
 ad nos proficiantur, ea in re nihil nobis agentibus
 intelligendas esse. Et propterea certissimum esse de-
 bet, baptismum illum Hebræi populi, qui Mose ducto-
 re ipsis ea in re nihil agentibus, nisi quod Mosem se-
 cuti erant, contigerat, non cum aque, quod magna
 ex parte ipsius baptizati opus erat, sed cum spiritus
 baptismate, id est cum illis spiritus sancti conspicuis
 donis, que Christo auctore eis statim dabantur, qui
 ipsum Christum secuti essent, manne verò celitus
 demisse comestionem, & aque ex petra ope divina
 manantis potum, non cum Dominicæ cœne cibo, ac
 portione, que ipsorum hominum operationes sunt,
 sed cum donis aliis spiritualibus, que deinde Eccle-
 sie divinitus perpetuò concedebantur, de quibus latè

differit idem Apostolus, 1 Cor. 12. 13, 14. & Ephes. 4.
 à Paulo eo in loco tacite conferri. Qui tacite quoq;
 posteriora hæc dona potionis & cibi nomine ideò ap-
 pellant, quòd, quemadmodum cibo & potione corpus
 alitur, & sustentatur, sic donis istis Ecclesia constru-
 itur, & conservatur, ut ex modò citatis locis liqui-
 dò apparet. Nam alibi etiam iis donis cibi ac potio-
 nis Christianorum appellationem tribuit, ut videri
 est eodem cap. 10. prioris ad Corinth. v. 17. & 12. 13.
 Quorum donorum, cum ob eam causam, in cœna
 Domini symbola quedam extarent, priorum autem
 in aquæ baptismo (nam baptismi nomine, ea potissi-
 mum appellata fuisse patam est) non negaverim po-
 tuisse Paulum cum collationem illam instituit, ad
 baptismum aquæ, & ad cœnam Domini alludendo
 respicere. Quippe certum est, tunc temporis eos, qui
 ex Iudeis & gentibus ad Christum convertebantur,
 baptismo aquæ primùm semel ringi consuevisse, de-
 inde verò identidem Domini cœnam manducasse.
 Non tamen propterea baptismus aquæ cœnæ Domi-
 ni equiparatur, nec porrò vel ipse, vel illa eo loco,
 tanquam aliquid omnium Christianorum proprium
 atq; perpetuum ab Apostolo consideratur, cum ne i-
 ipsa quidem spiritualia dona, de quibus revera ait,
 tanquam talia ab ipsa considerari potuerint. Namq;
 compertum est, postquam satis ea ratione Christia-
 na veritas confirmata fuit, manente adhuc vera Ec-
 clesia, desisse dona illa maxima ex parte, præsertim
 verò conspicua illa priora, quæ statim Christo ob-
 temperantibus concedebantur. Ex quo apparet, si
 quid

quid modò ex Pauli loco isto colligere libet, quod ad presentem questionem pertineat, nihil sanè aptius colligi posse, quàm baptismum aque similiter desuisse, qui, ut dictum est, eorum donorum imago quedam erat, & ad quem eam ob causam Paulum alluisse dici fortasse potest, tantùm abest, ut ex Pauli verbis baptismi aque in Ecclesia perpetuitas, ut ita dicam, & necessarius usus, sive propter ipsius cum Dominica cœna equiparationem, sive alia quavis ratione elici queat. Postremò, quod dicebatur, baptismi in sacris literis multò frequentiore mentionem esse, quàm Dominica cœna, id adeò frivolum est, ut nulla refutatione indigeat. Quid enim refert vel millies baptismi mentionem fieri, cœna autem Dominicæ semel tantùm, nisi quemadmodum cœna Domini fuit, sic baptismus quoq; Ecclesie universe in perpetuum præscriptus esse inveniatur? Manifestum est de cœna Domini ipsius Domini Iesu præceptum: Hoc facite in mei commemorationem; quod & ad omnes per eque Christianos, & perpetuò pertinere non secus ac plerag; alia, que ipsis Apostolis suis dixit, & præcepit Christus, cum ratio ipsa aperè docet, tum Pauli auctoritas planè convincit: qui, ut supra alibi observavimus, ad Corinth. scribens, sic ait, Calix benedictionis cui benedicimus, nonnè communicatio sanguinis Christi est? Panis quem frangimus, nonnè communicatio corporis Christi est? Quoniam unus panis, unum corpus multi sumus. Omnes enim de uno pane participamus. *Quæ verba profectò*

Luc. 22. 194

1. Cor. 11.
24.1 Cor. 10.
16, 17.

1 Cor. II.
26.

ad omnes Christianos peregrinæ tanquam universæ
Ecclesie ritum cœnam Domini pertinere, manife-
stè ostendunt. Id autem perpetuò futurum illa evi-
denter declarant, quæ sive ex persona ipsius Christi,
sive ex persona sua eidem Corinthiis scribit, Quo-
tiescunq; manducabitis panem hunc & ca-
licem hunc bibetis, mortem Domini annun-
ciabitis donec veniat. Quibus etiam Corinthiis,
ab ipso Christo de suo instituto monitus, quemadmo-
dum ibidem apparet, ut ritum illum servarent, mul-
tò ante præceperat, cujus servandi modum, quate-
nus necesse erat, adhuc præscribit, in vectum in eam
Ecclesiam morem acriter redarguit, & summam re-
ligionem inculcat. Quid tale obsecro usquam de a-
que baptismo legitur? Certè non modò nihil ejus-
modi de eo baptismo scriptum usquam fuisse, sed ne
ejus quidem mentionem ita frequentem in divinis
litteris esse, ut adversarii putant, ex iis, quæ hæcenus
differimus, satis intelligi posse arbitramur. Ex qui-
bus due præterea quæ adhuc restant, ejusdem gene-
ris adversariorum ratiuncule satis confutata viden-
tur. Quosdam enim ex ipsis dicentes audivimus, nisi
recepta de baptismo aque, adversus quam nos dispu-
tamus, sententia vera sit, non futura duo Ecclesie
sacramenta, sed unum tantum. Quasi verò alicubi
disertè scriptum in sacris litteris inveniatur, duo o-
mnino esse sacramenta Ecclesie. In quibus ne sacra-
mentorum quidem Ecclesie ulla sit mentio. Nam
neq; cœna Dominica unquam Sacramentum, ne-
dum Ecclesie sacramentum, in ipsis nominatur. Ut
super-

Supervacaneum sit, de vocabuli vi differere, atq; docere, aquæ baptismum Ecclesiæ sacramentum dici posse, etiamsi per eque omnibus qui Christiani jure dici velint, suscipiendus non sit. Quod tamen paulò ante à nobis in rudiorum gratiam factum est, cœna Domini non idcirco ad omnes Christianos ex æquo spectat, quia Sacramentum Ecclesiæ sit, sed quia Christus ita præcipit, & ejus Apostoli docuerunt, neq; ulla causa est, cur Christianus aliquis ab ea abstinere possit. An non quilibet Christianus D. Iesu, donec veniat mortem annunciare debet, ejusq; rei memoriam solemnem celebrare, ipsiq; Domino de tam eximia charitate, tantoq; beneficio publicè gratias agere? Aut quid est, cur magis uni, quam alii Christianorum generi, seu magis uno, quam alio tempore id mandatum fuisse suspicari possimus? At verò, ut ex supra disputatis liquet, nec ullum prorsus generale præceptum de aquæ baptismo suscipiendo extat, nec causa ulla est, cur ii, qui Iesu Christo nomen publicè ac perpetuò dederunt, eo tingendi sint, nec de sùe rationes, quæ suadeant, pro iis etiam, qui Apostolorum jussu, eo tingebantur, seu pro ejusmodi hominibus non in perpetuum, sed ad tempus institutum fuisse. Altera adversariorum ratiuncula est, fieri non potuisse, ut toties in divinis literis tanquam res ad Ecclesiam pertinens baptismus cõmemoratus esset, nisi omnes Christiani pariter eo tincti esse perpetuò debuissent. Hæc ratio, quàm sit inutilis, ea demonstrant, quæ paulò ante diximus. Nonnulli ex iis locis, quos adversarii intelligunt, non de baptismo aquæ, de quo

nos agimus, sed de alio quopiam loquuntur. Itaq; nõ adeò frequens, ut ipsi putãt est aquæ baptismi mentio in sacra scriptura. Sed ne frequens quidem admodũ esset, etiam si omnes illi loci de eo baptismo loquerentur. Pauci enim sunt omnino. Præterea, non quàm sæpè aliquid tanquam ad Ecclesiam pertinens commemoratum fuerit, sed quomodo pertinere, vel explicatum sit, vel indicatum, attendendum est. Quid enim, si alicubi ita pertinere, ad Ecclesiam aquæ baptismus indicetur, ut non omnes Christianos eius participes esse omnino debere, simul ostendatur? Quod sanè factum fuisse post modum docebimus. Ad hæc satis esset, ad eos omnes aquæ baptismum pertinere, qui similes essent illorum, qui tunc cum ea verba dicta sunt Christi Ecclesiam constituebant, & de quibus sermo erat, ut enim sæpius dictum fuit, ingens discrimen est in aquæ baptismi negotio inter primitivam illam ex gentibus & Iudæis ad Christi nomen conversis constantem Ecclesiam, & eas quæ deinceps usq; ad hæc tempora ex iis, qui ab ipsis incubulis Christo nomen publicè dederunt, coaugmentata fuere.

CAPUT XV.

HACTENUS ad ea omnia respondimus, aut certè respondere conati sumus, quæ ad sententiam adversariorum confirmandam, vel ex ipsis sacris literis elici posse videbantur, vel tanquam illis consentanea excogitari poterant. Nunc de alterius
gene-

Generis ratione quadam agendum est. Objicitur enim nobis perpetuus ab Apostolorum temporibus Ecclesie usus, in quam nemo unquam receptus fuerit, quin prius aqua baptizatus esset.

Isthec ratio nullius ponderis idcirco censenda est, quia in ipsa id sumitur pro concessio, quod nunquam probabitur. Nam quomodo unquam de isto perpetuo Ecclesie usu docebimur? In historia certe à Luca de actis Apostolicis conscripta, que ut ante omnes Ecclesiasticas historias perscripta fuit, sic omnium certissima est, imò sola inter omnes indubitata habetur, istius usus initium non apparet. Quis potius ex ea, si aliquid huc pertinens colligi potest, contrarium colligitur. Primum enim eorum, de quibus potissimum controversamur, nullius in ea baptizati exemplum extat. Nemo enim ex eis, qui postquam adoleverant, & per aetatem Evangelii predicationi assentiri, & credere potuerant, nullam præter Christi religionem professi erant, baptizatus fuisse legitur. quamvis magnum numerum istorum in eo annorum spatio, quod ea historia comprehensum est extitisse planè sit verisimile, filios scilicet illorum, qui ad Christum conversi fuerant, omnes, qui vel postea nati erant, vel cum parentes crediderant, infantie tempus nondum excefferant. Atq; ex posterioribus his si tamen aliquos baptizatos, in ea historia legi, quispiam contenderit, certum est, istud tunc factum fuisse narrari, cum infantes adhuc essent, & eodem tempore, quo parentes ipsi baptizati sunt, ut non modo Christi religionem nunquam pro-

fessi essent sed ne Christianorum quidem filii dici possent. Atqui nos de iis præcipue querimus, qui & Christianorum sunt filii, & ipsi jam Christi nomen publice sunt professi. Christianos autem hoc loco eos omnes appello, qui Christo nomen dederunt. Mitto, quod nusquam in actis Apostolorum legitur, eos præcepisse, ut filii eorum, qui credidissent, vel nascituri, vel qui per ætatem nondum credere poterant, postea baptizarentur, & hunc morē in Ecclesia instituisse. Sed neq̄ ipsum morem alia quavis ratione receptum fuisse ibi scriptum invenies. Cujus rei profecto, si ita factum esset, si non in historia illa, at alicubi saltem in novi Fœderis scriptis mentio facta fuisset. Quemadmodum de cœna Domini Paulum præcepisse, & ejus ritus servandi morem jam in Ecclesia institutum, & ab omnibus Christianis usurpatum fuisse legitur. At nihil ejusmodi de aquæ baptismo, in universo Testamento novo scriptum extat, sed quedam potius, quæ contrarium demonstrare possint, ut sequente capite dicetur. Deinde ne ii quidem omnes, qui ad Christum convertebantur, aquæ baptismo ab Apostolis in ejusmodi hominibus initiandis tincti fuisse leguntur. Apollos natione Judeus, & de Domino ea tantum edoctus, quæ Iohannes dixerat, exquisitius ab Aquila & Priscilla in Dei via instituitur, nec tamen ab ipsis in Domini Iesu Christi nomen aqua baptizatur, vel, ut baptizetur, curatur. Nec verò ab alio quoquam id antea factum fuisse verisimile est, cum is baptisma tantum Iohannis scivisse dicatur. Nam, si quis dicat verisimile esse, ut is ab Aquila &

Priscilla vel baptizatus, vel ut baptizaretur admonitus fuerit, quamvis id in historia expressum non sit, quam planè contrà res se habeat, id est quam nullo modo sit verisimile, Lucam vel id ignoraturum vel prætermisurum fuisse, omnibus iudicandum relinquo. Ceterum non est, quod iis respondere laboremus, qui dicunt, satis baptizatum aqua Apollo fuisse, qui Iohannis baptismate tinctus fuit, supra enim capite sexto demonstratum est, alium fuisse Iohannis baptismum, quàm Apostolorum post Christi resurrectionem, & nos de hoc, non de illo querimus. Adde, quod, si Apollo aquæ baptismo à Iohanne usurpato tinctum fuisse propterea asserere possumus, quia scriptum sit eum scivisse Iohannis baptismum, multò magis id affirmare licebit, de discipulis illis, quos Paulus Ephesi reperit, qui ab ipso interrogati, Act. 19. in quid baptizati essent, respondent, in Iohannis baptismum. Hoc autem verum esse non potest, quin simul verum sit, eum baptismum Apostolorum instituto non sufficere, cùm discipuli illi postea in Domini Iesu nomen baptizati fuerint, quemadmodum eodem sexto capite disputatum est. Iohannis porrò baptismum Apostolorum instituto non fuisse satis, id etiam demonstrat, quod ab ipso initio in aggregandis ad Christi Ecclesiam credentibus jubet Petrus, ut baptizentur omnes in nomine Iesu Christi, nulla prorsus Iohannis baptismatis ratione habita, cùm tamen verisimile esset, per multos ex illis tribus circiter millibus baptizatos fuisse à Iohanne, ad quem ut baptizarentur universam Iudæam, & Hierosolyman Mat. 3. 8.

ac Jordanis oram paucis ante id est quatuor plus minus annis accessisse, & omnem populum ab eo baptizatum fuisse constabat. Quod si quis rationem diverſitatis inter Apollo, & discipulos illos querat, cur scilicet hi in Domini Iesu nomen aqua baptizati fuerint, ille verò minimè, nulla alia reddi potest, nisi quòd discipuli illi nunquam antea apertè Christo nomen dederant, quippe qui ne credendum quidem in Christum esse bene noverant, ut ex ipsa historia satis liquet. Apollos verò licet Iohannis tantum baptismum sciret, id est doctrinam teneret, eam tamen ad eò rectè perceperat, ac penitus imbiberat, ut *ἔλαβεν τὴν ὁδοῦ τοῦ κυρίου*, id est in via Domini institutus dici meruerit, & non solum Iesu Christo, in quem credendum esse Iohannes monuerat, fidem habuisset, sed jam sua sponte (licet nondum alioqui Christi sacris initiatus) spiritu fervens diligenter, quatenus noverat, de eo docuisset, & in ipsa Iudeorum synagoga liberè locutus esset. Quod certè plus etiam est, quàm Iesu Christo publicè nomen dedisse. Ex quo mirificè confirmatur sententia nostra, aquæ baptismum in Iesu Christi nomen ab Apostolis ministratum, id est baptismum de quo disputamus, pro eis institutum fuisse, qui antea Iesu Christi nomen publicè professi non essent, eos verò qui jam essent professi eo baptismo tingi non consuevisse, aut certè non opus fuisse. Nihil autem dico, quod admodum frequenter in illis Lucæ commentariis conversorum ad Christum fit mentio, & Ecclesiæ recens adnumeratorum, nulla prorsus aquæ baptismi

primis mentione facta, ut apparet ex capite 4. v. 4.
 cap. 5. v. 14. cap. 6. v. 7. cap. 9. v. 34, & 42. cap. 11.
 v. 21, & 24. & cap. 12. v. 12. cap. 13. v. 12, & 43.
 & 48. cap. 14. v. 1. cap. 17. v. 4, 12, & 34. &
 cap. 19. v. 18. Nam facile concedo, etiamsi isti omnes
 aqua baptizati fuissent, potuisse tamen ejus bapti-
 smi mentionem omitti. Videog; ex verbis Petri cap.
 10. 47, & Eunuchi cap. 8. 36. colligi posse, eum ritum
 in Ecclesia jam receptum fuisse, ut ii, qui ad Christi
 Ecclesiam recens aggregarentur, sive ad Christum
 converterentur, aque baptismo in ejus nomine rin-
 gerentur. Verum vicissim ex locis ante dictis adver-
 sarios suspicari potest, non usq; aded necesse fuisse
 eum morem servare, & non invitos fateri, in ea sci-
 licet historia & in universis Apostolorum scriptis ne
 vestigium quidem extare moris illius baptizandi e-
 or, qui Iesu Christo nomen ab ineunte etate dedis-
 sent. Quod sanè non leve argumentum est, non so-
 lum nil nos cogere, ut eum morem servemus, verum
 etiam in ipsa primitiva Apostolica Ecclesia serva-
 tum non fuisse. Quid igitur reliquorum scriptorum
 auctoritas, qui de more Ecclesie in baptismo mini-
 strando jam tum recepto aliquo modo testentur, pon-
 deris habere poterit, presertim cum nemo ex ipsis
 sit, cujus modo scripta adulterina aliqua saltem ex
 parte esse non credantur, qui ab illis temporibus cen-
 tum plus minus annorum spatium non abfuerit? Cer-
 tè Eusebius se primum fuisse, qui post Apostolorum
 tempora Ecclesiasticam historiam scribere aggres-
 sus fuerit, in ipso historie sue initio affirmat. Is
 autem

autem post trecentimum Christi annum floruit. Quod si morem istum de quo ambigimus, ab ipso Ecclesie initio receptum fuisse non constat, quid attinet consequentium annorum morem usumq; ex historicis, quantumvis gravibus & veridicis asserere, maxime cum palam sit, statim post Apostolorum mortem, quin etiam ipsis Apostolis adhuc viventibus, multas aniles superstitiones, multas divini cultus corruptelas, multas deniq; hereses in Ecclesiam irrepisse, eamq; perturbasse? Sed finge perpetuum istum Ecclesie usum, Apostolis etiam ipsis vel auctoribus, vel approbantibus. Num propterea is nobis pro lege inviolabili esse debet, nec, etiam si presens necessitas aliter postulare videatur, ab eo discedere licebit? Tanta profecto vis atq; auctoritas non moribus, quamvis antiquissimis, præsertim in rebus istis externis, quæ non natura & veritate ipsa, sed instituto tantum nituntur, verum divinis iisdemq; aperitissimis præceptis, duntaxat tribuenda est. Quapropter, nisi divinum, idq; expressum mandatum proferratur, non solum morem istum aqua omnes Christianos ritè baptizandi vetustissimum licet atq; perpetuum, servari omninò debere non probabitur, sed fieri etiam poterit, ut eum mordicus retinere sit nefas; non quidem propter ipsum morem, qui alioqui aliquid mali continere possit, sed quia Christiana charitas propter mutatas temporum, & personarum rationes aliud requirat, eumq; vel ex parte, vel ex toto abjici debere, planè suadeat. Quod & factum aliquando fuisse, mihi sanè sit verisimile, Novatianos

nos quidem saltem ab initio, nullo baptismo fuisse u-
 sos, & multos semper inter ipsos baptismo caruisse,
 id satis docere potest quòd Novatus baptismum ab-
 rogaverat, teste apud Eusebium Dionysio Alexan-
 drie Episcopo viro insigni in epistola quarta de ba-
 ptismate. Quare cum in nono Nicenæ Synodi Cano-
 ne, ut apud Rufinum extat, Clericos Catharos, qui
 iidem plinè sunt, qui Novatiani, si per pœnitentiam
 ad Ecclesiam converterentur, & Ecclesiastica do-
 gmata confiterentur in suo ordine suscipi debere
 decretum fuerit, nulla prorusus baptismi mentione
 facta, satis constare videtur, non semper, neq; in o-
 mnibus baptismum ab Ecclesia requisitum fuisse.
 Nam certè, si Nicæna Synodus ex istis, qui fortè ba-
 ptizati non essent, baptizari omnino voluisset, id e-
 tiam apertè dixisset; quemadmodum disertè Cano-
 ne 21. statuit, ut Paulianiste, qui Photiniani sunt,
 rebaptizarentur. Atq; hæc ad argumentum ex per-
 petuo (ut credebatur) Ecclesiæ instituto ductum re-
 spondisse sit satù.

Lib. 7. cap.
7. Eccl. Hist

Ruf. lib. 1.
cap. 6.

CAPUT XVI.

IAM verò, cum nihil à nobis vel testimoniorum,
 vel rationum prætermissum fuerit, unde adversa-
 riorum sententiam probari cupiã sano homini vi-
 deri posse putaverimus, atq; ea in re optima cum fide
 perpetuò versati simus, nihil verbis extenuantes eo-
 rum, quæ pro adversariis allata fuerunt; cumq; nisi
 vehementer fallimur, satis ad omnia responsum per-
 nos

nos fuerit, confecta certè res videtur, atq; ut præfati
 sumus, abundè probatum, non fuisse omnibus, qui
 Christi discipuli esse velint, per aquæ & in perpetuū
 aquæ baptismum suscipiendi præceptum datum, &
 ob eam rem posse quempiam & nominari, & revera
 esse Christianum licet aquæ baptismum vel nunquā
 vel non ritè, cū tamen posset, acceperit. Quod si
 aliqui sunt, qui à nobis præterea omnino requirant,
 ut vel sanctarum literarum testimoniis, vel ratio-
 nibus inde ductis sententiam nostram confirmemus,
 si profectò aut disputandi, veritatemq; investigandi
 rationem nullo modo tenent, aut iniqui prorsus ad-
 versum nos sunt. Quis enim audivit unquam, neces-
 se esse, ut is, qui negat, probet sententiam suam, nec
 fatū esse, si omnia refellat, quæ id, quod ipse negat,
 probare videantur? Præsertim, cū id quod affirma-
 tur, nullam penitus cū ipsa rerum natura societa-
 tem habet, sed totum ex constituto pendet, nec de
 eo aliquid constat, nisi, quod ab affirmante in medi-
 um prolatum fuerit? Nam ejus generis aqua bap-
 tizandi præceptum esse, cū per se manifestum est
 tum ex iis, quæ supra disputata sunt, intelligi potest.
 Quamquam, si quis rectè animadvertit, non pauca
 hucusq; à nobis dicta fuere, quæ per se ipsa facile o-
 stendere possunt, jure à nobis negari de baptismo a-
 que suscipiendo ullum Christi, vel Apostolorum ejus
 generale & perpetuum mandatum extare. Verūm
 ne quid à quoquam hac in disputatione nostra desi-
 derari possit, ea in unum colligentes, quæ dispersè
 antea dicta sunt, atq; iis præterea nonnulla adden-

tes, primum divina testimonia, deinde rationes illius consentaneas, quae sententiam nostram potissimum confirmare possint, hoc capite, quam brevissime fieri poterit, perstringemus.

Primum igitur divinum testimonium sit id, Luc. 3. 16.
 quod multis in locis scriptum est, Iohannem qui- Act. 1. 5.
 dem aqua baptizasse, Christum verò Spiritu 11. 6.
 sancto baptizare. Ex quo apparet, proprium Chri-
 stianorum esse non aqua, sed Spiritu sancto baptiza-
 ri, ob eamque rem ad Christianum hominem sive effi-
 ciendum, sive etiam declarandum, aquae baptismum
 non requiri, eumque ritum tanquam Iohannis propri-
 um agnoscere debere, qui quod attinet ad ipsius disci-
 plinam, sub lege erat, nec tunc in regno Dei versa-
 batur. Mat. 23. 23.
 Et si ritus ab Apostolis in Ecclesiae initiis
 servatus fuit, cum scilicet Evangelicae discipline ad-
 huc rudes erant homines, nihil idcirco tamen Ec-
 clesiam cogere, ut eum perpetuo servet, cum jam
 spiritus Christi lex mundo innotuit universo, ne-
 dum ut eum ritum, aliter usurpet, quam unquam
 Apostoli ipsi usurpasse leguntur, & aquae baptismum
 is etiam ministret, qui ex Christianis, hoc est Chri-
 stianam religionem profitentibus nati sunt, & ab
 ineunte aetate Christo nomen publice dederunt, vel
 quamvis aliam ob causam jam pro Christianis ab o-
 mnibus habentur, & agnoscuntur.

Secundum testimonium, idque iudicio meo a-
 pertissimum, erunt verba illa Pauli, Non enim 1 Cor. 1. 14.
 misit me Christus baptizare, sed Evangeli-
 zare. Nam si praecipuum Christi esset, ut ipsius dis-
 cipuli

cipuli baptizarent, idque munus, ut quidem necesse
 esset, Apostolis mandasset, falsò omnino ita loquutus
 fuisset Apostolus. Responzionem ad ea, quæ contra
 hanc nostram ejus loci interpretationem, seu maxis
 ex eoloco (ut ita dicam) collectionem dici possunt,
 partim habes supra cap. 2. partim per te investigare
 poteris, si consideraveris, etiamsi Christus Paulo A-
 postolo mandasset, non quidem ut ipse vel per se, vel
 per alium baptizaret, sed tantummodo ut creden-
 tes de baptismo suscipiendo admoneret, non tamen
 ad eum modum locuturum Paulum fuisse, nec sim-
 pliciter dicturum, se à Christo ad baptizandum mis-
 sum non fuisse, quæ verba omne de baptismo præce-
 ptum ipsi à Christo datum, excludere videntur, sed
 totam rem accuratius omnino explicaturum.

Tertium testimonium, sunt ejusdem Pauli ea
 verba ad Galatas scripta, Quicumque enim in
 Gal. 3. 27. Christo baptizati estis, Christum induistis.
 Quæ apertè ostendunt aliquos fuisse inter eos, ad
 quos scribit, qui vel non essent, vel possent non esse
 baptizati. Nam si omnes omnino baptizati fuissent,
 non, quicumq; baptizati estis, sed omnes quia bapti-
 zati estis, &c. sine dubio dixisset. Atqui ut in ipsius
 Epistole initio apparet, ad Galatiæ Ecclesias scribe-
 bat Paulus. Ergò in Ecclesia ipsa reperiri possunt,
 qui baptizati non sint. Nec sanè video, quid habeant
 adversarii, quod respondeant, nisi Paulum, etiamsi
 secundis verborum personis utitur, non tamen de in-
 tantum ad quos scribit, sed de aliis quoq; loqui ve-
 lint, ejusq; verba perinde accipienda esse concen-
 dant;

neceſſe
quutus
contra
mavis
oſſunt,
ſtigare
ulo A-
ſe, vel
eden-
tamen
ec ſim-
n miſ-
prece-
ur, ſed
auli ea
im in
uittis.
s, ad
on eſſe
iſſent,
bapti-
i ipſius
ſcribe-
oſſunt,
beant
tiamsi
de iu-
ui ve-
onten-
danti,

dant, ac ſi dixiſſet, quicumq; baptizati ſunt. Cuius lo-
quendi modi, niſi exemplum aliquod proferatur,
non coacta ſolum, ſed plane abſurda penitusq; rejici-
enda iſthæc interpretatio videri debet. Nos quidem,
cum is, qui loquitur ſimilis ea in re aliorum eſt, ut
Paulus erat, qui & ipſe in Chriſtum baptizatus fu-
erat, ejuſmodi locutionem, vix uſquam reperiri poſ-
ſe perſuaſi ſumus. Illud certiſſimum eſt, verba Pauli
id præ ſe ferre, atq; ſonare, quod à nobis dictum eſt,
ut non ſatis ſit eandem locutionem alio ſenſu ſcri-
ptam invenire, niſi etiam, cur hoc loco non frequens
& uſitata, ſed rara quedam atq; inſolens interpre-
tatio ſequenda ſit, validiſſimis rationibus demonſtre-
tur. Nam quod quidam conſuetam eorum verborum
vim, hoc etiam loco agnoſcentes, ajunt Paulum pro-
pter catechumenos qui vel erant, vel eſſe in Galatia
Eccleſiis poterant, ad eum modum locutum fuiſſe,
nullo pacto eſt admittendum, ut enim modo diceba-
mus ad ipſas Eccleſias Galatiæ ſcribit Paulus, Cate-
chumeni autem, præſertim verò ſi adverſariorum
de baptiſmi neceſſitate ſententia vera eſt, membra,
ſeu pars Eccleſiæ non ſunt, ſed ne in Eccleſia quidem
eſſe ulla ratione dici poſſunt. Mitto, quòd mos iſte
Catechumenos quosdam habendi, id eſt homines per
aliquod tempus antequam baptiſmo aque tingeri
tur, in Chriſtiana pietate inſtituendi, jam tum in
Eccleſia receptum fuiſſe, nuſquam in ſacris literis
indicatur: ex quibus intelligi poteſt, eos qui baptiza-
bantur, nulla alia prævia diligentiore inſtitutione
ſimul atq; Evangelii prædicationi aſſentiebantur,

ACT. 9.

baptismum accipere consuevissent. Quod si quis querat, qui igitur erant isti, vel esse poterant in Galatiæ Ecclesiis, non baptizati? Dico, eos omnes fuisse, aut esse potuisse, qui post primam Galatarum ad Christum conversionem in Christiana religione, deinceps inter ipsos educati essent, quorum non exiguum numerum fuisse planè est verisimile. Sed quid attinet, quinam isti essent, inquirere? Satis est ad sententiam nostram confirmandam, ex Pauli verbis apertè colligi, Ecclesiæ membra aliquos esse posse, qui baptizati non sint. Quibus consona sunt illa ad

Rom. 6. 3.

Rom. Quicumque baptizati sumus in Christum Iesum, in mortem ipsius baptizati sumus. Sed quoniam non ita aperta sunt, & possunt non ad Romanos illos tantum, & Paulum, sed ad omnes homines referri, ac si dictum fuisset, non quicumque ex nobis (quod quidem probabilius videtur) sed quicumque ex omnibus hominibus, propterea ab eis in testimonium adducendis, abstinui.

Pro quarto testimonio proferemus id, quod scriptum est in initio cap. 6. Epist. ad Hebr. ubi rudimenta Christianæ disciplinæ enarrantur, nec tamen ipse aquæ baptismus inter ea commemoratur, ut supra cap. ii. demonstratum fuit. Nam certè, si aquæ baptismus omnibus, qui Christiani merito dici velint, suscipiendus esset, nec antequam aqua baptizatus fuisset, quisquam jurè Christianus nominari posset, non modò Christianæ disciplinæ rudimentum, sed unum ex precipuis rudimentis aquæ baptismus esset. Atque in hoc differt à baptismo cœna Domini,

quod

quod quamvis cœna Domini, omnibus Christianis communis esse debeat, rudimentum tamen Christiane disciplina dici non potest, sed perfectorum Christianorum, id est, eorum qui Christi mortis beneficium jam re ipsa experiuntur, & sentiunt, opus quoddam & actio censenda est. Adde quod non unicuique separatim, sed Ecclesie mandatū est, ut cœnam Domini manducet, ut, si quis ibi degat, ubi Ecclesia non sit, possit cœna Domini carere, nec ob id tantum, ut cœna Domini intersit, alio migrare cogatur: praesertim si alioquin in loco ubi est, non sanctè solū & inculpatè vivat, sed Dei etiam gloria promovenda non inutilis sit. At verò, sine aquae baptismo, si vis mandatus omnibus esset, tanquam eo per quem aditus & ingressus in Christi Ecclesiam foret, nemo sua sponte esse posset, & eo se conferre cogeretur, ubi eum posset accipere. Haec autem omnia eo pertinent, ne quis dicat, in enumeratione illa rudimentorum Christianae disciplinae, nec cœnam etiam Dominicam recenseri, non tamen inde sequi, quin ea omnibus mandata fuerit. Quare ne baptismum quidem aquae propterea omnibus mandatum non esse intelligi debere, quod inter illa rudimenta numeratus non fuerit.

Quintum & postremum testimonium faciemus, quod Petrus ad finem cap. 3. prioris Epistolae ita baptismum aquae eleverit. Quamvis enim nihil praeter ea illi adimere videatur, quam hominum salutem, tamen si quis rectè consideret, fatebitur, non ad eum modum locuturum fuisse Petrum, si aquae baptismus omnibus suscipiendus esset, sed vel eo modo, quo i-

psum adversarii locutum fuisse opinantur, ut scilicet diceret, baptismum istum nos servare quidem, sed non tamen quatenus sordes corporis abluit, aut si id minus rectè dictum visum fuisset, alia quavis ratione, queritum illum non ita deprimeret, ac non magnificandum esse indicaret. Vide quæ cap. 12. scripsimus, ut loci sententiam probè teneas, & nos illum haud ineptè in testimonium adduxisse intelligas.

Nunc ad rationes, pro sententia nostra divinis testimoniis consentaneæ veniamus. Prima ratio erit, quod cum Christi disciplina tota spiritualis sit, & interiorem hominem respiciat, ac propterea in universum ab externis, iusq; certis & constitutis ritibus tantum nõ abhorreat, ea solum externa facta omnino requirens, quæ ab interiore novo homine necessariò proficiuntur, nullus ejusmodi ritus Christi Ecclesie prescriptus conseri debet, qui apertissimis verbis, id est, quæ nullum non modò dubitationi, sed ne tergiversationi quidem locum relinquent, institutus & perpetuò servandus traditus non fuerit. Quod de aquæ baptismo nequaquam dici posse, satis constaturum arbitror, si quis ea quæ supra in adversariorum testimoniis examinandis scripsimus, accuratè perlegerit. In iis enim testimoniis, non dicam & tergiversandi, & dubitandi locum relictum fuisse, sed nihil penitus esse ostendimus, ex quo baptismum aquæ ullo tempore, nedum in perpetuum omnibus mandatum fuisse, vel levissimè quidem suspicari possimus.

Secundæ rationis loco id erit, quod superiore capite docuimus, nullum ex novi sæderis scriptis exemplum proferrî posse baptismi aque iis ministrati, qui vel in Christiana religione alti atq; educati essent, vel postquam adolevisent se Christianos esse, publicè ac perpetuò professi fuissent, nec ullum item locum ostendi ex quo ejusmodi homines baptizandi morem ab Apostolis Ecclesiæ per manus (quod ajunt) traditum fuisse vel appareat, vel saltem conjecturam ducere liceat.

Tertiam & ultimam rationem faciemus, quod permulti veri, & reliquis præstantiores Christiani eo aque baptismi tincti non fuerunt, de quo controversamur. Ut enim Apollo missum faciam: de quo satis proximo capite disputatum fuit, quis dubitare potest, quin duodecim ipsi Apostoli eo baptismi caruerint? Nam quis rogo illos in Iesu Christi nomen aqua baptizavit? Ipsum etiam Iohannis baptismum ab illis omnibus susceptum fuisse, quis affirmare audebit? Ego sanè de nemine eorum, præterquam de Andrea, quem Iohannis discipulum fuisse legimus, id asseverari posse crediderim. De Levi quidem sive Mattheo qui cum à Christo vocatus fuit ad publicanorum mensam sedebat, & publicanus adhuc erat, contrarium potius suspicari licet. Iam verò quid de septuaginta discipulis dicemus? quid de illis qui numerum illum centum & viginti explebant, de quo Act. 1. cap. v. 15? Quid porrò de plusquam quingentis illis fratribus, quibus semel Dominum Iesum postquam resurrexerat à mortuis visum fuisse Paulus

Joh. 1. 37, 41.
 Matth. 9. 9.
 Luc. 5. 27.

2 Cor. 15. 6.

scribit? Quid deniq̄, de omnibus, ubi ubi erant, qui ante institutum sive usurpatum in Iesu Christi nomine baptismum jam ipsi Iesu fidem adjunxerāt, & ejus institutionis tempore adhuc vivebant, & pro Christi discipulis habebantur? Certè neminem ita stolidum, vel impudentem esse putarim, qui hosce in Iesu Christi nomen baptizatos fuisse affirmet, imò qui eo baptismi genere baptizatos fuisse non neget, si modò cōcedat eum baptismum, non nisi post Christi in calum ascensum usurpatum fuisse, quod equidem neminem non concessurum arbitror, qui ea que hac de re capite 6. disseruimus diligenter expendent. Apparet enim manifestè ex ipsa sacra historia post Christi in calum ascensum, eos tantum baptizatos fuisse, qui antea in Christum non credidissent, aut certè ipsi publicè nomen non dedissent. Qui autem jam nomen dederant, eos omnes vel Iohannis, vel Apostolorum ante Christi resurrectionem baptismò ablutos fuisse nec ullo pacto asseverari potest, nec si posset, quicquam ad rem faceret, cùm baptismi illi propterea quia in Iesu Christi nomen minimè dabantur ab eo diversi essent, qui postea institutus est, & quem solum (si modò ullus fuit) aquæ baptismum Ecclesie præceptum fuisse palàm est. Cùm igitur tot tantosq̄ Christianos eo baptismò sponte caruisse affirmare liceat, nihil est cur asserere dubitemus, nullam prorsus ei qui Christianus esse velit, baptismum accipiendi necessitatem fuisse impositam, præsertim, si ut illi fecerant, jam alia ratione Christo nomen dederit,

dederit, & pro Christi discipulo habitus fuerit. Et
hæc quidem hæctenus.

CAPUT XVII.

QUID igitur? dixerit fortasse quispiam, Num
tu alter Novatus esse vis, & aquæ baptismum
abrogare? Minimè gentium. Imò nunquam eos
laudare potui, qui sive nostra, sive patrum memoria,
hac in re aliquid novare tentarunt. Quoniam igitur
passim receptum est, ut qui Ecclesie annumerari de-
beant, aquæ baptismo sint tincti, tingantur porro a-
quæ baptismo omnes, qui pro jam tinctis non habentur.
Nihil enim prohibet, quominus id fieri possit,
quamvis ut fiat, præceptum non fuerit. Quemadmo-
dum nihil prohibet, quominus, exempli causa, ab esu
carnium, ubi id receptum fuerit, abstinere possimus,
quamvis, ut abstineamus, nullum præceptum habe-
amus. Qui scientiam habet, ut inquit Paulus, apud Rom. 14. 23.
se habeat, coram Deo, non quin eam scientiam ali-
os etiam docere possit, ut ipse Paulus faciebat. præ-
sertim ubi ignorantia multorum maiorum est causa,
ut certè hoc tempore est ignorantio Christiana liber-
tatis, in aquæ baptismo suscipiendo: sed caveat, ne
sua scientia aliis sit offendiculo, nevé Dei Ecclesiam
perturbet. Baptizetur igitur aqua, etiamsi ab eo
baptismo se abstinere posse noverit. Quod si licèt non
verè, nec ritè baptizatus pro baptizato tamen habe-
tur, non est, quod amplius baptizari se curet, maxi-
mè verò, si id curando pleriq; eorum, qui Iesu Chri-
sti

si nomen profitentur, malè facere videbitur, & ob
 eam rem ab ipsis secessionem facturum est. Quan-
 quam id nullo modo esse deberet, licet enim hic
 Pauli in re simili præceptum usurpare, & verba i-
 mitari. Qui non baptizat, baptisantem ne spernat,
 Rom. 14. & qui baptizat, non baptisantem ne judicet. Deus
 enim illum assumpsit. Tu quis es, qui iudicas alie-
 num servum? Domino suo stat, aut cadit: stabilietur
 autem, potens enim est Deus stabilire illum. Hic
 quidem distinguit inter baptismum, & baptisum,
 ille verò omnes baptismos eodem loco habet. Vnus-
 quisq; in suo sensu abundet. Qui infantem baptizat,
 Domino baptizat, & qui à non veris Christianis ba-
 ptisatum, Christo tamen fidentem pro fratre agno-
 scit, Domino agnoscit: gratias enim agit Deo. Simi-
 liter, qui infantem non baptizat, Domino non ba-
 ptizat, & gratias agit Deo. Nec verò est, quod di-
 versa, imò dissimilia à nobis conferri quisquam di-
 cat: nisi fortasse quatenus ciborum, & dierum dis-
 tinctiones, de quibus loquitur Paulus, aliquando in
 Gen. 9. ipsa divina lege præscriptæ fuerant, quin etiam ex
 parte multò ante ipsam legem divino decreto peræ-
 quæ omnibus constitutæ, & ab ipsis Christi Apostolis
 Aa. 15. item ex parte demum repetitæ, baptismus verò a-
 que nunquam à Deo, sive à divino aliquo homine
 peræquæ omnibus præscriptus fuit. Ex qua dissimili-
 tudine intelligi par est, si Paulus de ciborum, & di-
 erum delectu ea ausus est scribere, permultò magis
 de aquæ baptismo eadem nobis dicere licere. Qua de
 re vide. quæ supra cap. 5. & 6. explicavimus.

Quod

& ob
 quan-
 hic
 rba i-
 rnat,
 Deus
 alie-
 lietur
 Hic
 num,
 Unus-
 tizat,
 is ba-
 gno-
 Simi-
 n ba-
 od di-
 m di-
 n dis-
 do m
 n ex
 era-
 stolis
 d a-
 mine
 mili-
 r di-
 agis
 a de
 uod

Quod si quis à nobis querat, ut, quid Ecclesie
 bene ceteroquin constituta, in hoc baptismi negotio
 hoc tempore faciendum esse judicemus, enucleatus
 exponamus: dico primum, censere me, ut quicumq;
 ex Iudeis, vel Turcis, vel aliis, qui Iesu Christi reli-
 gionem minimè profitentur, ad ipsum Christum
 convertuntur, in ipsius Iesu Christi nomen omnino
 aqua baptizentur, ipsiq; ea ratione initientur. Et si
 enim ea de re nullum expressum & perpetuū man-
 datum extat, Apostolos tamen, qui id facere consue-
 verunt imitari decet: præsertim cum ab universa
 Ecclesia eum morem receptum ac perpetuo usu com-
 probatum fuisse, aut constet, aut certè admodum
 credibile videatur, quæ si aliter aliquando facere in-
 stitueret, aliter quoq; singulis privatis Ecclesiis faci-
 endum esset. Deinde verò, qui jam antea Iesu Chri-
 sti disciplinam se amplecti aperte sunt professi, ipsiq;
 Christo nomen publicè dederunt, eos licet è multis
 inq; gravibus erroribus emergentes, ad veram tum
 primum Christi cognitionem perveniant, si jam pro
 baptizatis à plerisq; habeantur, etiamsi verè non su-
 erint, tamen baptizari non debere existimo, nisi ipsi
 baptizari omnino velint, minimè verò omnium ex
 istis eos, quibus non modò se baptizatos verè esse per-
 suasum est, sed alium baptismum aut petere, aut ac-
 cipere summa est religio. Eiusmodi enim homines,
 aut ad baptismum suscipiendum adigere, aut in cæ-
 tum suum non recipere, sive pro veris fratribus non
 agnoscere, planè nefas esse arbitror. Fit enim, vel,
 ut conscientia ipsorum interim reclamante bapti-
 smum

smum accipiant, vel, postquam se ab aliis, qui eandem Christi cognitionem habent, sperni, ac rejici vident, animum despondeant, & ad pristinas tandem superstitiones, aut verè, aut simulatè revertantur. Nam de iis, qui multò antè non solum Christo nomen publicè dederunt, sed rectè quantum satis est, in ejus disciplina fuerunt instituti, quid attinet querere? Certè istos, etiamsi non dicam pro baptizatis à quibusdam non habeantur, sed ipsimet se baptizatos non esse arbitrentur, modò à plerisq; baptizati esse credantur, nec præterea baptizari velint, admittendos tamen in Ecclesiæ communionem, & pro fratribus planè agnoscendos censeo: præsertim si facti sui sacra scriptura judice rationem reddere sint parati. Hæc autem omnia de iis potissimum consideramus, qui ab ipsis incunabulis, quatenus per ætatem licuit, Iesum Christum, suum servatorem & Dominum perpetuò se agnoscere sunt professi, ejusvè unam sanctam disciplinam, optimam ac salutarem esse, confessi sunt, quamvis alioqui ab ejus discipline vera cognitione, vel longissimè absuerint. Iam de eorum baptismo, qui ex parentibus pro fratribus agnitis & receptis nascuntur, ita statuo, ut, quando jam diu de infantium baptismo questio agitata est, nec vel si infantes baptizentur, id per se ipsum quicquam mali parere posse videtur, potestas unicuique fiat suos infantes vel baptizandi, vel secus: modo id ferant purioris doctrine aliæ Ecclesiæ, aut omnes, aut plerisq; nec ob eam causam discidium aliquod consecuturum appareat. Hanc autem infantium su-

orum baptizandi vel non baptizandi libertatem, ad eos etiam extendimus, qui tum primum ad Christi Ecclesiam sint aggregandi, idq; eo magis, quod alioqui facile hac ætate nostra fieri posset, ut quis nisi infantes suos baptizandi potestas sibi fieret, ad Ecclesiam aggregari recusaret. Porro qui infantes, ex fratribus nati, baptizati non fuerint, ii, quoniam, ut diximus, adhuc baptismum aque à nemine negligi debere, pleriq; omnes sentiunt, omninò postquam ita adoleverint, ut sue fidei rationem reddere possint, in Iesu Christi nomen aqua tingantur. Omnia deniq; fiant, que ad totius Ecclesie unitatem, atque concordiam, & singulorum simul edificationem, atque salutem pertinere possint. Illud enim Pauli semper præ oculis habendum, Debemus autem nos Rom. 15. 23 firmiores, imbecillitates infirmorum sustinere, &c.

Scio quid huic nostre de baptismo ministrando sententiæ objecturi sint nonnulli. Primum enim dicent, nunquam antichristianismum abolitum iri, nisi ii, qui à sacrificiis illis adulterino nescio quo baptismo tincti fuerunt, vero Christi baptismo, à veris Christi ministris abluantur, atq; ea ratione character quidam magnæ illius bestie ipsis iniustus deleatur. Deinde clamabunt, nefas esse infantes baptizare, cum non nisi fidem suam, in Christum profiteri valentibus, baptismus ministrari debeat: ut pote qui fidei contestatio, atq; obsecratio quedam sit, nec minus perverti dicent baptismum, si infantibus ministraretur, quam pervertatur cæna Domini in mis-

sa

sa, que pro mortuis quoq; celebratur. Postremò (horum autem ingens omnino erit numerus) diversitatem istam & opinionum, & factorum in Ecclesia ferri non posse, nec debere affirmabunt, ut quidam sint, qui baptismum in ea accipiant, quidam verò non accipiant, alii sint, qui suos infantes baptizent, alii verò qui non baptizent.

Atqui ad hec omnia perfacilis est responsio. Nam, quod ad primum attinet, dico, antichristianismi abolendi rationem nullo modo esse posse baptismum illis ministrare, qui sub eo baptizati quomodocumq; fuerint. Quin imò factum istud antichristianismum aliqua ex parte confirmat. Eo enim factò affirmatur, omnibus Christi discipulis aquæ baptismum omnino ministrandum esse. Hoc autem ex reliquiis antichristiani spiritus est; qui, ut veram Christi religionem sensim aboleret, ab ipso ferme initio nascentis Ecclesie, hujuscemodi superstitiones in eam induxit, quandoquidem ad omnem veram religionem funditus tollendam nihil accommodatius est ipsa superstitione. Nec verò magnæ illius bestie characterem ullum homini imprimit, baptismus ille ab antichristi sacrificulis ministratus. Nec superstitiosum modò, sed planè ridiculum, & puerile est, istud cogitare. Quasi verò ejusmodi res, que externæ sunt omnino, & præterea nobis ignorantibus contigerunt, ullam vim nos quodammodo signandi habuerint, & animum nostrum (nam de animo hic, non de corpore querendum est) inficere aliqua ratione potuerint, vel infectum indicare possint.

sint, que ne ipsi quidem corpori ullam prorsus notam
 inurere potuerunt. Sed finge, characterem istum
 nobis per eum baptismum impressum fuisse. Nun-
 quid ejus delendi ratio, alterius baptismi, ejusq, ut
 demonstratum fuit, neq, à Christo, nec ab Apostolis
 præcepti voluntaria susceptio erit? Alia profectò ra-
 tio est delendi, quidquid magnæ illius bestiae nobis
 impressum fuerit. Nempe vitæ puritas atq, innocen-
 tia, ab omnibus præsertim falsis Dei cultibus summa
 cautio, & vera Christi disciplinæ aperta professio,
 atq, ab illa malignantium Ecclesia re ipsa potius,
 quam verbis, constans & perpetua secessio, ac sepa-
 ratio. Sequitur, ut de infantium baptismo dica-
 mus. Nam quid tandem mali per se ipsam habet in-
 fantes baptizare? Pervertitur à jure Christi & A-
 postolorum institutio. Atqui nulla, ut vidimus Eccle-
 sia commendata aquæ baptismi nec Christi, neq, A-
 postolorum institutio est. Sed fac esse. Non idcirco
 tamen ea perverteretur, quod infantes baptizaren-
 tur, etiamsi hos baptizari illi minimè jussissent, sed
 quod adulti non baptizarentur. Finge enim ali-
 quem, qui infans baptizatus fuerit, adultum dein-
 de iterum baptizatum fuisse, quid hîc adversus Chri-
 sti, & Apostolorum institutionem commissum esset
 Certè, si illi adultos baptizari jusserunt, ipsorum in-
 stitutioni omnino satis factum est, nam adultus ba-
 ptizatus fuit, quod autem infans baptizatus fuerit,
 nihil ei institutioni adversatur, in qua nequaquam
 cavetur, ne infantes baptizentur. At enim id, quod
 credentium symbolum est, & obsignatio quadam,

Tu, qui nondum credunt, aut credere possunt, mini-
 strare est nefas. Si ita res se haberet, non iussisset
 Deus, ut circumciderentur infantes, nam circum-
 cissio, teste Paulo, sigillum justitiæ fidei fuit, quod A-
 brahamus accepit, qui primus omnium circumcissus
 est. Non repugnant igitur hæc duo. Aliquid ad obsi-
 gnandam accipientis fidem, sive id, quod à fide profi-
 ciscitur, ministratum ab initio fuisse, & id postea in
 quoq; ministrari, in quibus nondum fides inveniri
 potest. Atq; ex jam dictis constat, quàm sit dissimilis
 baptismi infantium cum missa comparatio, in qua
 ea sunt, quæ nobis omnino interdicitæ suere, & pla-
 viè execranda, & detestabilia sunt. Nec verò idcir-
 co potissimum pervertitur in missa cœna Domini,
 quia ibi pro mortuis quoq; sacrificetur, sed quia pro
 vïvis viventibus sacrificare, cœna Domini planè ad-
 versatur, in qua commemoratio fieri debet, illius ho-
 stie mactate, quæ semel in æternum pro omnibus sa-
 crificata & Deo oblata est, nulla amplius pro pecca-
 tis oblatione relicta. Restat tertium de diversitate
 opinionum & factorum in Ecclesia. Hic dico, ma-
 ximè quidem optandum esse, ut nullarum rerum
 prorsus in Ecclesia diversitas sit, sed non propterea
 consociatio nostra deserenda est, quia non in omni-
 bus conveniamus, satis enim est, dummodo in iis con-
 cordes simus, sine quibus Christiana pietas consistere
 non potest. In reliquis, ut inquit Paulus, unusquisq;
 in suo sensu abundet. Satis est, inquam, in istis, ut
 Pauli Græca verba significare videntur, suam sen-
 tentiam exploratam habere, & nihil dubitanter
 facere. Quin etiam, si rectè animadvertatur, non

, mini-
jussisset
ircum-
quod A-
umcicus
ad obse-
de profi-
ostea iis
nveniri
iffimilis
in qua
& pla-
d idcir-
Domini,
quia pro
anè ad-
llius ho-
ibus sa-
pecca-
eritare
co, ma-
rerum
opterea
n omni-
is con-
nsistere
usquisq;
istis, ut
im sen-
itanter
17, 108

libertas tantum in Ecclesia in iis, que indifferentia
sunt, id est, nec precepta, nec interdicta fuerunt, sed
ipsa quoq; opinionum quarundam, & factorum di-
versitas, ad Spiritus Christi vim declarandam per-
tinet, & ad singulorum charitatem mutuam pate-
faciendam, ac commendandam, utramq; enim ma-
ximam esse oportet, cum animos alioqui ex parte
dissidentes conjungere tamen, & conglutinare pos-
sunt. Proinde qui propter opinionum quamlibet di-
versitatem, ab aliis sponte separantur, ii se Christia-
na charitate destitutos esse demonstrant. In ipsa
primitiva Ecclesia magna quedam fuerunt, non mi-
nus factorum, quam, opinionum diversitates, ut ex
ipso illo Pauli loco constat, quem pauld ante ad pro-
positum nostrum accommodavimus. Ex quo etiam
perspicuum est, Apostolum sensisse, ut ejusmodi di-
versitates in Ecclesia ferantur, nec propter illas
ulla separatio fiat, & graviter eos peccare, qui illas
ferre nolunt. An non, ut illi in nascentis erant, sic
nos in ipsis renascentis Ecclesie in iis adhuc sumus?
Quid mirum igitur, si, quemadmodum tunc tempo-
ris propter antecedentes, easq; inveteratas in reli-
gione, ac divino cultu opiniones, non omnibus, quæ
in Ecclesia erant, idem statim visum est, nec in o-
mnibus omnes consenserunt, divina veritate sese.
paulatim universa Ecclesie patefaciente, sic hodie
quoque non omnes statim, qui ex corpore Ecclesie
sunt, idem in omnibus sentiunt, præsertim, cum
multò majorem sui cognitonem, & longè clariorem,
tunc Deus hominibus impertisset, quam hac ætate

CAP. XVII. De Bapt. aquæ F. S. D. 148
nostra hæctenus impertierit? Vix dum ex densissimis
& antiquissimis ignorantia tenebris, in quibus de-
mersi quodammodo eramus, caput attollere, & ve-
ritatis lucem cernere incipimus & miramur, non o-
mnibus plenam adhuc rerum omnium cognitonem
contigisse, nec omnibus omnino idem videri? Mi-
remur potius ullam Ecclesiam hodie inveniri, in qua
idem prorsus omnes in omnibus sentire videantur,
nec, si quæ tales sunt, eas temerè pro veris Christi
Ecclesiis, & spiritus libertate, quatenus decet, uten-
tibus, agnoscamus; sed conspiratorum potius homi-
num, quasdam quasi factiones omnia ex præscripto
serviliter agentium, ipsa experientia iam plus sat
edocti, esse suspicemur. Deum verò assidue rogemus,
ut nobis aliquando dies illucescat, & lucifer oriatur
in cordibus nostris. Interim amemus inter nos, nec
nobis ipsis singuli placeamus, sed alter alteri in bo-
num, ad Ecclesie ædificationem, ne vè puerilibus no-
stris dissidiis sacrosanctum Iesu Christi Domini ac
Servatoris nostri nomen, ejusq; salutarem discipli-
nam, ludibrio exponamus, & bonum nostrum bla-
sphemandum cæteris demus. Non est enim regnum
Dei in aquam immersio, & corporis ablutio, sed Iu-
sticia, & pax, & gaudium in spiritu sancto. Ipse
Deus & Pater noster, ipse Dominus pacis
nobis, ut arctissimo sanctissimoq; chari-
tatis vinculo copulemur, & conjuncti
perpetuò simus, pro sua incom-
parabili bonitate concedat.

F I N I S.

Cracovia 15. Aprilis, 1580.

Ad priores notas A. D. in Disp.
de Baptismo

R E S P O N S I O F. S.

Circumcisio erat conversionis, vel cordi-
um circumcisionis signum, & in eum fi-
nem instituta erat. Ergo, &c.

R E S P. **H**ÆC nusquam scripta sunt, nec
porrò eo sensu, ut ad rem faci-
ant, vera censerì debent. Cir-
cumcisio enim erat fœdus, seu signum fœderis, inter
Deum & Abrahamum, e jusq; posteros, & propter-
ea in eum finem instituta, ut ea gens, tanquam cum
D E O fœderata, ab aliis internosceretur. Iam verò
Pascha, & alia ceremonia, nullam præcipuam ob
causam fuerunt instituta, quæ communis non esset
omnium ex Iacobo, sive ex Israele prognatorum.
Quid verò attinet à circumcissione & aliis ceremo-
niis ad Iohannis baptismum argumentari, nisi pri-
us demonstratur, baptismum Iohannis omnibus Isra-
elitis mandatum fuisse, quemadmodum ille manda-
ta fuerant? Nec enim ex eo, quòd ad pœnitentiam
in remissionem peccatorum baptismus ille institutus
fuisset, colligere auderem, Christum non propterea
debuisse à Ioanne baptizari, quia generali aliquo
mandato comprehenderetur, si mandatum aliquòd
omnibus Israelitis datum extaret. nec aliud, inrel-

ligo, nisi, cum mandatum istud nusquam appareat, ex ipsius rei natura statui posse, baptismi istius generale mandatum, si aliquid tamen fuit, ad eos, quibus pœnitentia & remissione peccatorum opus non erat, minimè pertinuisse. Nam quod dicitur, Christus non pro se, sed pro nobis, quorum personam sustinebat, pœnitentia opus fuisse, à sanctarum literarum sensu penitus abhorret, in quibus Christum nostrum personam sustinuisse nusquam legitur, quidquid dicant alii. Sed finge sustinuisse. in hoc profectò nullo modo sustinere potuit, ut pro nobis pœnitentiam ageret. Agere enim pœnitentiam, sive pro se, sive pro alio (sicut tamen pro alio, quocumq; tandem sensu dictio Pro, esseratur, pœnitentia agi potest) nihil aliud est, quam vitam & mores corrigere ac respicere, quod in Christum nulla ratione cadere potuit. Quod si tamen potuisset, certè si Christus in eo personam nostrum omnium sustinisset, & sic pro nobis pœnitentiam egisset, nos ipsi pœnitentiam agere necesse non haberemus. Ceterum quod additur, uno sine sublato, non propterea tolli alios omnes: fateor id ita se habere, sed nego alium baptismi Iohannis finem fuisse, qui generali aliquo mandato ejus baptismi accipiendi contineretur, præter hunc pœnitentia & remissionis peccatorum. Poterat quidem is baptismus in alium etiam finem accipi; imò plures cause, cur Christus eum vel acceperit, vel accipere deberit, enumeratae sunt à nobis capite 6. Verum nullà ipsarum generali aliquo mandato comprehendi potuit.

Minor est debilis. Non dicitur in textu. Ergo non pertinet ad gentes.

R E S P. Nolo ego, ex eo quod non dicatur in textu, probare, non pertinere ad gentes, sed dico, ex verbis illis Christi. Sic enim decet nos, &c. nullo modo constare posse, mandatum ullum generale de baptismo Iohannis accipiendum ad gentes quoque pertinere. Et, si velint adversarii, ex mandati generalitate aliqua ejus baptismi usum ad nos transferre, necesse esse ut probent, mandatum ita generale esse, ut gentes quoque complectatur. Itaque hac in re illis probandi onus incumbere ajo. Ego verò hucusque nihil probare conor, sed excipio tantum. Legantur diligenter quae scripsi capite primo.

Deinde videntur Apostoli suscepisse, aut simul utrisque mandatum id munus fuisse, quia Christus jussit ut baptizent, adhuc docente & baptizante Iohanne.

R E S P. Quamvis Apostoli baptizaverint adhuc docente & baptizante Iohanne, non tamen sunt eius successores à Deo dati, (sic enim ego loquor, non autem successisse eos simpliciter nego) sed neque etiam utriusque mandatum id munus fuisse dici potest. Neque enim legitur, jussisse Christum ut baptizarent, quemadmodum, tanquam ea de re aperte constaret, nobis objicitur. Sed planè verisimile est, Apostolos in baptismo iis ministrando, qui discipuli Christi fiebant, Iohannem imitari voluisse, cui soli, ut aqua baptizaret, mandatum à Deo fuisse legimus; Christum verò, ut id facerent (quippe quòd indifferens in dis-

132 Ad priores notas A. D. in Disp.
ciplina sua, quiddam esset) temporis & personarum
rationem habentem, liberter permisisse, aut etiam
(si ita placet) priorem monuisse, non quidem eo con-
silio, ut eos pares, aut successores Iohannis constitue-
ret, sed quia, ut dictum est, sic pro eo tempore in quæ
personis conducere videbat.

Major negatur, quia Iohannis & Apostolo-
rum baptismi eadem est substantia & prin-
cipalia capita.

RES P. Negatur assumptio. Nam baptismi Apo-
stolorum forma quedam & substantia est, ministra-
ri in nomen Domini Iesu, id quod in baptismo Ioa-
nis non fuit. Legantur accuratè quæ hac de re scri-
psimus cap. 6.

Negatur major, quia sequeretur Apostolo-
rum discipulos, vel ipsos quoq; Aposto-
los non debuisse docere, nisi à se baptiza-
tos, vel docendos aut doctos rebaptizare.

RES P. Verba mea sunt hæc cap. 2. Coniungit hic
Christus manifestè unà cum baptismo ipsum docere,
adeò ut quemadmodum neminem ab Apostolis do-
ceri vult, quin simul ab ipsis baptizetur, sic nemi-
nem ab ipsis baptizari hoc loco precipiat, quem ipse
non docuerint. Ex quibus verbis nullo modo potest ea
propositio colligi, quam resellere conaris, neq; enim
dicitur à me Apostolos non debuisse baptizare nisi à
se doctos (nam sic arbitror te scribere voluisse, non
autem ut scriptum est, docere nisi à se baptizatos)
sed non fuisse illis præceptum, ut alios baptizarent
præter à se doctos. Ex quo id necessario sequitur,
quod

quod probari intelligo vi illius præcepti, etiamſi Chriſtus de aquæ baptiſmo loqueretur, id non effici quod adverſarii volunt, unumquemq; videlicet, qui ritè aqua baptizatus non ſit, omnino ab aliquo verbi Dei miniſtro baptizari debere, vel cuilibet verbi Dei miniſtro curandum eſſe, ut qui aqua ritè baptizati non ſint, baptizentur. Hæc autem dico, quia non dubito, quin, non debuiſſe baptizare, in verbis tuis idem ſignificet, quod cavere debuiſſe, ne baptizarent. Nam & in argumentatione ex verbis meis formanda ſcriptum eſt à te, non vult alios baptizari, (quamquam pro baptizari, doceri ſcripſiſti) niſi quos docuere, cùm tamen, Non præcipit, ſcribendum tibi eſſet. Nihil autem abſurdi in eo reperies unquam, quod Apoſtoli non tenerentur, (ſic enim ad amphiboliam vitandam, quæ in verbo Debendi eſt, etſi fortatte minus Latinè, loqui libet) alios baptizare præter eos quos ipſi docuiſſent, ſed abſurdum putaviſti, non potuiſſe ab Apoſtoliſ eos etiam baptizari, qui ab ipſis docti non fuiſſent, idq; me ſentire eſ arbitratuſ, quod tamen multò aliter ſe habet.

Non eſt probabile omnes eodem die & doctos & baptizatos fuiſſe.

RESP. Non video quorſum hoc, præfertim cùm ego, ut dictum eſt, non negem, potuiſſe Apoſtolos etiam quos ipſi non docuiſſent baptizare, ſed tamen id ex eo Chriſti præcepto Matth. 28. colligi nullo modo poſſe dicam. Iam verò ſinge, neminem eodem die & doctum & baptizatum fuiſſe, quid vetat quo minus omnes ab eodem ipſo Apoſtolo, à quo docti fuerant,

154 Ad priores notas A. D. in Disp.
sive ab alio quopiam ejus nomine ac verbis baptiza-
ti fuerint?

Quod autem Act. 19. Paulus eos baptizavit,
qui ab aliis docti fuerāt, ob speciale man-
datum hoc probandum est.

R E S P. Neq̄ ego istud dixi, neq̄ si dixissem, pro-
bandum mihi esset. Non dixi quidem. Nam sic ha-
bent verba mea cap. 2. Respondeo. Rectè quidem fe-
cisse Paulum, sed non quia id à Christo, in loco, quem
præ manibus habemus, ipsi tamquam Apostolo man-
datum fuisset, verùm quia alia ratione ei de divina
voluntate constaret, id est, quia alia ratione quàm
ex præcepto illo, optimè sciret Deum factum illud
suum non improbaturum. Nihil igitur hic de speci-
ali mandata affirmo. Quod tamen si affirmassem, hic
verborum meorum sensus fuisset, eoposito, quod sine
mandato nec Paulus, nec quisquam alius jurè bap-
tizare potuerit, quemadmodum adversarii sentiunt,
necesse fuisset, ut Paulus speciale mandatum habu-
isset, cum generale illud, de quo disputatio erat, ad
casum illum minimè porrigi posset, ut jam per me
probatum fuerat, si modò, ut ibi statim subjungo,
Paulum discipulos illos non docuisse planè statuen-
dum esset. Quocirca nihil mihi amplius probandum
relinqueretur. Rectissimè enim conclusa videretur
ratio mea, quam nemo infirmare poterit, nisi proba-
tiones meas resellendo, Christi præceptum illud i-
psiusq̄, verba ad eos quoq̄, qui ab ipsis Apostolis non
docerentur, accommodari posse doceat.

Quòd

Quòd eos docuerit prius, etsi conceditur, nihil tamen aliud inde sequitur, nisi adultos prius doceri, quàm baptizari debere.

RESP. Imò id potius necessariò sequitur, ex eo Pauli factò colligi non posse, Christi præceptum in iis etiam locum habere, qui ab ipsis Apostolis docti non fuissent. quod solùm mihi probandum fuerat.

Paulus per Asiam & alibi docuit, nec tamen, ut dicis, baptizavit. Ergo baptismus non fuit inseparabiliter conjunctus cum doctrina.

RESP. Igitur Christus de aquæ baptismo non loquitur. Nam alioquin is baptismus inseparabiliter cum doctrina conjunctus fuisset. Neq; enim, cum disputandi gratiâ, Christum de aquæ baptismo locutum fuisse concedo, æquum est ex iis adversus me argumentari, quæ id, quod concessum est, & in disputatione ponitur, planè falsum esse demonstrare possint, & à me ipsa ad id demonstrandum alibi afferantur.

Circumcisio erat solennis professio Dei veri, & tamen non ii tantùm circumcidenti erant, qui Deum nondum erant professi.

RESP. Negatur circumcisionem fuisse solennem professionem Dei veri. Nam infantes octavo ab ortu die circumcidenti omnino erant, qui tamen Deum verum profiteri non poterant. Vide autem quæ ad primam notam respondimus, ut intelligas, in hac disputatione nostra, argumentum à circumcisione ad baptismum non posse duci.

156 Ad priores notas A.D. in Disp.

Mandatum de doctrina quoque Apostolis datum. Ergo doctrina carere possumus, aut ab Apostolis tantum doceri debemus, aut successoribus? ubi sunt isti successores?

RESP. Nisi de doctrina aliud scriptum extaret, praeter id, quod eo Christi praecepto continetur, verisimum istud esset, si modo verba illa ab Apostolis tantum doceri debemus, idem significant, quod, Non cogimur doceri nisi ab Apostolis. Neque verò ex eo Christi praecepto aliquid probandum mihi sumpsit, sed tantummodo ostendere volui, ex eo nihil elici posse ad aquae baptismum, tamquam à Christo mandatum, in Ecclesia omnino & perpetuo retinendum. Non missus sum ad baptizandum, &c. Dictum Pauli accipitur secundum quid scilicet ut principaliter, &c.

RESP. Exceptio ista abundè confutata est 2. cap. Nam cum jam probatum fuisset, Paulum nec per se, nec per alium plerosque ex Corinthiorum Ecclesia baptizasse, haec verba statim subjiciuntur. Hinc apparet, ne eos quidem audiendos esse, qui dicunt Pauli mentem fuisse affirmare, se ad baptizandum non principaliter ut ad Evangelizandum, sed secundario missum esse. Sive enim principaliter, sive secundario ipsi baptizandum fuisset, sine dubio vel per se vel per alium, omnes suae praedicationi fidem adjuvantes, baptizasset, &c.

Quod tamen ipsum fecisse se dicit eodem capite.

RESP. Non quidem quia ad baptizandum missus fuisset.

fuiſſet; aliter ſibi ipſi contrarius planè eſſet.

Gedeon, David laudati, etſi nullo præcepto.

Dei, &c. Singulæ & exemplum non evertunt mandatum generale.

RESP. *Negatur iſtud mandatum generale. Et exempla, quæ mandati ſententia ſit, apertè explicant. Addere igitur Dei præceptis, quod Moſes fieri vetuit, nihil eſt aliud, quàm aliquid inducere, vel faciendum dicere, tanquam à Deo præceptum, quod tamen Deus non præceperit, non autem ſimpliciter id facere, id eſt, eo nequaquam appoſito, quod Deus ita præceperit. Præterea Deut. 4. 2. ſcriptum eſt: Non addetis ad verbū, quod ego præcipio vobis. Quòd ſi hæc interpretatio non adhibeatur, ſequetur nihil proſus fieri poſſe, quod Deus non præceperit. quod & ipſi ſenſui communi, & ſacrae hiftoriæ, mille in locis manifeſtè adverſatur. Nam ſi dicamus præceptum ad ea tantum accommodandum eſſe, quæ ad cultum Dei pertinent, futile planè eſt iſtud. Aut enim cultus Dei pro univerſa religione accipitur, & quid ſcire poſſumus, an aliquid ad cultum Dei pertineat, niſi Deo ipſo patefaciente? aut pro Dei proprio cultu atq; adoratione, & palàm eſt ad omnia legis præcepta, non autem ad ea tantum, quæ ad cultum Dei proprium pertinent, præceptum illud reſpicere.*

Deinde ſequeretur bonam intentionem & Phariſaicas ἐθελοθρησκείας ſtabiliendas eſſe.

RESP. *Bona intentio, niſi in actum, Dei præcepta*

pti adversantem, erumpat, culpanda non est. Phā-
 risaica verò ἐδολογενεσία, nisi interim Dei
 praecepta negligantur, per se ipsa non damnantur in
 sacris literis, namq; hoc satis est. Stabiliendi autem
 verbum ad rem non facit, & nimis pregnans cense-
 ri debet. Praeterea animadvertendum est, me ita lo-
 qui, ut ex exemplis illis non quidem omnia, sed illa
 demum fieri posse contendam, quae ab iis, quae prae-
 cepta sunt, minimè abhorreant, licet ipsa nomina-
 tim praecepta non fuerint, & talem aquae baptismum
 esse demonstro.

Impositio manuum non fuit praecepta, &c.
 non usurpata fuit ut necessaria, & tan-
 quam cultus Dei, sed ut ἀδ' ἰαφορον.

RESP. Duo hic partim tacite, partim expresse di-
 cuntur, quorum neutrum verum censei debet, & in
 quibus principium peti videtur aliqua ex parte. Ne-
 gatur enim, deq; hoc contenditur, baptismum tan-
 quam rem necessariam usurpatam fuisse. Negatur
 item manuum impositionem, tanquam Dei cultum,
 usurpatam non fuisse. Hinc apparet tertium, quod
 similiter à veritate alienum videtur, & hic tacite
 sumitur, nihil ut ἀδ' ἰαφορον simul, & Dei cultum,
 usurpari posse. In Epistola ad Heb. cap. 6. manuum
 impositio & baptismata eodem loco habentur. Qua-
 re, etsi ibi, ut disputatum est à nobis cap. 11. ipsum a-
 quae baptismum, ipsamq; manuum impositionem A-
 postolus non intelligit, tamen quemadmodum quae
 per utrumq; adumbrabantur, paria censentur, sic
 paria

paria quoq; ea, quibus adumbrabantur sunt existi-
manda.

Potuit sic administrari baptismus, quamvis
non disertè tres nominentur, quia qui po-
nit Filium, ponit Patrem, &c.

RESP. Nihil hic vel tacitè vel apertè dicitur,
quod cap. 2. unde argumentatio mea deprompta est,
confutatum (ut spero) non fuerit, dum à non dissi-
milibus, & ferè iisdem oppositionibus (nisi quòd il-
le ut explicatiores sic ad rem ipsam aptiores viden-
tur) eam tueri conor.

Si aquæ baptismus notaretur, tam esset ne-
cessarius quam fides, &c. negatur. nam di-
versis instrumentis salus non eadem rati-
one tribuitur, ut cum Spiritus sanctus &
Evangelium corda renovare, salvare di-
citur.

RESP. Et ratio ista non videtur ad rem facere.
Fateor enim fieri posse, ut & fides, & aquæ bap-
tismus hominem servent, diversa tamen ratione. Sed
quid impedit, quò minus interim utrumq; aequè ne-
cessarium sit? Exemplum. Christus servat, fides ser-
vat, sed ratione diversa, que in Christo multò præ-
stantior est. aequè tamen necessaria est fides ac Chri-
stus ad salutem consequendam. Porro in allato ex-
emplo id deest, quo maximè est opus; neq; enim lo-
cus profertur, ubi cum Spiritu sancto Evangelium
conjugatur, & unà cum ipso ad hominis salutem
requiratur, quemadmodum in eo apud Marcum la-
eo cum fide aquæ baptismum conjungi, unaq; cum
ipso

ipso ad hominis salutem requiri, contendunt adversarii. Adhuc, si quis dixerit, non minus ad renovanda corda, adq̄ salvandum, necessarium esse Evangelium, quàm Spiritum sanctum, id est, ex Dei patefacta voluntate omnino utrumq̄, requiri, à scopo for- tasse non aberraverit, dummodò quid Evangelium sit, rectè intelligatur.

In Complutensi articulus additur, ὁ πῖς εὐ-
σας ἢ ὁ βαπτισμὸς τοῦ θεοῦ σωθῆναι, ratio-
nem hujus consequentiæ non assequor.

RESP. Ratio consequentiæ planissima videtur, e-
aque his verbis cap. 3. est exposita: Atqui articulo in
vulgata editione subaudito, ea sententia ex Christi
verbis apertè colligitur, ut & is quoq̄, qui baptiza-
tus fuerit, servandus sit. Quæ sententia falsitate eaq̄
evidente non vacat, si baptismus aque eo participio
(βαπτισμὸς) intelligitur. Cùm palàm sit, aqua ba-
ptismum citra baptizati salutem contingere posse.

Deinde in sacra scriptura ab articulorum
positione aut omissione nihil probatur.
Sæpè enim hæc regula negligitur.

R B S P. Ferrarum omnino est in ipsa sacra scri-
ptura, ut articulus in simplicibus duobus aut pluri-
bus participiis, vel adjectivis nominibus repetitus,
planè supervacaneus sit. Videbar mihi in ipsa Com-
plutensi editione, locum unum observasse, cujus me-
omnissem nunquam potui. Ejusmodi sanè exemplum
mihi ostendi vehementer cuperem. Vereor enim ne
opinio mea me fefellerit. Hoc, dico, quia, ut in eodem

3. cap. scripsi, mihi magis probatur, ut in vulgatis co-
dicibus articulus ille non subaudiatur.

Baptismus pœnitentiam significat, quæ est
ablutio animæ, Ephes. 5. Tit. 3. Heb. 10.

Resp. non est firma argumentatio talis,
Alibi sic sumitur, Ergo & hic.

R E S P. Non sic ego argumentor, sed cum antea
probaverim, de aquæ baptismo hic sermonem esse non
posse, Inquiro deinde, quid igitur baptizatum esse
hoc loco significet; atq; aptissime ac commodissime
pœnitentiam egisse significare posse, rationibus ex-
emplisq; allatis, confirmare studeo. Nec solum tamen
interpretationem istam sequor, sed aliam quoq; ad-
do, Evangelium ac nomen Iesu Christi publicam pro-
fessionem eo verbo declarari docens.

Intelligitur per Credendi vocem assensus præ-
dicationi Evangelii. Nego. Hic enim lo-
cus repugnat. Nam omnis non credens
condemnatur: Ergo, omnis credens sal-
vatur. At alii assentientes Evangelio non
salvantur. Ergo, &c.

R E S P. Negatur illatio ista & consequentia. Neg-
enim eadem ratio est credendi ad salutem conse-
quendam, quæ non credendi ad condemnationem
subeundam. Sed quia, cum de significatione verbi
Credendi eo in loco non conveniamus, ad locutionis
ipsius vim transeundum est, respondeo per instanti-
am quandam. Si quis diceret, Qui non honoraverit
patrem suum & matrem suam condemnabitur, re-
tete loqueretur; non tamen sequeretur, eum serva-

rum iri, qui patrem & matrem honoraverit, nisi in aliis quoq; divinis præceptis se obedientem præstiterit. Sed locum ipsum pro exemplo sumamus, verbo Credendi in assentiendi sensum accepto. Qui non assensus fuerit Evangelii prædicationi condemnabitur, rectissime dictum. Ergo qui assensus fuerit servabitur? minimè, vel te ipso teste, qui ad tuam rationem concludendam non omnes qui assentiuntur servari assumpsisti.

Ista denique metaphorica Baptismi acceptio tollit sacramentalia signa & analogiam. Nullus enim sacramentalis ritus non metaphoricus esset.

R E S P. *Si baptismi seu baptizandi verbum temere, aut saltem sine necessitate aliqua, metaphorice acciperetur, aliquis locus isti reprehensioni esse posset. Nunc quando id necessario fieri debere ostenditur, non est quod quisquam sententiæ sive explicationi nostræ istud objiciat. Præterea cum ego excipiam non autem probem aliquid explanatione mea, non video, cur ad adversariorum probationes infirmandas, non mihi & liceat, & satis sit, ostendere, testimonia ab ipsis allata aliter intelligi & accipi posse, quàm illi fieri debere contendant.*

Non sequi propterea (etiamsi de aquæ baptismo loquamur) ad omnes posterostrahendum esse Christi sermonem, quia sequentia de miraculis locum non habent. Negatur consequentia. Sequentia verba omnia non conveniunt omnibus Christi-

anis,

anis. Ergo neque præcedentia omnibus sunt accommodanda.

RESP. In argumentatione mea addita sunt illa verba cap. 3. nisi quatenus id fieri debere aliunde constet, quæ consequentiam nulla probatione egerè docent. Quis enim negare potest, cum pars unius ejusdemq; orationis de quibusdam hominibus in posterum prolata, idque inæfinitè, ad omnes posteros nullo modo trahi possit, alias quoq; partes trahi non debere, nisi id faciendum esse aliunde appareat? Nam si ex eo, quod Christus dixisset, requiri a quæ baptismum ad salutem illis conciliandam, quibus Apostoli Evangelium prædicassent, colligere liceret, omnes, qui usq; ad sæculi consummationem salutem ex Evangelii cognitione adepturi essent, aqua baptizari debere, certè ex eo, quod ibidem eodem orationis contextu Christus dixit, eos, qui credidissent Evangelica Apostolorum prædicationi mira quædam facturos, sequeretur similiter omnes usq; ad sæculi consummationem qui Evangelio fidem adhibuerint, mira illa facturos esse. Atq; hoc falsum est, falsum igitur & illud. Nihil ergo ex illis Christi verbis (ut ut de aque baptismo loquatur) tamquam ad omnes posteros pertineant, ad sententiam adversariorum confirmandam elici potest, nisi ad omnes posteros ea in oratione illa separatim pertinere aliqua ratione demonstretur.

Loqui Christum non de futuris omnibus, sed de iis tantum, qui ante Christo nomen non dederint, probationem requiro.

L A

RESP.

R E S P. Nulla probatione est opus, cum manifestum sit, eos omnes, quibus Evangelium Apostolos predicare jubet Christus, ipsi Christo antea nomen non dedisse. Erat autem in nota ista scribendum, dederant, non dederint. Sic enim habent verba mea cap. 3. Non enim minus hic quam ibi (Matth. cap. 28.) doctrina seu prædicatio cum baptismo conjungitur, nec minus hic quam ibi de iis baptizandis sermo est, qui antea Christo nomen non dederant, & in religione non re tantum, sed nomine quoque à Christi religione diversa, ab ineunte ætate alii & educati fuerant.

Ὅτι αὐτοὶ. Ergo illa verba de credendo etiam ad illos solos, non ad omnes pertinebunt.

R E S P. Quidni? sed rectè intelligenda sunt verba mea, quæ tamen, ut arbitror, nulla explanatione indigent. Apertum enim est, quid sentiam. Nempe, cum Christus de iis loquatur, quos constat ipsi nomen antea non dedisse, non posse, aut certè omnino non debere ex ejus verbis aliquid de iis statui, qui jam Christo nomen dederint, præsertim cum hæc differentia in questione nostra maximi momenti esse videatur, sed quidquid de istis planè constituendum sit, id aliunde peti debere. Quocirca non sequitur ex verbis meis id verum esse, quod quidam sentiunt, & Paleologus potissimum eis, qui ex Christianis sunt nati, fide in Christum Iesum opus non esse, etiamsi de istis Christus eo in loco non loquatur. Nam fide in Iesum Christum in istis etiam, ut ipsius Christi ejusque

Evan-

Evangelii beneficium participant, opus esse, ex alijs sanctarum literarum locis perspicuum est. Idem porrò dico de iis, qui jam Christo nomen dederint. de quibus tamen videtur Paleologum sentire, eos omnino in Christum credere, quippe qui fidem in Christum confessione, quod Iesus sit Christus, contineri autemet.

Diversus est Iohannis & Apostolorum baptismus. Resp. Negant hoc docti. Illa enim verba, *Audientes autem baptizati sunt.* &c. non ad discipulos à Paulo interrogatos, sed ad auditores Iohannis conciones & ab eo baptizatos, referunt.

RESP. Scio plerosq; viros doctos, hac nostra ætate, eundem fuisse Iohannis & Apostolorum baptismum affirmare. Sed aliter antiquiores Theologi sensisse videntur, aut certè ex ipsis non pauci, inter quos Basilus. Istam verò loci illius Act. 19. explicationem, fateor me nunc primùm audivisse, quam si docti aliqui viri sequuntur, eos satis mirari non possum, cum & loci sententia, & Grammatica ratio, & loquendi usus, & veritas deniq; manifesta, eam prorsus respuat. Paleologo sanè, nec ullo alio magis, dignissima esset. Piget autem eam pluribus refutare.

Deinde dicitur, Iohannem baptizasse in fidem IESU, hoc quid aliud est, quam in nomen CHRISTI? Absurdum videtur ergo prædicationem, &c.

RESP. Id nusquam dicitur. Monebat Iohannes ipsos baptizatos, ut in eum, qui venturus esset crederent,

rent, hoc est, in Iesum, ipsos baptizatos inquam, moriebat. Nam ex sacra historia satis constat, eum baptizasse, antequam ullam illius, qui venturus esset, mentionem faceret, tantum abest, ut in Iesu fidem baptizaret. Quomodo autem in Iesu fidem baptizasse dicendus est Iohannes, si posteaquam multos baptizaverat, imò ex eo quòd baptizaverat, dubium erat, ne ipse esset Christus? Vide disputationis nostræ caput 6. Itaq; non est absurdum, ante resurrectionem non cœpisse prædicationem pœnitentiæ & remissionis peccatorum in nomine Christi. Ratio verò, quæ absurdior credebatur, firma adhuc permanet, nam illud, ut sciatis Filium hominis habere potestatem, &c. ut alia omittam, adjunctum habet in terra: id est, quatenus hic in terra, pœnæ peccatorum re ipsa auferri possunt. Retorquetur igitur telum istud in adversarium. At Christus erat Agnus, qui tollebat peccatum mundi. Verum est, sed hoc illud idem est pro eo tempore, quod, Qui credit in Filium habet vitam æternam. Quem locum miror allatum adversum me fuisse, cum nulla proffus ibi fiat mentio de potestate Filii. Iam verò cum ipse Filius dicit, Do eis vitam æternam, apparet præsens pro futuro usurpatum fuisse. Neq; enim, etiam si potestatem dandi vitam æternam jam tum habuisset, dicere sine tropo potuisset se eam dare, sed tantum daturum esse, ut alibi, Ego resuscitaborum in novissimo die, Iohan. 6. Vide autem extremum vers. 12. cap. ejusdem Iohan. ut intelligas, Christum jure dicere potuisse, se jam vitam æter-

num dare, licet nondum homines immortales efficiendi potestatem haberet.

Hic contendit Paulum baptizasse illos discipulos, supra negare videbatur eum vel per se, vel per alios baptizasse, quod non missus esset ad baptizandum.

RESP. *Supra dictum est, Paulum plerosq; ex Corinthiis nec per se, nec per alium baptizasse, licet a se doctos, non autem simpliciter non baptizasse.*

Ex locis adductis, de significatione ablutionis, &c. nihil contra baptismum externum concluditur, quin potius sequitur usurpandum esse, quia fit $\sigma\phi\rho\alpha\gamma\iota\varsigma$ remissionis peccatorum.

RESP. *Ex locis istis non conatur baptismum externum evertere, sed tanquam ex clarioribus obscura quedam testimonia interpretari. nec loci illi a quo baptismum $\sigma\phi\rho\alpha\gamma\iota\varsigma$ dicitur, sed adumbrationem quandam peccatorum remissionis esse, vel potius esse posse ostendunt.*

Ad posteriores notas A. D. in
Disp. de Baptismo

R E S P O N S I O F. S.

In Responsionem ad secundam rationem pro adversariis ex sacrarum literarum testimonio aliquo allatam cap. 7.

NOTA I. *Quod ait publicam & apertam nominis Iesu professionem baptismo quidem*

168 Ad posteriores notas A. D. in Disp.
de cōtineri, externæ tamē illi ablutioni alligatam non esse; Hoc concedo, modò ipse quoque fateatur, illum externum ritum ablutionis esse testimonium remissionis peccatorum in legitimo usu.

RESP. **N**E QUĒ istud simpliciter fatendum est, nec etiamsi verissimum esset. aliquid quam baptismi aquæ accipiendi necessitatem ostenderet. Vide quæ dicemus infra in examinatione Resp. ad quintum argumentum adversariorum.

N. 3. Dicit, Ananiam intellexisse, per externam illam ablutionem peccata deleta esse palam ostendi & consignari. Hoc ipsi facile largior; nā inde nihil contra baptismum externum concludi potest, quin potius sequitur eum usurpandum, quia sigillum remissionis peccatorum.

RESP. Non dicit auctor Ananiam istud intellexisse, sed si externa illi ablutioni deletionem peccatorum tribuisset, quo pacto commodè ejus verba explicari queant ostendit, etiamsi externa ablutio illa verè peccata non delet. Quare nihil ex ejus dicto contra ipsum colligi potest, cum id ex re adversariis (ut loquuntur) data non autem concessa pendeat, idq; non ad aliquid probandum, sed ad excipiendum prolatum fuerit, & demonstrandum, assumptionem argumenti adversariorum nulla ratione ex loco illo probari posse. Cur igitur hic dictum fuit, nihil inde contra baptismum externum concludi posse? Quasi verò Socinus id querat, cui nihil aliud nec
pra-

propositum est, nec ut esset opus fuit, quàm adversariorum rationem convellere. Verùm ut intelligas ex ipsius dicto, etiamsi asseverantur prolatum fuisse, nihil adversariorum sententiam juvari posse. Vide quæ scripturi sumus infra in examinatione responſionis ad 5. rationem cap: 10.

In responſionem ad tertiam pro adversariis rationem cap. 8.

NOTA I. Sic argumentatur. Baptismus aquæ non facit nos mēbra Ecclesiæ seu corporis Christi. At baptismus de quo Paulus, facit nos membra Ecclesiæ. Ergo baptismus de quo Paulus, non est baptismus aquæ. Ad majorem. Baptismus non facit nos membra Ecclesiæ, scilicet invisibilis; sed tamen visibilis, id est, testificatur nos esse in cœtu Ecclesiæ. At Paulus loquitur de baptismo, qui nos inserit corpõri Christi visibili, quia alloquitur totum cœtum, in quo non omnes erant electi. Ita quoq; Martyris dictum accipiendum videtur.

RESP. Cùm dicitur, per baptismũ aquæ nos fieri membra Ecclesiæ, sive in unum corpus coalescere, hoc nõ pertinet revera ad probandum, Paulum non loqui de baptismo aquæ, sed est enunciatio contraria assumptioni adversariorum, eaq; rationibus comprobata, ut inde constet argumentum, quod eorum nomine allatum fuerat, nibili esse, ut patet ex verbis illis (de quo nimirum adversariorum argumentũ loqui necesse est.) Affirmatur quidem & ab initio ra-

170 Ad posteriores notas A.D. in Disp.
cite, & postea aperte, ex eadem enunciatione, si ea
vera sit, sequi, Paulum non de aqua, sed de Spiritus
baptismo loqui, verum non prorsus neq; omnino, nisi
eo posito, quod Paulus de eo Christianorum corpore
loquatur, de quo argumentum adversariorum lo-
quebatur. Nam inferius quoq; ad hoc significandum
ea verba scripta sunt: presertim, si Paulus, de eo
Christianorum corpore loquitur, quod adversarii si-
ne dubio intelligunt. Itaq; non assumitur à Socino,
Paulum de vero Christianorum corpore loqui, sed
tanquam ab adversariis, in suæ ipsorum assumptio-
nis probatione positum id pro concessio sumitur. Hoc
autem corpus per baptismum aque coalescere non
posse ostenditur, & inde inferitur, Paulum de aque
baptismo loqui non posse. Nam Petri Martyris di-
ctum ideò affertur, ut confirmetur, aque baptismo
nullum Christianorum corpus coalescere posse, sed id
Christianorum corpus, de quo agebatur; vel si mavis,
ipsum verum Christianorum corpus, per baptismum
aque coalescere quidem, sed non ea ratione, qua o-
pus fuisset, si adversariorum argumentum vim ullam
habiturum esset. Sive ut ipse Petrus Martyr loquitur,
per aque baptismum non transire nos in Christi cor-
pus, sed postquam transivimus, ad id testificandum
eo baptismo consignari. Quamobrem, nisi velimus,
adversariorum argumentum, non de vero Christia-
norum corpore, vel non de vera ejus corporis coaliti-
one loqui, sed de visibili tantum Ecclesia, nihil est, cur
Socinus male ratiocinatus fuisse ulla ex parte vi deri
possit. Atqui, si istud volumus, infirmum planè reddi-
mus

mus id argumentum, non solum propterea, quæ ab auctore in fine responsionis ad illud ipsum dicta sunt, sed præterea etiam ob hanc causam, quod fieri facile possit, ut quis sit verus Christianus, & tamen nullius visibilis Ecclesiæ sit membrum.

N. 2. Negat consequentiam, ait esse & cum Mōyisov istam rationem, etsi de baptismo aquæ locus acciperetur; Hoc per illud fieri contingit, Ergo aliter fieri nequit. Quia possint Christiani modò hoc, modò illo externo signo in unum corpus coalescere. Respondeo. Non licere nobis alia signa statuere, quàm quæ nobis Christus & Apostoli tradiderunt.

RESP. Nec Christus aque baptismum ullo modo tradidit, nedum tanquam signum congregandæ Ecclesiæ, nec Apostoli illum ita tradiderunt, ut eum congregandæ Ecclesiæ signum nobis præscriberent. Quod satis est, ut pro locorum & temporum ratione aliis signis ad eam rem uti possimus, veteriam, si placeat, nullo externo eorū constituto ac certo signo uti: quemadmodum in extremis sue responsionis verbis Socinus antea monuerat. Quod quidem nostro seculo, præter eos, qui Anabaptiste vocantur, eos omnes fecisse dicendum est, qui ab Ecclesia Romana desciscentes Ecclesias congregaverunt. Nam quòd illis ad eam rem externum certumq; signum fuerit baptismus ille aquæ, quem unusquisq; vix natus, olim in Ecclesia Romana acceperat, id nec fieri ullâ ratione potest, & ridiculum alioqui planè censerî debet.

*Inresponſionem ad quartam rationem
cap. 9.*

NOTA I. Sic ratiocinatur. Paulus loquitur de iis quæ sunt Christianorum propria. Ergo non de aquæ baptismo, qui non est Christianorum proprius. Respondeo. Majorem posse negari, si accipiatur universaliter, quod de solis electis, qui verè sunt Christiani, loquatur. Compellat enim Apostolus totum cætum visibilem.

RESP. Nihil impedit, quo minus Apostolus compelleret totum cætum visibilem, & tamen illi tribuat quæ sunt propria Christianorum; nempe quia loquatur de omnibus, tanquam si ii essent, quales se esse profitentur. Imò hoc peculiare & Paulo & cæteris Apostolis est, qui Epistolas scripserunt. Vide quæ scripta sunt in responſione ad sequentem rationem, ut ipse notarum scriptor hanc ratiotinationem bonam esse agnoscat.

N. 2. Deinde quid obſtet, quominus de ritu baptismi intelligatur, qui testimonium est nostræ Christianitatis & conjunctionis? Aliàs enim similia argumenta extant, à signo sacramentali ad ipsum signatum. ut illud, de uno pane participamus. Ergo simus unum corpus.

RESP. Si conceditur Apostolum de iis quæ sunt propria Christianorum loqui, inanis est ista argumentatio. Iam enim apparet, quid obſtet. Sin autem negatur.

negatur, eâ nihil est opus, cum Socini argumentum eo tantum innitatur. Quamquam non satis est negare, nisi prius ad probationes allatas respondeatur, id quod hactenus factum non est, vel saltem contrarium probetur, quod, ut modo vidimus, frustra tentatum fuit. Deinde dico, in universa ista argumentatione principium peti. Negat enim Socinus ritum baptismi (universè loquendo) esse signum nostræ Christianitatis ullo modo, & multò minùs nostræ conjunctionis. atq; etiamsi universè loquamur, vix signum nostræ conjunctionis dici posse concedit, eorum etiam, inquam, qui illo sunt initiati. Negat deniq; parèem esse baptismi ritum ritui cœnæ Domini, sive cum illo, hac ipsa in re de qua agitur, conferendum esse; ut ex ipsius universa disputatione, & ex iis præsertim quæ hoc loco in extremis verbis disputat, de quibus paulò post agemus, aperte constat.

N. Deinde hac conjectura utitur, ad probandum, quòd de Spiritus sancti baptismo agatur, quia verisimile sit, Paulum non prætermisisse Spiritus sancti mentionem, quia mox subjungat de Spiritus sancti donis. Vnicuiq; autem data est gratia. Sicut 1. Cor. 12. de Spiritualibus donis acturus, prius dicat, eundem esse Spiritum, &c. Ergo Baptismatis voce contineri Spiritus sancti mentionem, Sed ista consequentia nulla est.

RESP. Si consequentia nulla esse dicitur, quia fieri possit, ut sub alia quam baptismatis voce Spiritus sancti sit facta mentio, non video quomodo hoc
cui-

cuiquam probari queat, cum & baptismatis vox ad
 id accommodatissima sit (manifestum siquidem est,
 non minùs Spiritu sancto quàm aqua baptizari ho-
 mines in sanctis literis dici) nec alia vox ibi habeat-
 ur, sub qua id ne incommodè quidem fieri potuerit.
 Non enim de implicita, sed de distincta Spiritus san-
 cti mentione in sua conjectura ista auctor disertè lo-
 quitur. At verò si propterea nulla esse consequentia
 affirmatur (quamquam minùs propriè id dictum fo-
 ret) quia fieri facile possit, ut Spiritus sancti nulla
 mentio distinctè facta fuerit; Respondeo, & verba
 illa, *Unicuiq;*, autem, &c. & similini loci, 1. Cor. 12.
 exemplum allatum satis ostendere vix fieri id potu-
 isse. Et sanè, quod attinet ad verba illa, *Unicuique*
 autem, &c. ea omnino videntur docere Spiritus
 sancti, quem omnes participassent, mentionem an-
 tecessisse, qua in re æquales omnes essent, quam æ-
 qualitatem ipsa deinde quodammodo moderentur,
 & tacite cuidam objectioni occurrant; ut perinde
 sit, ac si dictum fuisset, Quod autem dixi omnes vos
 eundem Spiritum sanctum participasse, in eaq; re
 pares esse, non ita accipiendum est, quasi non sit ul-
 la distinctio aut inæqualitas ipsius Spiritus sancti do-
 norum, que singuli accepistis, sed ita, ut unicuiq; ta-
 men, &c.

N. II. Negat consequentiam in argumen-
 to: Et si baptismus aquæ intelligatur, qui ad
 Christianos pertinet, non tamen de omni-
 bus Christianis loqui Paulum, sed de iis ad
 quos scribit, seu de iis, qui ipsis futuri essent

simi-

similes. non propterea innuere Paulum, nullum esse Christianum, qui aqua ablutus non fuerit. I. Hoc dicitur tantum non probatur, eoque facile quoque negari potest.

RESP. Primum, onus probandi non Socino, sed adversariis, incumbit, qui ostendere debent, id quod Paulus Ephesii illis dicit ad omnes Christianos, etiam futuros, pertinere, alioqui principium petentis ponentes omnes Christianos, quotquot futuri erant, aque baptismo tingendos fuisse. hoc enim illud est de quo precipue disputatur. Deinde satis probatum est id, quod Socinus affirmat, cum sensus ipse communis nos doceat, cum Paulus certos quosdam homines alloquatur, ejus verba ad alios accommodanda minimè esse, nisi id fieri aut debere aut posse aliunde appareat, presertim in iis, que non quidem illis precipit, sed tantummodò de ipsis narrat, seu quoquo modo enunciat.

II. Deinde nulla est dissimilitudo in argumentando, quin jam quoque eadem ratione uti possimus: Per eundem baptismum religioni Christianæ initiati estis, & habetis eundem Dominum & Deum Patrem, Ergo sitis unum corpus & unus spiritus. Quidni rectè ratiocinari possimus à Baptismo eodem modo quo Paulus?

RESP. Dubitavi aliquando, an hæc de sententia Socini explicata fuissent. Nam profectò, nisi vehementer fallor, ea potius huc pertinent quam aliò. Vult enim ipse argumentum Pauli semper habere locum.

176 Ad posteriores notas A. D. in Disp.
locum; siquidem omnes inveniuntur baptismum ac-
cepisse, pro ea etiam parte quæ ad baptismum atti-
net, sin minus pro reliquis partibus, ex quibus non
minor efficacia argumento inerit, quam si bap-
tismus quoq; illis accederet. Non negat igitur posse nos
eodem modo ratiocinari ab ipso baptismo quo Pau-
lus ratiocinatus est, nec dissimilitudinem aliquam
in argumento constituit, modo baptismus adsit. Imò
hoc putat ad responsionem suam confirmandam ali-
quid momenti habere; sed negat necesse esse, ut ar-
gumentum Pauli pro ea etiam parte, quæ ad bap-
tismum pertinet, semper in omnibus Christianorum
cæteribus locum habere possit, & sic necesse esse ut per-
petuò omnes Christiani, qui in aliqua Ecclesia sint,
baptismum accepisse inveniuntur. Hoc, inquam, ne-
gat Socinus, & dissimilitudinem, de qua loquitur,
non quidem necessariam, sed possibilem esse statuit.

N. Redit denique ad priorem responsio-
nem, & eam hac quoque ratiuncula confir-
mare conatur, si externorum rituum Paulus
in monendis Ephesiis, ut unitatem Spiritus
inter se conservare vellent, rationem habe-
re voluisset, non prætermisisset dominicam
cœnam, quæ maximè Christianorum unitas
obsignatur. At nullam fecit mentionem in-
signis hujus & præcipui Christianæ unitatis
symboli. Ergo de baptismo aquæ ne cogita-
vit quidem. Respondeo. Nego majorem: sa-
tis erat nominasse baptismum, quo & singu-
li utebantur, & religioni Christianæ initia-
ban-

bantur. Alioqui si conjungendi semper essent ritus, qui idem significant, multi absurdi sermones invenirentur.

RESP. Non ea videtur esse Socini mens, ut velit, Paulum debuisse unà cum baptismo cœnam conjungere, sed hanc potius, quàm illam commemorare, ut satis intelligi potest ex eo, quod multò cœnam baptismo prestare ostendere conatur; in ea ipsa re de qua Apostolus agebat. Ex quo etiam efficitur, ut concidat omnino ratiocinatio ista ab absurdo ducta: Alioqui si, &c. Nam neq̄, de conjungendis ritibus loquitur Socinus, nec, quod attinet ad unitatem illam, de qua agebatur, idem aequè significare dici potest Baptismus, quod cœna Domini. imò, si cum cœna comparatur, ne significare quidem.

*In Responsionem ad quintam rationem
cap. 10.*

N. Negat consequentiam distinguendo (ut arbitror) majorem. Nullus Christianus est qui non induerit Christum, scilicet aliqua ratione. Non autem per solum baptismum indui Christum, quia non sit necessarius ad salutem: imò ne esse quidem illum ordinariam viam Christum induendi, quòd nihil per baptismum hominibus à Deo conferatur, nisi quòd per ipsum publicè Christo nomen dant. Hoc posterius nego, quia baptismus est testimonium remissionis peccatorum, quam Deus nobis confert. Alio-

M

qui

178 Ad posteriores notas A.D. in Disp.
qui erit inane spectaculum, non sacramen-
tum, quod constat è re terrena & cælesti.

Interea consistet principale argumentum
hoc modo, Baptismus tamquam visibile pi-
gnus, obsignat nobis beneficia induitionis
Christi. Ergo non est negligendus. Ratio
consequentia, Quia externos ejusmodi ri-
tus Deus mandavit nobis, ut servaremus,
quo consuleret imbecillitati nostræ.

R B S P. Non distinguit Socinus majorem, sed
minorem, si ea concedi debeat, que est per aque ba-
ptismum Christum à nobis indui, idq. verè, non au-
tem figurato loquendi modo. Aut enim ea ita acci-
pitur, ac si dictum fuisset, Per solum aque baptismum,
&c. seu, Tantum per aque baptismum, &c. Et hoc
pacto ne ipsis quidem adversariis veram illam vide-
ri posse docet; Aut ita, ut ipsa verba sonant & simpli-
citer, & tunc ἀλλοῦσιον argumentum esse osten-
dit. Quod verò negatur Socini dictum illud, nihil per
baptismum revera hominibus à Deo conferri, idq. ob
eam causam, quod baptismus sit testimonium remis-
sionis peccatorum, quam Deus nobis cōfert. Nos cau-
sam istam planè negamus, nec testimonium remis-
sionis peccatorum baptismum esse concedimus, et
presertim, qui baptismum accipit. Loquitur au-
tem hoc loco de iis, que per baptismum conferuntur,
nempe ei, qui baptizatur. Probatio porro istius cau-
se ab absurdo multam vim habere potest, cum nec
baptismus sacramentum esse concedatur, nec quid
sit sacramentum inter nos constet; & quicquid sit,
illud

illud ſine dubio à nobis negetur, ipſum è re terrena
 & caeleſti conſtare, eo nimirum ſenſu, quo id hoc lo-
 co dictum fuiſſe necesse eſt. Nec propterea erit ba-
 ptismus inane ſpectaculum, ſi, inane pro eo, quòd
 fruſtrà fiat, quodq; nullus effectus conſequatur, acci-
 pias. Nam & publica Chriſti nominis profeſſio, & in
 ejus familiam manifeſtaria cooptatio, & adſcriptio
 quedam, ſi ritè adminiſtratus fuerit, ei nihilominus
 perpetuò, tamquam ejus forma, & neceſſarius effe-
 ctus, conjuncte erunt. Sin aliter, Inane, accipias, id
 nihil moramur, præſertim verò, ſi in eum ſenſum
 quem conſecutio iſta requirere videtur. Nobis enim
 nihil abſurdi in eo eſſe videtur, quòd per baptiſmum
 ipſum nihil prorsus ipſi accipienti divinitus conſera-
 tur. Imò hoc illud ipſum eſt, quod Socinus dixerat,
 quodq; impugnandum notaram ſcriptor ſumpſerat.

Iam verò quod attinet ad argumentum adver-
 ſariorum reformatum, etiamſi ejus aſſumptio, quam
 tamen nos, ut diximus, nullo modo concedimus, ve-
 ra eſſet, conſequentia tamen non teneret, niſi ſi quis
 ea conſequentie verba, Ergo non eſt negligen-
 dus, ita interpretaretur, ac ſi dictum fuiſſet, Ergo
 non ſpernendus ac vili pendendus. Neq; enim, ſi ba-
 ptismus obſignat nobis beneficia indationis Chri-
 ſti, idcirco ſequitur, eum à nobis omitti non poſſe.

Quid enim ſi ea obſignatione nullo prorsus pacto e-
 geamus? ut certè non egent illi, qui jam ex animo
 credunt, ſibi, eò quia Chriſtum revera induerint, o-
 mnia peccata remiſſa fuiſſe. Nam conſequentie ra-
 tio, qua allata fuit, nihil momenti habere videtur,

180. Ad posteriores notas A. D. in Disp.
cùm Socinus nulla ratione concessurus sit, baptismum
aque, simpliciter loquendo, à Deo nobis mandatum
fuisse, multò minus autem ut servaremur, etiamsi
verissimum esset, per illum nobis obsignari beneficia
indutionis Christi. hoc enim (ut dictum est) ad eos
modò pertineret, qui obsignatione ista indigerent,
quibus ritus iste mandatus esse dici posset. Namq; il-
lud, quod in ratione consequentiæ additur, quò con-
suleret imbecillitati nostræ, si ullo modo admitti de-
bet, non de omni imbecillitate nostrâ, sed de ea tan-
tùm accipiendum est, quæ obsignatione ista jvari
queat.

*In responsionem ad sextam rationem
cap. II.*

N. Quod profert vulgatam interpuncti-
onem, & ait, Baptismatum doctrinam esse
remissionem peccatorum, & Christi legis
prescriptionem. Non igitur agi de aquæ ba-
ptismo. Nego ipsi hanc interpretationem.
I. Quia Apostolus primo statim loco no-
minat μετάνοιαν v. 1. eoq; non statuenda
est ταυτολογία.

RESP. Nulla est ταυτολογία. Nam aliud est
μετάνοια, seu pœnitentia, aliud remissio peccato-
rum & Christi legis prescriptio. Non est quidem
pœnitentia sine remissione peccatorum tamquam
suo necessario effectu, verùm id non ex ipsius rei na-
tura, sed ex Dei benignitate atq; decreto est. Quo-
circa post pœnitentiam omnino commemoranda fu-
it re-

it remiſſio peccatorum. alioquin, ut à Socino dictum
 eſt, Chriſtiane diſcipline & pietatis præcipuam
 quoddam rudimentum, vel potius ſolidiſſimum fun-
 damentum prætermiſſum fuiſſet. Proprium ſiqui-
 dem novi Fœderis eſt, ut pœnitentibus (idq; perpetuo
 ad huius ſæculi finem) peccata omnia, quantumvis
 gravia, condonentur. Iam verò legis Chriſti præ-
 ſcriptio poſt pœnitentiam ſequi ſolet; & à Baptiſta
 pœnitentia prius indicta eſt, deinde ſubſecuta eſt le-
 giſ Chriſti præſcriptio. Quamvis autem perfectæ
 Chriſtianorum pœnitentia legis Chriſti noti-
 tiam requirat, tamen ſimplex pœnitentia nomen etiam
 poſt Baptiſta prædicationem ſolet ad ea accommoda-
 ri, quæ etiam citra Chriſti cognitionem quiſq; vitan-
 da eſſe novit, tanquam Deo inviſa. Vnde illud, Pœni-
 tentiam agite & credite in Evangelio, Mar. 1. 15. &
 illud, Pœnitentiam in DEUM, & fidem in Do-
 minum noſtrum IESUM Chriſtum, Act. 20. 21. Et
 Chriſtus ipſe pœnitentiam prædicavit, antequam
 legem ſuam præſcriberet, Mat. 4. 17. Adde, quod non
 ſimpliciter pœnitentia Apoſtolus mentionem fece-
 rat, ſed pœnitentia ab operibus mortuis, id eſt, ejus-
 modi, quæ mortem concilient, tanquam morte di-
 gna, & propterea per ſe mala ſint ac deteſtanda. At-
 qui multa nobis vitanda in Chriſti lege præſcribun-
 tur, quæ per ſe mala & deteſtanda non ſunt, licet
 ea nos vitare Chriſtus velit, ſi beatam immortalita-
 tem, à ſe primùm generi humano allatam, partici-
 pare velimus.

II. Si concedam, intelligere Apostolum penitentiam, non valet tamen hæc consequentia. Agit de re significata. Ergo excludit aut rejicit signum. Imò inverte argumentum. Loquitur de doctrina penitentia, quæ in baptismo proponebatur, & quæ per tinctionem aquæ significabatur. Ergo ritum baptizandi aqua tum usurparunt Apostoli, & acceperunt qui Christianismum amplectebantur.

RESP. Nullus hic est locus, vel negationi consequentia, vel argumenti inversioni. Neq; enim ad istum modum argumentatur Socinus. Imò quod attinet ad ipsam refutationem argumenti adversariorum, nihil revera argumentatur, sed ostendit solum, ejus argumenti assumptionem, non probari eo testimonio, id est, ibi non fieri disertam ejus baptismi mentionem, de quo agitur, ut quidem ad eam assumptionem probandam, vel certè ad probationis expressum modum confirmandum necesse erat. Cùm verò ait, ex eo loco potius contrarium probari, quia scilicet nulla fiat ibi revera mentio baptismi aque; assumptionem hanc suam non ex eo probat, quòd ibidem mentio fiat rei, quæ per ipsum baptismum significabatur, sed quòd ipse aque baptismus non sit ibi nominatus. Non fuisse autem nominatum unicuiq; legenti satis constare potest, nisi illum voce *Baptismatam* nominatim significari dicamus. Hoc verò dici non posse, jam docuerat ipse. Quod si non invertendo quidem ejus argumentum, cui rei, ut diximus,

ximus,

ximus, nullus eſt locus, ſed poſterioris argumenti ta-
 citam majorem negando, & contrarium ex planè
 diverſa propoſitione probare conando, ita quis argu-
 mentetur; Vbi illud nominatur quod in baptiſmo a-
 que proponebatur, quodq; per illum ſignificabatur,
 ibi baptiſmi aque revera fit mentio, ſed hic illud no-
 minatur, Ergo &c. Hoc erit quicquid, iudicio meo,
 hoc loco ex ipſius ſarſitan opponentis mente Socina
 obijci poterit. Verùm hoc argumentum incidit in e-
 am fallaciã, que dicitur, Ex accidente, niſi in pejus
 ruat, & principium petat. Quod enim doctrina pœ-
 nitentia in aque baptiſmo proponeretur, &c. id ex
 accidente erat. nam nec natura ipſius rei id requi-
 rebat, alioquin ante baptiſmum nulla fuiſſet doctri-
 na pœnitentia, & ſine baptiſmo nulla pœnitentiada-
 retur, quorum utramq; falſum eſt, nec ut ita omnino
 ac perpetuò fieret, erat conſtitutum. Vel certè, fuiſſe
 conſtitutum, probare neceſſe eſt, ſi quis nequaquam
 ex accidente id fuiſſe, oſtendere velit. Aliter princi-
 pium petet, id pro conſeſſo ſumendo, de quo potiſſi-
 mùm diſputatur. Ceterùm id, quod ipſe notarum
 ſcriptor in argumento ſuo diſertè concludit, non vi-
 detur ad rem facere. Nam etiam ſi verum eſſet, Apo-
 ſtolos tunc ritum baptizandi uſurpãſſe, & eum illos
 accepiſſe, qui Chriſtianiſmum amplectebantur, non
 idcirco ſequeretur, Apoſtolum hoc loco ipſum bap-
 tiſmum inter Chriſtiane pietatis rudimenta nume-
 raſſe, quod illi probandum omnino fuerat. An non i-
 pſe Socinus pluribus in locis, præſertim verò cap. 14.
 15. & 17. facile concedit, in primitiva Eccleſia o-

184 Ad posteriores notas A. D. in Disp.
mnes, qui nunquam antea Christi nomen professe
fuerant, ex ipsorum Apostolorum instituto, in Domi-
ni Iesu nomine aqua baptizatos fuisse? Postremò
non est silentio prætermittendum, quod Socinus nus-
quam scribit, per tinctionem aquæ significatam fu-
isse pœnitentiam (quamquam non pœnitentiam ipse
sed peccatorum remissionem voce Baptismatum con-
tineri ait) ne (quæ vñ verbi significandi esse potest)
quisquam credat illum sentire, aquæ tinctionem si-
ne pœnitentiæ esse non potuisse. Quod verò attinet
ad peccatorum remissionem, eam per aquæ bap-
tismi adumbratam quidem fuisse, & dari quodam-
modo consuevisse hoc ipso in loco fatetur. Verùm hoc
posterius non alia ratione intelligendum est, quàm
id, quod hoc eodem loco de datione Spiritus sancti
per manuum impositionem commemorat, ut scilicet
res, quæ dabatur, nullo modo ipsi ritui externo alli-
gata esset, nec ab ipsius vi aliqua proficeretur,
quamvis ea cerimonia ritè peracta, ex divina beni-
gnitate omnino dari consuevisset. Qua de re viden-
da sunt quæ scripsit cap. 7. Prius verò illud de adum-
bratione aliud quiddam est ab eo, quod hic dicitur
de significatione. Nam certè adumbratio tantùm
imago quedam est rei adumbrate, quam non qui-
dem esse, quantùm attinet ad propositum nostrum
(adumbrantur enim illa quoq̃, quæ vel olim fuisse,
vel futura esse contingat) sed si sit, qualis sit aliqua
ratione ostendit: significatio verò rei significatæ in-
dicium esse potest, atq̃ eam esse ostendere. Hanc igitur
Socinus aquæ baptismo non tribuit, quod perti-
net

net ad peccatorum remiſſionem, ſed ad umbrationem tantum, eamq; ſane valde accommodatam, ita ut rempenè ob oculos ponere videatur; atq; hoc idem concedit de ipſa pœnitentia & renovatione vitæ, ut apparet ex iis que ſcripta ſunt cap. 5.

In reſponſionem ad ſecundam rationem, pro adverſariis, non ex teſtimonio aliquo ſacrarum literarum petitam, cap. 14.

N. Ad Pauli locum 1. Cor. 10. reſpondet, quòd in eo non de aquæ baptiſmo, vel de cœna Domini verba ſiant, ſed de donis Eccleſiæ conſeſſis à Deo, quæ non profutura ſint, niſi divinis monitis convenienter vivas. I. Videtur hoc $\alpha\omega\gamma\omicron\sigma\delta\iota\omicron\nu\nu\sigma\omicron\nu$ ad locum Pauli; & ipſe Socinus cogitur fate- ri, Paulum ad baptiſmum & cœnam Domini reſpexiſſe. Non tamen inde ſequi, Bap- tiſmum debere eſſe perpetuum. Quia ne ſpiritualia quidem illa dona, de quibus lo- quatur, fuerint perpetua; deſuiſſe enim præ- fertim conſpicua illa, poſtquam Chriſtiana veritas ſatis confirmata fuit, Ergo multò magis deſuiſſe baptiſmum aquæ, qui eorum donorum imago quædam fuerit. II. Nego hanc conſequentiam: deſierunt dona primi- tivæ Eccleſiæ, Ergo & baptiſmus. Quia hic non recenſetur inter illa in ſacris literis.

RESP. I. Imò ad locū Pauli $\alpha\omega\gamma\omicron\sigma\delta\iota\omicron\nu\nu\sigma\omicron\nu$ planè eſſet, ſi diceremus illum agere de baptiſmo a-

quæ, & de cœna Domini, cum, ut ipse notarum auctor fatetur, hæc non recenseantur inter dona primitivæ Ecclesiæ, Paulum autem de donis à Deo tunc temporis iis concessis, qui Christi nomen profitebantur, loqui necesse sit, quemadmodum exempla beneficiorum olim, Israelitico populo sub Mosis ductu datorum, aperte docent, & totius rei ratio omnino postulat. Nam quod paulò inferius eodem capite Apostolus disertè mensam Domini commemorat, cujus illi, ad quos scribebat, participes essent, id non propterea factum est, quia superius de ejusmodi rebus revera actum fuisset, sed cum vellet eos reprehensione dignissimos demonstrare, qui inter ipsos quoque modo Idolis servirent, addit absurdissimè planè eos facere, ea potissimum ratione, quòd solerent mensæ Christi Domini interesse, non posse enim eos mensæ Domini participes esse, & mensæ Demoniorum. Non est autem coactus Socinus fateri, Paulum ad baptismum & cœnam Domini respexisse, sed tantum sua sponte concedit, posse fieri, ut ad ista, non quidem simpliciter, sed alludendo respexerit. Quod si verum sit, non tamen propterea sequi ait, Apostolum vel baptismum, cœnæ Domini parem fecisse, vel utrumq; eo loco tanquam perpetuum aliquid, & proprium omnium Christianorum considerasse.

II. Nec verò vult Socinus probare baptismum cessasse ex eo quod cessaverint dona illa, quorum baptismus imago quedam erat, alioqui hac ratione, cœnā quoq; ipsam cessavisse ostenderet, à qua sententiā ipse vehementer abhorret. Nam & cœna Domini, ut ipse fate-

dur. imago quedam illorum donorum erat, sed ait, si quid modò, quod ad presentem questionem pertinet, hoc loco colligere libet, cum illa dona, de quibus Paulus revera agit, in Ecclesia maxima ex parte desierint, nihil aptius colligi posse, quam baptismum atque similiter desuisse, qui donorum illorum imago quedam erat. Sed nec ipse vult, aliquid revera colligi posse, nec per illum notarum scriptorem, licet, si Paulus de spiritualibus donis agat. Cujus tamen ratio mihi non probatur. Nam etsi baptismus inter illa dona non numeretur, non tamen sequitur, ab illis ad hunc argumentum duci non posse, presertim verò Socini argumentum, in quo satis constat ipse, baptismum inter dona illa non numerari. Neque enim ait, ideò ex cessatione donorum, baptismi cessationem colligi posse, quia baptismus unum ex illis donis fuerit, sed quia cessantibus donis, verisimile sit, baptismum, qui illorum imago quedam erat, simul cessasse. Itaque ad convellendam Socini consequentiam, quam ille convelli posse non negat, nihil est ostendere, baptismum non fuisse unum ex illis donis, sed necesse est, ut ostendatur, posse imaginem quandam rei durare, quamvis res ipsa non duret.

In responsionem ad tertiam rationem, seu priorem ex duabus ratiunculis, eodem capite.

N. Quod dicitur, generale mandatum de baptismo suscipiendo nullum extare, nec causam esse, cur, qui Christo nomen publice dedit,

188 Ad posteriores notas A. D. in Disp.
dederint, eo tingendi sint. Hoc tam facile
nego, quam tu affirmas.

RESP. *Questio erat, Numquid baptismus sac-
ramentum Ecclesie esset, ut cœna Domini esse di-
citur, & propterea non minus illum, quàm hanc ne-
cessariò retinendum esse constaret. Responderetur, nō
cœnam quidem ipsam Ecclesie sacramentum in sa-
cris literis vocari, & idcirco, si retinenda est, ut pro-
fectò est, non quia sit sacramentum Ecclesie, sed
quia in perpetuum omnibus Christianis præcepta fu-
erit, id fieri, & quia nulla causa sit, cur omnes Chri-
stiani mortem Domini commemorare, eiq; de tanto
beneficio perpetuò gratias publicè agere non debe-
ant, quarum rerum causa cœna Domini instituta
est. Ejusmodi verò aliquid in baptismo esse negatur,
seu non esse affirmatur. Hanc sive negationem sive
affirmationem probare non est necesse, sed ipsi ad-
versarii contrarium probare debent, si baptismum
cum cœna Domini, ut ipsorum argumentum requi-
rit, conferrì posse velint. Præterea jam id satis pro-
ximè probatum fuerat (quatenus probari aut pote-
rat aut debebat) quod in universa ista responsione
dicitur. Et idcirco in ipso hujus generis duarum ad-
huc pro adversariis rationum refellendarum initio
scripta sunt verba illa. Ex quibus due præterea, quæ
adhuc restant, ejusdem generis adversariorum ra-
tiuncule satis confutata videntur. Mitto autem,
quod ex iis, quæ toto libro à Socino variis in locis &
dicta fuerunt, & mox dicenda erant, ipsius dicti pro-
batio apertissimè colligi poterat, quodq; ipsemet id*

aper-

apertè monet, dum dictum profert, & suam rationem concludit.

*In responsionem ad ultimam rationem
cap. 15.*

N. In nono Nicœnæ Synodi canone, Ruffino teste, clerici cathari jubentur recipi, si pœnitentiam agant, nulla baptismi facta mentione, cùm tamen illa statuatur, ut Paulianistæ rebaptizarentur. Non igitur semper ab Ecclesia baptismum requisitum fuisse. Talis argumentatio à testimonio negativè non est necessaria.

RESP. Non est argumentatio à testimonio negativè, simpliciter, sed cum probatione ab exemplo, eoque à minore ad majus. Nam si Synodus eas baptizari disertè jubet, qui jam baptizati aliquo modo fuerant, cur eos baptizari disertè non jussisset, qui nullo baptismo fuerant tincti, si eos baptizari omnino voluisset, & baptismum omnibus necessarium esse censuisset? Auctores quidem Centuriarum, ut à quodam annotatum vidi, ex eo apud Ruffinum Canone collegerunt, atq; scripserunt, Catharos pœnitentes sine baptismo receptos fuisse. Nec tamen argumentationem istam tanquam necessariam, ipse Socinus attulit, sed tanquam admodum verisimilem, ut ex verbis eam antecedentibus intelligi potest, que sic habent: Quod & factum aliquando fuisse, mihi sit verisimile, Novatianos quidem, &c.

*In primum testimonium ex sacris literis
petitum, cap. 16.*

N. Testimonium est id, quod pluribus in locis est scriptum, Iohannem quidem aqua baptizasse, Christum verò Spiritu sancto baptizare Argumentum tale erit, Qui Spiritu sancto baptizantur, non debent aqua baptizari. At Christiani Spiritu sancto baptizantur, Ergo non debent aqua. Nego majorem, Quia in sacramento conjungenda sunt signum & signatum, non divellenda, &c

R E S P. Etsi nihil dubito, quin in argumento isto Socino attributo, verbum debent, pro coguntur, sive ut vulgò loqui solent, tenentur, positum fuerit, tamen dico, ex Socini verbis, ex quibus ipsorum sententia ab ipso notarum scriptore relata, satis constare, illum non ita argumentari, sed ad hunc modum. Quicquid proprium Christianorum non est, id ipsis ne necessarium quidem est. Sed aqua baptismus proprius Christianorum non est, Ergo ipsis ne necessarius quidem est. Appellat autem proprium, non ut Logici solent, id, quod uni soli perpetuò convenit, sed quod perpetuò tantum, sive omninò convenit, ut saepe boni Latinitatis auctores loquuntur. Talem autem minimè baptismum aquae esse, ex allato testimonio satis constare existimat. Praeterea ratio, cur major negatur istius illi adscripti argumenti, non videbatur afferenda. in ea si quidem manifestè principium periturum assertitur baptismum aquae, unà cum baptismo Spiritu-

Spiritus esse sacramentum, & unum esse signum, alterum verò signatum. Nam & hac à Socino negatur, & minimè vera esse vel ex illo apparet, quod utrumq; baptismum separatim, id est, alterum sine altero dari, in ipsa primitiva Ecclesia contigit. ut patet ex Actis cap. 8. & 10. id quod ipse Socinus cap. 5. disertè monet.

In secundum testimonium eodem cap.

N. 1. Cor. 1. 17. Non misit me ad baptizandum sed ad Evangelizandum; si Apostolorum mandatum munus fuisset, falsò id dixisset Apostolus. Respondeo. dictum illud accipiendum non absurdè, sed cum grano salis; quia ipse Apostolus ibidem dicit, se Crispum & Cajum, & alios quosdam Corinthiorum baptizasse. Annè igitur contra officium suum fecit? Item, cur Act. 19. discipulos illos rebaptizari iussit, ut supra quidem iste solebat?

RESP. Ad hoc satis responsum est, in eluendis prioribus notis, & antea cap. 2. ab ipso Socino responsum fuerat. Et sanè mirum est, multos ad hoc saxum offendere. Quasi verò nefas fuerit, Paulum aliquid fecisse in iis, quæ ad externos ritus pertinent, quod ipsi mandatum non fuisset, & propterea necesse sit ipsius apertissima verba explanationis adhibende loco non modo tenebris involvere, sed etiam planè subvertere atq; delere.

In tertium testimonium eodem cap.

N. Gal. 3. Quicumque in Christum baptizati estis, Christum induistis. Ergo aliqui fuerunt non baptizati. Alioqui dixisset omnes, quia baptizati estis. Scribit autem ad Ecclesiam Galatiæ. Ergo in Ecclesia reperiiri possunt, qui baptizati non sint. Futile videtur argumentum. Nam illud, *Quicumque*, cur non universaliter accipi possit?

RESP. *Primum non concludit Socinus in primo ore argumento simpliciter, Ergo aliqui fuerunt non baptizati; sed, ergo aliqui erant, aut esse poterant, non baptizati. Deinde negat prorsus, illud Quicumque, ita universaliter posse capi, ut vi sua omnes comprehendat, ad quos Paulus scribit, nec sanè alia universalitas, in eo verbo contineri potest, nisi ut comprehendat inter eos, ad quos scribit, omnes, qui baptizati in Christum erant, si modo de ipsis tantum, ad quos scribit, loquitur, & interim ostendat, vel sic loquenti constituisse, non omnes illos baptizatos fuisse, vel certè non constituisse, omnes fuisse baptizatos, & sic fieri potuisse, ut aliqui essent non baptizati. Vis enim pronomini illius est, ut omnino res quasdam siue homines ab aliis omnibus secernat. & quidem in iis ipsis, de quibus, vel cum quibus est sermo, cum illud, quod ipsi pronomini adungitur, ejusmodi est, ut in alii quoque, aut inveniatur, aut inveniri possit, præter eos vel ea, de quibus vel cum quibus verba fiunt. Sin minus ii, cave, de quibus vel cum quibus est ser-*

mo, à reliquis omnibus, ejus pronomini vi, penitus
 ſecernuntur. Exempli gratiâ, ſi ad eos qui Romæ
 ſunt ſic ſcribam: Quicumq; in primaria totius Italiae
 urbe eſtis. quia nemo in urbe totius Italiae primaria
 eſt, qui non ſit Romæ, propterea rectè loquutus fuero,
 quamvis neceſſe ſit, ut omnes, ad quos verba mea di-
 riguntur, ſint in primaria totius Italiae urbe. At ſi ad
 eosdem hoc modo ſcribam: Quicumq; ex animo Pon-
 tificem colitis, cum multi reperiantur, aut reperiri
 poſſint, qui ex animo Pontificem colant, etiamſi Ro-
 mæ non ſint, neceſſe eſt, ut, ſi ad eos ſolos mea verba
 diriguntur ad quos ſcribo, inter illos ſint, aut eſſe po-
 ſſint aliqui Pontificem non ex animo colentes. Ratio
 diverſitatis eſt, quia in priore exemplo retinet pro-
 nomen Quicumque ſuam vim ſecernendi, etiamſi
 id quod illi eſt adjectum neceſſariò omnes illos com-
 plectatur, ad quos verba diriguntur. ſecernit enim
 illos à reliquis omnibus, id eſt, ab iis qui Romæ non
 ſunt. At in posteriore exemplo hoc fieri non poteſt,
 cum, ut dictum eſt, etiam ex iis qui Romæ non ſunt,
 inveniantur, aut inveniri poſſint, qui Pontificem ex
 animo colant. Quare neceſſe eſt, ut, ſi ad eos tantum
 verba illa diriguntur, ſecretio eo pronomine indice-
 tur, & fiat inter ipſos qui Romæ ſunt, eorum videli-
 cet qui Pontificem ex animo colunt, ab iis qui for-
 taſſe non colunt. Nec unquam negari poterit ex eo
 ſermone apparere, fieri omnino poſſe, ut quidam ex
 iis qui Romæ ſunt, Pontificem ex animo non colant,
 niſi ita verba accipiantur ac ſi ſermo eſſet cum o-
 mnibus qui ubiq; locorum Pontificem ex animo co-
 lunt.

lunt. Tunc enim pronomen Quicumque, suam se-
ternendi vim haberet, etiamsi omnes qui Romæ es-
sent, necessariò Pontificem ex animo colerent. se-
cerneret enim omnes ubicunq; locorum sint, qui
Pontificem ex animo colunt, ab aliis omnibus, id
est, ab iis qui non colunt. Igitur ut ad rem redeamus,
cum Paulus ad Galatia Ecclesias scribat, non soli
autem homines Ecclesiarum illarum baptizati es-
sent, solivé baptizati esse possent, necesse est sateri, si
pronomen Quicumque suam vim retinere debet,
vel Paulum in illis verbis sic loqui, ac si verba sua ad
omnes baptizatos dirigeret, & idem significare e-
jus verba, quod, Quicumq; in Christum sunt bap-
tizati, vel aliquos in Ecclesiis illis esse potuisse, qui ba-
ptizati non essent. Atqui illud prius propter rationes
à Socino allatas non est dicendum, Ergo hoc posterius
verum esse oportet. & sic patet, nihil prohibere, quo-
minus sis in Ecclesia, & porro verè Christianus sis,
etiãsi baptizatus non fueris.

N. Nec propter Catechumenos sic loqui
Paulum, quia illi non sint membra Ecclesie.
At Paulus scribit ad Ecclesias, &c. Respon-
deo. Nego majorem.

RESP. Majorem, arbitror, intelligit, Cate-
chumenos non esse membra Ecclesie. Atqui non cre-
didissem ego hoc illi probandum esse, qui cum iis dis-
putet, qui baptismi necessitatem asserunt. Sed præ-
terea, quomodo ii Ecclesie membra esse possunt, qui
nondum Christo capiti sunt initiati? qui ad Domini
cœnam non admittantur, quæ unitatem Corporis
Eccle-

Eccleſia refert? qui deniq; ſpiritum Eccleſia non participant, id eſt, Spiritus ſancti donis illis, quæ unicuiq; Eccleſiæ membro ſuppeditentur, non ſint præditi? Nam profectò ſimul atq; dona illa, quæ tunc temporis dabantur, ad quod tempus tota hæc diſputatio referenda eſt, fuiſſent conſpecta (nec enim occulta eſſe poterant) Catechumeni eſſe deſuiſſent, & ſtatim baptizati fuiſſent. Nam ut Petrus, de Gentibus loquens, ait, Numquid aquam quis prohibere poteſt, ut non baptizentur ii, qui Spiritum ſanctum acceperunt? Act. 10. 47.

N. Denique nusquam in ſacris literis iudicari, receptum fuiſſe morem aliquos inſtituendi, antequam baptizarentur. Conſtare tamen poteſt ex aliis authoribus.

RESP. Imò non poteſt ulla ratione conſtare, cum præterea ex ipsis ſacris literis appareat, eos quæ baptizabantur, nulla prævia diligentiore inſtitutione, ſimul atq; Evangelii prædicationi aſſentiebantur, baptiſmum accipere conſueviſſe. Atq; hoc ipſum ad verbum ſcripſerat Socinus in iſto loco. Quamquam meminiffe videor, ex aliis quoq; auctoribus conſtare, non, niſi poſt Apoſtolorum tempora morem iſtum receptum fuiſſe. Sed hic librù deſtituor, neq; id temere auiſim affirmare.

N. Illos autem in Galatia non baptizatos, fuiſſe eos, qui poſt primam Galatarum conversionem deinceps in Chriſtiana religione educati eſſent. Conjectura eſt authoris, quæ nondum perſuadet.

R E S P. Nihil hic opus est persuasione aliqua ex conjectura ista. Iam enim satis probatum est, ex loco illo Pauli constare, aliquos in Christi Ecclesia esse posse non baptizatos, nec istos tamen Catechumenos esse. Nam quid aliud auctori (ut ipsemet scribit) querendum est? Quod si tamen de veritate ipsius conjecturae queritur, certe si, quae ante disputata sunt, admitti debent, ea nullo pacto rejici potest, nisi tunc temporis receptum fuisse velimus, ut etiam, qui numquam Christum antea professi fuissent, sine baptismo ad Ecclesiam aggregarentur, quod non adversarii modo, sed ne ipse quidem Socinus facile concederet; aut dicendum esset, Paulum eorum habuisse rationem, qui licet in Ecclesiis illis non educati, neque ex Christianis parentibus orti, Christum tamen jam antea, nullo accepto baptismo, professi essent. Id quod propter ejusmodi hominum (si qui tamen erant) nimiam paucitatem nullo modo verificabile videtur.

In quartum testimonium eodem cap.

N. Heb. 6. Vbi rudimenta Christianae disciplinae enarrantur. Inter ea non commemoratur baptismus. Relegat nos ad suam refutationem supra expositam. Qualis est confutatio, talis est quoque confirmatio.

R E S P. Sed confutatio bona fuit, ut ex responsione ad notas in eum locum intelligi potest, Ergo confirmatio quoque bona erit. praesertim cum praeter ea hoc loco aliquo adminiculo à Socino diligentius
 sub-

fulciatur. inde conſtare poteſt, ſi aquæ baptiſmus præceptus Eccleſiæ à Chriſto & Apoſtoliſ fuiſſet, nequaquam veriſimile futurum, ut ibi Apoſtolus de ipſo diſertè mentionem non feciſſet.

N. 1. Pet. 3. Baptiſmum aquæ elevat. Ne go hoc. Adimit ei ſalutem, Ergo non magnificat.

RESP. Quod Petrum baptiſmum non magnificere, vel potius non magnificandum eſſe indicare ait Socinus, id non ſimpliciter accipiendum eſt, ſed reſpectivè & comparatè. Nam certè ea que neceſſaria ſunt ad ſalutem, qualem adverſarii eſſe volunt aquæ baptiſmum iſ, qui eum accipiendi poteſtatem habent, etiamſi ab iſ revera ſalus non proficiſcatur, ſolent tamen in ſacris literis eo nomine commendari, quod ſalutem aliquo ſaltem modo conferant. tantùm abeſt, ut illis ſalus apertè adimatur.

An non Paulus oris confeſſionem ad ſalutem fieri a-
it? An non Iacobus verbo ſeu ſermoni Evangelico in
nobis Dei miniſtrorum opera inſito ſervandi pote-
ſtatem, operibus autem diſertè juſtificationem tribuit? Quid plura? An non Paulus ait, delicto Iudæorum ſalutem gentibus obtigiſſe? Et certè adverſarii multos locos, qui vel aliqua ratione aquæ baptiſmo ſalutem tribuere videntur, vel ſi de aquæ baptiſmo loquerentur, ei ſine dubio ſalutem aliquo modo aſcriberent, avidè arripiunt, cenſentes jure optimo id factum fuiſſe, ſi baptiſmus iſ ſit, quem ipſi eſſe contendunt, Socinus negat. Hinc factum eſt, ut ipſi adverſarii nullo pacto ferre poſſint, ſi quis dicat in Petri

Rom. 10. 10.
Iacob. 1. 21.

& 2. 24.
Rom. 11. 11.
12.

198 Ad posteriores notas A. D. in Disp.

loco aquæ baptismo salutem adimi, imò si quis neget illi non tribui, licet fateantur hoc non esse verum, quatenus ille corporis sordes abluit, & hanc Petri mentem omnino esse affirmant, nec ulla prorsus ratione ab ipso totam illam cerimoniam arce Noe minime comparatam fuisse, ut credant, adduci possint.

N. At non ad eum modum (inquit) locuturus fuisset, si aquæ baptismus omnibus suscipiendus esset. Cur non? Hanc rationem non assequor.

RESP. Quæ & qualis sit ratio ista, ex modo disputatis facile intelligi potest. Nunquam enim, si aquæ baptismus omnibus suscipiendus esset, & idcirco necessarius ad salutem consequendam iis saltem foret, qui eam accipere possent, salutem ei, nulla moderatione adhibita, ademisset Petrus, ut quidem hoc loco ademit, si Socini explanatio recipienda est, quam ipse cap. 12. abundè probat, nec eam notarum scriptor in dubium revocat. Cause enim sine quibus non (ut appellari solent) etiam si præcipuè cause non sint, aliquo modo cause sunt tamen. Adde quòd plerique ex iis, qui baptismum aquæ tanquam necessarium defendunt, ita necessarium esse volunt, ut eum non accepisse, iis quoq;, in quorum potestate id non erat, salutem ademisse velint, & nonnulli non salutem solum ademisse, sed sempiternos etiam cruciatibus attulisse contendunt. Inter quos maximè Augustinus.

In primam rationem eodem cap.

N. Ratio est: Christi disciplina est spiritualis.

tualis, interiorem hominem respicit, & ab externis ritibus tantum non abhorret. Ergo ritus nullus est præſcriptus, niſi apertiſſimis verbis inſtituatur, qualia ipſi non ſunt baptiſtica. Hac ratione & templa, & Miniſtros, & externum miniſterium Evangelii, ex Chriſtianismo epicere poterimus: Cœnam quoque Domini, de qua non magis præcipitur à Chriſto, quam de Baptiſmo.

RESP. *Templa & alia, que hic commemorantur, ſunt quidem externa, tamen non ſunt ritus. neque enim revera, ex conſtituto pendunt, ſed ab ipſius rei natura proficiſcuntur. Niſi enim convenient homines identidem ad verbum Dei audiendum, iniquitate non erudiantur modo, verum etiam ad eam excitentur atque incendantur, ac propterea ſepius una ſimul concorditer precentur ac laudent Deum, facile omnia peſſum eunt, omnisque religio ſenſim extinguitur. Quod ſi fieri poſſet, ut religio ſine iſtiusmodi externis omnino conſervaretur (ut certe ſine baptiſmo aque conſervari poteſt) nulla cauſa eſſet, cur ea abjicere non poſſemus, (niſi quatenus illa expreſſe Chriſtianiſ mandata fuiſſe conſtaret) etiam ſi, ut dictum eſt, non comprehendantur iſta in eorum numero, de quibus Socinus modo agit. Agit enim ille manifeſte de iis externis, que ceremonie appellantur. Quis autem unquam templa, Miniſtros, & Evangelii prædicationem ceremonias eſſe dixerit? Quod ſi tamen contenderit quiſpiam, aliquid in iſtis eſſe, quod ceremoniale videatur, veluti quod locus qui-*

100 Ad posteriores notas A. D. in Disp.
dam publicus, iisq; certus & proprius verbo Dei audi-
endo, cœnæq; Domini comedenda, nec non commu-
nibus precibus & laudibus ad Deum fundendis con-
stituatur, quodq; unus certus homo verbo Dei mini-
strando præficiatur. Dico, nihil omnino vetare, quò
minus in privata domo aliqua, modò hac, modo illà,
fiant ista, & non unus tantum, sed plures sint, iisq;
non omnes certi & constituti, qui verbum Dei mini-
strent. Et, si superiorem rationem tamen servari pas-
sim videmus, id non ideo fit, quia aliter fieri neque-
at, sed quia sic ad politiam quandam & ordinem in
Ecclesia, sine quibus rebus vix possunt hominum cœ-
tus durare, magis conducere planè constat, & quia
ad ipsam pietatem id plus adjumenti asserre ratio-
ne & experientia compertum est. Iam verò in eo,
quod objicitur de cena Domini, manifesta est peri-
tio principii, cum Socinus non solum ubiq; neget, ea-
dem ratione præceptum fuisse à Christo baptismum,
qua cœna Domini præcepta fuit, imò ne præceptum
quidem fuisse contendat, sed etiam id nullo modo
probari posse jam antea ostenderit.

Post testimonia & rationes omnes reci-
tatas, & maxima ex parte re-
prehensas.

Hæc sunt illa Ahillæa argumenta con-
tra Baptismum aquæ.

RESP. Argumenta Socini non sunt contra ba-
ptismum aquæ, sed contra necessitatem baptismi a-
quæ. Nam alioqui sibi ipsi turpiter adversaretur, qui

cap. sequenti censeat, hodie in Ecclesia eum bapti-
simum omnino, retinendum esse. Nec verò opus illi
erat, Achillea argumenta proferre, sed neq̄, illa se
prolaturum, quod tamen verba ista indicant, pro-
fessus fuerat. Id quod unusquisq̄, intelligere poterit,
qui ea legerit, que ante ipsa argumenta allata scri-
psit. Satis autem ille videtur esse habiturus, si ipsius
argumenta vel Patroclea fuerint: præsertim cum il-
lorum hæctenus prolatae refutationes nullo pacto
Hectorea videri queant, ut ex responsionibus
nostris perspicuum esse arbitramur.



Ad Mart. Czechovitii notas, quæ
in appendice libri ejus de Pæ-
dobaptismo habentur,

RESPONSIO FAUSTI SOCINI.

NOTA I. Duplici via aggrediuntur. Vna
quidem cum baptismum pro adiaphoro ha-
bent: altera verò, cum negant mandatum
illum de eo extare.

RESP. **N**ON duplex, sed unica est via,
nempe ostendere, nullum de a-
que baptismo mandatum ex-
tare. Nam adiaphorum esse aque baptismum, vel
illud ipsum est, quod isti probare nituntur, vel certè
non alia ratione id verum esse contendunt, nisi quia
de eo baptismo nihil mandatum fit.

2. Ut ipsi somniant.

R. Ergo, te ipso teste, somniant, qui mandatum
de aque baptismo extare putant.

3. Quia in re & Catapultas & Catha-
ros, pueros, inquam, & sanctos, si Diis pla-
cet, &c.

R. Infantium est larvæ terreri. quocunq; in spe-
ciem formidabili nomine istos appellari posse cõten-
das, non tamen propterea ab ipsorum sententia eos
demovebis. Quamquam cum isti nec baptismum re-
jiciant, & se coram Deo multorum peccatorum reos,
Chri-

Christi gratia seclusa, probè agnoscant, non est cur eos vel Catabaptistas, vel Catharos nominare possis.

4. Nisi penitus cœnam quoq; Domini, ministerium prædicationis Evangelii, disciplinam Ecclesiasticam, cum omni pietate, simul explodant, & è vivorum memoria extirpent.

R. Indignum est, aliarum opinionum falsitate, eam quæ verissima est, in invidiam vocare; quasi hæc illæ omnino consequantur.

5. Quidam.

R. Isti quidam de aliis tibi respondeant. Nos de iis tantum, quæ ad aquæ baptismum pertinent, aliquid dicemus.

6. Populus novi Testamenti, &c.

R. Contra hujus thesıs auctores, acriter à nobis in aliis non paucis pugnatum est, quare nobiscum nullo pacto conjungendi erant, maxime verò, cum in hac ipsa thesi cum illis minimè consentiamus. Imò quod attinet ad cœnam Dominicam, toto, quod ajunt, celo ab ipsis dissideamus.

7. Nisi etiã omnia simul ejecta velimus.

R. Cur verò? Certè quantum etiam ad ipsa externa attinet, (nam de fide postea videbimus) consecutio nulla est. Primum enim non omnia externa sunt ceremoniæ. Nam quis, quæso, dixerit, verbi causa, prædicationem Evangelii esse ceremoniam? Et tamen aliquid externum est. Atq; hinc apparet, argumentum à baptismo aquæ ad Evangelii prædicationem non valere, cum, ut ipse fateris, baptismus

iste

iste sit ceremonia. Vnde fit, ut baptismus aque, tamquam ceremonia, sub novo Testamento, à quo omnes ferme ceremonie exulant, parvi fieri possit: Evangelii autem predicatio, quia ceremonia non est, sed fidei in nobis gignenda & alenda instrumentalis causa, maximi fieri debeat. Deinde cum dicitur, baptismum, quia externa ceremonia sit, non magnificiendum esse in Christi Ecclesia, hoc non ita intelligendum est, quasi omnis externa ceremonia à Christianis parvi estimari debeat, sed argumentum ad eas tantum externas ceremonias accommodandum, quæ à Christo, sive ab Apostolis, disertè Ecclesie in perpetuum præscriptæ non fuere. Itaq; cæna Domini, quamvis externa ceremonia sit, non propterea parvi estimabitur, in Christi Ecclesia, cum ea à Christo ipso instituta fuerit, & à Paulo Apostolo teste in perpetuum Ecclesie commendata. Quod de baptismo nequaquam dici potest. Legatur disputatio nostra capite 14.

8. Et crescit ac corroboratur externis omnibus.

R. Nemo sanæ mentis hoc tibi concesserit. Sunt enim multa externa, quibus fides minuitur atq; infirmatur. At quod ad ceremonias ipsas attinet, dico is non augetur aut confirmari fidem, sed indicari & palàm fieri.

9. Verùm etiam externæ ceremoniæ, quæ passim ab omnibus sacramenta nuncupantur, ita sint annexæ, ut non prius fides, sit né in corde hominis, palàm appareat, quam dum

dum homo, externè ceremoniis istis initiatus, Christo nomen dederit.

R. *Negamus ceremonias, quæ passim Sacramenta appellantur, prædicationi Evangelii annexas esse, perinde ut fides est: adeò ut illis cessantib^o fides quoq^z cessare possit. Sine fide enim vana est Evangelii prædicationis. Sin autem adsit fides, jam prædicationis non est inanis, nec aliud præterea requiritur, quam oris confessio, teste Paulo, ad Rom. 10. 9. Oris autem confessio, etiam sine ceremoniis istis, nisi nominatim præscriptæ fuerint, fieri plenissimè potest, & multò quàm per ipsas, clarius atq^z apertius.*

10. Et tandem vitam homine Christiano dignam vixerit.

R. *Hoc illud est, unde fides apertè colligitur, non autem ea facere, quæ infideles quoq^z facere possunt.*

11. Baptismus aquæ in externa ceremonia fitus.

R. *In disputatione nostra cap. 2. et 3. satis probatum est, in neutro istorum locorum, de aquæ baptismo agi.*

12. Ita multò minus juvabit baptismus.

R. *Non satis habuisti hac in re baptismum fidei parem facere, sed anteponere etiam voluisti, cum tamen fidei, tanquam ad salutem necessarie ubiq^z mentio fiat, baptismum autem, de quo loquimur, nusquam. Quantùm in hominũ animis superstitio potest? Adde, quòd nulla, quod ad fidem attinet, inter illos, qui primi crediderunt, & eos qui ex ipsis nati sunt, differentia constitui potest, sed maxima, quod*

da

206 Ad M.C. notas in Appendice lib.

ad baptismum attinet, constitui debet, ut à nobis pluribus in locis disputationis nostræ demonstratum est, præsertim verò cap. 2, 3, & 5. Adde præterea, quod id ipsum, quod vera fides in homine præstat, à nulla re alia præstari potest; quod verò baptismus, ab aliis multis.

13. Fidei suæ sigillum.

R. Nusquam legitur baptismum aque esse fidei sigillum.

14. Per quod Christo confepeliatur, & Christum induat, Rom. 6. 3. Gal. 3. 27. Quomodo enim, &c.

R. Ad ea, quæ hîc dicuntur, abundè responsum est disputationis nostræ cap. 10. ubi, in quem sensum Pauli verba accipienda sint, explicatur.

15. Aut quomodo certus esse de peccatorum remissione poterit, qui peccata per baptismum non abluerit?

R. Vide disputationis nostræ cap. 7.

16. Erat Paulus, &c.

R. Pauli & Centurionis exempla nihil ad rem faciunt. Nemo enim negat, iis baptismum aque dari posse, vel etiam dandum esse, qui Spiritum sanctum acceperint: sed iis dari necesse non esse, qui jam publicè Christum sint professi, præsertim si nullam præter Christi religionem se amplecti unquam præseulerint.

17. Iam ergo vel existis solis, quæ adhuc dicta sunt, liquidò constat, ceremonias externas non ad primordia tantùm nascentis

Eccle-

Ecclesiæ & Evangelii pertinere.

R. Imò quod de Paulo & Centurione baptizatis dixisti, ad primordia nascentis Ecclesiæ omnino spectat.

18. Et veluti cordi nostro ingeruntur, ut per ea firmi, &c.

R. Hæc omnia hominum, atq; adeò ipsius Antichristi, fragmenta sunt, cum potius, nisi hæc omnia prius cordi nostro ingesta fuerint, & jam nulla ratione dubitemus, quin ea nobis à Deo donentur, quæ nobis per Evangelii prædicationem offeruntur; ad istas ceremonias nos accedere sit nefas, Act. 8. 37.

I. Cor. 11. 20, 29.

19. Adde quòd non tantùm illi externis istis ceremoniis, &c.

R. Tota hæc argumentatio futilis est, cum non de Dei populo simpliciter, sed de Christiano populo queratur. Quinimò cum jam nemo ex Dei populo tunc dici posset, nisi publicè Christo Iesu nomen dedisset.

20. Quam Christus justitiam vocat.

R. Vide disputationem nostram cap. 1. & 6.

21. Si etenim verum est quod dicunt, &c.

R. Prorsus supervacanea, ne dicam ridicula, tota hæc pars censeri debet; quasi ii, qui baptismum aquæ omnibus per æquè necessarium esse negant, fateantur, eum quidem à Christo universe & in perpetuum mandatum fuisse, interim tamen se eo præcepto non teneri contendant. An non animadvertisti ab ipsis, planè negari præceptum illud, à Christo datum fuisse?

208 Ad M. C. notas in Appendice lib.

22. Qua enim fronte pars una verbi Dei contemnitur?

R. Videbaris ante hæc verba aliqua ex parte respuisse, verum iterum eodem relaberis, & summa cum injuria eos, qui ad se præceptum aque baptismi (si modò ea de re hodie præceptum aliquod viget) non pertinere contendunt, sacrarum ceremoniarum contemptores facis, nec interim (quod facere saltent debueras) ad rationes respondes, quibus se ab eo præcepto immunes esse affirmant.

23. Quod si verò Evangelium, &c.

R. Vide quæ dicta sunt supra numero 7.

24. Docete eos servare omnia, &c.

R. Responsum est plenissimè disputationis nostræ cap. 2.

25. Quod utinam non fiat, &c.

R. Hoc sanè à nobis ne per somnium quidem fit, ut ex tota disputatione nostra apertissimum est.

26. Verum esto quod quidam, &c.

R. Qui ita sentiunt, ii tibi respondeant.

27. Siquidem labefactatis, &c.

R. Rursus ad ingenium redis, vide quæ notavimus, num. 21.

28. Adde, volunt ne? &c.

R. Mirum, quàm hac calumnia toties repetita delectaris, à nobis scilicet Christi mandata contemni.

29. In quod corpus, omnes omnino, per unum spiritum, quicumque Christum pro capite suo agnoscunt, baptizati coeunt, 1. Cor. 12. 13.

R. Re-

R. Respondimus exactè ad hunc Pauli locum
disputationis nostræ cap. 8.

30. Quo Christus ipse, &c.

R. Vide disputationis nostræ caput 1. & 6.

31. Et ejus discipuli baptizati sunt.

R. Si Apostolos & plerosq; alios insigniores discipulos intelligis, nimis audacter loqueris, etiam si Ioannis baptismo eos baptizatos fuisse affirmare velis, aut profer testimonium.

32. In quam omnes, per baptismum fide susceptum, ingrediebantur.

R. Hoc multò adhuc audacius dictum est, cum in sacra scriptura nullum exemplum extet baptismi accepti ab iis, qui à Christianis nati, vel in Christiana fide educati essent.

33. & hucusque, qui Christi fieri volunt, ingrediuntur.

R. Hoc verò injuriosum est, & inter ceteras Ecclesis eas, quæ in Transylvania nobiscum de Deo & Christo consentiunt, à Christi Ecclesia excludit.

34. Act. 2. 41, 42. &c. &c.

Oppone his locis eos, quos ex eadem historia duplo fermè plures cap. 15. nostræ disput. collegimus.

35. Ut ita esset sanctificata, Ephes. 5. 26.

R. Miror te non animadvertisse, non de vera, sed de translatitia aqua Paulum loqui, & tanta superstitione adhuc obligatum esse, ut sine aquæ baptismo Christi sanctificationem nobis contingere nõ posse credas. Vide quæ ad locum hunc Pauli illustrandum scripsimus disputationis nostræ cap. 3. Quibus præter

110 Ad M. C. notas in Appendice lib.
preter alia multa, quae passim à nobis in eo opere dicta sunt, adde potissimum ea, quae cap. 7. de remissione peccatorum per aquae baptismum differuimus.

36. Sed etiam hoc comprobare illos Dei verbo oportebit.

R. Imò tuum est ex verbo Dei demonstrare, sanctam genituram ab aqua illa externa aliqua salutem ex parte pendere, id quod nunquam facies.

37. In qua unus est Deus Pater, &c.

R. Vide disputationis nostrae cap. 9.

38. Quod illi rejiciunt.

R. Calumnia est haec manifesta, ut ex disputationis nostrae postremo capite aperte constat.

39. Et eo tutius possumus, &c.

R. Quasi verò possit quid esse adiaphorum, & simul hominem necessario obligare.

40. Quam me vehementer mirari hominum audaciam, &c.

R. En vestri baptismi mirabilia effecta, ut, qui ea acceperint, hominum corda scrutari se posse credant, & adversus omnia Christianae charitatis praescepta, non solum de alio malè cogitare & dicere, sed etiam à manifestis calumniis non abstinere nihil faciant.

41. Quia nullus unquam ex omnibus novi Testamenti scriptoribus usus est hac voce, Adiaphori.

R. Ergo, si tibi credimus, ne ciborum quidem delectus res adiaphora erit, nempe quia vox ipsa adiaphori in novo Testamento non legitur. Istud non de re, sed de verbis contendere est.

42. Baptismum talem esse Christi ordinationem, &c.

R. Ut aliquid adiaphorum merito dici debeat, satis est id nec mandatum nec interdictum fuisse. Quod de aque baptismo (quod ad universam Ecclesiam præsertim attinet) verissimè dici posse constanter asserimus.

43. Sed neque illi qui iam errores quosdam, &c.

R. Si disputationem nostram legisses, quam tibi hic impugnare velle videris, non te tantoperè ævisorè pro prodidisses. Nam ibi propè finem capite 15. ex Eusebio lib. 7. cap. 7. Ecclesiastica historie notatum vidisses, Novatum baptismum abrogasse. Cui adde, quod scribit Socrates lib. 5. cap. 21. In Thessalia consuetudinem fuisse, ut diebus festi duntaxat Paschatis baptizarent. Ob quam causam, ut ipse ait, omnes, paucis admodum exceptis, sine baptismo moriebantur. Nam putas Ecclesias istas baptismum inter adiaphora non numerasse, sed necessarium esse Christianis docuisse? Hoc autem eo pluris æstimandum est, quod Ecclesias istas pro hereticis habitas fuisse, ex ipsa historia non constat. Ipse quidem scriptor, consuetudinem istam inter pleraq; alia adiaphora recenset, in quib: Ecclesie invicè dissidebant.

44. Ex quib: omnib⁹ liquidò constat, &c.

R. Oportuisset te omnes Sectas in Christiana religione, quotquot unquam fuerunt, enumerasse, et à nulla prorsus baptismum aque, non autem Christi baptismum, pro adiaphoro habitum fuisse, demonstras.

212 Ad M. C. notas in Appendice lib.
strasse, & ad hunc modum merito concludere posses.
45. Nisi fortasse ab illis, &c.

R. Iam tandem respiscis. Verum ista exceptio universam tuam argumentationem destruit. Quamquam non crediderim ego, Novatum, à quo Novatiani, qui idem cum Catharis sunt, propterea baptismum abrogasse, quod se ab omni parte purum esse arbitraretur. Quin immo ipsi Cathari non ante baptismum acceptum absolutam eam puritatem ab homine Christiano requirebant.

46. prorsus nullis externis, &c.

R. Imò, quasi verò à nobis omnia externa rejiciantur.

47. (ut in papatu videmus)

R. Papatus non vocem adiaphori, sed res adiaphoras pro necessariis in Ecclesiam induxit.

48. Sed non nisi dementandos, &c.

R. Imò ad erudiendos simplices ea vox usurpatur, adq; eos ex Antichristi laqueis liberandos, ut sic inter necessaria Christi mandata, & adiaphora Antichristi, pro necessariis obtrusa, distinguere norint, seq; ex tanta servitute eximere.

49. ut jam omnia fermè etiam expressissima præcepta, &c.

R. Iam vides, alio quàm adiaphori nomine, Antichristum ad eludenda Christi mandata usum fuisse.

50. Iubet manifestè Christus, ut injurias, &c.

R. Hec Papistarum cum nobis comparatio prorsus inepta est. Nam fatentur Papiste, Christum omnia

omnia ista dixisse, sed non tamen tanquam præcepta seu mandata, verùm tanquam consilia dedisse. Nos autem negamus, Christum ulla ratione dixisse, ut omnes sui discipuli aque baptismo tingantur.

51. Paucissima quædam esse, &c.

R. Benè habet, quòd, contra quam ante velle videbaris, concedis aliqua in novo Fœdere esse, que a diaphora sint. Quanquam negamus nos, baptismum aque pro iis, qui jam professione sunt Christiani, in novo Fœdere vel nominari.

52. Sed longè alia res est baptismus, &c.

R. Hæc de baptismo aque, quatenus Christum perpetuò antea professus ministratur, probes, & tibi manus dabimus.

53. Nam tamen per se, &c.

R. Multa, que in hac parte latent, errata, non est hic retegendis & coarguendis locus.

54. Christi sanguine, cujus typus est aqua baptismi, &c.

R. Hoc nec verum est, nec usquam legitur.

55. Baptizetur quisque vestrum in remissionem peccatorum, Act. 2. 38.

R. Vide disputationem nostram cap. 5. & 7.

56. Quibus perplacet quædã recipere, &c.

R. Ad hanc calumniam, jam non semel responsum est.

57. Ostendant nobis scripturam sacr: &c.

R. Hoc à nobis fieri necesse esset, si ex altera parte scriptum inveniretur, aque baptismum omnibus per aquæ, qui Christiani esse velint, suscipiendum esse.

214 Ad M. C. notas in Appendice lib.

esse. Vide quæ cap. 16. disputationis nostræ paulò post initium scripta sunt. Atq; in eo capite nihilominus, hoc quod à nobis iniquè requiritur, præstare non omisimus.

58. An in illis sit & contineatur mandatum, &c.

R. Non an in Christi verbis illis sit mandatum, quod nemo negat, sed quale sit, queritur.

59. Vtrum illi verba hæc Christi intellexerint.

R. Non utrum, sed quomodo.

60. Audiant igitur adversarii, quid Lucas Evangelista, Act. 2. 35. de Petro dicat.

R. Iam audiveramus. Vide disputationis nostræ cap. 5. ubi hic locus diligenter admodum excutitur.

61. Iam Petrus etiam hoc.

R. Insignis paralogismus & fallacia hic subest, ut cap. 2. nostræ disputationis demonstratum est.

62. Sed etiam baptismum illis.

R. Non baptismum, sed resipiscentiam potissimum in remissionem peccatorum inculcat Petrus. Soli enim resipiscentiæ alibi, dum eidem populo concionatur, peccatorum remissionem attribuit, Act. 3. 19. Soli autem baptismo nusquam. Vide quæ scripsimus disputationis nostræ cap. 7.

63. Et baptizetur unusquisq; vestrū, &c.

R. Non satis candidè hic versari, cum verbum, Pœnitentiam agite, seu resipiscite, quod solum antecedit, & à quo Petrus suam responsionem auspiciatur, retices. Sed id nimirum fecisti, ut ipsi baptismo
pecca-

peccatorum remissionem à Petro ascriptam fuisse
(rectenè an seius) persuaderes.

64. Mandatum Christi exequuti sunt.

R. Quamquam hoc falsum est (nihil enim Christi
de aque baptismo mandaverat, ut cap. 2. disputa-
tionis nostræ ostendimus) quid tum postea? Adu-
enim tibi probandum est, non ad eos tantum, quibus
ab Apostolis primum Evangelium prædicabatur, sed
etiam ad ceteros omnes, qui Christi discipuli futuri
essent, mandatum istud pertinuisse.

65. Videmus eum tantam diligentiam
adhibuisse.

R. Hoc nos quoq; Deo est gratia, videmus, sed
tamen de aque baptismo minime Christum locutum
fuisse simul videmus, quod tu nondum videre potes.

66. Certè si quis adeò sit cæcus.

R. At in hoc turpiter tu hallucinaris, cum ma-
nifestè Christi verba de iis tantum loquantur, qui
ab Apostolis eorumq; successoribus docendi erant.

67. Et simul doctrinæ Evangelii bap-
tismum adjungunt.

R. Imò quia adjungitur baptismus doctrinæ, se-
quitur manifestè, ubi doctrina non est opus, ibi ba-
ptismo quoq; opus non esse.

68. Baptizabat Ioannes.

R. Nihil ad presentem disputationem pertinet.
quidquid Ioannes in negotio baptismi fecerit aut
dixerit. Vide disputationis nostræ cap. 6.

69. Alioqui quomodo Eunuchus de ba-
ptismo scire potuisset?

216 Ad M.C. notas in Appendice lib.

R. Imò potuit Eunuchus (nec aliter credendum est) ex iis, quæ Hierosolymis fieri viderat, intelligere, morem esse, ut ii, qui Iesum Nazarenum crederent, ad ipsumq; ab alia religione converterentur, aqua in ejus nomine tingerentur,

70. Et non universale mandatum.

R. Non est necesse ut sit universale, satis est enim ad tuam ipsius rationem concludendam, si sit perpetuum. Sed perpetuum potest esse mandatum illud, nec tamen ad eos pertinere qui docendi non sunt, ut certè non pertinet, sive de aquæ baptismo, sive de quovis alio Christus locutus fuerit,

71. Qui illi semper adhæret.

R. Fidei non aquæ baptismus, sed oris confessio semper adhæret, vel potius adhærere debet, quacunq; tandem ratione illa fiat,

72. Ne quis existimet aliquem absq; fide,

R. Ergo si Christus dixisset, Qui non crediderit, vel baptizatus non fuerit, condemnabitur, ex ejus verbis colligi potuisset, aliquem absq; fide sola baptismi perceptione posse salvari. Quid minùs verum dici potuit? Ista enim verba baptismum quidem ad salutem requiri declarant, sed per se sufficere nulla ratione. Imò dummodo absit fides, salutem contingere non posse apertè significant.

73. Fidem quoque inutilem esse, &c.

R. Si de fide in Christum loqueris, falsa dicis. Et Cornelii exemplum nihil ad rem facit, cum in fide Christiana præditus ante prædicationem non esset, quemadmodum ipse disertè fateri. Sin autem ali-

ans

am fidem intelligis, hoc similiter nihil ad rem facit, cum supra de Christiana fide agatur. Pauli porro locus non quidem inutilem esse fidem, quam non præcedat prædicatio, sed non solere fidem sine prævia prædicatione contingere nos docet.

74. Et ita universale, ut universalis est Evangelii prædicatio.

R. Si ita universale est de baptismo mandatum, ut universalis Evangelii prædicatio. Igitur quemadmodum in qui jam credunt non necesse est Evangelium prædicare, sic iisdem baptismum ministrare non est necesse.

75. Tam prædicationi Evangelii, quam veræ fidei perpetuò adnexū esse baptismum videmus.

R. Quò sæpius hac repetis, eò te negligentiorum in observandis sacris scriptoribus prodis, qui frequentissimè fidei Evangelio habite mentionem faciunt, nihil prorsus de baptismo commemorantes. Lege que scripsimus num. 34.

76. Quod in se universale mandatum, contineat.

R. Quasi verò necesse sit, quicquid universale mandatum non est, esse adiaphorum vel consilium. Igitur præceptum (verbi causa) prædicandi Evangelium, quia universale non est, sed certis quibusdam hominibus à Christo datum, erit adiaphorum aut consilium. Et sic falsus fuerit Paulus, qui ait: Necessitas mihi incumbit, væ autè mihi nisi Evangelizavero, 1. Cor. 9. 16. Mitto autem, quod univer-

218 Ad M. C. notas in Appendice lib.

sale dici potest Christi mandatum illud, quod omnes complectitur, quibus annunciatur Evangelium, etiamsi omnes Christianos non complectatur. Quod si de aque baptismo locutus fuisset Christus, mandatum dedisse universale dici posset, ut quicumq; ab Apostolis aliisve docerentur, iidem aque baptismo tingerentur. Sed quid hoc ad eos, qui ab ipsis incunabulis, aut saltem multò ante docti fuisse inveniuntur, quam de ipsis baptizandis agatur. Verùm quando Christus de aque baptismo in eo præcepto non loquitur, non est cur hac de re hoc loco solliciti simus. vide disputat. nostra cap. 2.

77. Eos omnino à Ioanne fuisse baptizatos.

R. Hoc satis non est, nisi eo baptismo, quem à Christo, ipsiusq; Apostolis institutum esse vis, baptizati fuerint, qui à Iohannis baptismo non parum differt. Id autem nullo prorsus modo est verisimile. Vide quæ scripta sunt 6. & 16. cap. disputat. nostra.

78. ut Evangelista testatur, Ioan. i. 35, 37.

R. Evangelista in locis à te citatis dicit, duos ex discipulis Iohannis sequutos fuisse Christum. Sed quicumq; Christum sequebatur, non continuò eius Apostolus erat. De uno igitur tantùm ex duobus illis certum est eum fuisse Christi Apostolum. Is autem Andreas fuit, ut scribitur paulò post v. 40. Tu tamen antea quosdam dixisti.

79. Quorum pars præcipua fuerunt antea Ioannis discipuli.

R. Sed unde hoc colligis? Certè ut modo ostendimus.

dimus, loci à te citati de uno tantùm probant, imò nec de illo quidem, nisi cum loco à nobis citato jungatur.

80. Vnum est, omnes istos qui nunc contradicunt baptifmo.

R. Hoc fortasse dici posset, si hodie quispiam ad-
esset à Deo missus ad baptizandum, ut Iohannes su-
erat, à quo tamen isti baptizari nollent.

81. Latronem etiã cum aliis omnibus
(fieri potest) baptifmo Ioannis.

R. De Larrone nihil à nobis unquam dictum
fuit.

82. (Quod citius concedent adversarii.)

R. Hoc à nobis nunquam concedetur, si de Chri-
sti baptifmo ab ipsis Apostolis primùm usurpato, & de
quo tota disputatio nostra esse debet, loqui velimus.

83. Et baptizandi omnes credentes exe-
querentur.

R. Verùm hoc nihil ad rem, nisi seipfos quoque
primùm baptizare curaverint, de ipsorum enim non
de aliorum baptifmo hoc loco agitur.

84. etiam si absque baptifmo adjunxit si-
bi Christus.

R. Non queritur, cur, si baptifmus necessarius
est, Christus adjunxerit sibi Apostolos sine baptifmo,
sed cur ipsi post missum Spiritum sanctum, bapti-
smum in Christi nomine, quem antea non accepe-
rant, suscipere neglexerint.

85. At postea neminem illi adjunctum,
videmus,

220 Ad M. C. notas in Appendice lib.

R. Vide que supra annotavimus num. 34. & 74.

86. Tamen temerè sola obstinati animi pertinacia.

R. Satis hac de re dictum numero 4.

87. Ut ita suæ opinionis, & tandem, &c.

R. Nihil minus à nobis queritur, sed tantum ne vos Christum peccando ejus veros discipulos aversemini.

88. Secundò, quia non de omnibus in genere dicit Paulus.

R. Vide tertium testimonium, pro confirmanda sententia nostra, allatum, disputationis nostræ cap. 16. ut intelligas, te vim argumenti, ex eo Pauli loco desumptum, minimè percepisse.

89. Vbi σ & non est universalis.

R. Imò fatemur & ibi & alibi eam vocem esse universalem, sed non simpliciter, ut postea dicemus, ubi etiam quomodo, ex Pauli verbis argumentemur, breviter exponemus.

90. Sed non respectu aquæ, sed Spiritus.

R. Imò & respectu aquæ. Baptismus enim aque ipsius Christi, id est, quem Apostoli post Christi resurrectionem ministraverunt, in ipsius Christi Iesu nomen dabatur: Iohannis verò minimè. Quæ sola differentia satis superq; est, ad ostendendum hunc baptismum ab illo longè diversum fuisse. vide que scripta sunt disputationis nostræ cap. 6.

91. Quod Ioannes in futurum Messiam, quem nondum noverat.

R. Erras dum credis, quia Iohannes monebat
popu-

populum, ut in Christum crederent, idcirco eum in futurum Messiam baptizasse. Si caput 6. disputationis nostræ legeris, errorem tuum fortasse agnosces.

92. Ut essetné Spiritus sanctus nondum à quoquam audiverunt.

R. Imò hoc non à nescio quo Iohannis baptismo baptizatos istos fuisse ostendit, sed in ipso Iohannis baptismo nullam Spiritus sancti mentionem fieri necesse fuisse demonstrat.

93. tantum abest ut eo peruncti.

R. Quasi verò nemo ritè baptismum Iohannu suscipere posset, nisi prius sancto Spiritu persusus esset, de quo ibi est sermo. An non ipse Christus postmodum eum Spiritum sanctum daturus erat? An non iidem ipsi qui ab Apostolis, post Christum glorificatum, baptizati sunt, post ipsum baptismum Spiritum sanctum accipiebant?

94. Et resipuerint.

R. Quid prohibet, quo minus illi ex animo resipuerint, etiamsi Spiritum sanctum non accepissent? Certè contra quam tu existimas Spiritus sanctus post resipiscentiam dabatur, Act. 2. 38.

95. Et in nomen Messie baptismum illum poposcerint & susceperint.

R. Hoc sanè perridiculum est. Non ritè scilicet baptismum Iohannis ministratum fuisse, nisi ipse baptizandus in nomen Messie illum postularer. Præterea unde colligis istos id non fecisse? Nonné ex eo, quòd, ut ex ipsa historia satis liquet, nesciebant an in Christum Iesum credendum esset? Ergo si tibi

cre-

credendum est, non solum in Messie nomen, sed in Iesu, tanquam Messie nomen, cum baptismum petere oportebat. Et quia Iohannes ipse absq; dubio non nisi ritè baptizabat, qui in ipso Iesu nomen, tanquam Messie, baptismum abs se non peteret. Quis hæc portentosa tulerit, cum ex ipsa historia aperte constet, & ipse paulò ante sis factus, ne Iohannem quidem ipsum, cum baptizare incæpit, Iesum pro Messia planè agnovisse.

96. Sed quòd alii ab ipso Ioanne in omnibus istis probè instructi, &c.

R. Imò aut ipse Iohannes perperam multos baptizavit, aut certè ista instructio, ut ritè à Iohanne ministraretur baptismus, non necessaria erat; aut deniq; adhuc Christi discipuli baptismo opus habebant. Alioqui cum tota Hierosolyma à Iohanne, ut ipse confiteris, jam baptizata fuisset, nunquam iussisset Petrus, ut Hierosolymis tria illa hominum milia in Iesu Christi nomine baptizarentur.

97. parvi pendere, vel ut verius dicam, pro nihilo ducere.

R. Iohannis baptismum non parvi pendimus, aut pro nihilo ducimus. Sed eo baptismo aliquem hodie tingi satis non esse constanter affirmamus, quod & vos confiteri necesse est, nisi baptizari quempiam ritè posse, Iesu Christi nomine non invocato, planè contendatis. Non porrò potuit Christus suo exemplo ulla ratione baptismum ullum nobis consecrare, nisi velimus ipsum Christum in sui ipsius nomen baptismum suscepisse.

98. Pœnitentes & peccata sua confitentes baptizari.

R. Non quidem omnes, sed eos tantùm, qui antea publicè Christo alia ratione, quam per baptismum, nomen non dedissent.

99. In remissionem peccatorum.

R. Nunquam, ut alibi innuimus, baptizatus suis quiquam aqua in remissionem peccatorũ, sed in remissionem peccatorum pœnitentiam egit, quam cõsecuta est publica Christi nominis confessio, nulli præstituto ritui prorsus alligata.

100. Neophyti.

R. Imò Neophyti omnino baptizati erant, si modo nemo sine baptismo ad Ecclesiam aggregari poterat. Quandoquidem Neophytus is est, qui recens ad Ecclesiam aggregatus est.

101. Catechumeni.

R. De his Catechumenis respondimus in disputatione nostra cap. 16.

102. Infantes.

R. Atqui infantes non sunt pars Ecclesiæ, neq̃ ad eos scribere potuit Paulus.

103. Sed illis Apostolis induere Christũ.

R. Neq̃ nos istud querimus, sed dicimus Paulum, cum ad Ecclesias Galatarum scripsit, & tam aperte indicet, inter eos, ad quos scribit, nonnullos fuisse non baptizatos, necesse esse, ut in Ecclesia alii qui etiam, qui baptizati non sint, locum habere possint.

104. Tantùm abest, ut illos cum aliis baptizati

puzatis unum corpus, & unam Ecclesiam faceret.

R. Hic tecum ipse pugnas, qui, ut argumentum meum eluderet, paulò ante dixisti istos fuisse in Ecclesia.

105. Neque verò simile est.

R. Quomodo igitur isti vi esse possunt, quos inter eos, quibus scribit, baptizatos non fuisse, ex ipsius Pauli verbis constat?

106. Sed constat eum solis baptizatis.

R. Verùm interim tu tibi non constas, qui, ut supra diximus, jam quosdam non baptizatos in illa Ecclesia esse potuisse concesseras. Nam ad Ecclesias Galatiæ, & sic ad omnes qui erant in illis Ecclesiis Paulus scripsit. Hic autem pro concesso sumis id quod nos maximè pernegamus, solos videlicet baptizatos Christum induere.

107. non tantùm nobis & illis baptismum illum commendat.

R. Longè admodum ab Apostoli scopo aberras, ut intelligere poteris ex cap. 10. disputationis nostræ.

108. ut potè per quem Christus induitur.

R. Etiam si Paulus eo in locò affirmaret, Christum per aque baptismum indui, non idcirco tamen negaret alio modo eum indui non posse.

109. Sed particularem quæ ad quosdam tantummodo pertineat.

R. Nemo est qui hoc dicat. Nam sciunt omnes, & oï apud Græcos idem valere, quod Quicumque, sive omnes qui, apud Latinos. Quare manifestum est.

est, eam vocem universalem esse, non tamen simpliciter, ut πάντες, sive omnes, sed ad aliquos relatum. Nam si dicam, Omnes mortales sumus, hæc verba significabunt, neminem esse, qui mortalis non sit. At si dixerò, Quicumq; sive omnes, qui Christo obediunt; quamvis hæc verba, neminem Christo obedientem nõ complectantur, indicant tamen aperriissime, aliquos esse, qui Christo non obediant. Cùm igitur Paulus Galatis Christum profitentibus, sive Galatiæ Ecclesiis scribens dicat, Quicumq; baptizati estis: hiis quidem verbis omnes baptizatos complectitur, qui in illis Ecclesiis erant, sed interim aperte ostendit, in illis Ecclesiis aliquos fuisse, aut esse potuisse, qui baptizati non essent.

IIO. ὅσος ἂν ἐυρησῶν.

R. Repone hic pro ὅσος, πάντες, & videbis sermonem non coherere, ex quo apparet, non idem esse ὅσοι, quod πάντες. Dic Latine, omnes invenerint. Quid hoc significabit? Nihil sanè. Nonne hic quoq; cum dicitur, Quoscumq; invenerint, seu omnes, quos invenerint, num obscure significatur, non omnes ab ipsis inventum iri, seu fieri posse, ut aliquos non inveniant.

III. ὅσα αὐτοὺς ἐπέσειλαβὲν αὐτοῖς.

R. Hoc exemplum similiter sententiam nostram comprobat. Apparet enim ex eo, etiamsi aliunde id non constaret, aliqua esse, quæ Christus Apostolis non præcepisset. Quanquam hic, non ὅσα simpliciter, sed πάντα ὅσα scriptum est.

112. An putas aulos fuisse Apostolos docere aliqua.

R. Quid hæc, quaeso, ad rem? Non enim, ut interpretatio nostra consistat, ista necesse est vera ulla ex parte esse, sed satis est, aliquid esse (quicquid illud tandem sit) quod à Christo Apostolis iunctum non fuerit.

113. Sequitur ne vel ipsum Patrē habere.

R. Non sanè ex istis quidem verbis: sed sequitur fortasse quedam esse posse, quæ Pater non habeat, ut certè non habet multa mala, quæ nos habemus, & hoc est, quod requirit interpretatio illa nostra vocis ὅσοι. Quanquam loci nostri, ut istius, quem attulisti, longè est diversa ratio, quam hic explicari non est necesse.

114. Contra estigitur ac dicunt adversarii.

R. Ita loqueris, quasi nos ex illis Pauli verbis probare velimus, etiam sine baptismo Christum indui, quod tamen minimè conamur. Sed elicimus tantum, ex Pauli verbis perspicuum esse, aliquos ex iis, ad quos scribit, fuisse, aut esse potuisse, qui baptizati non essent.

115. Omnes nos ὅσοι ἐβαπτίσθημεν.

R. Hunc locum quoq; eodem cap. 10. disputatio- nis nostræ enucleavimus.

116. Nam nisi istis tam apertis.

R. Vide, quid numero 21. scripsimus.

117. Desiderant.

R. Non quidem desideramus, sed tamen consi-
stere

fiere eam posse asserimus. Vide disputationis nostræ caput ultimum.

118. Et abluto corpore aqua pura.

R. Falsa est hæc eorum Apostoli verborum interpretatio, ut ex iis intelligi potest, quæ scripsimus cap. 3.

119. Ad Galatas.

R. Imò hunc locum de aquæ baptismo accipimus, quamvis aliter accipi posse demonstramus cap. 20. disputationis nostræ.

120. Quia inibi nullam aquæ.

R. Alie prorsus sunt cause, cur Paulum eo loco ad Cor. de aquæ baptismo loqui minimè concedamus. Vide disputationis nostræ caput 8.

121. Quem quia internum habere.

R. Sed neq; hæc est causa, cur aquæ baptismo tingi non curemus, sed quia Christi nomen perpetud professi sumus, & qui tales sunt, iis nulla prorsus accipiendi aquæ baptismatis necessitas incumbit.

122. idque in eo quòd gratias agit Deo.

R. Neq; hic similiter mentem nostram esse affectus. Non enim in hoc nobis Paulum favere dicimus, sed in eo, quod affirmet, se ad baptizandum à Christo missum non fuisse, ut ex iis perspicuum est, quæ scripta sunt cap. 2. disputationis nostræ.

123. Vtrisque enim baptismus aquæ est melior.

R. Nihil magis falsum aut superstitiosum dici potuit. Nam quod attinet ad eos, qui Spiritu S. gubernantur, quomodo quæso baptismus aquæ iis in-

228. Ad M. C. notas in Ap. l. de Pæd. R. F. S.
debitur, cum jam ab omni morbo sint liberati? Ii ve-
rò, qui onere peccatorum premuntur, num. obsecro,
ab aquæ baptismo suis morbis medicinam petent?
Cum nemo ad aquæ baptismum, nisi iam fide firmè
preditus, & respiscens, & sic peccatis liberatus, ju-
rè accedere possit.

124. Cornelium illum Centurionem.

R. Cornelius nunquam ante illum diem Chri-
sto publicè nomen dederat.

125. Quemadmodum neque Petrus.

R. Vide disputationis nostræ cap. 12. ut intelli-
gas, te Petri mentem non tenere.

126. Nam si ideo enervari debeat bap-
tismus.

R. Per illa Pauli verba non simpliciter enerva-
tur baptismus, sed locus ille Matth. 28. enervatur, &
ostenditur, Christum Apostolis non mandasse, ut a-
quâ baptizarent. Vide disputat. nostræ cap. 2. ubi de
illis Pauli verbis satis accuratè disputatur.

127. Itaq; jã non habent amplius quicquã.

R. Quid est canere triumphum ante victoriam,
si hoc non est? Saltem disputationem nostram prius
accuratè legisses, quàm hæc tã confidenter jactares.

128. Desinant pacatos, humiles & abje-
ctos turbare.

R. Desinemus jam, quãdo tanto operè superstitiosi
estis, vobis (quod in rem alioqui vestram, & Dei glo-
riam esset) hac de re aliquid dicere: nec unquam ali-
quid locuti fuissetis, nisi vos priores, non ad lo-
quendum modò, sed etiam ad scriben-
dum nos provocassetis.

Epistola F. S. de Baptismo, ad Vi-
rum quendam Nobilem.

L E G I ac diu diligenterq; consideravi que ad me scripsisti: & quamvis jam diu mihi ex verbo Dei exploratum esset, quid ad e- jusmodi admonitiones mihi respondendum foret, tamen antequam ad rescribendum sum aggressus, sepius Deum rogavi, ut mihi ipse, quid responderem ostenderet atq; diceret.

C Û M incidisset inter nos sermo de baptismo aque, per Dei & Iesu Christi nomen te obtestatus sum, ut totam hanc rem diligentius considerare velles, atque id potissimum perpendere, si aque baptismus, quemadmodum ego assereram, res indifferens esset: quam gravis esset error Ecclesie vestre, que onus hoc aqua baptizandi Fratribus imposuisset; adeo ut neminem pro verò Fratrem agnoscere, & ad coenam Domini admittere velit, qui ritè aqua baptizatus non fuerit. Nec sanè quisquam (arbitror) esse potest, qui, si concessum fuerit, aque baptismum rem indifferentem esse, non planè fateatur, institutum istud vestrum, praesertim in tanta hac Christiani nominis divisione ac perturbatione, prorsus rejiciendum esse, & unicuiq; liberum relinquendum, an aqua baptismum accipere velit, an verò ab eo abstinere. Hoc tamen non contentus, singularim causas explicabam, cur vos, si baptismus aqua res indifferens sit, ad illum accipiendum neminem adigere

debeat, (de iis loquor qui vulgò baptizati esse creduntur) quas hic breviter recensere, quibusdam fortasse additis, non gravabor.

PRIMA causa est, quòd cùm maxima pars eorum, qui nomen Christi dederunt, baptismum istum, quem illi accipiunt, quos ipsi jam antea pro baptizatis habent, rem detestabilem esse existiment; pessimè & DEI gloriæ, & hominum saluti consulitur, si is baptismus retineatur, & quamvis indifferens, unicuiq; accipiendus præscribatur. Hac enim ratione occasio datur de doctrina verè divina & Christiana, quam ab aliarum Ecclesiarum doctrina diversam profiteri, maledicendi ac blasphemandi, unde fit, ut plurimi, qui alioqui vel eam jam amplecterentur, vel certè de ea diligenter inquirerent, eam & penitus abijciant, & ne qualis quidem sit doceri susineant.

SECUNDA causa est, quòd Deus tentandus non est, & qui id facit, graviter peccat. Sed sine dubio, si baptismus externus res indifferens est, quicunq; de eo ritè accipiendo laborant, utq; alii laborarent querunt, Deum tentant. Nihil enim aliud tentare Deum est, quàm se in periculum aliquod sine causa conjicere. Nam quis nescit, quantum periculum ubiq; ferè illis immineat, qui ut aqua baptismus ab omnibus ritè accipiatur curant; & propterea (ut quidem à plerisq; existimatur) plurimos jam ab aliis baptizatos ipsi denuò vel baptizant, vel baptizari curant?

TERTIA causa est, quòd multi sunt vestre

confessionis, atq; vitæ ejusmodi, cujus vos pudere non debeat, qui vel adhuc à vestro baptismo abhorrent, tanquam ab eo, quem Christi baptismi repetitionem atq; ludibrium, si eum accipiant, futurum esse credunt; vel nolunt errorem istum (ut quidem ipsi arbitrantur) jugum inutile Fratribus imponendi, exemplo suo, si baptismum istum acceperint, confirmare; vel ob alias honestissimas causas ab eo accipiendis abstinere: quos sanè, si aqua baptismus est res indifferens, indignum planè est propter eam causam à vestra communione arcere, nec pro veris Fratribus agnoscere.

QUARTA causa est, quod fieri potest, ut plerique eorum, qui vestrae sunt confessionis, & tamen baptismum vestrum non accipiunt, id proterea faciant, quia nolint disciplinae Ecclesiasticae se subjicere, cum ei apud vos non subjiciantur, nisi ritè baptizati. Quod tamen interim vobis apertè constare non potest, pretendentibus illis fortasse alias baptismi istius non accipiendi causas. Itaq; fit, ut illorum malitia non solum lateat, sed latibula perpetuò parata habeat, & ita quodam modo foveatur atq; alatur. Atqui hoc cessaret illico, si aqua baptismi accipiendi vel non accipiendi, tanquam ejus rei quæ indifferens sit, omnibus, qui vulgò jam baptizati esse creduntur, libertas concederetur, & ita ii quoq; qui ritè baptizati non essent, disciplinae Ecclesiasticae ipsiq; excommunicationi subjicerentur. ut interim nihil dicam, quod istiusmodi hominum vita, tanquam eorum, qui de disciplina atq; excommunicatione sunt

Securi, ejusmodi facile esse potest, quæ non levem infamiam notam vestris cœtibus inurat; frequentantibus illis interea vestros cœtus, seq̃ vestra confessionis esse palam profitentibus, quod quidem omnibus apparet; cum interim eos baptismum vestrum non accepisse paucissimis extra cœtum vestrum constet.

QUINTA causa est, quod multe sunt Ecclesie, quæ in quibusdam hodie controversis Christianæ religionis capitibus cum vestris Ecclesiis consentiunt, ac præsertim in iis, quæ præcipua omnino habentur de Dei Christiq̃, essentia, sive natura, persona, officio, & potestate: aded ut una Ecclesia utriq̃ cœtus & vestri & illorum passim censeantur, quæ tamen Ecclesie (quacunq̃ tandem de causa id fecerint) baptismi aquæ accipiendi libertatem, de qua loquimur, nuper unanimi consensu probarunt, eamq̃ hodie retinent; à quibus vos in re, quæ revera indifferens sit, & tamen pro indifferente non habeatur, dissentire atq̃, differre apud externos scandalo plenum est prorsus, & veritati propagande ingens obstaculum.

SEXTA causa est, quod Ecclesie prædictæ, sive omnes, sive majore ex parte, in quibusdam erroribus adhuc versantur, iisq̃ haud parvi momenti, à quibus (quando præsertim in tot aliis præcipuis dogmatibus consentitis) vos, qui ab eis jam diu recessistis, illas retrahere omni ope niti decet. Id verò nunquam fieri poterit, nisi Pauli Apostoli exemplo in rebus indifferentibus illis planè adhereatis; idq̃, è magis in baptismo, de quo loquimur, si ñ indifferens sit,

facere debetis, quod Paulus multis se rebus subiciebat, à quibus liber erat, vos autem contra ab eo querere eximemini. cui ferendo obstricti non estis.

SEPTIMA causa est, Quod non pauci inveniuntur, qui cum in reliqua doctrina aut vobiscum consentiant, aut certè non multum à vobis absint, nisi baptismus iste vester esset, sese vestris cœtibus adungerent, qui nunc partim tanquam oves errantes sunt sine pastore, mille pereundi periculis obnoxie; partim non bonis pastoribus utuntur, aliisq; gregibus, ubi sepè ovibus venenum pro cibo datur, sese admiscunt, ob eam causam potissimum, ut cœnam Dominicam celebrare possint, quod in vestris cœtibus, nisi à vobis baptizentur, se facere non possunt. Itaq; vos rigiditate ista vestra (sic enim sine dubio, si baptismus res indifferentis est, ea appellari debet) istos à salutis via quodammodo excluditis, & si corruunt, eorum ruinæ causa aliqua ratione dici potestis.

OCTAVAM & ultimam in presentia causam faciemus, quod nulli dubium esse potest, quin Christianis Ecclesiis in rebus indifferentibus id faciendum sit, quod major pars eorum, qui Christi nomen profitentur, faciunt (quanto igitur magis id quod maxima?) ut quàm vehementissimè concordia & pax cum omnibus Christiani nominis queratur; ne vè exteris Christi nomen culpâ nostrâ ludibrio exponatur, & divinæ veritati propagandæ aditus præcludatur. Quocirca cum pleriq; omnes eorum, qui Christum hodie profitentur, satis esse statuunt, si

quis in ipsa infantia baptismum, à quocunq; Christi Ministrum præ se ferente, quantumvis mentiente, acceperit; idem vos quoq; (si modò baptismus res indifferens est) statuere debetis.

Has te causas omnes Frater carissime ac venerande perspicere, quia & prudens & pius es, omnino persuasum habeo. Quare miror, cur me horteris, etiamsi credam aque baptismum rem esse indifferentem, ut illum tamen accipiam, cum, ut ex prædictis causis patet, si baptismus est res indifferens, vos ii esse debeatis, qui ab eo urgendo cessetis; mihi verò summo perere cavendum sit, ne illum accipiam, atq; ea ratione vos in errore vestro non leviter confirmem: non quidem quia mea auctoritas tanti sit, sed quia, ut omnes scitis, ego hæcenus constantissimè errorem illum vestrum, ubi necesse fuit, reprehendi, exq; sacris literis integro libro eum refutavi: ut interim taceam, me non de vobis tantum, sed de aliis quoq; debere esse sollicitum. Nam quod tu mi frater nomine Dei & Christi promittis futurum, ut, si ego baptismum accipiam, ex eo non destructio aliqua, sed insignis Ecclesie ædificatio sequatur, teq; divino Spiritu ad hoc promittendum impulsus esse ais, est, ut rectè nosci, spiritus iste diligenter probandus, an revera ex Deo sit. Iam, si baptismus res indifferens est, ex ante dictis satis constat, spiritum istum ex Deo non esse. Quod si baptismum rem necessariam esse velis, hoc summa cura ad sacrarum literarum libram expendendum est ex quibus ego firmiter assero, nullo modo dogma istud probari posse. Nihil igitur.

tur agis, nisi prius ostendas baptismi, de quo loqui-
 mur, ex sanctis literis necessitatem. Quemadmo-
 dum ego nihil agerem, nisi ex iisdem ejus indiffe-
 rentiam ostēderem, quod me abundē prestisse con-
 fido, quamquam ne hoc quidem mei muneris esse in
 libro meo satis demonstratum est. Huc igitur omnia
 questio nostra redigitur, utrum aquæ baptismus res
 sit indifferens nec ne. Atq; in eo vobis est laboran-
 dum, ut librum meum, quatenus necesse est, refella-
 ris, meq; in errore (ut quidem creditis) eoq; magna
 ac pernicioso versari doceatis. quod certē vos conari
 Christiana charitas omnino cogit. Ceterum quod
 multa de Ecclesia vestra ad ejus laudem narras, ea
 fateor esse verissima, idq; ut apparet, factis compro-
 bo; quando vobis, quoad per vos licet, me adjungo, &
 vos pro veris Fratribus agnosco; qualem tamen vos
 me nondum agnoscitis; ad illud, si id fieri à vobis ve-
 lim, me adigentes, quod bona conscientia nullo modo
 facere possum. Quamquam multa adhuc in vobis de-
 sidero, quæ vix sperare audeo, nisi prius in questione
 hac de baptismo examinanda multò diligentiores,
 quàm adhuc fueritis, vos esse animadvertero. Nam
 profectò, (liceat mihi id, quod sentio, liberè profer-
 re) nimis negligenter hactenus hac in re vos gessi-
 sti. Iam enim tertius annus agitur, ex quo vobis li-
 brum meum, vestro rogatu scriptum, exhibui, nec
 dum tamen aliquid revera tanta de re actum est.
 Ea mala, quæ in Ecclesia vestra sensim serpere la-
 mentaris, majora in dies sient, nisi vos animosq; ve-
 stros

Istos ista baptismi (da veniam verbo) superstitione
 liberetis, & salutis viam alia ratione, quam hactenus
 factum est, doceant vestri pastores. Vidi quid sa-
 ris cordate dicas de sententia vestra in iis, quae bap-
 tismo externo tribuitis. Interim tamē res ipsa mo-
 net, te quidem & alios quosdam paucos praeterea id
 sentire quod scribis; verum non ita plerosq; vestrum
 edoctos esse, ex quorum numero ne bonam quidem
 pastorum vestrorum partem excipio. Video enim il-
 lud adhuc apud vos retineri, ut errores aliarum Ec-
 clesiarum praecipui censeantur Trinitas & Pado-
 baptismus, adeo ut si quis istos duos abiciat, & in
 infantia baptizatos baptizandos postquam adoleve-
 rint, omnino esse dicat, eum (quod ad doctrinam at-
 tinet) pro Fratre habeatis, nec, quid in plerisq; aliis
 sentiat, admodum solliciti sitis; cum tamen, quan-
 tum ad Padobaptismum pertinet, is error, etiamsi
 baptismus praecipuus fuisset, idq; in perpetuum, nulla
 ratione cum aliis multis erroribus, qui in aliis Eccle-
 siis vigent, esset conferendus. Huc accedit, quod illud
 etiam, quod ipse scribis vos sentire de charitate in
 proximum, quae baptismi accipiendo declaratur at-
 que exhibetur, nullo modo mihi probari potest;
 cum potius contrarium hisce temporibus, si secun-
 dum institutum vestrum accipiatur, dicendum sit.
 Nihil enim, ut ex antedictis patet, charitatem ma-
 gis laedit, quam ista vestra (ut vulgo eam nominant)
 rebaptizatio. Postremo, quod ais de nulla mea vel
 in eorum Ecclesia, quae talis appareat, qualis vestra
 Polonica apparet; id iudicio meo, etiamsi verissi-
 mum

num esset, nihil vos movere deberet, quo minus ea, que à me dicuntur, diligentissimè examinaretis. & si sacris literis consentanea inveniretis, ea etiam approbaretis. Nam certè, si, ut ego contendo, baptismus est res indifferens, error vester ejusmodi est, qualis in Christi Ecclesia minimè esse debet. Videte igitur, ne per negligentiam vestram, aut aliam minus justam causam, in errore permaneat, cujus nullam nec veniam neq; excusationem postmodum inventuri sitis. Scio vir honorande, animi tui mansuetudinem, scio Christianam charitatem. Itaque ausus sum liberè ad ea respondere, que ad me amantissimè scripsisti. Tu pro tua prudentia atq; pietate diligenter omnia considerabis, & quantum in te erit, efficies, ne mea hæc admonitio testimonium aliquando contra vos dicat apud Deum. Benè vale in Domino Iesu, ejusq; regnum, quod jam diu facere instituisti, pro virili promovere perge.

Alia ad quendam Epistola de Baptismo Ejusdem.

AD ea, que scripsisti suadens, ut omnino aque baptismum in coetu nostro suscipiam, temporis brevitate, ob alias necessarias occupationes meas, pressus atq; coactus, breviter respondebo.

Primum igitur dico, me libentissimè agnoscere, munus Iohannis Baptiste aqua baptizandi à Deo fuisse,

esse, quemadmodum ipse Iohannes nos docet, Ioh. 7.
 33. Vnde fateor concludendum esse, debuisse omnes,
 qui tunc temporis fuerunt, donec eius munus dura-
 vit, ab eo aquâ baptizari, omnes, inquam, ad quos
 baptismus ille pertinebat, ad eos videlicet, qui pœni-
 tentia & peccatorum remissione egebant. Is siqui-
 dem baptismus erat baptismus pœnitentiæ in remis-
 sionem peccatorum, Luc. 3. 3. quem nihilominus
 Christus, licet innocentissimus suscepit, quia, ut ipse
 Mat. 3. 15. dixit, dicebat illum, & Iohannem unâ cum
 eo, hac ratione omnem justificationem implere, id
 est, omnia facere, quæ generatim toti populo divini-
 tûs præcipiebantur. Nondum enim tempus erat, ut
 Christus perfectissimam suam vitæ innocentiæ, quæ
 postmodum evidentibus argumentis comprobanda &
 patefacienda fuit, seu etiam iustitiam vel sanctita-
 tem ullam suam, à baptismo illo abstinēs, tacitè quo-
 dammodo predicaret ac profiteretur. Sed nullam
 vim hæc habere possunt ad persuadendum, ut quis
 hodie aquæ baptismum suscipiat, cum munus illud
 Iohannis Baptiste unâ cum ipso Iohanne defecerit,
 imò simul atq; Christus predicare cepit, nulla ne-
 cessitas aquæ à Iohanne baptizandi cuiquam impo-
 sita fuerit. Quod ex eo patet, quod ipse ab initio sta-
 tim tuarum ad me literarum commemorasti, ex
 eo, inquam, quod Iohannes Christi præcursor fuit,
 & viam ad illum paravit. Itaq; postquam jam ipse
 Christus advēnit, & populum docere instituit, pote-
 rat unusquisq; non ad Iohannem, sed ad ipsum Chri-
 stum ire. Nihil ergo prorsus ex ipso Iohannis mune-

re aqua baptizandi, quantumvis divinitus instituto,
 colligi potest ad aqua baptismum in Christi Ecclesia
 perpetuo ministrandum atq; accipiendum. Et sane
 si exemplo ejus, quod Iohannis munus ferebat, aqua
 baptismus hodie usurpandus esset, oporteret illos ba-
 ptizare, qui nondum in Christum credunt, sed tan-
 tummodo pœnitentiam profitentur, eos interim mo-
 nendo, ut in Christum crederent, quemadmodum i-
 pse Iohannes faciebat, Act. 19. 4. Ex quo loco præter-
 ea constat, Iohannis baptismum non fuisse baptismum
 illum, quem ii accipiebant, qui Christi discipuli me-
 ritò nominari volebant, cum ibi Paulus, ut ipse con-
 fiteris, eos, qui Iohannis baptismum acceperant, in
 Iesu nomen baptizari curaverit, & ita baptismum
 Iohannis non esse baptismum illum de quo disputa-
 mus, & consequenter in Iohannis baptismo nihil de
 hoc nostro concludi posse. Iam quod ais, Dominum
 Iesum baptismum hunc, nempe aqua, confirmasse,
 cum Apostolis suis præcepit, ut irent in universum
 mundum & docerent, subjiciens, Quod qui credi-
 disse, & baptizatus fuisset, salvus futurus esset; ne
 quidquam nunc dicam, quod ibi Christus non loqui-
 rur de baptismo aqua, ut à me in libro, quem de hac
 materia conscripsi, satis demonstratum fuit: dico
 Christi verba non posse pertinere ad rem nostram,
 cum ipse loquatur de iis, qui alieni à Christi fide e-
 rant, nec unquam Christi nomen professi fuerant,
 antequam ab Apostolis docerentur, quos æquum o-
 mnino erat, jam de Christo edoctos, ejusq; doctrinam
 amplexos, ipsius nomen apertè profiteri; id quod in
 aqua

aquæ baptismo accipiendo fiebat, ut ex pluribus *Act.*
Actorum Apostolicorum locus apparet, & potissimum
 ex eo, quem ipse protulisti, ad confirmandum, quod
 discipuli Christi præceptum istud non neglexerint,
Act. cap. 2. Ex quibus omnibus aliud concludi nihil
 potest, quàm Christi discipulos curasse, ut ii, qui ab
 ipsis Christi fidem edocti fuerant, ad eumq; conversi,
 aquâ in ipsius Christi nomen baptizarentur. Ita sanè
 fiat & hodie: Si quis Christi discipulus quempiam i-
 psius Christi fidem doceat, ad eumq; convertat, aquâ
 illum baptizandum curet in nomen Christi Iesu. Sed
 quid hoc huc pertinere potest, ut is, qui ab ipsis incu-
 nabilis Christi nomen professus est, eumq; suum ser-
 vatorem, ejusq; doctrinam sanctissimam esse, & cre-
 didit, & se credere præ se tulit, debeat aquâ bap-
 tizari ab is, qui ipsum ad Christi fidem non per duxe-
 runt? Nam & Eunuchus ille, *Act. 8.*, cujus exemplum
 attulisti, nec ante unquam Christum professus fue-
 rat, in eumvè crediderat, & ab ipso Philippo, qui il-
 lum ad Christum converterat, baptizatus est. Fate-
 or ego, fidem in Christum, quæ præcedat, non impe-
 dire, quo minus quis in ipsius Christi nomen aquâ
 baptizetur, imò haud ritè illum accipere hunc bap-
 tismum agnosco, qui prius in ipsum Christum non
 credat. Sed dico, ut quis omino debeat tali baptismo
 baptizari, requiri præterea, ut Christi nomen an-
 tea publicè professus non fuerit; ita ut nequaquam
 ab omnibus pro eo fuerit habitus, qui Christi do-
 ctrinam veram esse agnoscat; quales fuerunt omnes
 ii, quos hoc baptismo baptizatos fuisse, sacris literis
 prodi-

Præ tam est. Nec etiam sentio, eum, qui antea san-
ctimonia vite, ipsiusq; Spiritus sancti donis fuerit
præditus, à baptismo aque abstinere debere, sed sen-
tiro, idq; constanter affirmo, neminem obligari ad
baptisimum aque accipiendum, qui nunquam aliam
quam Christi religionem palàm & apertè professus
fuerit, sed hanc solam veram esse semper publicè su-
erit testatus.

Quidquid affers de obedientia, que Christo de-
betur, quod exemplo Petri, qui nolebat sibi à Chri-
stolavari pedes, abundè confirmas, verissimum esse
& confiteor, & adversus alios aliis in rebus ipse ur-
gere soleo. Verùm non de hoc inter nos agitur, sed
de eo, an Christus ejusvè discipuli præceperint, ut ii,
qui tales sunt ut ego, & infiniti alii mei similes su-
mus, aque baptismo omnino baptizari debeant. O-
stendatur mihi præceptum istud, ostendatur mihi,
inquam, Christum ejusvè discipulos præcepisse, ut
perpetuò in Ecclesia ii etiam aquâ baptizentur, qui
postquam nati sunt, solam Christi ipsius religionem
publicè sant semper, quatenus per etatem licuit, pro-
fessi; & statim idq; libentissimo animo aque bap-
tisimum non modò monitus accipiam, sed ipse instan-
tissimè petam. Et miror profectò te, qui facile re-
fere potuisti, non solùm me serid Christi religionem
profiteri, sed jam diu multa gravissima propter puri-
orem ejusdem religionis declaratam cognitionem
fuisse passum, & assiduè pati, in eam suspicionem ve-
nire potuisse, ut ego sciens prudens quidquam in di-
vino cultu contra Christi præcepta facere pergam.

Q

Sed

Sed putas apertissima esse Christi verba illa, *1. & s.* que cum Nicodemo habuit, ad probandum, neminem in regnum celorum ingressurum, qui aqua baptizatus non fuerit. Atqui aliter res se habet. Nam, ut doctissimi viri plurimi ante me animadverterunt, Christus, cum ibi aquam nominat, non intelligit hanc terrenam aquam, nec aliquid re ipsa diversum à Spiritu, quem similiter ibi nominat. quemadmodum sequentia verba indicant, in quibus nulla prorsus aquæ mentione facta, Spiritus tantum meminit, non semel novam illam nativitatem repetens. Est autem locus iste illi similis, *Matth. 3. 11.* in quo Christus dicitur baptizaturus Spiritu sancto & igne.

Certum est enim ibi ignis nomine nihil diversum ab ipso Spiritu sancto intelligi. Cæterum quod Paulus ad Galatas scribens ait, *Gal. 3. 27.* Quotquot in Christum baptizati estis, Christum induistis, id non significat, nulla alia ratione Christum indui posse, quam per baptismum, aquæ scilicet; sed nequæ etiam significat, per baptismum aquæ, quantumvis legitime acceptum, Christum revera indui. hoc enim non quidem baptismo aquæ, sed fide in Christum, ejusque sanctitatis imitatione fit, *Rom. 13. 24.* *Ephes. 4. 24.* *Col. 3. 10.* verum significat, eos, qui in Christum baptizantur, profiteri se Christum induisse, & induere velle.

Historia Naamanis Syri nescio quid ad rem faciat, cum nullus ibi aquæ baptismi typus seu figura esse possit, cum propter alias causas, tum propter id, quod ille sepius ab Eliseo lavare est jussus: baptismi autem
lorio

lotio aut immersio semel tantum fiat. Præterea ibi apertissimum fuit Propheta jussu, hic verò de nullo jussu apparet, quod ad me meiq̃, similes spectet. Nam quod mihi objicis, me communionem cum Fratribus, & Christi fidelibus spernere; nec curare, ut unà cum ipsis cœnam Domini celebrem; quam tamen celebrare ab ipso Domino omnes jubemur. Respondedo, me, postquam in Poloniam veni, nihil antiquius habuisse, quàm ut me quàm maximè cum Fratribus conjungerem; licet invenissem illos in non paucis religionis nostræ capitibus, à me diversum sentire, quemadmodum hodie quoq̃, multi sentiunt, & Deus novit, quæ & quanta, diu propter hanc causam sim passus, & adhuc patiar: nullos unquam interea labores etiam cum maximò meo periculo & damno conjunctos refugiens, quos vel Fratres ipsi mihi imposuerint, vel ego pro cœtu nostro mihi subeundos censuerim, id est, ei utiles fore speraverim. Quod si nihilominus aquæ baptismum unà cum illis non accipio, hoc propterea fit, quia id bonâ conscientia facere nequeo, nisi publicè antea protestor, me, non quòd censeam baptismum aquæ mihi meiq̃, similibus ullo modo necessarium esse, sed, ut cum Fratribus arctius jungar, id facturum esse; id quod Fratres nullo pacto mihi concedere volunt. Quomodo enim id aliter possim bonâ conscientia facere, cum non modò sentiam Fratres graviter, licet per imprudentiam, errare, quæ neminem ad mensam Domini admittere velint, nisi prius aqua in ipsorum cœtu baptizatus fuerit; sed etiam hac de re, ipsis ro-

gantibus, plenam disputationem scripserim, & sententiam meam plurimis aliis nostris Fratribus, in diversis multis regionibus habitantibus jam diu patefecerim? Quod si interim cœnam Domini, ut ii, qui baptizati sunt, non celebret; hic mea nulla culpa est, sed potius illorum, qui id mihi concedere nolunt, nisi id faciam, quod cum mea conscientia maximè pugnat, nec interim me hac in re errare vel ostendunt, vel ostendere serio curant. Et sanè si id fieret, mecumq; hac de re, pro eius gravitate ac pondere ageretur, mihi vereor, quin veritas facillè appareret. Ego quidem, quamvis vehementissimè cupiam, ut cœtus noster unicuiq; liberum faciat, baptismum aque, prout cōscientia illi dictaverit, nec ne accipere, quippe qui alioqui & Evangelii cursum retardari, & multa incommoda & scandala in dies emergere videam: tamen, ne Ecclesiam turbare videar, non nisi provocatus de hac questione verba facio, meumq; de ea libellum hæcenus nemini legendum dedi, qui me ad id precibus suis non adegerit; & ii perpauci sanè fuere. Quare mirum videri non debet, si perpauci etiam hæcenus mecum sentiunt; nec inde concludendum aut suspicandum sententiam meam ex Deo non esse, quemadmodum ipsa unumquemq; suspicari jurè posse, censuisse videris.

Restat, ut aliquid dicam de eo, quod ais, me infantium baptismum, quali ego tinctus fui, confirmare. Id enim à te dictum fuit, quia verba mea, que hac de re tecum feci, non omnino percepisti. Dixi enim, quod & nunc repeto, cum inter omnes serè,
qui

qui Christum profitentur, hactenus ea sententia obtineat, aquæ baptismum à Christo ejusq; Apostolis omnibus Christi discipulis accipiendum, præceptum fuisse, nec posse quemquam, qui Christianus esse velit, eum spernere, me ad scandalum & offensionem vitandam aquæ baptismum suscepturum fuisse, nisi vulgò ab istis pro baptizato haberer, nempe propter baptismum illum, quem infans in Papatu accepi. quàmquam non sit verus nec legitimus aquæ baptismus, tamen ab ipsis esse creditur. quod mihi satis esse dixi ad scandalum istud & offensionem vitandam.

Hoc quidem non est infantium baptismum confirmare, sed potius, quantum in me est, evertere, quantum scilicet sic dicendo fateor, illum nec verum nec legitimum baptismum esse. Verumtamen, cum mihi aquæ baptismus non videatur necessarius iis, qui ex Christianis, id est, Christum profitentibus, nascuntur, & in ea professione parentes imitantur, atq; ita nihil revera referre arbitror, nisi propter scandalum, utrum isti, nec ne, & an potius adulti, quam infantes baptizentur, propterea non diffiteor, me circa infantium baptismum haud difficilem futurum, si contingeret, Ecclesie edificationem sic postulare, illumq; citra omne scandalum dari posse.

Hæc sunt quæ putavi ad literas tuas mihi respondenda esse hoc tempore, quo non tantum otii habeo, ut plenissimè, prout sanè optassem, ad omnia respondere queam. Spero te, quemadmodum ego æquissimo letissimòq; animo tuas monitiones legi, sic te & beniconsulturum & gavisurum, quod liberè responderim.

derim. Perge verò in hoc tuo veritatis divine indaganda studio; sed ita ut summa cum patientia & lenitate omnia rationum & divinorum testimoniorum pondera examines; Deum inprimis rogans, ut tibi mentem ad ea intelligenda, quæ in ipsius verbo continentur, aperire velit. Ac de me ita tibi persuadeas, mihi nihil magis curæ esse, quàm ne vel ad dextram vel ad sinistram deflectam ab ea via, quam sacra litera nobis præscribunt; & quia rectè memini verbo Dei ejusq; præceptis nihil nec addendum nec detrahendum esse, propterea me nulla ratione probare posse, ut quisquam Christi nomen perpetuò professus si ad cœnam Domini admitti debeat, adque baptismum accipiendum in cœtu nostro adigatur. quippe qui persuasissimum habeam hoc omnino esse ejus verbo atq; præceptis aliquid addere.

F I N I S.



ne in-
tia &
nonio-
ans, ut
s verbo
biper-
vel ad
quam
emini
m nec
e pro-
petuò
ad a-
diga-
oc

